

明世宗實錄

卷一〇〇至一三五
嘉靖八年四月至十一年二月

明世宗肅皇帝實錄卷之一百

嘉靖八年四月丙寅朔特享

太廟 世廟。陞河南右布政使周用爲都察院右副都御史
提學南贛汀漳等處軍務。丁卯 上御經筵左庶子盛端明
進講孟子詞氣迫促侍班給事中劉世揚等糾奏之 上曰講
官須慎選以克如端明者誠無益也令吏部別用遂調南京尚
尚寶司卿。賜伊王訐淳府第樓名崇善從其請也。戊辰陞
南京禮部祠祭司郎中王冀爲浙江按察司副使南京刑部四
川司郎中齊之潛爲陝西按察司僉事廣東廣州府同知莫相
爲廣東按察司僉事。大學士楊一清等言大明會典一書誠
國家典禮所係昨已奉旨令諸司纂集近來條例送翰林院重
訂仍乞賜勅命官開館纂修以成盛典 上從之乃降勅曰朕

恭承 天命入繼 祖宗大統君臨天下凡致治保邦之道遠稽古典近守 祖宗成法夙夜祗慎罔敢違越仰惟我 皇伯考孝宗皇帝命儒臣纂修大明會典一書我 聖祖 神宗累朝以來創業垂統守成致治凡官職制度事物名數儀文等級宏綱衆日本末備書因時修政損益具載大要以 祖宗舊制爲主節年事例附書于後我 皇兄武宗皇帝又命儒臣再加參校重進然後刊印頒行朕萬幾之暇時取展閱或因裁決政務檢尋事始每見其間紀載失真文辭抵牾者比比有之朕惟此一代通典百司之所遵行後世以之爲據豈宜有此錯誤彼時纂修者既失于精詳總裁者又不能訂正均難辭責然亦因舉行稍遲 先朝之事故老凋喪棄卷磨滅典籍無考致有前失及今修改猶或可及不然歲復一歲逾遠逾忘終難考訂且

自弘治十五年纂修之後至今二十有八年典禮之因革事例之增損又復頗多恐數十年之後卷冊浩穰條貫繁瑣失真之弊又或如前已納卿等之言先令六部都察院通政使司大理寺等衙門各委屬官將所載各司事例再行檢查校勘若有差錯備細貼註明白送史館改正仍將弘治十五年以後至嘉靖七年續定事例照前例查出纂集校勘停當寫成上進續修附入今聞纂集將完特命卿等擇日開館仍催促各該衙門責限完進卿等分俵各館命官纂修其體例一遵舊典不必立異更張但要正其差訛補其脫漏其修書後二十八年之事務要悉心考究凡損益同異具事繫年條分類列道前粹爲一書以成一代完典使天下臣民知所趨向同歸皇極卿等其督率各官供職勤事所貴文質得中事理兼備失之前者得正之于後行

諸後者可質之于今斯副朕法 祖國治之意毋或承訛就簡
以蹈前愆又或玩時愒日以招後議皆非朕所望焉其總裁副
總裁纂修等官職名并合行事宜陸續開具來聞爾等欽哉欽
哉遂命一清及大學士張惣桂萼桂鑾吏部尚書兼翰林院學
士方猷夫為總裁官詹事府詹事兼翰林院學士霍縉顧鼎臣
為副總裁官太常寺少卿兼侍讀謝丕左春坊左庶子兼侍講
學士穆孔暉右春坊右庶子兼修撰方鵬侍讀學士許成名侍
講學士張朝許誥席春南京翰林院侍講學士吳惠右春坊右
諭德彭澤右中允廖道南右贊善林文俊蔡昂修撰倫以訓龔
用卿王用賓編修王教張星徐階楊維傑歐陽衡金璫張袞歐
陽德為纂修官太常寺卿劉榮中書舍人凌楫為催纂官尚寶
司卿邵文恩尚寶司卿兼侍書徐富司丞張天保林應璫吏部

主事張文憲大理寺左評事岳梁中書舍人康世鳳謝正李宏
劉燁張相鴻臚寺序班王應芳楊武桂林吳昂章鳴鳳全錡劉
鎔周浚童瑞爲膳錄官大理寺左評事郭晟翰林院孔目朱福
爲收掌文書官。己巳大學士楊一清等奉旨考選庶吉士以
唐順之陳束任翰三人廷試策爲上所批獎卽以爲冠而取
胡經盧淮諸邦憲汪大受郭宗臯蔡雲程楊祐汪大淵王表曹
汴王殺祥熊過安如山鄭大同李實孫光輝吳子孝等二十人
疏具其名因請命官教習上曰吉士之選乃我太宗之制
其在當時固爲盡善但邇年以來每爲大臣徇私選取市恩立
黨自此始矣于國何益自今不必選留唐順之等一體除用果
有才行卓異問學優正者吏部舉奏收之翰林以備擢用朕意
如此吏禮二部及翰林院會議以聞于是吏部尚書方獻夫等

議奏曰館閣爲儲才之地于進士中選俊異者培養其間以備任使 祖宗之法誠至善也邇來收選未公乃奉行者之未善耳今奉 聖諭不必選留臣等無容別議顧翰林負額載之職掌者有數近以收用吉士及陞遷太監遂溢于常額官無定員是非可久之道也乞于職掌外量增數員著爲成法每科一甲三人有缺卽銓註無缺則添註餘皆從吏部遇缺推補如諸司例凡兩京及在外官員果有學行可任者卽推用之其中有弗稱者亦令外補如此則事體畫一經久可行疏詔如議行侍讀侍講修撰各增爲三員編修檢討各增爲六員著爲令。巡撫甘肅都御史唐澤言哈密等處進貢夷人每沿途寄住販易謀利經年不歸甚有前貢者復充後貢人數更名冒進起送者騷擾驛路存留者耗費月糧殊非中國防邊之體乞爲議處禮部

尚書李時履言欲革其弊當清其源回夷入貢惟利是圖而導之爲姦則伴送道事諸人是也今宜令肅州兵備及鎮巡諸司每遇貢使人關必驗其方物之數併籍諸夷年貌委官押送入京計程定限踰期者罪之又貢還則禮兵二部各委一官查核賞賜諸物有夾帶別物者俱爲禁革仍令序班送至甘州驗放出關如是則禮法兼盡弊端可革而撫順柔遠之道得矣詔如議行。庚午陞翰林院編修應良爲山東按察司副使。應天府府尹陳錫引疾乞致仕許之。辛未改撫治鄖陽右副都御史徐瓚巡撫河南。命坐營官伏羌伯毛江掌府軍前衛事仍兼營務。壬申陞巡撫甘肅右副都御史唐澤爲戶部右侍郎。上諭吏部甘肅虜情叵測速舉代澤者以聞吏部言陝西布政使司右叅政趙載可。上從之命陞載都察院右僉都御史。

住代澤。設遼東廣寧等十八衛陰陽醫學。追封伊厲王夫人丁氏伊簡王夫人任氏俱爲次妃從伊王訐淳奏也。禮部鑄印局儒士諸應瑞奏言天下文移印篆多有訛舛如沔陽州沔字訛篆爲泛字如此類者未可枚舉乞勅禮部擇委屬官精通六書者提督考正。上嘉應瑞能查舉差訛留心本業命禮部專委主事一人提督本局。癸酉陞南京大理寺右寺丞林有孚爲大理寺右少卿。命兵部尚書李承勛兼提督團營軍務初伍文定旣罷承勛等會舉左右侍郎王廷相黃衷俱可任提督因言今方裁革冗員團營似不必專官正德初許進爲兵侍提督營務仍管部事今惟上裁上曰卿旣言專官似冗然必諳練戎務者方可兼此其卽以煩卿不妨部事兼提督之毋辭。命署都督僉事陳斌僉書後軍都督府事東寧伯焦棟

爲齊武營坐營管操官隆平侯張瑋爲五軍營坐營管操官。以萬全都司署都指揮同知張鎮充副總兵官協守宣府地方。○甲戌戶部左侍郎王軌言臣奉命清查各處莊田見勲戚之家多者數百十頃占據膏腴跨連郡邑此後勲戚日增有限之士豈能應無己之求哉乞如成周之制隨其官之品級而定擬多寡別其世之親疎而量爲裁革其自置田土不報納糧差者俱追斷如功臣田土律庶幾爲經國裕民可久之道下戶部議尚書梁材言成周班祿而有土田蓋祿以田出也非于常祿之外復有土田之賜今勲戚高爵厚祿已踰涯分而陳乞地畝動以數十誠非祖宗立法之意自今宜申明詔旨不許妄爲奏討侵漁小民其已經欽賞有成命者仍與管業中有世遠秩降或非一派相傳者量存三之一以爲墓祭之費餘皆入官以備

邊儲 上然之因諭曰己賞田土亦宜查明有分外強占者俱

給原主自今勲戚大臣務各安分以保祿位不許妄行陳乞。

乙亥總理糧儲兼巡撫應天都御史陳祥以修省自陳乞罷不

允○代府管府事恭順王克燿奏稱臣考懿王當附廟而代自

始封簡王至思王已盈五廟之數請定祧廟之制下禮部議尚

書李時言親王祧祔之禮會典未載臣等竊謂當推 太廟祧

祔之禮而降殺之今代府之廟當以始封簡王居中百世不遷

次戾王隱王惠王思王爲五世今懿王入祔則戾王當以親盡

而祧但諸侯無祧廟戾王神主宜祧祔入簡王之室置續歲之

隱王惠王思王以次上遷而懿王神主并祔于第五廟每歲暮

則出祧主行合祭之禮庶于禮制隆殺得宜詔如議○丙子禮

部右侍郎何塘以病乞休 上特予給假調治○國初南北直

隸及各省屯田子粒皆御史查覈正統間改在京各衛及北直隸屯田專設僉事管理列銜山東至是戶部尚書梁材言京師畿輔屯政日弛蓋由僉事權力不重皇親勲戚憑藉城社沮撓百出勢難管理自今請裁革僉事仍專差御史如南直隸例詔從之因命御史差三年一易。福建同安縣儒士李如玉纂集周禮會註十五卷令其子詣闕奏進詔嘉如玉苦心禮書令有可以禮獎勵給與冠帶榮身。大學士張璉以妻喪乞假治喪事上許之因諭之曰卿宜以國事爲重勉抑哀情以慰朕懷尋遣中使齎賜新鈔一萬貫白金五十兩紵絲四表裏仍賜祭二壇命有司治菜。大理寺卿陳璋以病乞休詔許回籍調治仍給驛歸。丁丑命甘肅督餉都御史劉天和兼總督三邊軍餉以虜久住套從總制尚書王瓊請也。戊寅陞浙江左布政

使潘旦爲都察院右副都御史撫治邯陽地方。太子太保兵

部尚書李承勛以宣大有警請如故事遣大臣一人經畧邊務

上曰官不必遣第馳諭巡撫官令其用心籌畫如見在糧草

幾何各處墩堡邊牆修廢若何軍士強弱將官貪廉若何凡戰

守事宜務一一計處以聞毋怠忽慢事。鎮守陝西都督同知

魯經再以疾乞辭任 上優詔褒留不允。己卯戶部尚書梁

材等初奉旨會議天下歲用錢糧至是以條列以進一議王府

祿米言邇來宗支繁衍而歲供每稱不給是不可不慮也爲今

之計有三曰申嚴妾媵之限使不得濫收過額以防他日詐冒

之端曰收復官稅凡山場湖陂稅課河泊之類惟洪武永樂以

前欽賜者仍與爲業其餘奏討者俱查復入官以補祿糧之缺

曰處贖問之役言王府旗校軍匠諸役無出外征操之苦其所

得月糧多寡不同宣量爲裁節月支三斗者如故自五斗至一石者俱令本折半給一議軍官俸糧言國初官有定員糧有定額今則傳乞陞授日漸加多俸糧不給今救弊之法有三曰清屯田宜申令管屯御史及僉事諸臣選委廉正指揮督率旗軍盡力開墾毋因循故事毋自爲占種毋妄報災傷曰嚴比試凡武官襲替毋論新舊俱令比試一試二試不中者食半俸三試不中者謫戍行考選于世襲之中庶無冒濫廩祿之弊曰定法令軍官有因事住俸者至事完之日方許復支其停支月日毋得朦朧補給其犯罪宜降革者卽爲降革免其立功毋令立功滿日冒復原職至于罷軟老疾帶俸閒住者原支本色俸米宜減其半改與折色一議裁冗食凡文武衙門傳陞乞陞大小官員宣量爲裁革存留者給半俸凡匠官老疾及藝業不精者宜

令閒住其藝精見役者亦與半俸至于軍民匠役自原額之外凡嘉靖元年以後投充者盡革之各衛軍士亦宜汰老弱揀精壯立爲城守定制餘者遣歸屯田一議節冗費邇者內承運庫採辦金寶香蠟之費光祿寺大官供給冒濫溢于舊額之外者不下數十萬非可久之道也宜勅所司查明可能者罷之省一分國有一分之益寬一分民受一分之賜一議處逋欠邇來司府州縣催徵錢糧率于起運者留心督促以估才名而存留者漫不爲意故王府祿糧官軍俸給空乏爲多今宜申明條例凡起解存留錢糧及屯田子粒越限不能徵完者撫按奏聞降罰有差則人知所警而逋欠者寡矣惟上裁查得旨軍官降革立功及帶俸閒住支半俸例仍再議以聞餘悉如擬于是戶部復會官議言宗室本色祿米扈從文武群臣本色俸糧當國家

財用豐盈之時亦已裁節內府供事與各衙門工匠官員皆有朝夕服役之勞亦僅支半俸軍職閒任者既無着伍差操之勤又無軍政管事之責在內享優游之樂在邊免鋒鏑之患乃與服勞執役官員同支全俸非宜臣等以爲宜如前擬支半俸便得旨命如舊支全俸第令兵部嚴舉比試犯堂冒保冒襲事例以清濫費。工部尚書劉麟言今漕河修治工可垂成而巡撫河南都御史潘墳以致仕去恐因是中止則前功盡棄乞勅巡按御史胡效才兼理其事以期成功。上然之併令總理侍郎潘希曾與效才公同督視毋得推避致誤國儲。庚辰陞都察院右副都御史張璉爲戶部左侍郎南京都察院右副都御史蔣瑤爲工部右侍郎改南京大理寺卿葛浩爲大理寺卿。贈江西安仁縣陣亡醫學訓科倪洌爲德興縣縣丞命有司歲時

致祭仍以其子筮爲醫學訓科初正德間姚源賊寇安仁洩挽
弓捍敵連發七矢中七賊賊敗去復擁衆來攻洩獨當一面身
被九創賊退隨死至是有司以狀聞故有是命。辛巳宴朝鮮
國使臣禮曹叅判李元等十八人命禮部尚書李待時。壬午
大學士楊一清薦浙江永嘉縣儒士葉幼學潛心典禮乞量授
館職使隨史官供事纂述 上命授翰林院侍詔于史館供事
。癸未太醫院院使陳龍以老乞休 上以其供事久命陞通
政使司右通政致仕。命署都督僉事卻永僉書左軍都督府
事。甲申淮王祐楩以宗支襲封乞追封其父清江端裕王見
殿爲淮王母妃趙氏爲淮王妃許之。乙酉以南京尚寶司卿
費宗爲右春坊右庶子兼翰林院侍講署南京翰林院印。戶
部尚書梁材等覆詹事霍翰疏言宗藩祿米日益不給當如籍

議賜書各親王議處善後之策其官軍俸糧則查革傳陞乞陞
之冒濫嚴行新舊比試之成法他如禁私役復屯田給監課一
一申明法令令所司務實行之庶俸糧可給也內府糧料則請
奉詔旨責令監收料道諸臣務在重恤民困詔如議○丙戌南
京禮部尚書劉龍南京國子監祭酒張邦奇俱以災異自陳乞
致仕不允○南京太常寺卿牛鳳少卿黃重俱乞致仕許之○
大學士楊一清言臣自登仕以來歷事我 憲宗 孝宗 武
宗屢被褒封誥勅獎勵璽書頒賜書籍今又蒙我 皇上賜書
賜詩賜勅諭褒答賜御製諸箴天葩煥發奎章陸離臣歷居荒
陋不足以奉玉音謹于居室之東擇地構樓五楹將以奉箴
宸翰以彰歷朝恩遇遠來世光榮伏乞賜以樓名用垂永久
上嘉其慎教壁朝勅旨兼重經史至意賜名爲寶翰命工部製

扁懸矣。丁亥初刑部尚書高友璣等會問郭勛擅取金帛事
罪狀久明。上批駁責其隱匿回護。令再問璣等。復會問措易
其詞。上曰友璣等所問終屬朦朧。令各對狀。于是六科給事
中趙廷瑞等十三道御史劉濂等連章劾奏曰。郭勛擅取邊軍
欺君玩法。無人臣禮。已莫逃于聖鑒之明。削其銜而褫其柄
矣。今所未明者。惟勛所以取輅之故。及指揮王臣。彼虐之實。孫
鐸通賂之情。所當按鞫耳。高友璣不惜公議。曲為隱護。始言勛
以輅父業醫之舊。而取輅。及再問。則言勛聽通政使。祭義之。焉
始言孫鐸。過送賊私于郭勛。及再問。則改擬孫鐸指稱。誣騙旬
日之間。頓易成案。豈古所謂刑罰之用一成而不可變者哉。乞
顯黜友璣。以爲治獄無狀者之戒。都御史熊浹侍郎許讚大理
寺少卿曾直錦衣掌衛事都指揮使駱安等。漫無可否。殊非刑

官之體亦宜併論 上曰友璣職掌邦桀奉旨推問獄情始既
隱匿既又更改遂致公議不平議擬不當熊汝霖等又從而附和
之法守安在友璣今致仕熊汝霖等各奪俸六月駱安等各二月
金輅等下法司再問己法司會九卿再問得勛受賄狀 上切
責勛奪祿未三之一輅鐸各發極邊永達充軍時柴義已故宥
之。戊子總制陝西三邊軍務兵部尚書王瓊上言臣聞漢趙
充國奉命西征曰願至金城圖上方畧蓋百聞不如一見聞外
之事難以臆度遙制故也臣嘗觀都御史唐澤御史劉濂議處
哈密土魯番事宜皆身親履歷見真而議當可謂國是矣向已
會奏而未見允行故今日紛紛迄無定論其言曰今議土魯番
占據哈密一節有已然之迹有當然之理有必然之勢撫之以
恩而彼志益驕震之以武而我力先屈此已然之迹也順則綏

之而不爲之釋備逆則禦之而不爲之勞師此當然之理也處
置得宜則遠服而邇安處置失宜則兵連而禍結此必然之勢
也蓋師不可以輕舉寇未可以橫挑其大者有五焉我之軍額
空存百無一補而兵不足屯田滿望十有九荒而食不充一也
屢挫而怯久戍而疲我之銳氣未振長驅而入滿載而還彼之
逆焰方張二也我失瓦剌之援而進無所資彼合瓜州之力而
退有所據三也河東臨洮諸府甘肅之根本而傷夷未蘇關外
赤介諸衛甘肅之藩籬而零落殆盡四也西南巢海上之虜防
守難撤東北梗山後之戎饋餉難通五也况哈密地界羣虎之
中今若大發兵糧遠冒險阻強驅垂亡之部落復還久失之封
疆是送羊入虎耳掣兵而歸則彼難獨立留兵以守則我難久
勞皆必危之道非自然之策也竊謂莫危于戰莫安于守忠順

王之紹封勢宜加慎土魯番之求貢理可俯容索還城池存我
繼絕之名而漸圖興復宣諭首長開彼効順之路而嚴加隄防
選任將帥而責其成蒐補卒乘而養其銳專官運粟河東以濟
乏糴之急募民廣屯塞下以濬足食之源俟我無不修之備而
彼有可乘之機然後惟所欲爲俟瓦剌屯苦峪城瓜沙與哈密
襟喉西域拱衛中華將無不可矣若今日則非其時也臣反覆
者詳澤等之議知其明習特務深加歎服乞勅兵部早定國是
以便奉行下兵部議尚書李承勛言唐澤原奏固深合夷情但
機不可先設變不可預圖用兵馭夷惟在隨機應變要非畫一
之法可以持循而世守也今第令甘肅鎮巡諸臣量度事勢從
宜行之詔曰可○己丑陞廣西左布政使王大用爲應天府府
尹○庚寅賜少保兼太子太保吏部尚書謹身殿大學士毛紀

故妻封一品夫人官氏祭葬。禮部尚書右侍郎何璿以疾再
疏乞休。上命回籍調理。辛卯選授太常寺博士饒秀行人
司行人戴儒劉希簡爲給事中秀戶科儒刑科希簡工科。提
督兩廣軍務兵部右侍郎兼右僉都御史林富引疾乞休不允
。壬辰改戶部主事倪組方一桂沈奎許廷桂徐淮刑部主事
吳麟梁尚德傅炯大理寺左評事孫錦俱爲監察御史組浙江
道一桂廣東道奎陝西道廷桂江西道淮貴州道麟河南道尚
德雲南道炯山東道錦山西道時御史乏人吏部尚書方獻夫
請于各部屬選取

明世宗肅皇帝實錄卷之一百一

嘉靖八年五月乙未朔南京戶部奏弭災四事一議折布言江西湖廣歲解南京內府折糧綿苧布在兩省州縣各徵銀買布起解及計布所直不當所徵三分之二而轉需索所費尤多宜自今計內府歲用布若干如數徵解本色餘每綿布折銀三錢苧布二錢解部收貯折支官軍俵糧當賜一議水兌言舊例河下兌支米三十萬石免其篩曬每石加耗米三斗近守姦徒恃無篩曬任意揅和宜自今令監收官稍加篩揚有泥爛者勿收一議兼收雜糧備賑一議久任也田御史三年一代戶部議覆得旨允行○丁酉南京都察院右都御史張琮以災異乞休上許之命有司月給米二石人夫二石○南京光祿寺卿劉乾應天府丞楊燦亦以災異乞休俱許之○戊戌陞太僕寺少卿

致楠為南京鴻臚寺卿○命清汰在京錦衣等衛在外各衛旗
校力士軍匠有詭名預捕及一家重役冒支月糧者裁革○己
亥 孝宗敬皇帝忌辰祭 奉先殿遣建昌侯張延齡祭 泰
陵○陞浙江布政使司右叅政毛思義於奉司四川左叅張羽
於河南俱右布政使○庚子監察御史毛鳳韶上言臣聞大臣
係天下之望當謹於進退之際以全始終之禮故古者大臣求
退必薦賢以自代苟所代不如其人則寧存其舊誠慎之也臣
仰見 陛下勵精圖治而大臣不肯積白一心以事 陛下如
刑部尚書高爌者 陛下即賜罷黜天下咸服其明但臣愚
竊以大臣退之易者由進之易也適年以來會推之典不謂不
公而論者乃謂持循故事臣以為有三患焉人才難得之患知
人甚難之患觀望顧忌之患乞自今令大臣舉人自代下之廷

議參酌可否如其未宜仍又別推庶大臣得人而無數易之患
矣又如侍郎何璿敦朴正大足以厚士風廉靜忠貞足以勵貪
懦今雖在告宜賜慰留上納其言詔自後推用大臣必衆論
共與者方可擬聞如一時訪論失真許科道官糾舉何璿今在
京調理病痊即起視事勿再辭○先是戶部從御史李信議以
邇來餘鹽多於正額兩倍宜添刷引目令商人在邊報中正鹽
一千引者許報中餘鹽二千引定其價值赴運司上納今既行
而兩淮鹽商告稱不便於是巡鹽御史朱廷立言近奉欵依添
刷引目益欲使市無高價而民食免無鹽之苦鹽皆有引而商
人無夾帶之私法誠善矣乃商人莫肯應者蓋其故有二焉商
人性時餘鹽待其掣過然後納價今新例先納而後領引既輸
於邊又輸運司此必人皆巨商而後可非所以責之中商小商

者也其不便一也舊例商人支鹽除正鹽二百八十五斤外除鹽二百六十五斤淮南納銀一兩六分淮北七錢五分此時官鹽既遠尚無利息今添中二引共與鹽七百五十斤則除正鹽外餘鹽二引纔四百六十五斤而淮南納銀一兩九錢淮北一兩五錢比之舊價淮南增銀四分淮北增銀一錢五釐夫商人求利者也有利則趨無利則止若使之負資本涉遠圍而為無益有損之舉孰肯從其不便二也今宜以添設之引先行給商待其掣後納價以寬先期征併之急其添中餘鹽價銀淮南減四分淮北減一錢五釐以恤虧折之苦庶商人無苦而新法可行下戶部覆議從之○初上疑冕弁之制未合典制諭大學士張璠以制有革帶之文今何不見于用璠對曰按陳祥道禮書古革帶之文大帶皆謂之鞶革帶以繫佩綬然後加以大

帶而笏措于二帶之間夫革帶前繫後繫左右繫佩自古
冕弁蓋未嘗不用之今惟不用革帶以至前後佩服皆無所繫
遂附屬裳要之間失古禮制矣 上曰冕弁用以祀 天地事
祖親若闕革帶則禮服不備非齋明盛服以承祭祀之意及
觀會典載菽膝用羅上織火山龍三章并大帶縷用錦皆與今
所服不啻御可併革帶繫菽膝佩綬之式仍詳明繪圖進覽且
衣裳分上下服而今衣通掩其裳裳制如帷慢而今兩幅朕意
衣但當與裳要下齊而露裳之六章何如已又諭總以變更
祖制為疑總對曰臣考禮制未不掩裳與 聖意允合夫衣六
章裳六章義各有取上下通均衣自不容掩裳考之大明集禮
及會典寔與古制不異今乃衣八章裳四章故衣常掩裳然與
國朝典籍皆無所見內閣所藏圖註蓋因官司織造循習前代

訛謬而然今訂正之乃是遵復 祖制無有更變 上意乃決

因復諭總曰茲事既必行須求至當朕仍一一與卿訂定一衣

六章古曰繪者畫也今當織之朕命織染局查國初冕服日月

各徑五寸今當從之日月在兩肩星山在後華蟲在兩袖仍玄

色一裳六章古曰繡今當從之古色用黃玄黃取象天地今裳

用纁于義無取當從古其六章作四行以火宗彝雉虎藻為二

行米黼黻為二行一革帶即束帶後當用玉以佩綬繫之于下

一蔽膝隨裳色其繡物上龍一下火三不用山可也卿其詳加

思議以告璵以 聖裁至當為對 上乃諭令內閣諸臣同考

訂之于是大學士楊一清桂萼翟鑒奏臣等欽奉勅諭將張璵

所具衮冕圖註會同禮部翰林院詹事府禮科詳議竊惟衮冕

之服 天子所以祀 天享 祖承上下神祇與他服不同誠

至重焉者也自黃帝虞舜以來玄衣黃裳制為十二章之式日月星辰山龍華蟲其序自上而下為衣之六章宗彝藻火粉米黼黻其序自下而上為裳之六章自周以後寢變其制或八章或九章已戾於古漢唐宋歷代以來則愈失其義無足言者矣至我太祖皇帝復定為十二章之制司造之官乃拘習近說賈誼古義遂至失真誠非太祖制作之初意恭惟皇上博稽古典洞見精微遠會吾聖祖之心揆今之說一舉而正之使皆循于古象不失乎乾坤之義而凡聖祖之所以遠合乎黃虞者臣璉圖註之文發揚殆盡臣等不容一毫異議伏乞聖斷不疑將內閣所藏圖畫一一更正勿使因仍舊謬則聖制昭明而萬代未有違字矣上曰卿等既詳擬允當即令擇吉更正製造各王府并内外文武官一體更正○辛丑南京太

僕寺卿顧珀以災異自陳乞休不許尋改為南京太常卿○癸卯唐事所唐事庶翰林院學士顧鼎臣未及秩滿比例請給告命上以其日誨劾勞特許之○以旱蝗免北直隸興營保河等各衛所屯糧有差○甲辰改南京刑部尚書周倫為刑部尚書起致仕都察院右副都御史林茂達為南京大理寺卿○南京左軍都督府掌府事懷柔伯施瓚乞回京養病許之○乙巳陞福建布政使司左叅政徐問為廣西右布政使○以纂修大明會典賜總裁等官宴於禮部○丙午 仁宗昭皇帝忌辰春光殿行祭禮遣京山崔元祭 獻陵○南京通政司左叅議楊谷乞回籍終養許之○巡按遼東監察御史王重賢奏遼東鎮守太監白懷已放鎮守總兵麻循監捨少監張泰邊陽副總兵張銘分序監丞盧安叅將蕭濤李鑑遊擊將軍傅翰各占糧

軍民田土多者二百五十餘頃少者十餘頃宜追奪罰治 上
以國祿年久懷秦安取回京銘等奪俸半年○總制陝西三邊
軍務兵部尚書王瓊奏填守陝西都督同知魯經有疾乞解兵
柄 上曰經屢陳有疾朝廷以邊境戒嚴不即允告今總制官
又代為具奏特准馳驛還莊浪調理瘡日撫按官具奏起用今
大虜在臺防禦為急兵部即推舉堪任者以聞○戊申陞太常
寺少卿歐陽鐸為南京光祿寺卿○改戶科給事中何祉於南
京兵科祉以母老乞改南便養故也○己酉陞南京光祿寺少
卿欒奇為應天府府丞○吏部遵奉勅諭條奏五事一精選任
乞令兩京文職四品上翰林院五品在外三品以上官各舉堪
任知府者一人兩京文職并在外五品以上翰林科道官各舉
任知州知縣者一人所舉不拘進士舉監吏員出身日後舉能

其官或舉非其人及不舉者一體旌賞違失一重遷轉今後所
州縣正官其貪刻不職者半年以上聽撫按劾罷及雖無異政
而宜于民者仍俟秩滿叙遷其果有治行卓異者三年以上加
俸六年以上知府陞按察使僉都御史知州陞僉事知府卽中
知縣行取科道陞員外郎寺正九年以上知府陞布政使侍郎
副都御史知州陞叅政副使叅議少卿府丞知縣陞僉事知府
卽中其自外入內者仍許通理外俸叙遷一嚴旌舉京外官薦
舉所知後以貪淫敗舉主降調犯在舉後者罰俸罰俸三次者
祇其官其有政蹟卓異者舉主賜璽書褒諭或增秩賜金以賞
之一隆禮貌撫按二司接待守八如京堂待所屬禮非叅提不
得凌辱禁越境叅謁及差占百里之外者一明職務乞申諭天
下守令及撫按二司官以朝廷設官分職凡以爲民之意疏入

上曰卿等所言無非欲慎重守令前勅旨已開載明悉宜以實奉行以副朕知人安民至意○命試御史屠守愚方遠宜李士錕王袞俱實授監察御史○命分守花馬池右叅將雲冒提調洮岷河叅將王懋互相更調從督撫官請也○南京戶部尚書王承裕請遣科道官會同南京戶部官清查御馬監見在馬數扣減多餘草料分派各倉場上納以備官軍支用報可○廣成陞山東按察司副使吳昂江西按察司副使趙淵俱布政使司左叅政賈西按察司副使李中布政使司右叅政寧國府同知羅玉按察司僉事昂福建湖四川中浙江玉山山東○辛亥戶部覆奏安昌伯錢承宗侵奪鎮遠漢地土三百四十餘頃宜如例入官以息爭端或半給鎮遠侯家并請治阮鏡等撥置投獻之罪得旨清查地土如議入官安昌伯已故家人阮鏡免究○

壬子改南京太僕寺少卿王學夔為太僕寺少卿○發太倉銀四萬兩於寧夏鎮預備軍餉以大虜在套花馬地等處調集兵馬數多從巡撫都御史翟鵬奏也○癸丑纂修大明會典副總裁詹事霍韜等辭修書酒飯以節冗費 上褒諭從之○甲寅陞禮部右侍郎何瑋為南京都察院右都御史掌院事初瑋以病乞休既得請回籍比因御史毛鳳韶言瑋學行可用令在京調理時瑋已出都門因以疾辭報允而吏部會推在奉旨之前致復有是命然 上終不悅瑋久之諭吏部別推掌南院者令瑋致仕○改貴州按察司僉事陳琛於江西江西僉事黃佐於廣西各提調學校○發太倉庫銀五萬兩於大同鎮接濟邊餉○以分守涼州右副總兵劉文為總兵官鎮守陝西大同並擊將軍瞿江為左副總兵協守大同○乙卯改南京戶部右侍郎

楊果爲戶部右侍郎○總制三邊尚書王璉以被劾自陳求去
上曰朕方以陝右付卿矧套虜警嚴西事最重宜展布才猷
以副委任不允辭○六科十三道奉旨會薦養病聽用間住通
政馬理副都御史林庭棉江潮陳洪謨張潤合都御史毛伯溫
張璠大理少卿顧佖左都御史姚鏐內潮潤伯溫佖皆以大獄
得罪情有可原 上命吏部酌議以聞後潮等竟以罪由大獄
報罷○以早蝗免直隸順天河間真定順德廣平各府屬州縣
稅糧有差○丁巳陞福建右布政使馬卿爲南京太僕寺卿○
南京工部尚書章拯巡撫順天都御史汪玉以災異自陳巡撫
貴州都御史葉相以衰病乞休俱不允○蜀王讓相奏妃何氏
病故禮娶杜氏繼生三子已奉旨准令管理家事請封馬妃許
之○己未兵科糾劾南京守備太監卜春王堂各奸利不法事

上納其言詔春堂革任閒位以太監賴義呂憲李璿任代之

○庚申巡撫山東都御史王禋封引疾乞休 上優詔留之○

命永康侯徐源南京左軍都督府掌印管事○查革御馬監勇士三千四百三十八名○辛酉操江都御史孫修以災異自陳吏部言其用刑頗刻詔令致仕○賜楚府儀賓沈寶一品服色仍加授散官職事先是嘉靖元年寶撰大禮議啓楚王代奏後大禮集議纂要畧諸書皆載之而列於三年至是楚王為辯其誤并乞恩澤故有是命仍以璽書慰勞楚王○以蝗蝻克山東沂州費縣嘉靖七年分未徵折色馬一百九十八匹并宥太僕寺丞朱昭追徵不如數之罪○壬戌陞廣西按察使錢宏為福建右布政使○總制陝西軍務高書王瓊及鎮巡官會奏威虜城與北虜為隣白城山與南山苗夷接境安插帖木哥等五千

餘衆在彼住牧不時那移帳房趨逐水草採獵為生難以間耕地土修築城堡且帖木哥等暫時收撫未為經久宜照原議待土魯番宣息仍遣歸本土事下兵部議覆從之○癸亥初兵部以上魯番變詐多端督撫官奏論先後抵牾請令王瓊審處且練兵積糧稍為征剿之計至是瓊上言制禦西夷與北虜不同舜命禹班師誕敷文德七旬有苗耒格禹平水土西戎即叙厥貢球琳琅玕織皮古之西戎燉煌即今土魯番哈密沙州之地自漢以來悉通中國我朝自洪武永樂通貢不絕臣願皇上遠法舜禹敷德格苗近守祖宗懷柔遠人成法以罷兵息民便若兵部所言夷情變詐多端及先後論奏抵牾皆未明悉此中事宜且起送夷人每起不過正副使二名保無他虞即有變擒殺之無難臣今不敢別有計議疏入詔如瓊議行

明世宗肅皇帝實錄卷之一百一

明世宗肅皇帝實錄卷之一百二

嘉靖八年六月甲子朔○乙丑改南京吏部右侍郎潘若水為禮部右侍郎○御史傅鶚言頃者簡用太僕寺卿旨但云有黜者用恐非所以揚休命杜欺罔也乞仍揭姓名職銜以示慎重上曰御史言亦是但推用官員皆朕親點與揭名無異若文武大臣必特揭名○命東寧伯焦棟僉書中軍都督府事仍不妨營務○初弘治間孝皇銳情總覽命文兵二部每季開註兩京府部等衙門堂上官及在外文武方面官履歷揭帖進覽正德後其制漸廢至是兵科都給事中夏言請復故事因請增入武職貫址及舉劾賢否畧節每季于孟月一日該部差官送科次日本科掌印官御前奏進仍存副該科備照上是之命著為令○丁卯陞雲南按察司副使高公韶為廣西按察使○革

黃顯猷指揮一員太僕寺牧羊軍餘二十名俱徙都督同知桂勇奏也○戊辰大學士桂萼進輿地圖十有七各有攸紀

上曰覽圖欲明白切要具見體國經濟至意圖本萬覽還寫副存留內閣○賜故致仕都察院右都御史周南祭葬贈太子少保南浙江縉雲縣人由進士除應天府六合知縣選授四川道御史陞湖廣按察司副使歷陞副都御史巡撫大同守制起復巡撫宣府尋改南贛陞右都御史總督兩廣以疾乞致仕優詔許之賜勅獎諭月給米二石歲大四名家居凡十有四年而殁南在 先朝以才見擢初大帽山賊流劫三省攻城殺人兇勢日熾朝議用重臣督剿乃以南往未幾遂破賊斬獲數千級用移兵攻姚源賊黨及汀漳山巢平之遂留撫其地南贛巡撫之設寔自南始○先是以大工詔天下班區俱徵價解部各衙門

應撥用者減半支給于是工部奉旨裁定應給名數司禮監并
大書等房每季共九十名內官監并冰窖八十名尚衣監御馬
監混堂司各十名司設監十八名印綬監供用庫各八名鐘鼓
司十六名針工局二十名中帽局銀作局各十二名寶鈔局四
名司死局十四名內閣并禮工打掃六十名翰林院十八名庶
宰府八名四夷館中書科各四名清黃通政尚寶司各二名○
己巳總制陝西三邊尚書王瓊奏達賊十萬在套乞調大同遊
兵三千應援延綏等處而大同鎮巡官亦奏大虜臨邊恐乘虛
突入顧此失彼俱下兵部覆言東西二邊一時告急或者虜張
虛聲以形我乎若不設備而東西奔命是自困也宜令大同遊
兵且留本鎮自衛若延綏諸處有警聽總制調度三邊士馬兼
應宣大雨鎮有警責令鎮巡互相救援萬一虜勢孔亟然後延

綏大同昭舊互援不可拘以常法要在臨機應變謀出萬全耳
詔從部議○庚午獨州孔氏尚孫翰林院五經博士孔承美以
賜修家廟乞上表稱謝 上以舊無進表例命具本奏謝○兵
部覆 顯陵管工給事中李鳳來所陳恤地方三事一廢驛傳
謂今 顯陵肇建官員辭謁者踵至又添設守備日支廩餼去
陸州石城驛原額錢糧支應不敷宜行所司計廢一取官校謂
顯陵既設監衛原差看守錦永官校數多乞昭 長陵例止存
留巡視校尉二十名餘悉取回一某迎接謂去陸道當四集迎
送夫馬歲無虛日或久候境上勞費不貲在在皆然乞通行禁
約凡迎送不得越境詔俱如議○天方國撤馬兒罕等處達未
蠻王等各差使臣火者哈只等貢馬匹方物賜賚如例○辛未
命伏羌伯毛江鎮遠侯顧寰神機營左掖坐營都指揮高讓原

任湖廣行都司都指揮王佐俱克生營官江敢勇營寨五軍營
右哨謙立威營佐彈忠效義營○命原任協守宣府副總兵時
陳以原官分守涼州湖廣靖州衛著都指揮僉事曾震僉書湖
廣行都司軍政○壬申命雲南都司李印都指揮同知方仲克
右叅將協守貴州兼提督清浪等處地方○癸酉詹事霍輅等
言臣等奉命修大明會典各該衙門未見送到冊籍未及編纂
臣等先于私家將舊典各書雜閱竊見洪武初年天下田土八
百四十九萬六千頃有奇私治十五年存額四百二十二萬八
千頃有奇失額四百二十六萬八千頃有奇是宇內額田存者
半大者半也則賦稅何從出國計何從足耶臣等備查天下額
數若湖廣額田二百二十萬今存額二十三萬失額一百九十
六萬河南額田一百四十四萬今存額四十一萬失額一百三

萬此失額極多者也非撥給予藩府則欺隱于猾民或罔文之
偽誤不然何至此極也若廣東額田二十三萬今存額七萬失
額十六萬又不知何故致此也蓋廣東無藩府撥給而疆里如
舊非荒據于寇賊則欺隱于猾民也由洪武迄弘治百四十年
耳天下額田已減強半再數百年減失不知又何如也乞勅戶
部考求洪武初年額田原數備查弘治十五年失額田數及今
日額田實數送館稽纂仍乞特召戶部尚書詢之曰洪武初年
甫脫戰爭人庶鮮少田野多蕪田額宜少也乃猶墾闢八百萬
頃今奕世承平人漸生聚田野盡闢田額宜多也乃失額四百
萬頃總國計者可不究心乎天下有司受猾民賊利為之欺隱
額田蠹國害民弊無紀極明年當造籍冊獻田額數盡預行法
廢之于再按天下戶口洪武初年戶一千六十五萬有奇口六

十五十四萬有奇時甫脫戰爭戶口凋殘其寡宜也弘治四年則承平久矣戶口蕃矣乃戶僅九百一十一萬視初年減一百五十四萬矣口僅五千三百三十八萬視初年減七百一十六萬矣國初戶口宜少而多承平時戶口宜多而少何也乞再勅戶部覈實洪武弘治逐年戶口原數及今日戶口實數送館稽纂俾司國計者知戶口日減費用日增而思所以處之也再按天下藩府洪武初年山西惟封晉府一王歲支祿米一萬石今增郡王鎮國奉國將軍中尉而下共二千八百五十一位歲支祿米八十七萬有奇由一萬石增而八十七萬石則加八十七倍矣及查山西額田初年四十一萬頃弘治十五年存額三十八萬頃減額者三萬頃矣祿米則由一萬石增而八十七萬石額田則由四十一萬頃減而三十八萬頃此山西額數也舉山

西而推之天下可也乞勅禮部備查洪武初年各者藩封位數
幾何今日位數幾何戶部備查祿未總數初年幾何今日幾何
覈實送館稽察伴司國計者知賦稅日減祿未日增而思所以
廢之也再按天下武職洪武初年二萬八千餘員成化五年增
至八萬一千餘員錦衣衛官洪武初年二百一十一員今增一
千七百餘員由二萬而八萬增四倍矣由二百而一千七百增
八倍矣夫額田賦入則由八百萬畝而四百萬軍職員額則由
二萬增至八萬此成化以前大畧也弘治以後則未之稽也乞
勅兵部備查洪武間武職大數幾何今日大數幾何類馬冊帙
送館稽察伴司國計者知額田賦一倍軍職增四倍而思所以
廢之也再按天下大職洪武初年官有定額故數易稽今冗員
日多職守日紊數亦難稽臣等博考前古若先武中興鑒前世

官冗之弊裁省天下四百州縣官止七千五百餘員額數極少者也唐制文武官一萬八千八百餘員額數適中者也宋制文武官二萬四千餘員額數極多者也我朝自成化五年武職已逾八萬矣合文職計之蓋已逾十萬矣是職員極冗未有甚于此時者也乞勅吏部詳查洪武年間大職幾何今日冗職幾何裁革幾何通文武職員幾何送館稽纂俾司國計者知官愈多則國愈困民愈病而思所以處之也再按內臣監局官員仗諸皇明祖訓置職甚詳惟私治年間儒臣夫考不及纂述致我皇祖聖制所以嚴內外之限慎宮闈之防者不得知之乞勅禮部行司禮監備查洪武年間各監局職掌何如員數何如列聖以來欽差事例何如今日員數何如送館稽纂臣等竊觀周禮內臣之職統之天官今監局事例多由禮部若欽遵

祖訓添修內臣職掌編列典禮亦 聖朝禮以制治之理也若
刑工二部都察院凡累年匠役之制官府供需之式四方料物
之準律令異同之宜我 太祖皇帝有定典在惟弘治年間庸
臣舞智更爲新例陰壞成憲多矣乞勅廷臣酌議削黜用訂積
年之謬定天下可行之法亦萬世太平之幸也得旨令各衙門
備覈沿革定數送付史館○甲戌改南京禮部尚書劉龍于南
京吏部○起原任巡撫寧夏都御史抃璿爲南京都察院右僉
都御史提督操江兼管巡江○禮部言舊例夷人在館未經領
賞病故者行兇大二縣給棺價五錢但文移展轉動延旬日請
劉順天府預解無礙官錄三十兩發館應用文盡日造冊繳部
再行取用從之○丙子巡撫四川都御史唐鳳儀以災異自劾
求罷不允○瑞昌王府革爵庶人宸濬等先坐宸濬脅從榮發

高墻已而法司勘明故選本府至是拔宸洪例請復原爵禮部
議封爵祿未係干大典禮難輕議第革爵日久蓋于編氓困苦
可憫宜行江西布政司于應得口糧布花外量加優恤從之○
賜故成國公朱麟祭葬麟以四年襲爵六年 顯陵興工遣行
祭告及立碑諸禮儀將竣事而致麟無子其弟感為陳乞卹典
上念其歿于王事詔如常典賜祭葬外仍加祭二壇○廣東歲
派料銀舊例出辦于里甲至是巡按御史邵幽奏請編入合省
秋糧內均派徵解布政司貯庫遇漵到料物給發領買解進戶
部覆議從之○兵科部給事中夏言奏近該兵部題奉欽依團
營總征馬六千匹准下場牧放此固節財之意但頗設平場被
掇妄奏討十亡八九牧也無幾又無度火廐房每遇下場軍士
裹杖旅宿買草飼馬人困馬疲不克倒死今又益以六十竊恐

徒徇虛名坐虧國計乞將聽征馬賁令軍人就近隨便牧放不必拘之下場仍半給料草限十日一赴營點閱待九月照例回營操練奏入 上納其言命所司依擬行○丁丑大學士楊一清以疾在告詔遣醫診視兼賜酒米等物○命福建行都司僉書署都指揮僉事徐端神機營坐營管操○薊州鎮巡等官奏報虜入夫山墩搶擄人畜指揮卓世文等出境追襲遇伏而敗官軍死者三十二人兵部請將失事叅將王道革職聽勘指揮楊勳等下巡按御史逮問從之○戊寅命南京廣東等道試御史狄心等俱實授○以旱蝗減光山西代州陽城等州縣直隸鳳陽淮安揚州府屬各州縣夏稅○己卯奪戶部尚書梁材俸三月以司屬劉燁然侵剋官銀故也○庚辰 恭睿淵仁寬穆純聖獻皇帝忌辰 上祭于 崇先殿○罷兵部右侍郎黃衷

初表以工部侍郎督木湖廣事竣回籍三疏乞致仕會緝事官
校妄言表已至京月餘有旨表既到京不行朝見乃奏辭沽名
事涉欺詐命吏部查叅吏部言表實在籍候命且疏辭懇切宜
聽之 上意終不解責吏部黨護遂革表職令冠帶閒住仍命
緝事衙門及湖廣廣東布政司覈其在京在籍的實以聞給事
中魏良弼因言表係大臣例雷沿途馳驛假令入京豈能潛隱
乞正言者欺罔之罪以杜偏聽之漸不報○辛巳命雲南都司
僉書都指揮僉事金章掌都司事○以旱蝗減免山東濟南兗
州水昌青州萊州府各州縣及平山等衛夏稅有差○癸未裁
減內府供用庫白米二萬六百八十二石從戶部議也○甲申
大學士楊一清言舊例進士開科禮部奏詣了國子監立石題
名命儒臣撰記以昭盛典傳之永久正德六年以來國家多事

因稿不作 皇上教化崇文始命補臣追記補之嘉靖五年丙戌科題名記僉謂臣職當撰述臣切謂此記雖禮部題請命翰林院撰文然未常兼旨專命何官而各年碑石並書臣某奉勅撰其文又未常呈覽撥之事體似有未安竊聞 先朝大學士楊榮李賢等連科撰述皆出 宸命况我 皇上聖文溢發凡近日兩詔誥勅有所指點皆非臣等所及臣謹以所撰稿錄進伏乞少選 睿思改發工部仍行翰林院擬定制勅房官一員書寫刻石以後俱可照此行 上從其言遂著為例○初巡撫山西都御史劉大謨以糧革道員勅督儲參議魏綸 上以地方災傷第令成飭留用後綸借三司官詣大謨謝大謨仍怒其不遜致相訾詬尋復來奏有旨調用綸于是巡按御史廖自顯言大謨好剛使氣難任撫綏倫租暴越抗然蒙由大謨乞兩罷

之以正體統得首令大謨致仕論仍调用○工部以顯陵工
完奏將効勞人區賞給銀兩無監加官原無冠帶者准給榮身
報可○工部主事馮岳奏近以蕪湖廠抽分銀移用于顯陵
工所以致積欠漕船料銀數多乞令南京各監取用板木照例
于龍江等廠抽用將應抽本廠者暫行停止撥補船料工部覆
議如擬詔從之○乙酉以災傷減免山西應州及安東中屯衛
夏稅○錄遼東鎮社等堡獲功死傷官軍一百九十八人陞賞
卹錄有差○丁亥兵部條革宿弊六事一裁革查對軍冊監生
三十名添發吏典六名以備實用一清查通欠皂價以防姦欺
又裁減朝役三十四名將工食寄庫以補通欠之數一鎮守等
官來院多冒弊軍功請自今須本官親在行陳方許來隨報功
不得仍踵舊弊一兩廣雲貴軍解多毘瘠屬乞今後解軍官全

止赴該郡司交割差人轉解給文銷繳一王府無護衛者郡王
例撥民校三十名今分封日廣丁糧不敷請于新封者量減六
名其舊封原僉有逃絕者滿二十四名外不必僉補一舊例優
養無嗣武職新官女月米五石適人住支今至有閨戚不嫁者
請限年二十間除疏入報可○南京織造太監李政奏請支寶
藏庫貯銀一萬八千九百兩以佐工價工部執奏勿許得旨准
給半令亟織解無悞○豐沛單三縣河堤歲增故豐縣管堤主
簿一員○戊子大學士楊一清陳疾乞致仕上曰卿先朝
輔導舊臣德望隆重朕不逮于治正賴竭誠匡弼以資化理豈
可求去况當重修會典之時所請弗允鴻臚寺其徃諭朕意宜
即赴闕辨事尋又遣中使傳諭曰昨卿具疏求退朕覽之再心
甚弗悅方重託在卿豈可遽以告請宜用心調理稍可即出視

爭先朝見謝恩卿其承之又賜酒米羊豕蔬菜等物○大溼寺
少卿曹直以呈變乞罷不允○己丑 孝莊睿皇右忌辰
奉先殿行祭禮遣彭城伯狄欽祭 裕陵○庚寅陞河南左布
政使狄翰為都察院右副都御史提督鴈門等關兼巡撫山西
地方○辛卯 孝穆皇太后忌辰 奉慈殿行祭禮遣彭城伯
狄欽祭 茂陵○陞工部左侍郎何詔為南京刑部尚書起原
任巡撫江西都察院右副都御史陳洪謨為兵部右侍郎陞南
京太常寺卿顧珀為南京戶部右侍郎○戶部覆御史吳仲泰
領運北總等官乞仍舊例每年一次考選從之○詔湖廣巡撫
唐給安插土魯苗苗牙木蘭寺序呈口報有差仍命牙木蘭果
副輸忠赴款畚大官司即與轉達從總制尚書王燮奏也○守
備九江都指揮芮傑與妻變府知府羅英有隙撤令軍士百餘

省殺擁入府庭大肆喧嚷英懷中潛避倖仍令閉諸城門杜絕
該府中文遂相告訐巡撫應天都御史陳祥以聞詔下撫按官
達訊○壬辰廢工部右侍郎蔣璠子子岳馬國子監生以三品
考滿也○癸巳以四川湖廣陝西山西山東遼東河南南北直
隸災傷遣太常寺官齋香帛祝文令各該巡撫官祭山川之神
○詔天下司府州縣起解官銀俱照欽定天平銅法不得妄增
耗銀違者撫按官治罪其兩京內外各衙門聽科道查報仍勅
內府將舊用銅法送工部改鑄如制從都給事中秦經議也○
先是戶部題准御馬監馬匹每歲下場牧放三月住支草料至
是太監麥福言本監舊例止于四月五月下場至五月以後不
便牧放兵部覆議每歲三月住支草料戶部行馬定例不可更
易今稱蚊蚋生發秋禾滿也難于牧放則其下場月分聽該監
從便行之詔可 奏終

明世宗肅皇帝實錄卷之一百三

嘉靖八年七月甲午朔特享 太廟 世廟○陞福建都轉運

鹽使司運使黃宗明為光祿寺卿○初京師民張福訴其母為
里人張柱所殺東廠以聞下刑部坐柱死不服而福之姊與其
鄰皆証為福自殺之也復命刑部郎中魏應召鞠之罪改坐福
而東廠執奏語連法吏 上怒以應召擅出入人罪命三法司
及錦衣衛鎮撫司逮問且覆按其事都御史熊浹謂應召已得
情議如初 上意決徇情曲護褫浹職下應召與柱等皆拷訊
侍郎許讚以下皆惶慙謝罪工科給事中陸榮言獄者天下之
大命也一成而不可變故聖王慎之今張福之母之死自東廠
錦衣衛訊則罪在張柱為副廠殺人較自法司訊則罪在張福
為子殺母凌遲大校母大惡凌遲極刑 陛下疑而值之是也

然近從法司會審自福之親扶鄰里風証逆狀而其姊痛憤發於至情決等既據此定獄猶未敢決請再會審蓋慎之主矣宜令拘集証佐隔別審問參互考驗則殺人之獄必有所歸而乃蒙嚴譴總憲大臣且不免其餘誰敢自保如近日會審侍郎許讚則噤不發言少卿曹直諛辭附和侍郎湖淵寺丞簡霄俱辭疾不出此無他人務自全也且東廠錦衣衛詔獄所寄無有訪察之威人多畏憚一有所逮法司常依案擬罪心知其寃不取辯理而今敢與之爭者實恃 聖明在上能容臣子守法故也

陛下獨柔何詰責之深哉風紀大臣議獄一不當意斥而去之若胥吏然無乃傷國體乎臣又恐法吏以決為戒無所匡正私治時郎中丁哲辨樂工之獄 教皇帝不以為然因罷哲有小吏徐珪為哲訟 教皇帝輒召哲還並珪錄用之帝王之盛

節如此臣願陛下憲威嚴降溫旨令璫等虛心研問則守法者無所顧忌而刑罰清矣工料給事中劉希簡亦上疏曰獄情幽隱聽之實難今詔辭嚴切臣恐羣臣妄意風旨所當不實則羣臣之罪愈深夫却院廠衛俱為一體秉公為國則無異同願明敕在廷得勿疑忌勿主先入之說勿執一人之見務平其心以得其情庶幾罪人無誤入之寃而國是明大臣無觀望之過而國體重矣上大怒以會問未報策等妄言俱下錦衣衛拷訊其後讚等竟如原擬以張柱抵死應召及于証俱終邊衛充軍秋福之姊自謂淡嘗贊議大禮姑令革職聞位已去兵科給事中孫應奎上疏曰臣惟圖治在於知人知人當自輔臣始蓋輔臣毗大政參庶務必忠厚鯁亮純白堅定者乃可任今大學士楊一清雖缺達國體而情多尚通私其政舊此可與諮謀

難獨任也。張璠學雖博而性偏倚，於自侍指劾，勵功名當抑其過而任之。至於桂萼，以昌確之資，桀驁之性，作威福而沮抑氣節，後黨興而暗殺言官，大私親政，以所成勢，侵六官事，多沮撓上負委任而下貽隱憂，使天下敢怒而不敢言。持陛下未之察耳。幸鑒別三臣為人之實，以為委任去留之舉。疏入，上曰：「清舊德，宿望朝廷，倚毗近者，屢疏乞休，朕未之許，其安心辦事，與務同寅，協恭不宜偏執。自侍等建言大禮，多效勤勞，既專恣太甚，其說滌宿過，以體朕懷，以全君臣，始終之義俱視事如故。己而一清又上疏求去，言臣等謀議政事，看詳奏牘，協心之見固多齟齬之患，不免或陽諾陰阻，莫測其端，或心知其非，力不能奪，低回遜避，多務已荒，負國之罪實在於此。」上諭之曰：「即輔導元臣高年，傳學馭臣，中外練達政體，屢疏乞休，朕已

慰留鴻臚寺其再往諭朕意趣出供職御宜展布忠誠苦心匡
輔秉公行止以爲率先庶副倚毗之重慎勿再辭璵等各亦自
陳上諭璵曰御性資剛速或傷於過宜思所以濟者以備恭
輔朕贊理化機豈可因言求退諭等曰御質任寬迂因致物論
宜加修飭以副委任有疾善加調理稍愈即赴闕其勿辭○丙
申陞南京兵部右侍郎萬鍾爲南京都察院右都御史○以旱
災免陝西臨洮鞏昌二府所屬州縣又蘭河等衛所稅糧有差
○以虜住拔威寧海子命宣大邊臣以所貯銀鹽分守要害城
堡召商上納糧芻○丁酉仁孝文皇后忌辰奉先殿行祭
禮遣恭順侯吳世興祭長陵○先是上從言官請停止雜
派工役工部移文停浙江蘇州織造兩緊要上用袍服依錯
混停太監吳勳以爲言上以袍服非雜派工役比切責工部

朦朧停止命尚書劉麟日劾因責其欺慢勒令致任原任侍郎何詔及營繕司官俱奪俸五月○巡按浙江御史王化言兩浙運鹽司行鹽之地盡浙省及蘇松常鎮徽州廣信州縣一百二十有五八商所使者獨三十六處耳其他商不樂往故私鹽日滋臣謂商所使者無論已其餘不通官鹽處所宜許土商自買鹽斤不拘開報多寡出給官票量取稅課執照發賣銷繳類解運司以接邊儲有提赴官鹽地方者以私鹽論巡捕等官交通販賣者坐如律如此則所在皆官鹽私販者不禁自止矣戶部善其議請從之因言諸商所以困者以開中引目為費既多又或御史掣放不時委官避嫌罔誤故因日甚宜令諸邊開中本色毋折銀毋勸借毋加罰仍行巡鹽御史依時掣放毋得稽沮月稽通塞用示勸懲所司有避嫌推托坐困商人者初奏處治

得旨如議行○ 上以孟秋特享陪祀者少命禮部查恭奪恭
順侯吳世興等二十六人祿俸三月復以御史不行糾舉奪盧
問之等四人俸一月○ 戊戌靖江王邛營以祿米不折兼支供
應不足乞全支本色不許○ 己亥大學士楊一清復上疏曰臣
年七十有六過大夫致仕之期久矣一宜退登第拜官五十八
年回視同列之臣無一在者乃至門生親舊亦復淪謝殆盡而
臣獨倥然班行來日能有幾何二宜退少患目疾老而增劇危
懼之軀漸成痿廢內閣非養疴之地輔導非苟容之官三宜退
自知甚明豈待人言且性素疎直難諧俗好今之持論者尚多
紛更臣獨勸以安靜多尚剌削臣獨矯以寬平欲變法臣謂只
宜守法欲生事臣謂不如省事同人則謂丁難當惜衝欲則謂
罪疑惟輕凡若此者其迹誠類乎通而公是所在未嘗敢掩因

有納忠有懷必盡此惟陛下知之非外臣所及知也君臣之間恩猶父子伏望矜其愚不錄其罪憫其老俾遂其私上答曰御屢懇辭已有旨慰留謀身者如是未見謀國如何豈愛朕不如愛身邪宜即出供職副朕眷注之意一清聞命惶懼不敢復為辭避以尚病乞免陞謝許之并免外班行禮○陞翰林院修撰李方為河南布政使司右叅議○庠子陞右叅坊石庶丁方鵬為南京太常寺卿○陞河南布政使司右叅政陶諧為本司右布政使○壬寅時浙江盤石衛有逃軍四百餘人以扣支月糧倡亂執縛主簿脅逼通判本府即勦官銀三千餘兩給散巡按御史王化以聞因言先是江陰盜侯仲金之亂殺官兵二百餘人支解主簿殺百戶一人請罪諸失事者以為曠職之戒兵部言仲金之亂守臣無言殺官者盤石逃軍之變所繫尤重

宜下所部竟其事得旨江陰盜情令直隸巡按御史作速勘報
巡江都御史嚴督所司併力緝捕似前怠慢坐視者以名聞浙
江巡按公同三司查勘盤石衛逃軍因何致變必有主謀倡率
之人務訪實拏究不許濫及無辜其守巡府縣字印管糧備倭
把總等官有無激變通同情由一併追究○癸卯陞工部右侍
郎潘瑤為本部左侍郎提督四夷館太常寺卿蘇氏為右侍郎
原任巡撫保定等府右副都御史林庭楫為南京兵部右侍郎
○以旱災免山西行都司所屬衛所并大同府所屬州縣夏稅
有差○甲辰命兩京大臣科道及在外撫按官用心詢訪才行
老成整時望者從公各舉所知吏部遇有相應員缺酌量舉用
毋避嫌推托亦勿徇情濫舉從吏科都給事中劉世揚請也○
乙巳刑部左侍郎許讚右侍郎聞淵大理寺左少卿曹貞以會

鞠張柱獄為給事中陸粲所劾乞罷不許○丙午特陝西鎮臣以主客兵馬糧餉不繼請如節年事例撥內帑開引鹽及推江南拖欠京庫折銀會計撥派裕足歲支外仍存贏餘以待災歉戶部言陝西主兵歲用則總八郡諸衛之租入盡以給之又京運年例銀兩往年以災却議處補存留起運又十萬餘兩若客兵支用則今年所發官銀先後凡二十五萬矣迺鎮臣尚有是請蓋以不完徵稅糧不力追逋欠無以資主兵而以客兵之食食之不知彼奉何明文而擅廢客兵之資也今既告匱請發五萬付都御史劉天和於要害城堡糴買本色專備動調人馬仍責問前銀令之處補有旨責讓鎮臣擅動客餉令督餉都御史劉天和覈實以聞以天虜在套姑准發帑銀十萬兩給之○丁未改南京刑部尚書何詔為工部尚書詔疏辭許之○南京

戶部右侍郎楊果以母年九十乞終養許之○大學士桂萼再上疏乞休曰臣感 陛下恩赤心國報故凡舉劾大臣承襲封爵罷兵息民去泰去甚一切大政莫不詳論極辨意見之偏難保必無至於徇私贖貨背公樹黨則 皇天后土實所共鑒但所入告者一於休養生息不合同列之議者多矣臣又思 陛下堯舜之主赫然大有為百官有司爭欲自効今有百餘年宿弊一旦急請釐革之者此達臣達曰該部議擬 陛下裁斷臣何所與而弗便者乃側目切齒陰嗾於眾曰某事某建明也某人某攢斥也徑動章請交構飛語文致以逆似之迹傳會以悞朕之言臣拙於謀身不知形迹之可避疎於接物不知背向之不同禍機藏伏待時而發備且抗直任愚曾不覺悟今言者果以輔臣專恣獨歸臣罪以此為罪臣復何辭至謂臣能使天下

敢怒而不敢言則臣實恐懼循省莫知其何所指也臣何足惜
獨上累知人之明傷國大體死有餘辜乞許臣去生免顯戮死
得令終幸甚 上曰御讀書見理但所行事亦須共協商議勉
詢公論合於事情庶前日之忠不為自負不必深辯病痊即出
供職以副朕任用之意○戊申中元節遣駙馬都尉鄧景和長
宣伯周大經昌化伯邵杰分祭 七陵儀賓周鉞祭 景皇帝
陵寢駙馬謝詔祭 悼靈皇后陵○提督海子太監孫端疏乞
優免海戶雜差戶部言海戶多殷實故 先朝斟酌每戶優免
三丁載在會典近者歲輔之地災傷頻仍差徭浩繁奸民往往
投充陵墳匠校選收將軍勇士影射偷閒避重就輕偏累良民
根本之地深為可慮海戶優免止宜如故且當論諸投充影射
者罪以警將來報可○大真人張秀顯遺其屬卜餘稱採取遺

經供器進 上乘傳詣四川雲南諸省後以上帶蟒衣遣鎮守
官巡撫雲南都御史歐陽重言其擾害夷方惑眾罔利請治之
上命江西巡按查訪具奏而以重疏差爲尊號字樣詰令對
狀○庾戍南京戶部尚書王承裕以公事赴京至天津有疾回
籍爲吏科都給事中劉世揚所劾 上以承裕不諳禮體令致
仕○土魯番速壇滿速兒王等遣使貢玉石方物賜綵幣金織
水絹疋有差○辛亥 太宗文皇帝忌辰 奉先殿行祭禮遣
安仁伯王桓祭 長陵○壬子陞陝西左布政使成文爲太常
寺卿提督四夷館○癸丑禮科給事中王準劾大學士張總所
但通州叅將陳璫桂萼所舉御醫李夢鶴皆私人宜罷黜且乞
戒總萼勿私漏比以息人言 上命所司查奏初萼乞沐未允
至是總後稱疾 上曰卿素忠謹簡在朕心準所言已令查奏

御不必辯不得因是推避員朕所托已而禮兵二部言夢鶴以
考選瑞以薦用俱非有所援 上置之仍命所取醫士恐未精
太醫院更考以聞母有所避○乙卯大學士張璉以旬日間兩
遭論劾再疏乞休曰三讓而進一辭而退大臣之道也今為大
臣者能書百忠甘受萬辱假恩僚屬以結其心納交科道以滅
其口卒之大道不行公議不立有少自樹者則箠謗叢至始臣
議禮特言者無慮數百章所以甘犯衆怒而不忍去者為典禮
之未成也今 聖孝已遂臣宜去矣人雖無言猶將愧之况有
言乎 上曰御學博才優忠誠素著朕所簡任非止以議禮一
端且父子天性方朕冲年寡昧為人所欺 皇天垂鑒俾卿開
朕心志贊成大禮即以此用卿亦朝廷報功之公典未為害也
御其勉盡輔導之職匡朕不逮不允辭○丙辰陞陝西按察司

副使汪珊為浙江按察使山東按察司副使田登為河南布政使司右叅政○賜光祿寺卿吳大田母林氏祭葬大田以藩邸講讀有勞故從其請○增設雲南都司守備指揮二員一守備安普臨元二道一守備金滄洱海二道○丁巳巡按直隸御史魏有本言頃有詔停止蘇杭織造待豐年舉行已又命織造官不必取回臣揣 聖意蓋以工後宜停持官不可罷耳迺太監耿隆猶督徵糧價催償工程是已停復徵方罷即舉前後背馳上違德意下失百姓心今蘇松諸府災傷荐至乞仍前詔停止為便詔如前旨○戊午吏部覆南京科道所薦舊臣如尚書羅欽順秦金趙璜皆耆德宿望久乎士論宜及時起發其次則副都御史王蓋張雲亦可叙用其次則尚書顏頤壽副都御史劉大莊侍郎孟春劉玉王啓大理寺卿湯沐太僕寺卿江玄錫俱

以大獄褫職而侍郎鄭岳則寄招物論宜用與否皆請 上裁
上曰奏內各官皆非可用之人惟張雲謹厚准候缺推用餘
悉罷之○時浙江温州有海賊之警有逃軍之變直隸有侯仲
全之亂兵科都給事中夏言上疏曰今三亂並起漸不可長誠
宜上屋廟謨不當泛言下督責之旨移查勘之文而已也且浙
直財賦之區鎮江常州江淮之咽喉留都之甸服儀真瓜州又
漕運之門戶朝貢之通衢也賊熾則東南不得安枕矣請添設
巡視浙江等處都御史一員假以督軍重權兼制鄰境以遏狂
亂專設鎮守江淮總兵官一員駐瀕江要會之所凡沿江守備
備倭等官俱聽節制以弭意外之虞 上深納其言即命吏兵
二部會推才望謀勇文武大臣二三人以請○錄故南京禮部
尚書邵寶子煦為國子生寶妻乞休未考三載績例不得廢以

其文學聞望持予之。○以大學士張璠疾遣醫就視賜米酒蔬
肉。○時有發孝陵旁古墓者南京科道官以聞。上諭刑部
曰陵寢禁山何乃不謹巡護縱人恣採以致掘發古塚其命
南京法司逮問守護指揮并巡山巡捕守把內外官校若宜緝
捕及掩埋者南京禮部會官看議以聞於是刑部叅劾南京守
備魏國公徐鵬舉南和伯方壽祥南京兵部尚書王憲。上責
鵬舉壽祥對狀以憲任事未久責之。○庚申致仕少保兼太子
太保都察院左都御史陳金卒賜祭葬如例金湖廣應城縣人
成化八年進士授直隸婺源知縣選南京山西道御史歷陞都
察院右副都御史巡撫雲南南京戶部右侍郎都察院右都御
史總督兩廣軍務轉左都御史陞南京戶部尚書改左都御史
以母憂去任尋以江西盜起奪階起復總制江西等七省軍務

盜平加太子少保乞終喪又加太子太保仍總督兩廣軍務以
軍功加少保兼太子太保左都御史掌院事正德十六年病乞
休給驛歸至是卒金有幹局數歷中外四十餘年及卒家無餘
費士論許之○兵部言頌言官及南京禮部尚書劉龍皆薦聞
左右都督馬永謀勇可用請畧其狂妄殺之報可○辛酉太師
兼太子太師定國公徐光祚卒賜祭葬如例謚榮僖光祚永寧
之子弘治十七年襲父爵正德五年提督營務掌前軍都督府
印錄寧夏平逆功加太傅正德十五年調中府掌印奉敕知經
筵監修國史加兼太子太傅 武廟實錄成加兼太子太師
本穆獻皇帝實錄成加太師兼太子太師至是卒禮部叙其久
劬勞績行已無過宜賜謚許之○兵部言改提督兩廣軍務都
御史薛雍勲庸茂著傳播人口先已立祠致祭頌以言官之請

錄其後量授在京文職臣觀雍與都督趙輔同功一體而運謀
設策切實過之知縣陶魯所獲軍功皆雍指授其勞勩實與先
尚書王翔埒今趙輔子孫世承伯爵魯翔之後皆襲錦衣而雍
之子孫曾無延賞請從言官之所建白及其孫勳之所陳請得
比翔例庶答其功不允○癸亥兵部言頃者伏奉詔書以前詔
查革冒濫軍職恐奉行太過一槩混革無以勸勇士心今臣等
覆議謹據宣府撫侯萬全都司宣府等衛官旗應減革降級行
查者四百二十八人列名以請 上從所擬

明世宗肅皇帝實錄卷之一百三

大明世宗肅皇帝實錄卷之一百四

嘉靖八年八月甲子朔陞山西按察使周啟為陝西右布政使
南京太僕寺丞韓邦奇為山東按察司副使山東布政使司右
叅議陸杰為陝西按察司副使○朝鮮國王李懌遣陪臣刑曹
叅判李函進方物又馬慶賀 中宮千秋節賜宴賞如例○以
虜賊近邊調揚威營都督同知楊鎮於劾勇營令揀練兵馬有
警聽用○以斬獲套虜功賜勅獎勵總制尚書王瓊仍奏以銀
幣遊擊梁震把總孫仁副總兵趙鎮皆賜賚有差餘獲功弁陣
亡官軍令巡按御史覈實以聞○乙丑以南京兵部尚書王憲
為都察院左都御史太子太保如故初左都御史員缺會推者
再 上皆不允至是乃推憲及南京都察院右都御史萬鍾總
理河道工部右侍郎潘希曾 上特命憲仍詔吏部遣官偕赴

任○提督兩廣侍郎林富上言邇者詔下廣東採珠臣聞 祖宗時率數十年而一採未有隔兩年一採如今日者也蓋珠之為物也一採之後數年始生又數年始長又數年始老故禁私採數採所以生養之也自天順年間採後至弘治十二年方採珠已成老故得之頗多至正德九年又採珠亦半老故得之稍多至嘉靖五年又採珠尚嫩小故得之甚少今去前採僅二年珠尚未生恐少亦不可得矣五年之役病死溺死者五十餘人而得珠僅八千八十餘兩說者謂以人命易珠今茲之役恐難易以人命珠亦不可得矣今嶺之東西所在饑民告急申訴紛紛盜賊乘間竊發邇復以採珠坐派府縣恐民愈窮歎愈急將至無所措其手足而意外之變生矣臣聞內庫尚有扁小餘珠猶可備用未至甚乏如少俟數年池蚌漸老民困少蘇徐取而

用之其於愛民之仁用物之節似為兩得既入報如前旨採辦
進用無得遲誤○詔發太僕寺寄養馬一千匹給大同無馬官
軍從都御史蔡天祐請也○丙寅陞湖廣按察司提學副使許
宗魯為太僕寺少卿○丁卯遣大學士桂萼祭先師孔子○陞
四川按察司副使胡東臯為山西按察使兵部車駕司郎中查
應兆為山東布政使司右叅議○先是南京戶部右侍郎楊果
等言奉旨一應錢糧俱差委科道官監收查理通行截報查得
南京錦衣等衛三十六倉中和橋等三草場并 孝陵神宮監
御馬監內官監酒醋熬局光祿寺神樂觀犧牲所收放錢糧除
原有巡視御史并本部委官仍添差給事中一員五府六部都
察院大理寺國子監通政司諸衙門收受俵糧亦另差科道官
各一員監視其外承運庫并甲字等九庫舊有科道巡察在內

承運庫供用庫等監局無官監督宜併行巡視九庫科道一體監督載終造冊奏繳戶部覆上得旨如議行內承運庫免查盤○戊辰刑科給事中戴儒言頃奉明詔令兩京大臣科道及在外撫按官詢訪賢才各舉所知旬月以來竟無一人應詔者豈直無一人可舉耶但人情徇於故常以爲循資計休歎甲問年迺邇來官人之法或有所舉未必盡諧衆口所舉雖賢未必能破格登用甚則忌人者多有借過之嫌自固者恐致朋比之誘百慮橫生相視莫敢先發耳請中前旨嚴立期限內外三品以上無庸薦議已惟四品以下內寺丞郎中員外給事中御史等官從在京堂上官薦舉外副使叅議運使僉事知府同知知州等官從兩京科道及撫按薦舉多者十餘人少者亦不下三四人凡欲五人以上同薦者即時擢用三四人同薦者留儀采訪

一二人同薦者如常遷轉廢格者罰無貸如是則各舉所知而
豪傑之才咸得舉用矣疏入上曰舉用人才要有旨令兩京
大臣科道及在外撫按官詢訪論薦何通不遵行宜照前旨用
心咨訪果有才識優異堪以任重者不拘資格從公舉薦吏部
遇缺酌量奏請簡用不許避嫌推託○庚午改南京工部尚書
章拯為工部尚書初吏部以工部尚書員缺會推者再皆不當
上意乃特用拯○陞湖廣布政使司右叅議崔詞為本按察
司副使提調學校○復差兩直隸及各省清軍御史災傷重者
仍暫停止俟歲豐舉行○辛未改國子監祭酒魏校為太常寺
少卿校本以大理寺少卿改祭酒及是以版筵進講不稱旨詔
吏部改用○陞浙江按察司僉事孫元為四川按察司副使禮
部祠祭司員外郎周佐為湖廣按察司僉事○壬申起原任巡

撫遼東右副都御史張雲為戶部右侍郎○癸酉 萬壽聖節
賜百官節錢免宴○ 孝慈高皇后忌辰 奉先殿○陞都
指揮使崔文署都督僉事元總兵官提督上下江防巡捕盜賊
初兵科都給事中夏言等言鎮江等處盜賊縱橫沿江兵力單
弱全無備禦乞專設鎮守江淮總兵官於湖江要會處所駐劄
付以捕討之責 上是之令推素有才望謀勇者二三人簡用
兵部覆言南京故有武職大臣專管操江兼理巡捕事權原重
防禦江洋正其職守止緣勅內開載不專內有掣肘之嫌外無
節制之權徒擁虛名事難責成今既欲添設總兵官所理者皆
操江巡江之事原設操江武職大臣若復仍存恐互相牽制難
以行事宜將見任操江女遠侯柳文專在南京中軍都督府僉
書管事別推一員令其領勅專管操江巡捕 上曰操江武臣

仍舊防禦江洋盜賊總兵官如前旨會推二三人以聞因會推
右都督馮永都督僉事楊銳都指揮使崔文特用文○丙子工
科給事中陸繁言大學士張璉桂萼兇險之資爭僻之學曩自
小臣贊議大禮蒙 陛下拔真近侍不三四年位至極品恩寵
隆異振古未聞雖捐軀隕首未足以報乃敢罔上行私專權納
賄擅作威福報復恩讎總雖狠愎自用執拗多私而其術猶昧
為害猶淺桂萼外若寬迂中實深刺仗恩之毒一發於心如蟻
蛇猛獸犯者必死臣請姑舉數端言之尚書王瓊姦貪險惡在
正德間交結權姦濁亂海內罪不容誅而萼受其賂遺鉅萬連
章力薦總從中主之遂得起用乃為之言曰使功不如使過瓊
雖有過材不可棄昌化伯邵杰本以邵氏養子爭能伯爵人所
共知而萼受其重賂力為主張竟使奴隸小人濫膺封爵勲哉

世胄羞與為伍葦所厚醫官李夢鶴假託進書賞緣授職與若相隣內閣便門往來常與葦家人吳從周及存班桂林馮亨過錢道路之人皆知之又引鄉人周時望為文選司郎中通同鬻選時望既去代之者胡森森與主事楊麒王激又皆輔臣之鄉里親戚登選要地盡布私人陸點于奪惟其所欲葦典選僅踰半引用鄉故不可悉數如原任工部尚書分致仕劉麟其中未親也禮部侍郎嚴嵩其子之誥也僉都御史李如圭由按察使一轉而徑入內臺南京太僕寺少卿夏尚朴由知府朞月而遂亞卿寺禮部員外郎張敬通律歷而假以結知懷金錢而為人請託御文戴金承望風旨甘心鷹犬此皆葦之親黨相與比周為姦者也禮部尚書李時柔和平善生狡猾多知南京禮部侍郎黃綰曲學阿世虛談眩人有諭德彭澤黃祿改秩玷躐耆華此

皆陰厚於璉而陽附於萼者也。詔佞之輩相師，成風人心士習，敗壞極矣。萼等威勢既大，黨與又多，天下畏之重足屏息，莫敢公言其非，不亟去之，臣恐凶人之性不移，怙終之惡益甚。將來必為社稷之憂，伏望皇上大奮乾剛，速加誅竊，仍將其心腹及諸阿諛之徒，重加懲治，庶幾公道昭明，人心痛快。上覽奏批云：朕習以大禮未明，父母改稱，時張璉首倡正議，奏聞更復。後桂萼贊議自禮成之後，朕授官重任，蓋以彼盡心效正忠誠之故。今彼既頓失前志，肆意妄為，負君忘義，自取多愆。朕不敢私張璉，仍以本職令回家，深加首改，以圖後用。桂萼革去散官，及學士職銜，以尚書致仕。周特望、李夢鶴、桂林、吳從周、令法、司建、周劉、薛革去新陞職銜，令以原職致仕，不許起用。黃綰、彭澤等并桂萼在吏部所送大小官員，冷堪用者弗問，但有私厚。

不堪用者吏部會同該科官從公直奏定奪李特安心辦事即
杰嚴高李如圭罷陞蔡既君言官何不早奏坐觀至此乃却上
言非本心之忠也下法司逮問尋命總勳馳驛去○丁丑陞河南
按察司副使潘鑑為四川按察使雲南按察司僉事劉彭年為
湖廣布政使司右叅議○裁革南京通政使司叅議一員太僕
寺光祿寺少卿各一員吏部文選驗封稽勳司官各一員戶部
福建陝西湖廣浙江山東山西河南雲南四川貴州十司員外
郎各一員檢校一員禮部儀制祠祭司官各一員兵部武選車
駕二司員外郎各一員武學訓導一員會同館副使一員刑部
浙江山東陝西湖廣廣西江西河南四川福建山西十司員外
郎各一員雲南貴州二司主事各一員檢校一員工部營繕等
四司員外郎各一員營繕所所丞一員軍器局副使一員皮作

局鞍轡局大使各一員其各局印信事務軍器等局帶管龍江
提舉司副提舉一員都察院都事檢校各一員浙江等十三道
御史各一員大理寺左右寺副各一員太常寺協律郎贊禮郎
司樂各一員天地壇山川壇祀丞各一員光祿寺錄事一員署
丞四員監事四員國子監助教學錄各二員欽天監監副一員
五官保章正二員靈臺郎二員監候一員司曆一員挈壺正一
員司晨一員滿剌博士二員併滿剌科於五官科五府都事各
一員府軍等四十七衛知事二十八員烏龍潭倉收糧經歷一
員以錦衣等四十九衛經歷兼理兵馬司副指揮各一員留守
左等五衛聚寶等二十一門千戶所吏目一十六員時南京吏
部奉詔裁革冗員疏下吏部覆南京各衙門堂上官景泰前止
設一員至弘治間每設二員遂為常額按諸司事務不多堂官

一員已足辦理但恐遷轉事故新舊不接似宜於戶兵刑三部都察院大理寺事務頭繁者各留堂官二員吏部雖簿事簡但遇考察之期難以他官攝理亦留二員禮工二部俱止留一員且欲革太常寺少卿一員與太僕光祿等其庶官俱如撤減革

上以南京禮部職司慶賀諸禮儀工部職司工作堂上官各仍舊留二員南京太常寺典 孝陵并各壇廟祭祀止留卿一員恐缺時以屬官綜理非專事神明之意亦如舊設少卿一員○裁革鳳陽府壽州正陽鈔關○戊寅 上勅諭文武羣臣朕本藩服以我 皇兄武宗毅皇帝青宮未建上賓之日遺詔命朕入紹大統以來 天地 宗社之祀君主臣民當是時楊廷和等懷貪天之功蔽用宋濮安懿王之陋事以朕比擬英宗毒離父子之親敗亂天倫之正朕方在冲年蒙昧未聰致彼愈為

欺侮幸賴 皇天垂鑒 祖宗默佑以今輔臣張瑄首倡正議
忘身捐命不下鋒鏑之間遂致人倫潰而後叔父子散而後完
厥功具載匪可泯遺朕念彼等忠於王事授以重職擢若輔導
欲其全君臣始終之義之美奈何總等自居官以來不思圖終
之難頓忘謹始之志自用自恣負君負國所謂事端昭然衆見
而桂萼尤之近以言官屢劾朕不敢私論法本當寘諸刑典特
從寬貸總等回家剝悟以資後用萼奪其散官并學士職銜回
籍致仕其餘黨分別區處無幾息之中義之公兩盡焉顧給事
中孫應奎王準陸繁君言官之列有耳目之寄既知大臣若斯
却乃坐觀至此方行舉劾實非忠愛之本心亦負朝廷之所任
應奎首為違言姑免究并陸繁已究外王準也今法司逮問茲
特諭爾文武羣臣咸知朕意總等罪既不可掩而功尤不可

泯內外大小官員軍民人等毋輒乘此挾私表揚取有違首重
治不宥尚類文武羣臣協力同心匡朕不逮凡近日所行事有
未當者俱許條奏更正可行者不許聚訟勿得罔上縱私做效
為事事或改露法典具在必罪治之爾禮部便行節察院刊布
天下悉使知之○錄致仕太子少保南京吏部尚書吳一鵬孫
尚朴為國子生一鵬先蔭子子孝後中第諸補蔭許之○庚辰
陞翰林院侍講學士許誥為太常寺卿管國子監祭酒事○辛
巳命浙江署都指揮僉事萬表南京大教場坐營○壬午 駕
祀山川諸神先是 上諭禮部惟我 太祖高皇帝定嚴祭祀
之條於 皇明祖訓內山川諸神之祭皆無遺代之者後以出
入不便命官行禮今災變多端宜禱於神以祈轉化是年秋祭
山川諸神朕欲親往其具儀以聞禮部尚書李時等議謹按山

川嶽潰之神皆所謂受命於天而主祐下民者古先帝王率
致慎躬恭詣誠昭假是以兩眎時若災害不生民用大和我
太祖太宗凡山川諸神悉躬致祭未聞遣代嗣後因壇在郊
外秉輿一出則有鹵簿大駕之設六軍擁護之勞且越宿而返
遂命官行禮今皇上厲精化理恪謹天戒憂卹民隱屢形
詔旨近因四方災變親出祈禱茲復上稽祖訓欲親祭以期
昭假轉災為福敬神恤民誠古帝王之盛節臣等聞命不勝忻
躍竊以舊山川等祭例於中夜行禮聖駕先一日出郊宿於
齋壇恭畢後俟侵晨回鑾計越兩日方可畢事臣等以為祭有
大小禮有隆殺百語有之天子尊事天地修祀山川曰尊曰修
輕重較然若祀山川禮儀與祀天無異非所以明品秩而尊神
靈宜比祀先農例先期齋戒至日五鼓駕出詣郊壇昧其行

禮百官陪從其侍衛儀從悉依今春祈禱之儀則 皇上事神之禮既盡其如在之誠而祀事有別簡易中度亦可循以常行 聖範百世議上 上曰祭祀重事不可苟簡祀神之儀須有隆殺人君事天若事親禮神猶敬長應行禮儀禮部便議擬以聞於是時等擬上儀注一先期二日太常寺官奏致齋文武百官各於本衙門齋宿太常寺具祝文前期一日遣官致告 太廟 世廟如常儀太常寺預設祿品香帛於各壇設 上拜位於壇之殿內錦衣衛設儀衛侍從如視牲儀至日早 上具翼善冠黃袍御奉天門文武百官除設陪祀官先詣壇所伺候行禮其餘各具錦繡衣服朝如常儀太常寺官跪奏請 聖駕詣山川壇 上升轎百官趨出午門外東西序立候送 上至壇由東天門入先農門內降轎導引官導 上入具服殿易總服以

懋陪祀官各具袞服於壇之東西候立導引官等 上由殿中
門入陪祀官於丹墀內各就班與儀官唱執事官各司其事導
引官等 上至拜位內贊奏就位與儀唱迎神樂作內贊奏鞠
躬四拜興平身 傳贊百官同 樂止與儀唱奠帛行初獻禮樂作
執事官各捧帛爵跪進於 神位前樂止與儀唱讀祝文內贊
奏跪 傳贊百官皆跪 讀祝官跪讀訖內贊奏俯伏興平身 傳贊
百官同 樂作樂止與儀唱行亞獻禮樂作執事官各捧爵至
神位前樂止與儀唱行終獻禮儀同 亞獻 太常寺卿進立於殿
內東西向唱助福胙光祿寺等官各捧福酒福胙自 神位前
至 上前內贊奏跪奏搢圭光祿寺官捧福酒跪進於 上之
右內贊奏飲福酒飲訖光祿寺官捧福胙跪進於 上之右內
贊奏受胙受訖以胙授光祿寺官內贊奏出圭俯伏興平身鞠

躬兩拜興平身傳贊百官同典儀唱撤饌樂作執事官各詣
神位前跪撤訖樂止典儀唱送神樂作內贊奏鞠躬四拜興平
身傳贊百官同樂止典儀唱讀祝官捧祝字卷官捧帛饌各詣
燎位執事官各詣神位前跪捧祝帛饌由中門出內贊導
上少退於御位之左執事官各捧祝帛饌詣燎所典儀唱望燎
樂作內贊奏禮畢樂止導引官導上由殿中門出至具服殿
易翼善冠黃袍上升轎導引官導至齋宮陪祀官各易大紅
錦繡衣服行一拜三叩頭禮禮畢趨出先農門內南北序立
上升輦儀衛侍從如前至午門外儀衛退上還宮一文武大
臣有事故例不該陪祀者先期各具大紅錦繡衣服出詣壇所
於先農門內南北序立迎候聖駕抵早上御齋宮各官仍
同陪祀官行禮制曰可第先期不必遣官告廟朕出入必親

告 祖考於 內殿迎神送神止用舊拜禮部尚書李時等又
議伏觀會典內載洪武十年 太祖高皇帝祭山川諸神 上
親行中七壇禮餘壇以功臣分祀及詳祝文內載月侍城隍等
神俱為一通則兩廡六壇俱在祀內似可免分獻又近年遣官
行禮亦無分獻者乞 聖裁制曰祝文如舊兩廡遵我 太祖
欽定典禮東廡遣大學士翟鑾西廡吏部尚書方獻夫各分祀
行禮駕回作樂如例初 上諭輔臣揚一清翟鑾茲祭山川諸
神儀久不行祭服不宜同郊社當用皮弁輔臣以神有尊卑則
禮有隆殺祭山川諸神祭服誠不宜上同郊社但會典未嘗開
載稽之大明集禮諸書亦無用皮弁之文然議禮天子之事定
制自今以垂後法亦無不可 上復諭云天子既親祀何必計
其服之重輕輔臣因請斷用皮弁既而縉閣內閣所藏存心錄

內載恭太載風雲雷兩嶽鎮海瀆儀注 皇帝具皮弁服行禮
因上言 太祖高皇帝載之存心錄正與 聖諭相合 聖祖
神孫一道非臣下所能仰及臣等檢閱弗備考究弗精責不可
辭第百年曠典今日始行宜下所司著之令中使使世有所遵
承制曰可○六科給事中劉世揚等十三道御史張珩等各疏
陳罪 上曰世揚等職君言路朕每責令直言任性隱忍誠恐
比見孫應奎論劾迺有此奏本當論究但既認罪始宥之自今
凡有所見務竭誠盡言以副朕求言圖治之意○賜銜釋王彌
鉤恩配合春堂詩敬一箴通鑑綱目并堂名師古從其請也○
朝鮮國陪臣文曹參判柳溥等呈言本國祖李旦不係李仁任
之後而 皇明祖訓及大明會典所載俱屬仁任已於永樂及
正德間奏請改正俱蒙俞允而迄今尚未行今幸遇重修會典

乞為改正禮部以請。上許之。詔開送文館纂輯。據所陳建國本末。言旦初名成桂。其先本國全州人。二十八世祖翰仕新羅。為司空。新羅亡。翰六世孫靛休入高麗。十三世孫安社仕元。為南京五千戶所達魯花赤。世襲其職。元季兵興。安社曾孫子春與男成桂避地東還。至正辛丑。當高麗恭愍王之十年。有紅巾賊二十萬衆入境。成桂領兵勦賊有功。授武班職事。時尚未知名。恭愍無嗣。陰畜寵臣辛朮之子禍為己子。晚多跡暴。為嬖臣洪倫內監。崔萬生等所執。權臣李仁任車裂倫。萬生於市立禍。為嗣。其子昌為世子。禍十六年。擢成桂為門下侍中。時禍遣將犯遼東。成桂為副將行。至鴨綠江。與諸將議不宜得罪上國。乃還。禍懼。遜位于昌。昌以洪武二十二年宣諭以偽姓見黜。而俊王氏之商定昌君瑤主國事。仁任罪竄於外。既王瑤又不義國。

人憤怨乃共廢瑤推立成桂成桂請命於太祖高皇帝乃命成桂為王國號朝鮮改名旦云○甲申廣西道御史王化劾奏兵部尚書李成勳王瓊工部左侍郎何詔劉思賢南京禮部侍郎黃綰順天府府尹黎奭太常寺卿陳道瀛大理寺左少卿曾直右寺丞葉忠兵部武選郎中劉景寅雲南按察使張祐僉事樊津皆阿黨總等助報息離納賄違官假作威福巡撫順天都御史江玉巡撫應天都御史陳祥巡撫雲南都御史歐陽重巡撫延綏都御史蕭淮右諭德彭澤編修張袞皆反覆小人傾陷善類變亂白黑顛倒是非俱宜罷黜仍自乞誅謹以為官官不早言事之戒上命李承勳王瓊曾直陳祥張袞視事如故彭澤葉忠調外任其餘吏部酌議奏請王化既言事又認罪始置不問○乙酉 憲宗純皇帝忌辰 奉先殿行祭禮遣英國公

張崙咨 茂陵○禮部尚書李時左侍郎嚴嵩都察院右僉都御史李如圭各因給事中陸粲論劾具疏求罷不許○丙戌十
三道御史吳仲等言總制三邊尚書王瓊兇惡姦猾總制兩廣
都御史林富通賄駭遷禮部侍郎嚴嵩早污諛佞南京禮部侍
郎黃綰柔媚姦貪總督蘇松糧儲都御史陳祥險惡乖僻巡撫
延綏都御史蕭淮狡猾早污巡撫順天都御史江王倖遷酷政
順天府府尹黎典諛佞狡猾大理寺少卿曾直險陋反覆寺丞
葉忠阿附枝害南京太常寺卿方鵬庸鄧猷瑣尚寶司少卿姜
清守制預陞右春坊右諭總彭澤行檢掃地中允廖道南姦諂
貪墨翰林院編修金璫趨權通賄至如侍詔葉幼學吏部郎中
胡森員外郎潘漢劉一正主事王激禮部員外郎張敬工部郎
中丁洪刑部員外郎張寰南京刑部郎中劉汝輓養病部給事

中楊東文夏言給事中魏良弼監察御史儲良材鄭洛書叔鉞
劉漢陞夢麟太僕寺丞姚奎類皆阿附為非公論難容俱宜罷
黜且邇來改選翰林御史等官甄別弗精冒濫殊甚不次遷擢
者才能未稱資望弗宜乞勅吏部再加考察分別等第降調既
入得旨王瓊既屢經論劾今致仕別推代之嚴嵩陳祥曾直葉
忠彭澤如前旨并林富方鵬俱留用其餘吏部酌議去留具奏
人材難得近來改選及推陞官若非過惡顯著不必泛劾庶免
枉人且傷治體○詹事府詹事霍韜上言臣伏見陛下任用
璉等真如腹心璉等不善保全自取黜斥夫復何言願今日之
公是公非闕係百世者臣不敢默臣謹按璉等二臣雖事多專
主然其自視直以為主上如此信任我雖粉骨碎首亦所甘
心無服顏避禍福其心可亮若揚一清之姦賊罪狀則難以盡

言如納張永之饋而為之引薦受蕭敬之饋而為其家人求拔
尉此猶可言若去年引門生馮清出鎮宣大交通中鹽買高貴
寓軍士激變科道論劾遣官往按而一清遂秩御史成英奏止
之以掩贓跡自是邊軍愈橫邊防愈壞此其納賄之罪小壞紀
綱之罪大也知縣劉一中考察去官以書技一清曰昔年饋老
先生銀二千兩求行取今去官矣蓋欲一清起用之也一清為
作弊令賈鹽取利以饋之此亦納賄之罪小壞紀綱之罪大也
中允廖道南進洪範疏 上感其言命翰林官輪日入直備顧問
問一清恐翰林官在內語及政事或發其姦改議翰林官二八
日輪兩員講大學衍義仍以大學士一負領之一以箱講官之
口一以較 主上聰明此其專權之罪小誤 主之罪大也一
二年來災變屢降各有事應為一清者正宜條陳某災為某事

之應修省消弭以召太和乃隱默不言暗移過失歸之 主上
俾 主上日夕焦勞莫知為謀一清又復幸值災變暗嗾內官
以中傷同列此其不職之罪小誤國之罪大也璉等每詆一清
一清亦鬱璉等怨積已深黨植已分攝謀已密一清遂鼓喉言
官攻擊璉等濫及善類且一清嘗語內臣曰張璉桂萼與霍韜
修大明會典查內臣負額他日額數既定則將盡革額外冗員
矣以故內臣人人自危致有今日彼陸祭岳倫之疏皆非其本
心特為一清所誘劫遂顛倒互是耳臣姑未盡究祭倫之說惟
即其害義之大者一二言之祭之言曰文選郎中周時望主事
揚麟皆江西人也桂萼親黨也胡森王激浙江人也張璉親黨
也然則陸祭非南直隸人耶非揚一清親黨耶又陸祭與侍郎
徐縉皆蘇州人陸祭徐縉又皆王整門生徐縉主考南京而陸

繫中式律以鄉里隣近則徐縉宜避同門汲引之嫌律以師門
筆硯之情則陸繫不宜入試昔陸繫自進其身則不以嫌疑引
避律人任官則以鄉里為諱何也豈其明於攻人暗於省己耶
去平議禮凡攻擊總等者皆已得罪今則附順總等者又復得
罪如是則百官安所適從也臣不能先事調停致大臣攻擊誣
反善類臣之罪固不能辭且臣與總等俱以議禮進官總等既
去臣豈宜獨留乞賜罷黜仍勅吏部法司隱核被劾諸臣罪狀
果有真跡即寘之市曹以為姦黨之戒不者亦為辯理庶為善
類之勸此今日國是之大所宜定者臣昧死以聞 上曰所奏
事愴朕已悉之矣爾首贊議大禮忠誠昭著宜似舊安心辦事
不允辭○改巡撫山東右副都御史王克封巡視浙江福建沿
海地方兵部尚書李承勛等言浙江寧紹台溫諸府統山瀕海

通連福建盜賊嘯發下海劫掠出沒不常事干兩省勢難控制如盤石衛逃軍倡亂本因月糧不足法度廢弛官吏撫馭失宜所致今既特命大臣巡視必假以重權使之得以展布三司府衛等官俱聽叅奏海陸盜起嚴督官兵撲滅盤石衛亂軍推充根因罪其首惡勿泛及脅從一切事宜悉聽便宜而行庶足以慰軍民之望疏入 上是之詔充封總理兩省海陸盜賊事情三司以下官悉聽節制○丁亥起致仕兵部尚書明世寧為南京兵部尚書叅贊機務仍加太子太保○戊子六科給事中劉世揚等言自璵萼二臣相繼柄用負恩行私中外精神趨附日衆廉耻掃地風靡已甚幸賴 聖明乾斷收二臣之權究黨與之罪諭告天下昭布大公衆志以定士習再變國致治之一機也間有遺類未盡去者固宜因時剷除消滅邪枉第方今人材

寥落大僚屢缺庶政墜廢羣方輿深求則國體有傷不舉則
公論不明今尚書李承勳侍郎嚴嵩累奉明旨留用無論已如
總制三邊兵部尚書王瓊納賄權臣夤緣起用右諭德彭澤左
中允孫承恩大理寺丞葉忠御史儲良材皆考察黜調乞表權
門首壞國家之典此五臣者所宜急黜者也順天府尹黎奧右
中允廖道南編修金瑤阿媚小人清議不齒都察院僉都御史
李如圭大理寺少卿曾直南京太常寺卿方鵬脂韋附合陞運
太駭此六人者所宜分別黜調者也工部郎中丁洪員外郎金
達刑部郎中劉汝觀詣附無耻駭遷京職而汝觀尤疏貪酷禮
部員外郎張敬文部郎中胡森主事王激御史狄鉞鄉里親識
濫若清要而張敬文尤為鑽利南京國子監司業江汝璧以姻親
攀附躡致通顯翰林院侍詔葉幼學以門館散讀冒膺清秩刑

部負外張囊甘心佞使太僕寺寺丞姚奎倚恃縱恣翰林院編修張袞給事中魏良弼出入權門御史陸夢麟奔競改用戶部負外郎郭憲賊改脫罪黃錄陞官此十五臣者所宜叅酌去留者也 上今已奉旨弗問餘吏部酌議去留具奏定奪○大學士楊一清上疏乞罷謂霍韜以璉等之去皆由于臣詰臣之罪至不容口果如所言臣誠無所逃死臣與璉等初甚相驩比同事又雖間有異同旋即如故二載之間蓋未嘗以失和氣韜乃謂二臣每攻詰臣臣度二臣必不為此又謂二臣為臣所離間此則 聖鑒自晰不俟辯也至謂臣喉內臣喉言官夫 皇上英斷御下豈左右之人敢進讒說言官為朝廷耳目乃聽大臣指使不唯失職亦不可為人矣矧孫應奎之奏臣在劾中豈亦臣指使耶初璉等命下臣與臣鑾相顧錯愕莫知其端因相語

等之過或有可指總之忠豈宜遽棄其日 皇上親革勅諭宣
示羣臣臣等所以不敢上請留之章者以勅旨方嚴恐遽難挽
且矜還家省改以圖復用之詞知 聖意有在不敢喋喋爾比
總與臣別嗚咽無任蓋終始未嘗失歡而韜為此言何也至於
訐臣姦賊臣不敢置辯如得其實甘伏顯戮臣見韜高文直氣
素加推重但以言多過激時或議之蓋欲引諸和平期其遠大
豈其懷忿遂至此極窺人以所無之心加人以所無之事肆意
詆毀實無所根臣老矣疾病侵尋就木有日願賜骸骨歸 上
曰卿 景朝舊臣才望素著比者維持議禮况自召還臣朕良
多朕深倚任宜如舊用心輔贊化理不乞所辭○以災傷令順
天諸府及山東河南二省秋糧菜豆及各馬考各黑並俱減原
額之二○温州海賊數百餘人焚劫地方巡按御史張問行以

聞詔巡視都御史會同巡按御史查勘有無隱匿情弊回奏并
建問巡視海道副使傅綸署都指揮僉事劉翔高懋指揮同知
崔鼎等○己丑太子太保吏部尚書方獻夫言近者大學士張
璉尚書桂萼去位而科道等官論劾其素所與者咸指以為黨
屢下吏部覆奏臣按陸粲奏內二十人岳倫奏內八人王化奏
內二十一人六科會奏二十八人十三道會奏三十三人臣竊
詳奏內所指姦惡不容清議者固有而善類受誣者亦多一舉
目以為黨繩之太過豈不至空人之國乎且昔年攻璉萼者既
以為黨而去之今之附璉萼者又以為黨而去之縉紳之禍何
時而已是宜出自 聖斷勅下吏部博稽公論甄別善惡不問
黨與不黨惟考其為人平日何如果姦險有徵足以害事者去
之其餘跡涉疑似無有顯過者悉令如舊供職以安人心則事

無枉濫而國體必全但臣與璉等二臣同為議禮之人理宜引
避請特命吏部左侍郎董玘等會同九卿堂上官從公覈實奏
請 上曰卿言良是所劾官多誣且泛一槩指以為黨豈不重
傷國體卿職掌銜忠誠直諒朕所倚任不必引嫌求避宜秉
公任事備考諸人素行務各公論以為去留○庚寅戶部以查
盤國子監糧木缺蝕及紅腐數多請逮問典守者并前祭酒趙
永薇高陸深魏校司業吳惠及今司業林時等 上以永等既
致仕陸調去任而時亦非主守之人皆貸之典守者無論在任
與否第曾收管者俱逮問○賜樊山王祐構謚莊和鉅野王當
涵謚莊憲○工部言後軍都督府供應惜薪司炭牛例價銀
二萬五千餘兩出諸都司衛所改職字用該府管理之歷百餘
年相安相信今柱勇止緣經歷蔣履長侵欺之弊乃託以事務

煩冗委諸本部無管變會典之規制奈軍民之職掌不可從况
本部每歲供應惜薪司柴炭價銀動十五餘萬方自顧不暇豈
復能併兼該府之數哉宜令該府如舊管理若恐有弊依本部
近例凡有收放請巡城御史監視 上從部議令如舊行○壬
辰吏部右侍郎徐縉禮部左侍郎嚴嵩太常寺卿陳道瀛大理
寺左少卿曾直順天府府尹黎奭右春坊右中允廖道南以被
論各上疏乞罷俱不許

明世宗肅皇帝實錄卷之一百五

嘉靖八年九月癸巳朔

上勅吏部輔臣張璉近有旨着回家今缺官辦事急難得人朕方即位之初首得璉贊議朕孝厥後乃獲正天倫之序完父子之親皆璉之力助贊成者也可令復任辦事差行人齎勅守催前來以慰朕眷注之意是時璉始行至天津行人周澤奉勅諭之曰卿以道博之才貞一之學首建正議贊朕冲人以成大禮惟卿輔弼之任裨益良多近因人言乃令還籍實朕保全之意今輔導缺人臂理機務卿宜疾速返途勿得推延辭避匪止誤事且負朕意卿其欽承璉疏辭得旨卿忠誠素著輔朕愛國效績良多近令卿歸以避言耳其即復任辦事毋得遲延違了君命璉復上言 皇上召臣之遲蓋將責以輔治也使臣披靡以

從衆未免欺君誤事雖進無益或蹇諤以違衆且至構怨滅身
恐將來欲退無及矣臣之進退實為狼狽惟 聖明察之 上
答曰卿云于衆以從違為難但當一于持正秉公而已慎勿過
慮○甲午大學士揚一清再疏乞歸言臣歷事 四朝久叨榮
寵分望已過雖濫冒過情之舉亦時彼不根之毀即今兩日昏
普視物如霧兩足輒弱行立艱難過爾淹延非惟不能復覩
天日亦恐不得生還鄉里伏望 皇仁徧覆大造曲成哀此殘
朽無庸于世之人放歸田野幽閑苟活之地臣雖即填溝壑無
餘憾矣 上曰卿 累朝耆舊輔導首臣朕深切倚毗不必自
生疑阻堅欲求去鴻臚寺其以朕意往諭趣令即出辦事○兵
部尚書李承勳以人言再疏求退因言國家自前朝權姦用事
以來綱紀紊亂已極承此圖治為力甚難而議者忽庚甲先後

之成欲以急迫致之廟堂論事甲可乙否朝行夕改政令不信于天下此指彼為流俗彼曰此為紛更黨議一與人懷疑畏事勢至此誠恐有不測之禍發于旦暮顧皇上因此存難慎之心圖苞桑之計求弘毅之佐立宏遠之規毋徒事瑣細末務以傷元氣則可以消變於未萌矣上嘉其深謀遠慮溫旨慰留之○乙未工科給事中劉希簡言適者張璵桂萼去位雅因言官論劾曾出自皇上神武英斷詹事霍韜乃肆為欺謾之辭謂大學士楊一清鼓吹言官攻擊璵萼夫輔臣去留繫國家大事豈有言官為人所使可以擊去之耶且人之使犬謂之族言官為朝廷耳目韜乃比之以犬其輕侮言官甚矣孔子謂少正卯行辟而堅言偽而辯順非而澤今上有曲全輔臣之恩韜乃啓之以衰薄上有虛心求諫之誠韜乃啓之以猜疑此正

少正卯之流也。願戒諭翰以人臣之禮，惟忠惟順，毋得鼓煽私說，以眩惑聰明。斯不負上知遇而言官亦無所嫌沮矣。疏入，上怒，命錦衣衛逮送鎮撫司問。丙申，孝恭章皇后忌辰，奉先殿行祭禮，遣建昌侯張延齡祭景陵。吏部尚書方獻夫等奉旨詳覈科道官所論劾黨附張璉、桂萼諸臣，除已有旨留用外，如南京刑部尚書何詔、南京禮部侍郎黃綰、順天巡撫汪玉雲、南巡撫歐陽重、延綏巡撫蕭淮、太僕寺少卿戴時宗、南京太僕寺少卿夏尚朴、尚寶司少卿姜清、南京國子監司業江汝璧、右中允孫承恩、翰林院編修歐陽德、都給事中蔡經、給事中李鶴鳴、魏良弼、御史鄭洛書、陸夢麟、吏部郎中胡森、員外潘潢、主事揚麒、王激、工部郎中丁洪、刑部員外張寰、工部員外金述、按察使張祐、副使丁汝夔、僉事蕭璆、俱素行無玷，工部左侍

郎劉思賢年齒近邁翰林院編修金瑤都給事中楊秉義御史
劉模教斌太僕寺寺丞姚奎兵部郎中劉景寅戶部員外郭憲
禮部員外張致南京刑部郎中劉汝輓俱有干清議御史儲良
材侍詔葉幼學俱奔競有跡僉事樊準已經調任都給事中夏
言御史戴金言事偶失似無大過至于挂等選過大小官自文
籍浩繁無從稽覈請令科道官廉訪果有私厚擅用者指名叅
奏庶事無枉濫而人心不搖有旨詔改南京工部尚書綰等俱
供職如故思賢等及景寅等致仕良材幼學冠帶間任準既調
任已之言屢效忠諫金亦無罪俱勿論他如擬○總制三邊尚
書王瓊既奉旨致仕至是因吏部上考議各官疏復降旨瓊自
起用以來盡心邊務籌畫有功恐代者遽難得人其令照舊用
心辦事毋以人言辭避致悞重委該部即差人馳示朕意○直

隸巡按御史魏有本言各鈔關稅課錢鈔兼收但民間鈔法不行而錢價低昂所在各異以致收納之際官民咸稱不便乞自今俱許折銀戶部覆議從之○丁酉初 上諭大學士張璠會典中有親征之條所謂類造宜馬之祭皆云具武弁服斯乃一代之制不可不備今當重校會典之特宜制而增入卿可為朕詳言之璠對周禮司服凡兵事韋弁服釋之者曰韋弁以韠韋為弁又以烏衣裳孔穎達謂韠舊染赤色韋為弁杜佑謂頂少尖為車駕親征中外戒嚴之服是韋弁者武弁也歷代弁制不同頂少尖者本是古制國朝視古損益烏皮弁之制有定式矣所謂武弁只如皮弁之制皮弁以黑紗冒之武弁當以絳紗冒之而已隨具武弁服圖說進覽 上報曰覽鄉註繪武弁圖制足見博考所繪有詳形但無繫處想亦有失冠制古象上尖今

皮弁則圓袂惟上銳者取其往利當如古制可也又衣裳鞞舄皆赤色何謂且佩綬俱無而于祭用之可乎璵答自古服冕弁未有用鞞帶者鞞帶前繫後繫綬韋弁之鞞止繫于鞞帶耳武事尚威烈故色多用赤詩鞞鞞有與乃天子講武之章與赤鞞鞞舄從裳色故皆赤佩綬于禮制不可缺但未有明據采芑詩曰服其命服朱芾斯皇有瑱葱珩此詩為卿士方叔南征而作其戎服尚備佩玉如此則天子武弁從亦可推惟 聖明裁定以備一代之典可也 上復報璵武弁冠服衣裳鞞舄俱如古制增鞞帶佩綬及圭至是 上諭禮部裁 聖祖定制天子親征必有大祭等祭皆具武弁服行禮今國家承平制度久缺朕已與輔臣璵詳加考定今欲令該衙門成造以備一代聖制爾禮部擇吉行○戊戌大學士張璵至京廷見畢未謝恩 上

諭以閣務繁重令即日赴閣辦事總疏謝且言臣間宥臣程順
謂人臣位愈高報國當愈勤饑則為用飽則飛去是以鷹犬自
期非愛君之道又真德秀謂諸葛武侯所立事業奇偉求其故
則開誠心布公道集衆思廣忠益而已臣伏蒙 聖慈令退而
省改創悟日夜自反于武侯四者未能有一然繼今當勉強師
法決不敢私為愛身之謀以負 皇上付託之重 上優答之
○己亥賜楚王榮滅書院名額崇本從王請也○鄱御史劾天
和條奏甘肅屯糧事宜一禁掎剋謂科害屯軍事件 先朝禁
例嚴切今鎮總參遊等官巧為名目科索屯丁冤苦無告宜申
明禁約違者論如法一清湖塲謂甘肅諸衛所近城湖塲為鎮
總將領等官侵據反役軍採打或令馬軍就湖收放或給步軍
抵納操草却將各軍月糧扣支累奉旨查革占愴如故宜悉清

理給付官軍開墾採收一審派撥謂先平屯田各衛所百戶俱有定界比來屯丁遷徙不常每遇派撥仍依各百戶舊界以致相去遼絕不便耕種此後請著為令務查屯丁住居先儘本渠次及附近渠分地土悉從宜分撥無得隔遠及將無影地土虛撥一按侵冒謂累年屯糧該管官吏收受有虛出紅串之弊支放有那移號頭之弊有虛捏闖文之弊以故公廩所積多有實無宜設法稽查及申明侵盜之罪一廣開墾謂甘肅兵食所資不獨屯田其南北山無糧沃地甚多可給與本處安插軍及備禦班軍耕種務於操守不失又於耕牧兩便庶可議行一處牛種謂牛價前已支京運銀一萬兩聽臣買給再乞于原議賑濟鹽銀內除二萬兩召買種糧給散屯軍每年所得子粒先扣應納屯糧以備官軍支放次扣原借種糧以俟春作給散其餘悉

聽自瞻積有餘剝官可羅買價直自平戶部覆天和言皆切時
務可行惟步操備禦軍耕種事仍行該鎮詳議便宜以聞報可
○庚子天方國等處夷使火者哈只等進方物朝貢給賞如例
○辛丑光祿寺少御史道言帝王之於輔臣必得真可以寄心
賢者而後任之職所謂真可以寄心賢者必才足以通達萬變
力足以擔當天下之重含弘廣大其度而不區區與衆爭功名
光明洞達其心而不紛紛與人較長短不悻悻自處以形迹拘
不碌碌自保以嫌怨避此真輔相也 陛下即位以來于今八
年餘矣宜乎臯夔伊傅之輩出而協恭之實未盡成和之象不
著往者輔導數臣始親信之而終繼之以疎始愛惜之而終承
之以棄八年之間去位者六七人矣臣知 陛下之心必有未
得己者大抵風習易移人才難得先時之姦貪不法庸惡陋劣

者固不足齒其志大者或量小寬厚有餘者或明斷不足才足
以幹旋一世者或不能忘情于物我遂使輔相之無真而不足
以當 陛下求賢圖治之望非 聖明之輕于棄人而人自棄
於 聖明也今者大學士楊一清累疏請歸 陛下留之不欲
去正臣所謂有通達萬變之才者也大學士張璉奉命回藉
陛下召之使復來正臣所謂力足以擔當天下之重者也伏願
陛下天語丁寧諭勉二臣繼今以往務忘私奉公委身殉國以
臯夔伊傅自期待仰承 陛下千載非常之遇則贊輔得人太
平可致矣 上覽而嘉之曰內閣大臣責任最重朕所深倚宜
同心共事協恭盡職秉公待正以贊治化陳善閉邪以輔君德
容長以量受言以私勿懷私嫉忌以取愆違庶乎君德賴之以
成治化以之而興澤溥下民功施社稷忠節譽皇非前代諸臣

所能專美豈不偉歟輔臣於道之疏朕之言宜加思勉勿負朕意已而一清璉各上疏陳謝報聞○陞南京刑部右侍郎邊貢為南京戶部尚書先是尚書王承裕既致仕吏部推上刑部左侍郎許讚及貢代之有旨再推部臣言兩京諸臣中無才望相宜者惟原任戶部尚書秦金可任上命仍用貢○謫行人司副岳倫為山東齊東縣主簿禮科給事中王準為雲南富民縣典史工科給事中陸繁為貴州都鎮驛丞初吏部遵旨擬降繁雲南嶺峨縣典史上怒不已改謫今職○謫浙江巡按御史張問行為溧水縣知縣坐諫織造段匹事忤旨也○壬寅命故成國公朱麟羊鳳報爵○陞浙江左布政使劉節為都察院右副都御史巡撫山東廣東按察使劉士元為本布政司左布政使○癸卯陞貴州左布政使張羽為南京太僕寺卿○詹事霍

貽疏乞給假省母因言臣遠離有期餘恫未布前陸桴勅桂萼
納賄薦用王瓊蓋由近日臣僚皆欲傾萼故借瓊以污蟻之夫
萼雖薦瓊實為楊一清沮止 陛下因臣極力奏薦乃遂用之
萼薦而不用臣薦而遂用今言官不劾臣受職而誣萼者蓋萼
任事獨勇任怨獨多為眾所嫉故獨誣之使誣萼之計得行則
移以誣臣不難矣此臣僚之心也言官之策也竊聞刑官今猶
咸逼吳從周桂林等構成萼之賊罪蓋希望風旨危人以圖全
夫未奉 聖明再勅之先其構此謀猶可言也今奉再勅 陛
下蓋已洞知陸桴所言之誣凡善類多蒙辨雪乃吳從周等猶
彼咸逼何也豈刑官不畏 陛下獨畏科道也豈刑官謂 陛
下猶可欺侮姦賊柄臣獨不可觸也瓊蒙恩起用在邊凡二年
請討錢糧惟五百二十萬而止一清起用未到邊即奏發太倉

銀三十萬兩鹽三十萬引瓊有此浪費乎臣前疏畧述一清賊
罪皆有指名皆有實跡然猶有不敢盡述者懼辱國體也今刑
官欲逼吳從周等証辜賊罪必將瓊與辜逮赴京師同鞫面質
乃可辯明有無臣所聞其一清賊罪亦乞將一清及賊証人等
叅提同臣面質如一清辜實有賊贖即顯戮于市為大臣姦汚
之戒臣與陸榮妄言亦顯戮于市為百官欺罔之戒如刑部黨
附循私亦顯戮于市為百官姦黨之戒如此則法度修明人心
警畏亦致治一大機也疏入 上答曰爾所言事朕已悉知近
年法官妄構寃獄自取禍敗朕屢有旨禁諭頃又降勅戒百官
勿立黨邪以傷善類徃徃不遵桂林等奉旨下問以彭公道問
之既無實情即當回奏以俟處斷周倫等乃不從公審鞫屬官
陳之良又刑逼招承任意羅織此事仍令三法司會同錦衣衛

鎮撫司詳訊以間揚一清位居內閣輔臣之首乃大肆納賄不
畏人言甚非大臣之體但念係耆舊法司即會官議奏處置爾
宜即出用心辦事不准給假○甲辰以淮安揚州鳳陽徐州海
州災傷詔免存留稅糧及折納起運米有差○乙巳改刑部尚
書周倫于南京刑部陞刑部左侍郎許讚為本部尚書讚尋疏
辭上曰大臣任用出自朝廷卿性資公敏執法明慎特茲簡
任宜盡心供職不允辭○陞黃州知府楊最光州知州孫懋俱
按察司副使禮部郎中劉勳布政司左參議廣信府推官陳察
按察司僉事最河南懋勳俱山東察浙江○禮部言宗室喪禮
今止有 昭聖皇太后遣祭一壇臣等以馬 章聖皇太后亦
當同遣庶於禮為稱 上以舊制 太皇太后與 皇太后尚
並行況今 兩宮同者詔如所擬○丙午 悼靈皇后陵工成

○丁未春春坊右諭德彭澤既奉旨調外尋具疏乞休因自言無過止以議禮得罪於人詔令供職如故○翰林院編修歐陽德以刑部改官因言者及之疏乞養病且願復原職 上以德方有事纂修不允○大理寺丞葉忠疏乞休致詔如前旨調用尋調忠為福建按察司僉事○戶科都給事中蔡經等上言鹽法三弊謂昔年鹽課有存積有常股存積以豫備緊急之需而常股則以開中宜以七分為派撥之常三分為應變之用昔年率當邊地收成之時上納其一引之鹽價不過三四錢而又外無科罰之費以為利不厚則商人不趨而邊儲不充耳今之開鹽未必當收成之候糧草價貴買納甚難又于每引定價之外別立名色科罰多端夫科罰不禁價且過多則召報無人而邊儲益匱此開中之弊也昔年正鹽之外不許夾帶餘鹽凡有餘

者必割以入官其後聽商納價然不過隨所餘多少以爲納價
輕重耳今兩淮因此虛添鹽引比正額兩倍之在各場之鹽既
不加多而徒周之以虛引將令執此引而支鹽于何所乎夫一
引之外又加二引使其陸續收鹽乃與正鹽同掣是欲餘鹽之
通而反致正鹽之滯將令納價于腹裏而反致缺儲于邊方蓋
加添引目疏通餘鹽乃事出權宜而數非正額此添引之弊也
昔年鹽課稱掣以時客商無淹滯之苦舟楫無停泊之費近年
巡鹽衙門莫肯任事以致稱掣留難商船坐守故官鹽壅滯而
私販盛行此遲掣之弊也夫三弊除則官鹽通官鹽通則邊儲
足而鹽利溥矣章下戶部議覆問邊額鹽當以四分派邊六分
存積爲是無足以待邊儲緊急之用其禁科罰速稱掣二事皆
當從加添引目一事宜勅巡按御史詳究利病若果有損商人

無補國課仍照舊規行之報可○戊申詔致仕吏部尚書桂芳復少保兼太子太傅吏部尚書武英殿大學士仍舊致仕○陞刑部郎中楊瀛為廣東按察司副使福建按察司僉事曾鵬為本司副使○己酉泰寧衛都督李來罕等差人貢馬補贖萬壽聖節給賞如例○庚戌陞江西按察使胡璉河南左叅政胡鐸俱布政司右布政使璉浙江鐸湖廣廣東按察司副使張思齊為本司按察使○山東按察使顧應祥條上四事一慎謫戍謂刑以弼教五刑盡矣此外復有乞軍事例蓋以絞斬之下有罪浮于律而徒杖不足以盡之者方生以此正以補律之未盡也邇來問刑官往往不審輕重妄擬此律類多冤抑且軍犯解衛隨主即逃在彼則徒費月糧在此則貽累長解姦民既不知畏而反害及良善宜令查照律例慎重問擬毋得任意編發一

成酷刑謂問刑條例惟元罪重情始加拷訊其餘止用鞭扑今酷刑官不論情罪輒用慘刑具及勘故平民則補以病詞被人告發則曰邂逅身死以故閻閻歎恨元氣大傷今後有仍前酷刑者照例罷黜故禁故勘致死者論擬如律一禁妄攀謂近年捕盜官負擒獲大盜往往逼令妄攀同盜窩主或污蟻讐嫌以快報復或故牽善良以求自解遂使無辜之人陷于法網而不能自白宜嚴禁之一肅軍政謂軍職罪例有帶俸差操者蓋不許管理軍事特使列于行伍以自効耳邇者指揮千百戶等官雖同革帶俸而輿馬出入與見任不殊或問罪未久即推軍政巡捕等職事使犯者無所懲戒宜通行各撫按凡曾問前例者必俟其五年之內能改過自新或勞績可取方許推用都察院覆議詔如擬行○辛亥刑部尚書許讚等會官議大學士楊

一清官居內閣秩首輔臣起自廢間受國厚寵正宜清白持身
忠誠奉職乃晚節昧知止之幾衰年忘在得之戒大肆納賄不
畏人言殊失大臣之體但係累朝耆舊內閣重臣聖明即
位之初首先召用今其去就實為國體所關宜將一清罷削官
秩放歸田里或令其休致以示優容上曰一清歷侍累朝
舊臣重望朕即位之初首先召用何乃身任大臣不顧名節恣
其貪婪深負朕懷眷之意法當追究但念事關國體輔臣張璉
以為涉嫌三疏奏朕寬處今屈法從寬一清著自陳初法司會
議疏上上諭內閣曰朕惟一清累朝耆舊朕素禮待未可
以羣臣比况嘗維持倫理亦與卿璉等相信同心輔朕今乃不
顧晚節貪婪無耻贓跡顯著特以大臣故下九卿議朕豈不知
古者重大臣以其近君但為大臣者每恃之而敢犯法今當正

法而使知警卿總必嫌于預此卿鑒其擬票以聞總乃上疏曰
一清得罪情由臣曾兩請 皇上寬法處之奉旨下法司會議
仰見 聖明欲採公論處之以道茲諸臣覆奏未奉 宸斷重
煩 聖諭下頒臣伏讀三思豈惟一清感愧臣亦感愧不勝竊
念議禮之初一清家居見臣大禮或問極稱爲正論以釋羣疑
及臣同席書等被召一清又嘗爲書勸席書宜速北上以定國
是當羣議喧騰之時得老成大臣贊與一言所助亦不少矣伏
望 聖恩體念一清功過所宜相准特賜寬法處之况臣復任
之初而一清即有此事又因霍詒所奏中外臣工不能無疑保
全一清實所以保全臣等也至是 上答曰卿三爲陳辯朕知
已揚一清昔贊議禮不爲無功朕已從寬區處卿宜安心供職
慎勿介懷是非曲直久自明耳卿宜承朕此意○壬子彥寧霍

籍再疏乞假不允。○癸丑，少師兼太子太師吏部尚書華蓋殿大學士楊一清上疏曰：臣庸陋衰朽，本非致用之具。陛下召用，既解邊關之任，仍切密勿之司。委任優崇，前無與比。奈昏耗之極，不善矜持。交際之間，少存形跡。罪狀既著，誅竄何辭。復荷 聖慈，不即顯戮。容臣自陳，雖天地包容，父母慈念，不過如此。伏望俯垂矜貸，削職放還，則未死之年，皆 上所賜。上答曰：卿 累朝舊臣，朕深倚任。近乃屢疏乞休，情辭切至，特聽致仕。仍賜馳驛以歸。一清隨上疏謝，又以疾甚不能陞見，疏辭上供報聞。仍賜白金五十兩，鈔二千貫，紵絲四表裏衣二襲。○已故安昌伯錢承宗者，孝莊睿皇后外戚也。祖錢貴，在 孝莊時，傳陞都督同知。至弘治間，承宗始受伯爵。嘉靖初，承宗卒。嫡男維圻嗣。嚴維圻，亦卒。承宗妻以庶長男維垣，請嗣。嚴章

下吏部以錢氏歷世既久恩禮當殺止議罷帶俸指揮至是復請尚書方獻夫等言外戚之封古所未有自漢以來雖多封拜然帝呂氏二侯皆以軍功文帝竇氏之族竟未僭爵若章武南皮魏其武安之屬近惟止于一身遠者傳之再世下及唐宋事體畧同如長孫無忌郭子儀曹彬輩雖有戚畹之恩然或開基草昧或私濟艱難皆功在社稷乃享有茅土亦未聞傳之世世不為節殺者也况外戚之家御之有法則胤嗣綿延待之過優則門祚衰絕上下千年皆有明鑒哉 皇上正宜行法于近以示不濫之賞通變于今以求可久之術不然則傳世愈遠勳爵愈多祿糧愈冗國何由供伏望 聖明嚴責錢氏毋令濫請則恩封嚴重而人鮮覬覦之私矣 上深然其言曰外戚封爵實非古道哉 皇祖定制公侯重爵止許加之軍功外戚之封出

自後世非可爲據今爵秩日冗祿糧日增深可爲慮且使無功者坐享重職非古帝王報功之典朕甚不取近諸臣有建議及此者無非愛國之心卿等其即會府部院寺科道等官從公議處以聞○起原任山西按察使顧璘于江西璘先以侍養歸至是親終服闋故用之○甲寅命宣城伯銜錚工部右侍郎蘇民提督仁壽宮工程○陞山西副使劉儲秀爲河南布政司左叅政廣東按察司僉事徐乾爲本司副使○以江南諸郡蝗詔有司設法撲捕毋令滋蔓仍量發倉廩賑濟○乙卯奪吏科都給事中劉世揚等廣東道監察御史吳仲等四十九人俸各三月 上以楊一清有罪科道官曾無一人言之非附則畏令俱從實自劾以聞於是世揚仲等具疏伏罪得旨我 聖祖建置六科十三道以敷陳得失糾正官邪爾等既居言責自當有聞

即告乃附和畏避深負朕心今姑薄責以後毋得朋謀徇私害
賢媚人違者治以重罪○丙辰兵工二部覆給事中張潤身等
奏陳 陵寢事宜一昌平州肥沃地土多被勢要占買影避征
徭宜命官踏勘遵照畝數均派養馬不許妄比優免事例負累
貧民一本州路通南北供應甚艱宜嚴戒祭 陵諸臣毋得橫
肆需求一 陵寢所在山場樹木俱宜愛護培養如有姦人盜
伐務查究典守者之罪詔如擬○陞刑部右侍郎閻淵為本部
左侍郎都察院右副都御史汪鏞為刑部右侍郎原任巡撫江
西右僉都御史周廣為南京刑部右侍郎○以災傷免應天府
上元等縣稅糧有差○陝西靜寧鞏昌等處強賊百餘肆行劫
掠敵殺官軍巡撫寇天欽以聞詔行總制官酌量緩急調集官
軍追勦守巡兵備等官失事狀命巡按御史挾實奏處○丁巳

致仕副都御史林茂達起南京大理寺卿未任以老疾辭吏部覆奏從其請仍授之新銜得旨茂達止許以原職致仕邇來遷秩官員有養病侍親未及赴任者往往畀以新銜殊濫名器今後俱宜斟酌加授○戊午陞福建延平府同知陸深爲山西按察司副使提調學校○以廣東都司署都指揮僉事程鑿充左叅將分守雷廉高肇地方○己未以災傷免河間等府州縣衛所稅糧有差○庚申選授行人高金陳侃推官王守胡堯時知縣董進第曾燧俱給事中守戶科進第禮科堯時金兵科侃刑科燧南京刑科南京工部主事劉安南京刑部主事李松俱改監察御史安河南道松南京河南道行人周澤馮恩宋宜推官謝爾俞希禮傅漢臣李循義余鈞知縣陸琳國子監學正陰汝登學錄鄒文憲俱試御史蘭浙江道澤江西道希禮福建道漢

臣湖廣道循義山東道鉤山西道汝登陝西道琳廣東道恩南
京浙江道文憲南京江西道宜南京山西道○湖廣巡撫朱廷
聲等言本省災傷重大請暫留布政司貯庫缺官銀一萬一千
兩賑濟許之○歲貢監生樊孟芳上言邇來縉紳之議論不公
科道之彈劾不當或懷挾私恣嫁禍于人或聞見未真輕易加
毀至使聰者捕風捉影不足為據請申勅言官今後凡有論劾
必訪究詳確明白指陳事在疑似宜置勿論不可傳致難明之
情誣造無根之謗庶幾公道昭明賢否不亂而博大博裕之治
成矣吏部覆奏得旨通行兩京科道在外撫按官今後糾劾官
員必核實指陳務當其罪毋風聞輿謗有傷公道○壬戌大學
士張璉以揚一清去任請簡求節行道義足以服人者置之內
閣以為首臣臣當竭力同心共圖報効 上嘉其退讓諭以盡

心供職下其章於所司

明世宗肅皇帝實錄卷之一百五

大明世宗肅皇帝實錄卷之一百六

嘉靖八年十月癸亥朔日有食之是日享 太廟 世廟 上

素服乘板輿撤鹵簿大樂遣昌國公張鶴齡長寧伯周大經昌

化伯邵杰分祭 七陵儀賓周鉞祭 恭仁康定景皇帝陵寢

中官祭 恭謙章皇后陵寢。土魯番使臣馬黑麻虎力奶翁

等貢例外自進玉石等物納之詔賞如互。太監劉良奉旨督

造弘治正德中未完磁器三十餘萬給事中陳臯謨言先年止

是既州府委官燒造近世乃遣中官大為民害請罷之跡下工

部覆如臯謨言 上曰燒造非自今始且日用亦不可缺爾等

既有所見何待言官論及乃為此議不過畏人言耳如前旨行

○甲子 悼室皇后週年遣駙馬鄔景和詣 陵行禮。革應

天府及上元等五縣管馬通判主簿併馬政於管糧官革江淮

巡檢司。乙丑大學士崔鑿疏言。唐事霍韜劾大學士楊一清不法事情。內開太監張永饋送金銀。開揚一清等皆受之等之一字。雖未知所指名。但臣備員內閣。與揚一清同官。聞之豈敢自安。乞容休致。終始保全。上慰留之。陞河南道御史吳鎰為福建巡海副使。廣東高州府通判陸澄為本省僉事。丙寅吏科給事中李鶴鳴奏。內官龔成隱占朝陽關外莊田四十六頃。且多科子粒銀兩。戶部勘覆追奪入官。其多科租銀。准作原佃人戶。以後年分應徵之數。詔如擬。丁卯封楚府崇陽王顯休生母鄭氏為夫人。從其請也。御史梁尚德上言。頃者詔令不一。人心搖惑。如大學士張惣。桂萼以給事中陸榘論。既宣其過於朝。未幾又召惣還。復萼散官。大學士楊一清以唐事霍韜論下法司議。輔臣元老可下法司議罪乎。今春以金輅事罷尚

書高友璣夏又以張柱事罷都御史熊浹夫過擬一匹夫之刑而去二大臣其於國體何如也况友璣決才皆有用不宜遽棄夫人君詔令閔百官之視聽大臣進退係國家之安危乞俯納臣言自今詔令之出必謹而勿貳於天下大臣之去無輕而不傷乎國體疏入上曰梁尚德沽名奸巧執法大臣出入極刑法當重治若謂匹夫之寃不必恤非慎人命者豈告君之言念係言官姑罰俸三月○刑部員外郎邵經邦奏茲者正陽之日日食于朔質之小雅十月之交所詠變象懸符詭詩者謂陰壯之甚由于不用善人則令之調和燮理之任得微有皇父其人乎邇者陛下納給事中陸繁之言令大學士張璁致仕尋復以議禮有功見留衆議詢詢陛下不之恤也乃天變若此安可弗畏且議禮與臨政不同議禮貴當臨政貴公正皇考之

微稱以明父子之倫禮之當也故雖排衆論任獨見而不為偏若夫用人立政則須分辨忠邪酌量材力與天下之人共用之然後乃為公爾今陛下以璵議禮有功乃不察其人不揆其才而加之大任是私議禮之臣也私議禮之臣是不以所議者為公禮也夫禮惟當乃可萬世不易使所議誠非公禮也則固可守也亦可變也可成也亦可毀也陛下果以尊親之典為至當而欲子孫世世守之乎則莫若于諸臣之進退而一付諸至公厚其養與全其終始以答其議禮之功然後博選海內碩德重望之賢置諸左右相與講明勵翼用建正大光明之治使萬年之後廟號世宗顧不偉與失此不為乃過加以非分之任使之履蹈盈滿犯天人之怒亦豈璵等福耶臣抱此區區竊效茅焦伏質之義敢不避斧鉞昧死以請上覽疏大怒曰

經邦謂朕私議禮諸臣朕惟父子之倫乃萬世綱常諸臣贊議朕自裁決今大典已定未見異議經邦乃敢肆為妄言謂禮可守可變可成可毀扇惑人心動搖國是且自比秦茅焦之諫其視朕為何如主殊為訕上無理錦承衛其逮送鎮撫司嚴加拷訊以聞毋得回護已鎮撫司鞫上其獄請下都察院論罪上曰此非常犯不必送擬令兵部定發邊衛充軍○戊辰遣安鄉伯張坤等為正使刑部員外郎張國維等為副使持節冊封吉蘭王世孫厚熲為吉王夫人喬氏進為吉王妃崇王厚燿嫡長子載境為崇世子淮王祐棖嫡長子厚熹為淮世子荆王厚烜庶第一子載威為永定王周府新會恭簡王嫡長子安渤為新會王東會莊僖王庶長子睦柎為東會王汝府引禮舍人吳汝德女吳氏為東惠王妃永平府同知楊士魁女楊氏為湯溪王

妃慶府豐林安簡王庶長子鎮國將軍台瀚為豐林王晉府寧
化僖順王曾孫輔國將軍表傑為寧化王夫人蘭氏進為寧化
王妃兵馬副指揮陳成女陳氏為韓府崑山王妃兵馬副指揮
田璋女田氏為楚府崇陽王妃。己巳初太僕寺寺丞何淵以
太廟世室之說希圖進用及張璉等蔡修明倫大典削而不錄
淵乃私集其說為五卷進呈且跡璉諺引漢哀別廟京師故事
允復萬言 上厭惡之以淵屢跡煩瀆且違例進書法當重究
姑降一級調外任尋謫湖廣永州衛經歷。府部科道等官奉
旨會議外戚封爵事宜言 祖宗之制非軍功不封洪熙初都
督張景始以外戚封彭城伯其弟昇亦以都督乞封惠安伯外
戚之封自此始其後侯孫忠周壽王源伯周域王清王濟皆援
張景例又其後伯錢承宗公張鶴齡復援王源例循習至今有

一門而並公侯者有一時而並侯伯者有兄弟三人而並侯伯者爵資無章轉相承祿米歲增國用愈絀往時開國靖難之勲封者不滿五十人未幾罷去者十有九人後雖旋復收錄不過授以指揮使耳彼托翁披庭一門數貴而傳祿三四世不已踰分乎况盈虛消息盛滿難居漢樊陰二氏之言足為明鑑臣等謹議得魏定二公雖在戚里皆一時佐命元勳彭城忠安二伯卽以恩澤封而軍功居半其餘外戚見封爵者第宜終其身毋得請襲自今皇親駙馬並如祖宗舊制毋得夤緣請封有出特恩一時賞賚者第如故事量授指揮千百戶等官終其身有妄引洪熙以後例請者聽吏部科道官糾舉置之重典以為貪冒不知止者之戒上覽其議曰外戚封爵既無古典原非祖制魏定彭城忠安既有軍功其祿封如故餘以戚里濫膺

封爵名器既輕人不知勸固當裁革念係先朝恩命及今已封姑與終身子孫俱不准承襲著為令。詔湖廣唐崖長官司土舍單萬金襲曾祖彥實職為正長官萬金祖友銘未襲辛父當日疾而萬金以嫡曾孫承祿。四川石砫宣撫司土官同知陳永有疾請以其子蒞替職許之。初雲南巡撫都御史歐陽重奉詔查清異姓投充冒頂軍糧者移都司查革又不報以致攷糧後期雲南左等六衛軍遂聚眾諫於巡撫門外尋省諭之解散巡按御史劉象以聞因劾重雖查革姦弁而處置失宜鎮守太監杜唐陰圖公沐紹勛職守總領鈴束不嚴及布政陳棟都指揮方伸等各罪狀下兵部覆議請分別究治。上曰軍士擊石呼譟法不可貸鎮守官查其為首倡亂者治之餘俱戒諭勿濫及無辜歐陽重處置疎怠致其攘亂難居巡撫其令致仕

劉臬顛倒參劾任意回護調外任用紹勛等勿問尋謫臬四川夔州府推官。初佛朗機火者亞三等既誅廣東有司乃併絕安南滿剌加諸蕃舶皆潛泊漳州私與為市至是提督兩廣侍郎林富跡其事下兵部議言安南滿剌加自昔內屬例得通市載在祖訓會典佛朗機正德中始入而亞三等以不法誅故驅絕之豈得以此盡絕蕃舶且廣東設市舶司而漳州無之是廣東不當阻而阻漳州當禁而不禁也請令廣東蕃舶例許通市者毋得禁絕漳州則驅之毋得停舶從之。庚午陞總督漕運左僉都御史唐龍為右副都御史回院管事南京太僕寺卿張羽為南京大理寺卿。以災免山西太原平陽澤潞汾及鎮武平陽二衛陝西西安延安平涼慶陽各夏稅有差。辛未大學士張總言內閣設官止備顧問後加以代言擬旨遂招權納

賂從來內閣之臣鮮有能善終者蓋審勿之地易生嫌疑代言之賁易招議論甚非君臣相保之道也伏乞體念祖宗之制宜有所處或下廷臣集議以建國家長策全君臣終始上曰覽奏具見克艱至意卿宜安心盡職匡朕弗逮○延安以缺餉告急詔發太倉銀六萬六百兩例外接濟○初代庠諸王祿米石給銀六錢後以兵荒石減一錢諸王告乏有詔與本色三分之一而大同故無本色有司第如例給之至是復以乏告下戶部議無分本折色通給銀每石六錢如故從之○詔給成國公朱鳳歲祿三十五百石本色四折色六分○總制三邊尚書王瓊議稱小鹽池離邊稍遠靈州又當要衝宜將小鹽池叅將移駐靈州其靈州守備當裁革興武營歸併於花馬池叅將廣武營歸併於中衛叅將各就近管轄其興武廣武二營協同分

守當裁革兵部優冬從之。○壬申溫處兵備副使黃質以閩浙盜流劫所部降一級。○甲戌以水災詔免蘇松二鎮秋糧仍聽折徵兌軍正米有差。○乙亥啓事霍韜初以妻喪請告。上不許念韜有講讀纂修勞特賜其妻祭一壇遣官營葬韜再疏辭。上曰念爾忠誠為國故不拘常例特加爾妻卹典今既懇辭尤見謙慎特准所辭。○都給事中夏言等言陝西強寇橫行內地谷在撫臣今部議輒委總制尚書夫總制專防北虜豈得顧此失彼而撫臣束手旁觀又安用撫臣為也臣以為宜責都御史尅天敘調兵勅之。上是其言下兵部議行。○丙子四川守臣上賑饑冊詔賜巡撫都御史屠鳳儀巡按御史戴金各銀幣有司文武官劾勞者各勞以花紅羊酒。先是廣西思田既平新建伯王守仁議設流官知府以制之及平八寨又議移南丹

衛於八寨改思恩府城於荒田改設鳳化縣治於三里添設流官縣治於思龍增築守鎮城堡於五屯及侍郎林富繼之又言田州界南宜泗城等通雲貴交趾為備非一改設流官則邊防之守我獨當之昔思恩未設流官之前歲出兵糧備用及流官既設非惟兵糧不出反設守備官督兵千餘守之二十年來叛者數起為鑿不遠且岑猛本無叛情身既伏誅長子為戮情法相當若藉其土疆刑浮於罪何以服諸夷之心臣以為宜降府為州即以猛子邦相知州事止選一吏目佐之分設土巡檢司使各世其地無事則特角而守有事則彼此相防為使八寨不可違衛有四頑山絕地商販不通一也瘴癘疾疫人無固志二也生理亡聊易驅從惡三也凌險孤居緩急無援四也况南丹衛設在宥州既不足以達制八寨遷諸八寨又不得以還護

設縣者可還南丹衛於此夫設縣則割賓州之地以益思恩是顧彼而失此也還衛則扼八寨之吭以還護賓州是一舉而兩得也周安堡居八寨之中四方賊巢道路所會宜築新城立守備官分南丹衛軍為兩班番休迭戍仍如守仁議徙還江四所精銳於其中而募附近右江土舍土目使率其衆與所還軍分耕賊地三年而後起科其舍目能報効者使世土巡檢則守備戍兵漸可撤回三里第往來督察而已八寨聽撫殘徒令編排甲每五十立一村老約束之朔望恭守備官聽耕如政而復其勇募其精壯以隸什伍如此不惟省其費用亦可杜其他謀至於采田思聰五屯守仁諸議皆當而鳳化縣徒寄空名無益事體臣以為可裁革上林縣扼八寨而蔽兩江臣以為不可割屬思恩南丹雖還衛其地本屬上林屬賓州臣以為宜吞

仍舊思龍必須建立縣治於那文地方者非獨可以便小民糧
差賦役亦足以鎮據要害消沮盜賊也然不宜屬於田州而仍
屬南寧為便其議與守仁稍有異同事下兵部言周安堡守備
戍兵不必設岑邦相止授判官著州事俟其勞著而後授之餘
悉如富言詔可○丁丑陞浙江左布政使毛思義為都察院右
副都御史總督漕運兼巡撫鳳陽等處太常寺少卿王崇獻為
南京太僕寺卿陝西僉事高尚賢為光祿寺少卿四川順慶府
知府章書為本布政司右叅政○以災免浙江湖州府所屬州
縣秋糧如例仍聽折兌軍米十萬五千石○彙顏等衛頭目影
克卜等二百四十五人貢馬補賀 聖節賜宴給賞如例○雲
南撫按既以軍謀得罪都給事中夏言等諫曰今以軍士一噓
而撫按俱得罪則紀綱法度人將謂何况奉法清摺本非生事

同事論劾亦無過言鎮守總兵職任惟均難分彼此即今處置失宜將來事有可慮厝人藩鎮跋扈之患大抵由斯况頃年士卒驕悍相效成風類以月糧藉口如甘肅大同福州保定內地造方事變數見失今不治他日當事之臣以此為諱一務姑息孰肯為陛下任事哉願曲宥二臣之罪以全朝廷所以待大臣近臣之體上謂二臣已從寬處責言等偏徇令對狀既而引罪乃宥之仍奪俸一月○兵科右給事中陳守憲言今兩京崇階懸缺不補四方劇地推代難掄才乏如此良以近來黜謫過多長養甚難凋傷甚易即今天災異頻仍饑饉連年盜賊猖熾夫變不虛生必有所自陛下屢詔求言以為弭災之助臣願大施頌湯以振沉淪聽諸臣陳薦次第錄用化災為和端在於此跡入上怒曰既說彼黜諸臣自當指名為奏如何假諸災

異恐噂且倭諭不遵事務泛論取譽沽名本當違問姑從輕罰
奉五月○戊寅以災免江西南昌等十府各屬州縣稅糧如例
仍聽折充軍糧一十六萬石○己卯海西朝貢夷人嘔罕河等
衛都督褚羊哈等亦迷河等衛應龍奴台等肥河等衛應龍奴
木章等塔麻達等衛都指揮阿木郎等各來朝貢馬賜宴如例
○禮部類上四方災異因言今歲奏報比之他歲尤異伏願睿
察於天人之際深考其感召之由以博大為心寬平為政審於
聽言慎於用人賑貧窮恤刑獄一政令守成憲勅諭臣工毋忌
嫉以傷國體毋苛刻以損元氣崇廉讓之節敦長厚之風共求
所以弭災之策而次第行之 上納其言因戒諸臣各宜體國
奉公痛加懲艾以盡消弭之道○山東副使牛鸞既平潞賊以
冒費軍餉被劾下山東巡按御史馬津按問津白鸞無侵匿狀

兵部覆議請原之。上以驚部軍過河南邀賞及凱還，又受山西重犒，不為無罪。但念其平賊功，姑降一級用。○庚辰，誠孝昭皇后忌辰，遣恭順侯吳世興祭獻陵。○南京禮部右侍郎黃綰以被劾乞休，上優詔不允。○以災免應天常鎮、宣太安、慶各府州縣田糧。如例，仍聽折徵免軍改免南京倉米。○恭和伯陳萬言為其故妻夫人莫氏請命工部造享堂於墳所，蓋碑亭許之。○壬午，陞提督四夷館太常寺卿成文貴州左布政使。胡訓俱都察院右副都御史，文巡撫遼東，訓巡撫雲南。○准王祐撥跡言臣父端裕王多人傳氏實生臣，以祖母崔命父妾劉氏撫養，戒宮人勿泄。臣向以劉氏為母，今乃知臣母原是傅氏。迎養入宮，而王媵尚母劉氏請改正詔，下長史司覈實。如王言從之。○錄慶陽甘州等衛領虜被殺夜不收周恭等百五十五

人各賞陞一級。先是套虜踏河水從瓦窯墩南口入寇塞夏
踰賀蘭山衆可六七十騎謀者誤報三百餘騎總兵抗雄副總
兵趙鎮遊擊將軍李勳都指揮吳雲等率騎兵三千出平羗堡
與虜遇虜盡伏其精銳而以老弱接戰佯走我軍爭利逐之前
鋒已陷伏中雄等望見塵起謂且得虜馳前遇伏大敗死者九
十二人傷者七十八人亡馬七百餘匹器械甚衆雄等匿其敗
狀又減所亡失之數至是給事中李仁奉旨往勘具得其狀因
論巡撫都御史翟鵬鎮守太監張鎮罪宜併治得旨雄等巡按
御史逮問鵬奪俸兩月鎮特有之仁又并勘僉事張崇德擅伐
賀蘭山木科罰民財繕造公廨及淫利毒死軍職事俱實得旨
革崇德職為民以翟鵬曾舉薦崇德并奪俸二月。癸未總理
糧儲兼巡撫應天右副都御史陳祥以被劾自陳乞罷不允。

南科給事中何祉等山東道御史朱綬等劾奏翰林院學士席春太常寺少卿謝丕太僕寺少卿沈光光祿寺少卿史道周文興南京刑部主事黃春廣西副使伍箕兩淮運使史紳右春坊右庶子廖道南順天府府尹黎夔南京禮部侍郎黃綰總督糧儲都御史陳祥工部郎中丁洪南京太常寺卿方鵬大理寺少卿曾直皆指為大學士張璉桂萼私黨乞行罷黜 上詔春等各供職如故責祉等既知何不早論乃待今日所攻者皆贊助大禮之人不過蹈襲前非徇私報復各奪俸半年都察院仍申明勅諭曉示中外既而春等各自陳乞罷不允。乾清宮內西七所房災 上是夕露禱 天地祭告 奉先等殿詔百官修省三日。甲申以旱蝗免順天永平二府夏稅及山東秋糧有差。乙酉陞江西按察使顧璘為浙江右布政使。歸邊東靖

寧堡等處修築塙壕墩堡功查填巡等官潘珍等各銀幣有差
○丙戌陞南京吏部郎中李源為尚寶司少卿雲南右叅政王
汝舟為貴州左布政使廣東左叅議胡宗明為湖廣副使○丁
亥詔發太倉銀五萬兩於寧夏例外接濟及先齎送回原延發
餘銀三萬兩陝西巡撫官撥補災傷鹽引俱聽雜買糧草從巡
撫都御史崔鵬請也○戊子陞南京福建道御史戴繼先為山
東左叅議○初通惠河成歲省車脚銀十餘萬御史吳仲請以
三分之一給軍餘俱貯庫備修河及他公用又以各總輕齋多
寡不一難以槩扣議一六免扣二六者石扣三分三六者石扣
五分度修河費足則量減所徵於民既請行之矣而御史虞守
愚又言不宜遽令減徵於民與貧軍較錙銖且常賦額稅民有
定志水運陸挽時有便宜臣恐減徵未必惠民優徵將為民病

疏下戶部議輕齎銀兩徵派出於田種扣省得於車脚原非官
軍已物即係倉庫錢糧名有二六三六之分實無京倉通倉之
異宜扣省以節民財初議修河雇夫歲費不及三千大約三歲
所扣足河工五六十一年之費請自來秋會派始一六如故二六
石減六升止派二斗徵銀二錢三六減一斗止派二斗六升徵
銀一錢三分疏入上曰漕運軍士艱苦可憫所議減徵其吏
詳審以聞○是歲會審重囚減死成道者三十四人釋放者二
人監候再問者二十五人臨刑緝兇未決者三十三人處決者
二十一人內民張柱坐傲張福母死主事石英中生殺僕法司
獻疑特詔決之○己丑陞太常寺少卿魏校為本寺卿提督四
夷館山東右叅政王潮為江西按察使○以旱災免陝西臨鞏
二府夏稅有左○建安王親鉢疏請樂工十二戶建安故屬弋

陽約束一切禮儀俱附弋陽所行所請非例也疏上 上以覲
鍊欺罔詔弋陽王切責之仍逮問輔真官○革隆平侯張瑋章
陽侯陳繼祖忻城伯趙武彰武伯楊質管軍管事仍罰住祿米
一年以瑋等分管禁兵私役軍士各至百人故也○革刑部郎
中陳之良員外郎王行可職冠帶間任初給事中陸槩論劾大
學士桂萼信任醫官李夢鶴序班桂林管家吳從周為之納賄
事下刑部逮夢鶴等鞠訊所與萼私狀各首服未及成獄而詹
事霍誦為夢訟誣乃命三法司會審夢鶴等休借聲勢罔利行
私與萼無與詔夢鶴林革職為民從周論罪如律以該司郎中
等官羅織舍人下獄拷訊法司擬之良等杖贖還職 上曰頃
來刑官專務羅織屢興大獄戒諭不悛之良行可敢蹈前非俱
革職聞住後有犯者重論不貸○庚寅陞廣西左叅議汪必東

為雲南右叅政河南僉事王洙為廣東左叅議。故祭酒蔡清
子推官蔡存遠表進清所著易經蒙引詔發建寧書坊刊行。
辛卯四川巡按御史戴金言頃來官務姑息逋負數多一遇災
傷輒請內帑夫錢糧之侵久不追則倉庫之取給何類即如四
川一省改元以來五六年間所逋至五百餘萬豈盡小民拖欠
皆由大戶侵欺不加查究何以接濟戶部覆如金言請通行天
下報可。初雲南省城近地群盜縱橫都御史歐陽重言今為
盜者皆總兵官沐紹勛太監杜唐等恣戶請究治主者兵部議
遣科官往勘。上曰官不必遣即勅紹勛唐反斬撫按官協心
督捕並令盡絕以靖地方毋得徇私誤事有負委托。以龍門
所守備鍾傑克左叅將分守宣府中路葛峪堡等處地方。分
守大同中路右叅將李慕等以虜入所部該統官軍下巡按御

史
述
問

大明世宗肅皇帝實錄卷之一百六終

大明世宗肅皇帝實錄卷之一百七

嘉靖八年十一月癸巳朔○乙未調太僕寺少卿王學夔為太常寺少卿○陞江西布政司右叅政李緋為山東右布政使○總督陝西軍餉右僉都御史劉天和以母老乞休 上以大虜在邊西方多事不允○歷故大學士王鏊男延陵為中書舍人○管山海關兵部主事鄒聞言本關控扼薊遼為營東要害其始設官守之直以禦蕃詰姦非有征商之法迺今自關以東至廣寧前屯衛相去六七十里有權稅三處商人重困邊民受害請罷之使兵部覆如其議 上從之仍勅內外鎮守等官敢有巧立名目侵奪民利者撫按官具奏以聞○丙申趙王厚煜奏解歲祿一千石以賑境內饑民 上深嘉之不允所解令守臣發倉賑濟○起用南京兵部尚書胡世寧䟽辭新命 上優詔

不允仍促令速赴供職○以河南蝗災免開封等府所屬州縣
并宣武等衛秋糧有差○戊戌陞吏部文選司郎中胡森為南
京太常寺少卿○陞廣東布政司右叅政應大猷為江西右布
政○河南道御史劉安上疏曰人君如天天以徧覆包含為德
則不言而萬物成人君法天以徧覆包含為心則不勞而萬事
理故人君貴明不貴察察非明也人君以察為明天下始多事
矣 陛下臨御八年而治理未臻何歟外人咸言 陛下治功
損於明察夫以 陛下天縱聰明無微不至宜無事於察矣然
而人情之見若此意者 陛下亦以勤勞八年而治理未效故
圖之愈急歟夫治可以緩圖而不可以急取可以休養致而不
可以督責成以急切之心行督責之政是未免躬親有司之事
指摘臣下之失或既出而復返或方信而忽疑以致大小臣工

教過不暇若有不安其位者矣夫安其位乃可以行其志位既不安孰能為 陛下遠久長之計進治安之策者哉且朝廷者四方之極也內而君臣習尚如此則外而撫按以至州縣等官亦莫不風從響應不約而同上以苛察繩下下以苛察應之竊恐民窮有起盜之由食寡無強兵之理今 明天子綜核於上百執事振刷於下積年蠹弊十去七八所少者元氣耳伏望陛下大包荒之量重根本之圖略繁文而先急務簡細故以弘遠猷不以一人之毀而遽怒不以一人之譽而遽喜不以一言之順而遽行不以一言之忤而遽止久任老成非懦與貪幸無輕棄優容言官非佞與姦幸無輕罪推之庶事莫不皆然則君臣上下一德一心遠近四方會極歸極人人各安其位事事各盡其才雍熙太和之治可復見矣疏入 上曰劉安要名責直

朴忠自許煩瀆奏擾不遵前旨專務司論欲姑容以盡待言之體然此輩姦巧不可輕縱其下錦衣衛杖鞠以聞已而兵科給事中胡克時上疏救安言陛下寄耳目於言官必欲其通劾忠者安之心也忤旨者安之愚也伏願矜其愚而鑒其心上怒其回護奏瀆併下錦衣衛逮問後謫安為江西餘干縣典史克時為湖廣攸縣主簿○庚子召大學士桂萼復任時史館儒士蔡圻上疏誦萼功請召還之上曰萼前建言大禮贊成朕孝功不可泯頃以人言遂令致仕其亟召還撫按等官催趣上道乃賜萼勅曰卿性資篤實秉心忠誠先年建言大禮贊成朕孝功不可泯頃因人言著令致仕實俾保全今內閣缺官辦事特召卿照舊供職勅至卿宜上緊馳驛前來以副朕眷注之懷勿得辭避違○吏部都給事中劉世揚等以修省條陳八

事一曰養和德以培治本竊惟禮運言天子以德為車以樂為御樂記曰天子不怒言君心貴和也仰惟陛下游心大道顧益加存養藹然長如春陽之照物雖遇可怒之事如鑑物不留心無撓動則氣平志定精意感通天地之和應之矣二曰消猜嫌以廣忠蓋自古國家之治每由君臣同心大小協力而猜防積熾忠良所由去禍亂所由生也猜嫌既啓讒畏並興則縮朒苟容者或以自全感時激切者適以取禍於國事無益也至於大臣庶僚同處治朝同事明主所宜大小相成可否相濟疑忌不生罅隙不開故利於國家而治成也伏望大明鑒照葑菲必采貝錦必察仍勅大小群臣務同寅協恭和衷以廣忠蓋勿相猜嫌以滋睽異則垂氣泯而和氣洽亦禔災之一事也三曰久大任以責治效伏承勅旨集下久任守令久任巡撫陛下

奉 天圖治安民諒無急於此也然久任必自吏部始彼全衡
之政總於尚書尚書得其人而久任諮諏謀度積有歲年然後
地方難易政務繁簡人物賢否若燭照數計陞除內外大小官
員若家之冢子分委家政靡有闕漏故能使百司庶府皆稱其
任乃可以久任而成治然尚書得其人或任之不專任之專或
不得其人均難責效今 陛下之任吏部有如 祖宗朝之任
王翱乎八九年間吏部尚書將四五易矣欲以圖治胡可得也
今尚書方獻夫為人平恕忘切愛才斯亦近矣而時有輕聽私
意未忘此其所短使獻夫能去其所短精白一心以承休德而
陛下誠專任之踰十數年使賢能盡用官皆稱職然後可責
治效四曰廣起用以資久任國家賢才生長成就止有此數譬
如種木求用於十年之後今欲久任圖治而卒不能久任者蓋

緣先時人才去位者多今止以目前有限之才填方未未已之
缺故一遇推用廼為性補遂轉繁數歷官如傳舍政事多苟且
治之所以無成也乞勅吏部追加諏訪查前後言官及撫按所
薦退閑官員叅合公論遵奉前旨酌量舉用則官無大小皆得
久於其任人無競進之思政得久成之效太平不難治矣五曰
裒廉介以勵風俗夫廉者蒙衆則貪者自遠臣等見戶部尚書
梁材閒住都御史姚鏐天下所稱極廉二布政也福建按察使
朱裳養成苦節百姓懷服吏科給事中間閔恬退自甘所居茅
屋聽勸江西布政使袁損歷官方伯第宅無地故南京戶部尚
書林泮大學士石璫俱平生清苦朕介沒未得溢此公論所共
與者故工部尚書李遂以國之盜臣身後遺金黃緣得謚此公
論所不平者伏望 陛下於諸臣或賜褒嘉或勅起用或追謚

以一行或割謚以誅貪仍乞勅大臣科道各舉所知廉吏一體
復用於以勵世庶幾頑激懦廉幾風俗可少變也其薦舉失
實者罪之臣等所舉七人若有不實即甘坐罪六曰戒奔競以
養氣節今在京在外官員日有伺候大臣之門者豈皆職業相
關者哉赴任復任方面以上及公差等項官員甚至有先赴閣
部大臣謁辭而後報名辭朝者此何禮也奔競之習成實錄之
弊起非所養氣節正官邪也乞勅都察院嚴加禁約在京在外
大小官員不得無故謁見閣部大臣違者以奔競論也曰重巡
按以安地方惟御史風紀之司出按一方秉持憲度正己率物
省察治狀糾舉能否其責任重故奏差御史巡按必於大吏請
肯面遣按滿而還必都察院考察無過奏請回道所以然者為
地方重也今都察院奏遣徒取循次回道考察抵具虛文奉命

巡按未到地方或甫到而吏部遽行陞用非所為重憲職振風紀也乞勅吏部以後推陞巡按御史必待其回還復命或計已滿之期然後徹奏按滿回道都察院必嚴加考察有不職者必舉奏熟治八曰優言路以重朝廷臺諫乃天下公論所寄治忽所關故言官當嚴而用之既用當優而養之先年給事中鄭一鵬以論劾大學士楊一清再杖於廷削職罷去天下固未盡知一清之中傷之也一有觸犯身將與囚隸為伍非死生利害不易心者孰肯冒然嘗不測之禍辱哉今者一清既敗則一鵬固陛下直臣也乞勅吏部先將鄭一鵬起用及查先論劾一清獲罪謫遣諸臣奏請復用仍望聖明自今於言官所言有狂激違忤者益私聽納長示優容上曰世揚等所言徇私欺妄難以悉數其石瑄謚之有無字璉身後得謚以遺金資緣及受

賄之人具以實對已而世揚等引罪 上曰石珣有謚已久乃
言無謚李璉貪緣得謚何不早言俱當欺罔詔謫世揚為江西
布政司照磨趙漢等停俸五月○巡撫四川右僉都御史唐鳳
儀獻樂至縣所產瑞麥一莖五穗 上曰撫臣奏獻瑞麥具悉
誠意可盡心撫安人民共答 天貺於是輔臣張璉疏賀因頌
聖德 上曰卿以四川巡撫官奏瑞麥事及引宋興國興皇
祐年所有及我 太祖皇帝時亦有此瑞謂 皇天昭鑒者朕
思宋仁宗為宋之英君賢辟致其瑞者當在仁宗至我 聖祖
始承 天命奄有萬方當時多瑞實 聖德所致今日之瑞非
朕所召是皆因主之所致焉劉基作頌以稱 聖祖而恐猶未
盡今卿所謂者恐過焉閩祥瑞多而怠心生災異頻而憂勤至
此雖不可不慎其要則在人君之一心焉能謹而懼雖閩瑞而

不敢生怠雖觀變而益加警畏可也如聞瑞而不以為瑞是慢
神貺也聞災而不以為災是不畏 天威也不必以因瑞而
生怠為戒但當愈加小心可也如歲前河之清一等人謂為水
災甘露降人謂之常且桂萼亦恠汪鏊謂彼諂佞而况他人乎
此言也朕與卿言耳使他人聞之不謂朕好言祥瑞則謂卿為
諂也吁劉基之作頌也其時皆基之輩卿今日之言也特孤忠
焉用茲復卿○命撫寧侯朱麒武平伯陳煮應城伯孫越平江
伯陳圭管理紅盃將軍上直宿衛○辛丑以真定等府旱災減
免今年存留稅糧有差○ 上諭禮部朕聞雪乃豐年之兆今
深冬無雪朕甚憂惶宜虔誠祈禱祭告 天地 社稷山川等
神擇日具儀以聞於是禮部具儀言 駕出親祈百官俱宜陪
祀 上曰雨雪愆期實朕所致罪在朕躬朕宜自禱百官不必

陪從禮部再疏懇請乃聽仍戒各加敬慎以祈上回 天意○
壬寅命錦衣衛指揮同知孫堪僉書浙江都司事○癸卯命
故定國公徐元祚男廷德襲爵○大學士崔鑾有疾 上遣醫
至第診視仍遣中官齎賜米肉等物○吏部尚書方獻夫以都
給事中劉世揚等疏中連及上疏乞休 上優詔不允○甲辰
冬至節 上御奉天殿受文武百官賀 昭聖皇太后 章聖
皇太后 莊肅皇后 皇后俱免命婦賀○宴四夷朝使及王
府入賀人員於闕左門○遣會昌侯孫果長寧伯周大經彭城
伯張欽分祭 七陵駙馬都尉謝詔祭 悼靈皇后陵京山侯
崔元茶 景皇帝陵程中官祭 恭讓章皇后陵○以浙江杭
州等府水災免今歲存留稅糧及改折有差仍令守廵等官開
倉賑濟○戊申 上躬禱雪于 南郊明日禱于 社稷壇是

日雨雪 上喜乃諭禮部朕惟人君之事天如子之事父人子
能得親歡未有不以為慶茲者天降靈雪實惟好生之德豈朕
菲薄所能享格第感荷之誠實不能已其擇日告謝 天地
宗廟 社稷山川用玉帛樂舞可具儀以聞○庚戌 孝惠太
皇太后忌辰 奉慈殿行祭禮遣玉田伯蔣榮祭 茂陵○壬
子故太子太保工部尚書李鏊先謚恭敏吏科都給事中劉世
揚等以馬鏊謚乃營求楊一清所得鏊不當謚疏下禮部覈實
言鏊歷官既久不無勞績但累經彈劾士論不與循名責實似
有未協 上曰李鏊得謚既不協公議并贈官俱革去今後務
慎重國典不許濫與其大臣家子弟有託為求文公行賄賂營
求贈謚廢官者緝事衙門訪實奏聞處治○總制陝西三邊兵
部尚書王瓊奏所畫修築延寧邊塲事宜 上曰全陝災傷軍

民困散待豐年議奏○禮部尚書李時等言大明集禮本 祖
宗親命儒臣纂集制書百六十年以來未及刊布遂至訛謬日
多考論禮儀無所憑據請訂正刊布以備參考報可○陞浙江
按察司僉事江良材為廣東按察司副使陝西布政司左叅議
陳毓賢為廣西按察司副使○以江西南昌等府水災詔以段
足弓張等項暫行停免○雲南巡撫右僉都御史殿陽重奏大
理府太和倉山故產奇石可作石屏石林黔國公沐紹勛鎮守
太監杜唐知府劉守緒去任副使邵有道擅發民匠攻山取石
土崩壓死不可勝計請求為封閉不許復開仍切責紹勛及唐
違問守緒等以懲貪殘從之○甲寅安陸祠祭署奉祀蔣華以
奉祀 陵廟乞假一品章服 上不許○錄故南京戶部尚書
鄧庠姪承寵為國子生○補故南京刑部尚書陳壽孫士貞為

國子生以先廢長孫士元爲疾故也○大同亂石灘官軍陳忠等三十八人莫家堡官軍蘇昇等三十人俱以擒斬達虜功陞賞有差○乙卯巡撫陝西右副都御史寇天敘奏韓府宗支繁衍自郡王將軍以下五百九十七人歲祿一十三萬有奇所徵止有糧九萬以上每歲少三萬九千餘石積年所負可二十四萬無所取給請將靈州大小二池鹽課自嘉靖九年爲始大池歲增三萬三千六百二十六引小池歲增二萬二千四百一十七引亦照近例納銀專補諸王歲祿原額鹽課備三邊買馬如故詔可○裁革江西鉛山縣鉛山運所○丙辰命撫寧侯朱麒僉書右軍都督府事○丁巳上親詣郊壇告謝靈雪吏部尚書方獻夫等翰林院侍講學士張潮左春坊左庶子楊孔暉等各奏獻靈雪賦頌及詩歌上優旨報聞○戊午禮部尚

書李時以靈雪應祈告謝禮成請令廷臣致詞稱賀 上曰朕惟天憫下民降雪為瑞與卿等實同歡感宜各思盡職仰荅洪造稱賀不必行禮部復上疏固請 上乃從之○辛酉太子太保都察院左都御史王憲等言御史葛頴一百一十員分布中外網維化理不可有缺近日養病終養丁憂御史共十六員皆過期不肯復任請得移文催取詔御史養病三年以上者削籍閑住他官皆照此例○戶部覆湖廣巡撫都御史朱廷聲奏荆襄遠壽等王府祿未宜如楚府則例一體折銀解納親王每石折銀七錢六分三釐郡王每石七錢將軍中尉郡主夫人儀賓每石五錢所在府州縣貯庫支給不許王府遣使自詣州縣催督從之

大明世宗肅皇帝實錄卷之一百七

明世宗肅皇帝實錄卷之一百八

嘉靖八年十二月癸亥朔陞戶部郎中王納言為陝西布政使
司左叅議○甲子陝西巡按御史王儀劾奏漢中府知府藍瑞
酷刑數以小故笞人至死詔錦衣衛官校逮瑞至京問○乙丑
給事中田欽等條上御馬監事宜下戶兵二部議覆戶部覆其
四事一謹飼秣言御馬監馬匹已經點視其存留揀退俱各有
數乃今存留者又多病死此不善餵養之過也請自今仍照馬
匹等第以朝馬賞名馬為一等馱鞍選記披甲馬為一等騎操
馬為一等上下其料加意餵養每季終通查具奏其非時疫而
百匹之中月剝死一二匹者將必管人負量行責治三匹者內
外官軍醫獸人等通行違問五匹者掌灘貼灘中官一體究治
若有侵盜草料及將勢要馬容留寄養者從重論罪一慎稽考

言本監錢糧數多監臨有主事典守有官攬出納當由于支放
費以其期宜以今次查過實數為舊管辦其毛色口齒而籍之
以授主事遇有新收倒失者附註籍中其間支草料該監具數
令官攬呈報主事按籍支給如有倒失截日扣除光祿寺月報
剝過馬數禮部歲報進貢馬數以備稽考一嚴會汛言馬數既
清錢糧亦宜節省內外三場草料二年一汛今覈過馬畜不滿
一千六百實在草料足支二年請行兵部自嘉靖九年始每年
終移監收科道官戶兵二部委官會同本監閱視瘦小不堪者
如例變賣查照見存實數以待會計一嚴監收言監收中官內
場三十一人中廝場二十一人天師庵場二十人每場又有積
年馮字軍八人冗濫滋弊以致賠償愈重上納不前宜擇中官
廉慎者每場量留四人除悉裁革一清直米言本監籍名養馬

軍止一千二百餘名而日支直米者乃至三千七百修造鞍轡者三五人而日支四百勇士上直早晚二班各六百人而日支三千一百冒濫如此請行兵部斟酌多寡具數上請定奪照數支給不必經由該監兵部覆具四事一裁牧軍本監馬驢一千七百餘匹牧軍乃三千七百餘人不無冒濫今但存留三十人量馬等第撥定名數分番飼牧其餘七百餘名悉歸原伍差操一重禁兵騰驤四衛號為禁兵不隸府部亦漢之期門羽林唐之金吾神策所以防禦非常意至重也今養馬軍人老弱者多買閒者衆蓋由各衛驗視新軍推選軍政皆由兵部而四衛獨不由各營探練保聽并道點剛而四衛獨不聽今後遇有補役必行兵部驗軍主事查驗明白方許收糧考選軍政之事聽本部考選點軍并道官照例點剛有蹈前弊者恭治之一明印烙

言內閣外廐及各營馬已有印烙今欲改鑄字號以別內外各營則將祖宗舊制火印置之無用似宜仍舊一核名實言醫獸及金鞍等匠亦多冗食宜令本監嚴加考選各馬坊醫獸共留百人金鞍等匠六百人分兩班應役除各歸伍差操一處菜馬菜馬所以備燕享膳羞之用養之少則耗公儲取之市則傷國體今可多發貿易而量留一二十匹供用一定驢價查得驢頭專給 山陵長隨人等騎坐他無所用驢戶於本監納銀有一驢費至十餘金者今定價七兩於順天府派取送部發太僕寺收貯待司香長隨支廂自行收買詔俱如議行○丙寅復除山東按察司副使汪文盛於浙江提調學校○丁卯守備湖廣安陸州太監蕭洪言皇莊田地湖池近被軍民妄稱佃戶投獻告爭侵奪知州郭時叙亦以為言各疏請查勘戶部覆請行巡

按御史委官取守備衙門所貯用籍與州縣糧冊查對仍沿丘
履畝詳覈有無侵占以聞詔如議○戊辰弋陽王府鎮國將軍
拱朴請追封其生母袁氏為大人許之○裁華肅州添設遊擊
將軍○四川馬湖府泥溪長官司正長官王鎮一廢疾請以庶
次男王祥鑾替職許之○山東濟南府流賊王文等為患巡撫
未至而巡按御史熊榮調度兵糧各有方畧兵部疏其事請責
成之詔榮並率所屬悉心剷除以安地方并趣撫臣之任○盜
竊 顯陵御物守備太監蒲洪捕獲之爭聞下巡按御史張祿
問盜罪死洪免究司香奉御李元芳以濫收亡賴下司禮監論
罪○己巳陞應天府府尹王大同為都察院右副都御史巡撫
順天等府○庚午改兵科都給事中夏言為吏科都給事中陞
工科左給事中張潤身為兵科都給事中初吏科都給事中缺

擬起復刑科都給事中李錫補之 上以六科之首尤當慎擇
命吏部從公推舉忠直者二三人以名聞乃改言於吏科而以
潤身代言○陝西武哂等族番人窩斜等來貢馬及方物宴賞
如例○貴州宣慰使司土官宣慰使安萬鎔職遣冠帶舍人
安玉等貢馬六十匹給賞如例○辛未錦衣衛帶俸都指揮俞
學秉天章上疏自言故都督耒耜孫以武舉中武南司管事及
上初年應詔自陳遂與傅乞者混華等下兵部議當改正詔
帶俸如故毋得奏授○罷太子太保都察院左都御史王憲先
是虜犯大同朔州邊臣告急兵部議今已深冬虜無水草勢難
久駐但朔州西接偏關山路險隘計虜必東南由馬邑至陽和
天城出境大同東路不可不備祈深慮者虜已出套明年將為
宣大偏圍患且各鎮事權未一兵糧缺乏宜倣 先朝許進剗

大夏故事特簡素請邊務大臣一員赴宣大及偏關等處提督軍務做以便宜仍命戶部卿佐一人往米區畫種草俟虜情寧息然後送京詔從之兵部尚書李承勛等會推憲憲稱病不可且曰都察院糾紀之地憲蒞位未幾何即驅之去袁固推之憲拒益力聲色俱厲都給事中夏言進曰都御史宜慨然奉命以行乃是國體萬一是急即本兵亦宜請行承勛應曰然今莫若即令勛去而改憲本兵憲竟不從於是夏言及趙廷瑞各劾憲臨事難非大臣體廷瑞併劾承勛佯應竟未請行俱宜戒飭上曰憲才望朕亦素聞既與首推乃假病推避非大臣體國之道竊祿苟安用之何益本當懲戒姑念大臣冠帶開往承勛不堅持前議亦同畏避姑不究自後仍有臨事避難者從重論罪言官毋得容隱既而史推兵部左侍郎王廷相刑部右侍郎

汪鑑會虜情稍寧散罷○以水災暫免兩浙憲戶散辦鹽課仍發倉庫及餘鹽銀賑之○總理河道侍郎潘希曾言河南儀封縣河患已寧管河主簿宜裁革孫家渡口已濟道請于鄭州增設判官一員專駐其地以防復於工部覆議從之○壬申南京都察院右都御史萬鏜先任順天府戶考滿赴部未至遂陞今職至是授例乞廢其子萬汾為國子生許之○分守涼州副總兵劉文宇備紅城子堡指揮使陳璽等各以虜入失守詔下巡按御史逮問○移楊青驛於天津○癸酉懷柔伯施瓚卒無嗣命其弟瑾襲爵○追封石城王府鎮國將軍拱棧母黃氏為妃祭葬如例黃氏弘治中冊封為石城王妃石城王宸濂生季華爵逆沒奪其貲產妃禁錮死藁葬城外至是拱棧以請從之○甲戌總制河道侍郎潘希曾引疾乞休且舉布政陶諧副使周

忠陳文沛自代不允○戶部覆御史王舜耕條奏鹽課剝弊一
廣以撥以通官鹽言長蘆鹽舊行順天衛輝等十府保安隆慶
二州山東鹽行濟南等六府徐宿二州邇來長蘆鹽止行順天
大名衛輝三府山東鹽止行兗州東昌二府徐宿二州餘各有
斥鹵地私自煮鬻阻滯官鹽宜行有司覈境內戶口月食鹽幾
何選有抵業者充當店家鋪行籍報巡鹽御史下各運司按季
驗數查撥高引到各地方有司以各鋪否平估鬻之非有司官
鹽市不得鬻否者以私鹽論一嚴禁治以絕私販言各斥鹵之
處非寔地則民地也若寔地則有官煮民地則皆私煮宜行有
司并運司官親詣其地逐一查勘不許私自煎煮其肩挑背負
者止許易米無得私煮跟蹤巡捕官兵獲多者以禮獎勞則官
鹽行而課額自敷矣一稽退引以杜奸欺言各運司批驗所官

凡遇商告掣即查定先所掣過舊引入官方與呈請掣放給與
新引水程否者以枉法論一折官課以便商窺言青州濟民石
牌忠民歸化四場動經千里舟楫不通既難支掣且總催官吏
括剋高窺兩困欲令窺民每引止納價銀一錢貯之運司如遇
商人坐派該場當官照例碇價聽買勤窺餘益無商無虧本之
怨貧窺免賠補之若一廣積儲以備荒歉言各窺戶終歲勤若
甚於編氓每遇歲凶有司自必彼此止給部內貧民而不及窺
戶以故流移者多請發通州所貯牙行銀長蘆一千山東五百
各運司豫糴以賑貧窺詔如議行○巡按陝西監察御史胡明
善以番夷深入臨鞏大掠劾奏前叅將王璣守備郝元吉今叅
將雲肩及撫守總兵等官失事罪狀 上切責各守臣誤事之
罪令巡按御史分別叅奏都御史寇天叙太監晏宏總兵官劉

文各嚴督叅遊守備等整兵加謹隄備其防禦事宜令總制高書王瓊區陵○乙亥工部都水司詔中何棟以修河有功陞通政司右通政仍管河道○丙子陞福建左布政使查約為應天府府尹○以災傷詔免山西太原平陽靈沁各府州及直隸鳳陽揚州等處秋糧有差○大學士張璉有疾 上遣醫臨視暫免朝參復遣中使賜酒米等物○借薪司太監芮景賢等言本司庫廠積餘木柴約足內官長隨等一歲支給請將明年分新添折柴價銀一萬八千九百餘兩暫行蠲免工部覆景賢能仰體 上心為民節省詔從之○丁丑 上親定百官朝祭服圖式詔禮部摹板繪采頒行中外初章服定制載在會典及內閣秘圖沿久而訛衣襲手裳無上下之辨帶綴於鞶無繅約之制環有金玉等級後絮織於綬而畧似環形綬隨品級花樣後則

但取華美而任意飾飾囊之裝擗燭簡不同珮惟玉璧銅鑿雜
用每遇朝賀祭祀服人人殊矣 上吏制竟冕先出圖說示諸
臣下禮官議定併行各王府及中外百官更正而百官承訛如
故會 聖旦給事中戴儒請明降定式以便習儀禮官按秘圖
會典酌以今 上所定冕服說單上圖註不稱旨 上乃諭內
閣親定公服所用革帶照舊朝祭服大帶表裏俱素兩耳及下
垂緣以綠色就以蔽膝珮綬係之珮玉更復古制棠併三齊如
禮官所言且令議方心曲頌名義於是禮官言方心曲頌始於
隋時非古也 上曰方心曲頌古制不傳况始自隋豈可襲用
宜革之餘如圖註通行中外職官遵行毋得違越仍會議各王
府官一體更正 四川巡撫都御史唐鳳儀言臣往年曾將法
司相傳輯錄條例全文繕一部計六十四卷始天順八年乞弘

治七年所載皆列聖因時沿革之政令也今重修會典請得
增入詔送史館采擇○成寅錄大同賈家梁等處斬獲達虜有
功官軍黃輝等一百三人陞賞如例○盤石衛指揮梅暈姚英
張鸞等守黃華寨受牙行賄縱令私船入海為盜通易番貨劫
掠地方巡按浙江御史張問行以聞法司擬暈等戍邊上不
允仍令巡視都御史視詣地方勘審從重擬罪海道備倭等官
弊多隱匿俱查明奏奉并出給榜文禁沿海居民毋得私充牙
行居積番貨以為窩主勢豪違禁大船悉報官拆毀以杜後患
違者一體重治○己卯大學士翟鑒以弟喪請假許之○兵部
陞刑部右侍郎汪鑑為都察院右都御史掌院事鑑疏辭上
曰卿在成正直素有風裁總憲重任特茲簡用不允辭○革工
部添設提督廠局倉庫右侍郎以左侍郎兼理○湖廣巡撫都

御史朱廷警言。各土官衙門。經歷史司等官。請得以本省別府及隣省近地。聽選人員。相兼銓補。使從之。○以災傷。詔免南京錦衣等衛。屯糧子粒。陝西西安。延安。慶陽。漢中。等府州縣衛所秋糧。各有差。○辛巳。海西。岷。罕。河。等衛。女直。都督。褚。羊。哈。等。四部。共四百十九人。來朝。貢馬。賜。賚。如。例。又。以。褚。羊。哈。首。倡。夷。衆。悔。禍。從。新。於。常。齋。外。加。銀。幣。二。表。震。折。鞬。絹。二。疋。○貴州土官宣慰使安萬鎔。求。級。花。金。帶。練。色。品。服。禮。部。議。例。有。帶。無。服。詔。如。例。給。之。○上諭。禮。部。朕。惟。尊。祖。配。天。莫。大。之。典。近。來。郊。祀。告。祖。止。就。內。殿。行。禮。原。非。聖。祖。初。制。來。春。大。祀。天。地。告。祖。配。天。當。於。太。廟。行。禮。禮。部。因。具。上。儀。注。以。明。年。正。月。初。二。日。午。時。上。以。大。祀。告。祖。配。天。詣。太。廟。行。禮。先。期。翰。林。院。撰。告。文。太。常。寺。設。香。脯。醴。酒。果。錦。衣。衛。設。儀。衛。

侍從各如常儀太常寺奉請 太祖 太宗冠服設於前殿設
上拜位於殿中是日午時 上具翼善冠黃袍御奉天門太
常寺官跪奏請 聖駕詣 太廟 上陞轎由廟街門入至
太廟門外降轎導引官導 上入絳帷易祭服由殿左門入與
儀唱執事官各司其事導引官導 上至拜位內贊奏就位奏
鞠躬再拜典儀唱獻爵執事官捧爵跪進于 神位前典儀唱
讀祝內贊奏跪讀祝官跪讀祝內贊奏俯伏興平身奏鞠躬再
拜典儀唱讀祝官捧祝詣燎位執事官捧祝詣燎位典儀唱望
燎內贊奏禮畢導引官導 上由殿左門出至 太廟門外陞
轎至午門外儀衛退 上還齋宮詔如擬○雲南巡撫歐陽重
劾奏黔國公沐紹勳任千戶何經管莊誘引投獻混占民田宜
寔治之詔戒勸紹勳下經巡撫逮問○正德中太監常壽義子

施敬瑛其兄施崇賈緝冒錦衣衛指揮職事故江都縣民袁英
母施氏為恭祖如恭和英家富鉅萬遂矯詔乘傳往藉其家師
元男婦三人併發英父母棺尸嘉靖初英懇死獄中恭生論死
有詔詢成又罷所矯籍者勿追至是英妻張氏復懇其事而竊
辯不知疏下法司議還恭兄弟出竊聽勸會刑科給事中趙廷
瑞劾竊 光朝遺奸今不當在司禮詔如法司議○癸未朝鮮
國王李暉差陪臣工曹叅判朴光榮等三十二人來買正旦獻
馬及方物宴奇如例○甲申大理寺左寺丞馬津先以御史巡
按山東還遂陞大理及朝見不具公服致詞又訛方被劾引罪
未報輒拜新命糾儀官劾奏詔以津不諳事體調外任仍論其
失儀罪奪俸四月○乙酉以真定等府饑詔發豫備倉糧及各
府貯庫贖罰缺官柴薪等銀賑濟○丙戌初以大庾出套議遣

宣大總制官尋報罷而出西守官復以為請兵部尚書李承勳
因言今冬虜衆深入幸賴 皇上預戒邊臣建營堅壁而尾其
後虜是以不敢分兵四掠遂遁出邊茅虜方駐近地明春必將
復入彼盍今歲之事必將別出毒謀聲東擊西數路並進恐諸
鎮勢相頡頏莫相統攝臣是以累議請遣大臣一督軍務一計
餽餉庶幾未戰而得勝算焉 上曰虜情稍寧總制官不必添
設覽奏具見思患預防之意其更議處以聞已兵部復持前議
得旨提督官不必設止令戶部堂上官一員前去督理糧餉以
備不虞○丁亥先是南京禮科給事中鄭慶雲以養病遭父喪
起復違限詔下法司問因并查各官養病三年以上者俱令革
職閒住即著為令至是吏部查勘鄭慶雲養病遭喪年月尚未
違例其兩京若光祿寺少卿胡潔寺丞劉弘尚寶司司丞王坊

太僕寺寺丞八 于給事中許相卿李學陳江御史鍾善經倫以諫李繼宗林若周即中許廷弼劉演林連林炫周尚賢荀外曹勅林遷彭密主事應典陳器張治道王漸劉布柯熊麒等四十九員及進士駱士弘石文唐楊迥三員俱養病三年以上主事李坦一員係養病三年之內起文三年之外至部因上言諸臣養病雖同而情有三等其詐疾歸家倚勢規例挾制有司不顧名檢者此情罪俱重法宜罷斥或因親老無子或實病不得仕者其情可原宜令休致亦有杜門掃軌敦尚名節者此其身雖去朝廷行實有裨風俗仍聽舉用進士未授官者難以聚論當移文趣之得旨各養病官員徃任託故營私既覈實俱照前旨行其間有真病竟成廢疾者令有司查奏准與致仕有行誼重于鄉閭者許撫按察舉吏部訪奏量加錄用徇私濫舉者生之

鄭曼雲再查其丁憂以前在家養病年月全開李以非復職駁
士弘等俱如故○巡視浙江兼制福建沿海地方都御史王克
封以病請告 上責其公事未一經理輒以私情奏請有員簡
命令重職閑住已陞浙江左布政使胡璉為都察院右副都御
史代之○以榆林饑悉發延安府預備倉糧轉運賑濟○以林
炎詔京倉黑豆暫聽折納歲豐如故○聽選監生錢潮等疏請
遣使趣大學士桂萼還朝與張璉共輔政 上以大臣進退斷
自朝廷潮等狂率奏擾法當懲究又以倡自蔡圻俱全法司逮
訊○庚寅立春順天府官進春 上御奉天殿受之文苑羣臣
行是賀禮○先是南京給事中柯相等言南京各門閤庫內臣
增設太多乞酌量留革兵部覆議嘉靖初年已奉詔裁定每堂
革留二三人官事未竣復踵前弊今請增多餘人員各有執依

管事者並令笑人候缺奏請填補役之○詔錦衣衛各所千百戶五年考選如例○山東濟南府流賊王文等平御史熊榮上各官功罪狀詔賞榮及都指揮盧璽左叅政張宏張振帶知縣王瀚等以德匡職情論罪○詔工部按前欽定圖冊改造祭服貯太常寺臨期給授陪祀官○都御史汪錫奏先在廣東親見佛朗機玩致遠克敵屢奏奇功請如式製造兵部覆議詔鑄造三百分發各邊○辛卯禘祭 太廟 世廟○以明日正旦遣瑞安侯王橋恭順侯吳世興玉田伯蔣崇公祭 七陵儀賓周敷祭 恭仁康定景皇帝陵寢中官祭 恭讓章皇后陵寢駙馬鄭景和祭 悼靈皇后陵

明世宗廟皇帝實錄卷之一百八

大明世宗肅皇帝實錄卷之一百九

嘉靖九年正月壬辰朔 上以大祀 天地躬告于 太廟○

甲午 宣宗章皇帝忌辰 奉先殿行祭禮遣瑞安侯王橋祭

景陵○丁酉 上大祀 天地于南郊還御奉天殿文武羣

臣行慶成禮○戊戌大宴文武羣臣并四夷朝使○庚子初廿

肅鎮巡等官唐澤等言土魯番屢年犯邊蓋恃危刺為外援今

因議婚彼此有隙宜遣使齎膏遠結危刺以離土魯番之交總

制尚書王瓊則言無故齎膏使倖倖不可必成之功自啓警端兵

部覆議鎮巡所論固兵家用間之策而總制以生事啓警為慮

尤得中國正大之體宜咨各官查照議奏事理土魯番不來犯

邊許其照舊通貢若再侵犯即絕其貢使危刺叩關納款量行

犒賞如其不來不必遣使庶夷情自服國體自尊從之○兵部

覆巡視浙江等處都御史王竟對巡按御史端廷敷言浙江海道兵備等官以勅內未開駐劄之地往往專駐省城或出巡歷隨去即來宜照舊例以海道副使專在台州溫處兵備專在溫州備倭都指揮專在定海守備都指揮專在處州各擬定地方巡歷具載勅內庶便責成詔如議○辛丑詔浙江溫台處三府稅糧供優徵本色三府稅糧舊徵本色近歲以海警繕理海防乃改令本折兼半徵納供軍典費其折色糧每斗以銀七分為率當市估二斗價民甚苦之至是監生朱玄誥陳其苦謂復舊便且請罷加造戰船之役部覆從之○壬寅國子監祭酒許誥以疾乞休不允○命戶部左侍郎張璉兼都察院右僉都御史總督宣大軍餉以本部主事傅夢弼從行分理其事發太倉庫銀十萬兩運赴二鎮并前次開去引鹽及收貯在庫贓罰缺官

等項銀兩盡數查出分投差官整理預蓄糧芻分置要害營堡
時以虜在河套二鎮邊儲匱乏從鎮巡官之請也○御馬監太
監麥福奏乞騰驤左等四衛軍士見操者不必差科道點開新
補者不必由兵部審驗兵部覆言委官驗審科道點開皆弘治
間舊例又屢奉 皇上詔旨申飭宜如舊為便 上從部議○
癸卯蔭故工部尚書李孟甥姪孫佶為國子生孟暘子天叙已
歷病故無嗣乞以佶補從之○朝鮮國陪臣工曹叅判朴光崇
等來賀正旦宴賜如例○賞泰寧等衛朝貢夷人塔卜歹等三
百有奇綵幣有差○甲辰陞兵部職方司郎中周鳳鳴為大理
寺左寺丞○陞浙江右布政使顧璘為本司左布政使○戶部
以例請差官查覈各邊錢糧詔以各邊比歲兵荒暫停差遣○
頒 御製教一等歲于湖廣長沙府嶽麓書院從知府孫存泰

也。○勅通政司右通政何棟專理通惠河道棟先任都水司郎中修濬通惠河開工成陞通政工部言棟治河有成績宜專任之以究其用故有是命。○乙巳罷大理寺少卿吳堂閒住以雲南巡按御史劾其先任鶴慶府知府貪縱故也。○陞巡撫陝西右副都御史寇天敘為刑部右侍郎。○復設陝西管糧參政及管屯僉事。○丙午時享 太廟 世廟。○吏科都給事中夏言奏臣向被命查勘順天田土曾請改各宮莊田為親蠶廠公桑園名額今有司種桑柘以備宮中蠶事未見舉行邇者 陛下有事於 南郊臣猥以侍從之末叨陪 法駕仰見 陛下對越嚴恪馨香升聞又更定時享之期於 郊祀之後行祝 天之禮於正元朝賀之前徂歲之冬躬禱雪于 郊壇先期避殿減膳損六軍之扈蹕却百官之陪從罪己之辭形於嘏祝贊導

之臣仰見憂色所為昭事 上帝軫念民事已無不盡其誠矣
臣感激之餘竊念向所建親蠶之議有助于 陛下敬天勤民
之事且足以紹 聖祖之制作補當代之闕遺夫農桑之業衣
食萬人不宜獨缺耕蠶之禮垂法萬世不宜偏廢倘蒙采納勅
禮官會議以聞令儒臣參酌考訂慨然施行則天下萬世永有
瞻仰 上以其疏示大學士張璉深嘉納之遂勅禮部朕惟耕
桑王者重事也古者天子親耕王后親蠶以勸天下朕在宮中
每有稱慕自今歲始朕躬祀 先農於本日祭 社稷畢即往
先農壇行禮皇后親蠶禮儀便會官考求古制具儀以聞於
是大學士張璉等因請于安定門外擇建先蠶之壇其制一準
於 先農壇壇旁設採桑壇蠶室別殿採桑壇制倣 先農壇
藉田之處為之其別殿量如 南郊齋宮之制而少減其數即

齋宮之旁起蠶室二十七間以為浴蠶之所做藉田之制 皇
后採桑二峪之後用三公夫人採五條列侯九卿夫人採九條
仍擇民間婦女數十人受桑浴蠶于內以終其事詔如議行○
詹事府詹事霍韜言 陛下親祀南郊僅及五里猶先日啓行
今 皇后出郊難以越宿且郊外別建蠶室則宮嬪命婦又未
得親見蠶事有文無實勢難久行乞擇近地便 上曰耕蠶衣
食之本王化之先天子耕于南郊王后蠶于北郊此萬世不可
易之典爾素諳禮制何有此言且出郊古禮非可以遠近計若
就禁內行之恐不可垂法于後今襲故非時之徒甚衆而此言
實啓其端爾其審思之已而戶部亦言安定門外近西之地雖
寬平可用而水源不通無浴蠶之所初禮部議於皇城內南城
西苑中有太液瓊島之水况唐制亦在苑中宋亦于宮中宜從

禮部初議便 上曰周禮之制耕蠶分南北郊唐人因陋就安
不可為法初議止于安定門外而茲復自相矛盾前後不一宜
照前旨擇地奏聞○戊申 英宗睿皇帝忌辰 奉先殿行祭
禮遣英國公張崙祭 裕陵○ 上復諭禮部曰疑謀勿成謂
中心疑而未決之事不必成其事昨夏言請行親蠶禮及卿等
奏議已詳此事在朕心決之久矣得言之奏甚悅並無毫末之
疑已有成命茲申飭卿等非朕有疑亦非被感而昨者詹事霍
韜奏云所以者朕已諭之但恐韜奏一出必有藉彼為言破政
害事勢所不免夫言之奏有云農桑之業衣食萬人不宜獨缺
耕蠶之禮垂法萬世不宜偏廢此言已盡非有他也朕所納者
以此亦非有他夫禮樂制度自天子出此淳古之道也故孔子
作此言以告萬世如今世人良性固在本無不同實人欲熾勝

耳今非朕者有五曰我太祖範則已定列聖守之汝何如是增加一也我太祖未嘗有是制列聖不敢議及汝何擅創二也皇后午門尚不敢出而可遠出北郊乎此祖宗朝所無之事今日何以是為豈不有干成憲乎三也制禮作樂出自開創之君太祖豈不知此神謀聖慮自有定見何待汝為亦非汝之所當行斯非作聰明而何為耶四也宮中閹之人稱其難且有累朝未聞之語或有感額者五也斯時邪徒必不出此五者合是必又以禍福為恐外無可造為言者故申飭卿等熟計來聞仍以此刻布中外各以所見具疏上陳於是禮部尚書李時等皆言中宮出郊我朝雖無定典而載於古禮甚明皇上以宗廟祭服之重且欲使宮闈知女工之艱難而因以風勵天下故令臣等講求古制而議者恐道途太遠欲

行之於禁中臣等初亦慮及於此但謂大明門出至安定門外道路徃逆之遠則誠然耳今日鳳輦或由東華玄武二門以出此固無礙于古禮也臣等謹熟計之條為四事以請一增治藺之禮夫採桑而不治藺非禮之全也及藺成之後令內臣自北郊捧之獻于宮中仍於宮中隙地量立蠶繭織室行三盆之禮以終蠶事二定壇墼之向先蠶採桑二壇悉倣先農藉田之制先蠶壇北向採桑壇東向如唐開元之制三定採桑之器按唐制皇后既至尚功奉金鈎夫親蠶所以識女工之艱難也金鈎則侈矣宜令造辦筮鈎止照民間器用毋過為雕飾以失親蠶之意四擇掌壇之官中宮出郊其一應禮儀祭禮必令內臣掌之以肅宮闈之禁乞於司禮監擇謹厚老成者管理奏入上嘉納之曰 皇后有事先蠶宜於玄武門出以從簡便儀衛

今內使陳列兵衛官軍一萬有奇五十於壇所圍宿五千護列於道仍擇西苑隙地造織室以終蠶事壇之制準之先農而穀其制十之一數用偶數不必建齋宮止建具服殿蠶室繭館俱如古制諸禮儀司禮監奏請以行○巡撫保定右副都御史錢如京言畿輔地重守令宜慎其選請悉銓以進士無已則舉人不宜濫授歲貢吏部覆上其議 上曰畿輔親民之官固當慎擇然四方萬姓皆 祖宗赤子授官分牧不宜有異前屢勅所司隨才任用不拘資格但有治行宜民者一體旌擢蓋科貢乃國家取才正途不可偏有所重茲所議似特重進士而視歲貢大輕令人何以自奮保民之道奚由廣及宜申明前旨行○己酉禮部上耕藉儀注前期太常寺奏祭祀百官致齋順天府官以來耜及種稷種進呈少頃內官捧耜及種授順天府官捧

由午門左出置綵輿鼓樂送至籍田所至期祭社稷畢昧爽
上具翼善冠黃袍御奉天門太常寺官奏請詣先農壇

上陞輦園簿導從詣壇所具服殿上服衮冕如儀祭先農
畢還具服殿更翼善冠黃袍太常卿導引上至耕籍位南向
立三公以下從耕者各就位戶部尚書跪進耒耜順天府官跪
進鞭導駕官同太常卿導引上秉耒三推三反訖戶部尚書
跪受耒耜順天府官跪受鞭太常卿奏請復位順天府尹捧耒
箱隨以種子播而覆之上御外門南向坐觀三公五推尚書
九卿九推太常卿奏耕畢從耕官各就位太常卿導引上還
具服殿陞座順天府官率兩縣官耆老人等行禮畢率庶人終
畝鴻臚寺官贊百官入班致詞行慶賀禮有旨賜酒饌三品以
上官各就丹陛上東西向賜坐四品以下官臺下序坐弁宴勞

者宿于壇旁宴畢 駕還宮導從並如來儀大樂鼓吹振作詔
如其所擬遂命太師昌國公張鶴齡太傅建昌侯張延齡少傅
兼太子太傅吏部尚書謹身殿大學士張璠禮部尚書兼文淵
閣大學士翟鑾太子太保吏部尚書兼翰林院學士方獻夫太
子太保兵部尚書李承勳戶部總督倉場尚書李瓚禮部尚書
李時刑部尚書許讚工部尚書章拯都察院右都御史汪鉉掌
翰林院事詹事顧鼎臣各行五推九推禮○庚戌先有旨採辦
雲南寶石巡按御史劉臬言孟密地方產有寶石為土酋思真
所轄其境與西洋番舶相通它取以營重利且此酋以木邦叛
豎遺孽竊據此土自恃富強吞噬緬甸木邦孟養又密通騰衝
窺我境內虛實較諸夷尤點徃年採辦之後故違稽遲又地極
瘴癘俗尚蠱毒徃年採取人役多被中傷况撫處數十年至今

始順雖朝廷宥其罪過而夷性叵測若再行採取或啓戎心宜
暫停三四年俟夷情寧靖另行採買戶部覆議報如前旨行○
臬又言黔國公沐紹勛莊田近奉旨查勘而奸惡管莊之人馮
藉聲勢始而侵占投獻終則劫掠鄉村動以激變嫁言阻撓有
司懼變束手而紹勛且屢以奏乞分豁為詞及今不處則蓄亂
宿禍貽害地方非世臣子孫之福戶部覆議總兵莊田原有額
賜宜委守巡官老成練達者一員清查之其額外無文藉可據
者即屬侵占投獻宜悉歸軍民莊戶有犯窩盜違法者所司明
正其罪詔如議行○戶科都給事中蔡經言河南頻年災傷衛
輝等府尤甚今撫按奏報輒以蠲賦為急若貧難下戶田既不
多賦亦無幾但蠲以升斗之稅則枵腹垂死之際豈能全活此
極貧者必須賑濟而後可救于流亡也今太倉少積似難輕動

而民患迫切殆不可支請動支二三萬兩赴彼賑濟仍令有司積穀預備其州縣五十里以上所積不及五百石三十里以上所積不及三百石者治以罪通行各處撫按一體遵奉 上嘉其言下所司議行○准王祐揆奏本府進貢馬匹多不堪廐牧恐致虛費乞改進餽鈔部議王府進賀馬匹係國朝舊典行之已久宜仍其舊 上然之○辛亥刑部尚書許讚言頃奉旨逮興州後屯衛署都指揮崔昂昂匿其叔太監崔文所不就逮請戒飭文必出昂以申法 上命并文逮治之○壬子改湖廣按察司副使張鯤于四川提調學校○駙馬都尉謝詔陳乞於近地列肆召商如皇親例得旨皇親列肆以漁民利在法所當革詔國親臣同宜讀書遵禮奉公家典憲豈可效尤牟利所請不允○癸丑禮科給事中曾仲魁等陳四事一言自嘉靖九年為

始供用庫粳米茶芽豆穀等項附餘數多宜量為減派以蘇民困二言酒醋麪局歷年積餘米豆草束數多乞查見在若干未收若干并合用若干應減若干會派徵納三言浣衣局糙粳粟米支用不盡各量留二十五石其餘扣作近衛官軍月糧四言管運白糧俱宜令糧長親身赴京交納不得轉顧無籍之徒包攬以致浪費部覆從之○甲寅命都察院右僉都御史劉天和巡撫陝西○提督兩廣軍務右僉都御史林富乞休不允○起用太子太保南京兵部尚書胡世寧以疾請致仕從之○以陝西寧夏旱災免本鎮各衛田糧仍給靈州鹽課等銀賑濟○乙卯都察院右都御史汪鉉言近奉勅諭惓惓以考察巡按為言且責臣等堂上官不能振揚風紀避讒遠怨臣萍厠自勉冀仰答聖意竊以御史言官朝廷耳目之寄今欲考汰其不職必

真有顯然實跡而後可臣謹以憲綱及 皇上勅諭竊取其宏綱大旨謹條為巡按約束十二事凡御史歲終得代則逐條覈其奉行之狀而廢置之一宣德意 皇上勵精圖治恩詔屢降而惠不及民則郡國史承宣無狀所致御史奉命專察一方坐視有司慢令而不能詰其罪又烏可辭也今後凡詔例所載事宜責御史督郡國吏加意舉行刻期日而考成焉誅其虛文相抵冒者一勤巡歷御史必徧歷郡邑然後官吏之否臧生民之休戚可得而知宜定為制自今御史抵任一月以外不許安駐會城務出巡歷每府十日以上州縣五日以上雖偏方下邑必期周到如違以推奸避事條坐罰一精考察御史庶覈官吏務須廣詢密訪或延問耆老或博諏田夫靡人不訪無事不察毋或于一偏毋膠于一節毋摻求細事而羅織深文毋獨任己私

而昧于公是回道之日務將詢訪根因詳註各官職名下以憑
參訂一慎舉劾今後巡按薦舉務遵弘治以前規制每牘多不
過四五人少二三人其糾劾亦不許濫及無辜任情作惡皆須
明著實蹟其賢其否須各舉十數事的確可指者異日所舉之
人或以不職見斥仍連坐之其清軍提學茶馬鹽屯等差御史
自本管官負外不得槩行舉劾一謹闕防御史事權既重所至
之地防閑最所當謹凡衣卷箱篋及監生書吏出入供督各地
方官明白檢識一禁逢迎近來御史駐泊會城則兵備守巡逐
日候謁巡歷郡邑則三司長吏絡繹問安該道守巡隨從唯謹
其諸新任朝覲考滿回任官負不遠千里競走所在參謁曠職
道設莫此為甚宜行巡按御史嚴革違者聽任等體訪考黜一
親聽斷今後御史奉本院牒行親提人卷勘問冤獄者務須遵

依提吊人卷虛心秉公自行勘辯不得轉委他官及酷加拷掠
回執偏見臣等審其讞報情法未允責令再訊如仍有枉縱具
實劾治一稽儲蓄積貯民命所關郡邑先務巡按御史所至須
稽其儲蓄有無多寡以為賢否殿最籍報吏部以備黜陟一嚴
督率布按分司官例誅二月初出巡五月終回司七月初出巡
十一月終回司御史宜嚴督各官依期巡歷如違即行叅奏一
戒奢侈御史令行禁止可以移易風俗宜以身率物躬行節儉
然後立為條教凡飲食宴會服飾車馬婚姻喪祭等項悉為品
節限制禁其侈靡一謹禮度憲綱所載御史與方面官往來相
見禮節甚明及運使運同知府知州有事不許跪白近蒙 皇
上申飭前規至為諄切足以一洗數十年相傳陋習自今御史
有不遵定議仍令兩司隅坐運使等官跪稟者聽臣等訪實叅

治一慎請差地按地方繁簡難易不同當視人之才力近規御
史惟以到任先後挨差殊失 聖明慎命之意自今宜不拘歷
任先後唯選才力相應者二員請旨簡用庶巡按得人地方受
惠 上曰御史巡歷地方振揚風紀關係甚重舊章成法具載
憲綱朕已屢諭舉行而人心怠玩如故覽疏深切弊俱准行
○丙辰陞福建延平府知府屠僑為山西布政使司右叅政○
四川巡撫都御史唐鳳儀劾奏提學僉事蔡宗克以疾乞休未
奉明旨輒離職任命巡按御史逮問以聞○翰林院侍讀謝丕
以母病給假許之以丕係日講官給驛以歸○兵部尚書李承
勳言耕藉親蠶之事三代以下非無行之而革率文具不足稱
述獨漢大帝二年詔開籍田又賜民田租之半故其時衣食滋
殖刑罰罕用伏望 皇上取以為法因此二事而思小民衣食

之孔艱皆以重本抑末為主燕間之際見帷帳服御之類即思
曰得無有製錦繡逞淫巧以害女工者乎見器用車騎之類即
思曰得無有進珠玉事侈靡以病農工者乎享玉食之豈即思
曰凶年饑歲得無有困衣食而不安于田里者乎有司以成獄
上獄者即思曰得無有刑罰過於德化使赤子無所措手足乎
察中外臣工實心愛民者進之虛浮無實者黜之又藉田隙地
皆可耕種官道之傍皆可植桑自近京邊海推而廣之至於天
下申勅有司田地蕪蕪者召人承佃而寬其租賦逃移失所招
回復業而貸以牛種有益於農桑者無一不舉有妨於農桑者
無一不去則衣食足而禮讓興教化隆而刑罰措矣疏入上
嘉納共言下所司議行○命撫寧侯朱麒僉書中軍都督府事
○命團營聽征石叅將卻永克總兵官操練聽征人馬○丁巳

以山西饑詔發各府州縣預備倉糧并諸司罪贖及戶部所發
支剩銀兩賑之○己未陞兵部左侍郎王廷相為南京兵部尚
書○謫戍雲南永昌衛軍原任翰林院修撰楊慎以伊父大學
士楊廷和在籍病故乞回籍終喪不許○庚申以災傷免真定
等府稅糧有差○先是 上諭禮部朕以冲昧入承 祖位敢
不率由舊章以免愆過顧禮義之實重且大焉朕每以祭 太
社 太稷奉我 太祖 太宗配竊有疑焉夫 天地至尊次
則 宗廟又次則 社稷此次序尊殺之理也奉 祖配 天
則正矣又奉 祖配 社豈不失其序歟或謂以祖配社乃親
之之道也此我 皇祖時禮官之失也又謂后土勾龍氏乃共
工之子祭之無義夫勾龍氏有平水土之功故取之配社猶以
后稷配稷同也未嘗論其人况父不善而可惡及其子乎至如

奉 祖配社尤為弗當屈其所尊義實未安茲乃不可不正之
典亦非變之者宜如我 皇祖高皇帝之制 太社以后土
勾龍氏配 太稷以后稷氏配其詳議具奏禮部言祀事重典
請集多官會議 上曰尊 祖配 天具載禮制並無奉 祖
配 社之文卿等亦曰未聞其他異論之徒不足為較第宜求
之人心可與否耳夫人未有不同不過是昔非今破亂吾事卿
等既恐持論不一其亟集廷臣議同者列名具疏異者自疏以
聞至是大學士張璠翟鑾等各言 祖宗配位 社稷歷代以
來祀典不載我 太祖稽古定制初無配位之禮後因禮官張
等之請遂沿襲至今茲者 天啓聖衷獨覺其舛况皆遵後
祖制而非有意於變更茲會多官皆無異議則既得以伸尊
祖敬 宗之心又不失乎立法創制之意所謂禮樂百年而後

興者真有在於今日疏入 上從之命預期擇日躬告 太廟
及 社稷禮卿時告后土勾龍氏后稷氏設壇行禮神牌即行
成造所司具儀以聞禮部隨具儀注擇本年二月初四日卯時
上以更正 社稷壇配位禮告 太祖 太宗于 太廟及
社稷行禮先期翰林院各撰告文太常寺預各設香脯醴酒果
錦衣衛設儀衛侍從各如常儀太常寺卿奉請 太祖 太宗
冠服設于前殿設 上拜位于殿中 社稷于壇前是日早免
朝 上具翼善冠黃袍御奉天門太常寺卿跪奏請 聖駕詣
太廟 上陞轎由廟街門入至 太廟門外降轎導引官導
上入御幄易祭服由殿左門入典儀唱執事官各司其事導
引官導 上至拜位內贊奏就位奏鞠躬再拜典儀唱獻爵執
事官捧爵跪進于 神位前典儀唱請祝內贊奏跪請祝官跪

請訖內贊奏俯伏興平身奏鞠躬再拜興儀唱讀祝官捧祝詣燎位興儀唱望燎內贊奏禮畢導引官導 上由殿左門出至太廟門外導引官導 上入御帷更翼善冠黃袍陞轎太常寺官跪奏請 聖駕詣 社稷壇儀衛侍從如前導引官導 上由右闕門進 社稷壇北門降轎導引官導 上入御帷易祭服由右門入興儀唱執事官各司其事導引官導 上至拜位內贊奏就位奏鞠躬再拜興儀唱獻爵執事官捧爵跪進于神位前興儀唱讀祝內贊奏跪讀祝官跪讀訖內贊奏俯伏興平身奏鞠躬再拜興儀唱讀祝官捧祝詣瘞位興儀唱望瘞內贊奏禮畢導引官導 上由北門出陞轎至午門外儀衛退 上還齋宮一本日太常寺官設后土勾龍氏后稷氏壇于社稷壇西北東向先期翰林院撰祝文太常寺備辦香燭酒果

脯醢候 上祭告 社稷禮畢導引官引遣官行祭告禮于后
土勾龍氏后稷氏奏入 上更定 廟 社行三獻八拜禮遣
告儀如擬皆用帛

明世宗肅皇帝實錄卷之一百九

明世宗肅皇帝實錄卷之一百十

嘉靖九年二月壬戌朔○癸亥工部上先蠶壇圖式 上親定其制先蠶壇方可二丈六尺壘二級高二尺六寸陞四出東西北俱樹以桑拓燕息殿不必建以掌禮房為蠶宮令署採桑臺高一尺四寸方一丈四尺鑿駕庫五間後墻方其制內苑止蓋織堂墻圍方八十丈餘俱如圖注已而欽天監以年神不利興作禮部言周制季春吉己丑后享先蠶則必擇日可知矣既有室礙請俟明年其躬桑浴繭之事可於宮中行之 上曰朕已告聞 祖考不敢中止己禮部請暫用葦席竹木為之 上曰祈禱席屋甚多不無糜費其酌處財力量建一二工部乃請止先蠶採桑二壇并具服殿及諸蠶室數十楹餘皆罷之報可○命鎮守貴州總兵官著都督僉事牛垣僉書右軍都督府事○

甲子定 社稷配位奠獻用磁爵制帛奉安 二祖神牌於
太廟寢室玉圭玉爵貯 太廟神庫○丙寅太僕寺卿余瓚以
疾乞致仕許之○丁卯祭先師孔子命吏部尚書方獻夫行禮
○陞巡撫大同右副都御史蔡天祐為兵部左侍郎○戶部言
南直隸浙江等處積負夏稅秋糧馬草鹽課等銀凡五百四十
二萬兩有奇請分遣司屬督催有司不奉詔者皆以次停俸降
級從之○賜伊王訥淳四書易經大全孝順事實為善陰陳各
一部從王請也○戊辰 上祭 社稷畢出郊祭先農行耕籍
禮○庚午禮部奏 皇后親蠶儀一蠶將生欽天監擇吉己日
以闈順天府先將蠶母名數具奏送至 北郊工部將鉤箔筐
架又一應什物給送蠶母順天府隨將蠶種及鉤筐一副進呈
訖有頃內官捧鉤筐及蠶種授順天府官捧出玄武石門外置

絲輿中鼓樂送至蠶室蠶母受蠶種出蠶先浴飼以侍置鈎筐于殿內一命婦文官自四品以上武官自三品以上俱倍祀一命婦入壇者給與陪祀牌授桑者給與供事牌每命婦許帶侍女一人以備執鈎筐給與執事人牌一面本部委官同蠶宮令於壇門照驗放入無牌混入者查究治罪一前期三日尚儀奏齋戒 皇后致齋三日內執事并司贊六尚等女官及應入壇者各齋一日一先一日太常寺執事人役入壇具祝文版及祭物羊豕蓬豆各六黑帛本日晚送交蠶宮令即出壇次日蠶宮令送交執事女官其厨役等項不許以鋪排名色擅入壇內祭畢蠶宮令將祭器逐一交還太常寺一蠶宮令陳樂舞位于壇南設 皇后拜位于壇下北向次公主及內命婦又次外命婦拜位俱異位重行北向設內贊位于壇南設司贊位于 皇后

拜位之東西設司賓位于外命婦班之北東西相向又設 皇
后採桑位于採桑壇東向設公主及內命婦位于 皇后位東
設外命婦採桑位于採桑壇東陛下各南北向以西為上設執
皇后鈎篋者位于 皇后位旁少東是日未明宿衛陳兵備女
樂工備樂司設監備儀仗及重翟車俱候于玄武門外將明內
侍詣坤寧宮奏請 皇后服常服導引女官導 皇后出宮門
乘肩輿侍衛警蹕如常公主及內命婦應入壇者各服其服以
從至玄武門內侍奏請降輿升重翟車兵衛儀仗及女樂前導
內侍詣車前奏請車進發出北安門公主內命婦應入壇者乘
車陪從如式障以行帷至壇內墮東門內侍奏請降車乘肩輿
兵衛儀仗停于東門外至具服殿 皇后入殿少憩侍衛如常
儀司賓先引命婦列于先蠶壇下東西向以北為上尚儀詣

皇后前奏請 皇后易禮服出殿門將至壇內贊唱樂舞生就位執事各司其事導引女官導 皇后至祭位司贊奏就位次公主又次內命婦列于後又次外命婦列于後各就拜位北向俱異位重行內贊唱瘞毛血迎神奏樂樂止司贊奏四拜公主內命婦外命婦同內贊唱奠帛行初獻禮奏樂執事官捧帛爵跪于神位前各奠訖樂暫止內贊唱讀祝司贊奏跪 皇后跪公主同內命婦外命婦同讀祝女官跪于神位前右讀訖奏樂司贊奏興 皇后與公主以下同樂止內贊唱亞獻禮奏樂執事官捧爵跪奠于神位前訖樂止內贊唱終獻禮奏樂執事官捧爵跪奠于神位前訖樂止執事女官進立壇東西向唱賜福昨司贊奏跪 皇后跪執事女官以福酒跪進于 皇后右奏飲福酒 皇后飲訖執事女官以昨跪進于 皇后受昨訖

司贊奏興 皇后與司贊奏二拜公主以下同內贊唱徹饌奏樂執事女官詣神位前徹饌訖樂止內贊唱送神奏樂司贊奏四拜公主內命婦外命婦以下同樂止內贊唱讀祝官捧祝執事官捧帛饌各詣痊位奏樂樂止司贊唱禮畢 皇后還具服殿更常服司賓引外命婦先詣採桑壇位南北向女侍執鉤筐者隨于各外命婦之後尚儀入奏請詣採桑位導引女官導皇后至採桑位東向公主以下各就位南北向執鉤者跪進鉤執筐者跪奉筐受桑 皇后採桑三條止 皇后還至檀南儀門坐觀命婦採桑三公命婦以次取鉤採桑五條列侯九卿命婦亦以次採桑九條採訖各授女侍筐內司賓引內命婦一人詣蠶室尚功帥執鉤筐者從尚功以桑授蠶母蠶母受桑綏切之以授內命婦內命婦食蠶澀一薄訖司賓引內命婦還尚儀

前奏禮畢 皇后還其服殿儀仗侍衛如常候 皇后陞座向儀
奏司賓率螽母等行叩頭禮訖司贊唱班齊外命婦序列定尚
儀致辭云親螽既成禮當慶賀司贊贊四拜畢賜宴命婦并賜
螽母酒食於壇傍公主及內命婦殿內序坐外命婦從採桑者
及文武二品以上於臺上三品以下於丹墀各序坐尚食進膳
司賓引公主及內命婦各就位教坊司女樂奏樂 皇后飲
酒訖宴畢徹茶公主以上各就班司贊贊四拜尚儀跪奏禮畢
皇后興還宮導從如前詔如擬○詔民居當螽壇東出道者皆
徙之工部增價給與定命婦牙牌式視陪祀官殺三之一○辛
未 孝貞純皇后忌辰 奉先殿行祭禮遣彭城伯張欽祭
茂陵○江西道監察御史周禕條陳五事一明史職我朝設立
史官雖有編摩纂述之事而無侍直紀載之舉非古者置左右

史兼起居注之意宜以常日朝會便殿齋居及車駕出入郊祀臨幸太學咸侍從左右以備紀述於凡詔令典章封除廢置災祥賞罰百司奏啓之類皆得次第直書而歲之史局俟年終彙輯成書以備實錄之考二恤水災徐沛淮邳近緣黃河泛濫民罹昏墊宜量加賑貸以拯困窮之民三清冊籍邇來大造黃冊多飛派詭寄之奸故徭役之征多放富差貧宜嚴為稽覈以絕奸弊四厚風俗今法制陵替奢僭成風無復分限宜申明大明律令洪武禮制諸書以矯厲薄俗五理驛傳各省差役繫苛人力疲困舟車所至不勝其擾宜自進鮮船隻及入貢夷人與文武大臣內臣監丞以下俱立為限制以免橫索踈入上以其言可采命所司看詳以聞○以災傷免順天永平二府所屬州縣及永清等衛所稅糧有差○壬申更調總督漕運兼巡撫

鳳陽等處右副都御史毛思義及總理糧儲兼巡撫應天等處右副都御史陳祥初祥為巡按直隸御史魏有本所劾吏部言祥素有才望雖督察似苛細而除貪祛弊有益地方舍短取長不宜輕棄請令祥與思義互調故有是命○詔定百官謁文廟禮凡春秋二丁不與陪祀者皆以常服序列陪祀官之後同時行禮正旦次日諸司必候其堂屬畢集始得謁拜有先後參差者聽糾儀御史劾治之○癸酉先是上問大學士張璉朕聞嘗稱燔柴祭天又曰類于上帝孝經曰郊祀后稷以配天宗祀文王于明堂以配上帝夫天即上帝以形體主宰之異言也朱子謂祭之堂下謂之帝今大祀有殿是屋下之祭未見祭天之禮况今上帝皇地祇合祭一處似非天也又問大報天而主日配以月今大明壇當與夜明壇異可也且日月照臨其功甚大

今太歲等神歲二祭而日月星辰只一從祭焉朕疑之卿言其所以總對言古者冬至祀天于南郊之圓丘夏至祭地于北郊之方澤至敬不壇掃地行事其禮至簡至周公制禮冬至郊天配以祖季秋祀帝明堂配以考至漢成帝時王莽誥事元后傅會昊天有成命之詩合祭天地同牢而食殊為瀆褻自此天地遂合祭至宋神宗始議分祀迄宋終元屢分屢合國初太祖皇帝建圓丘鍾山之陽以冬至祀天建方丘鍾山之陰以夏至祀地俱配以仁祖洪武十年始定合祀之禮即圓丘舊址為壇以屋覆之曰大祀殿後列聖相承皆以太祖太宗並配說者謂上為屋即周之明堂下為壇即周之圓丘是亦孔子從周之意至于日月之祀國初稽古者正祭之禮築壇于國城東西用春秋分朝日夕月且以星辰從祀月壇且載舊

典今日月歲止郊壇從祭而春秋分朝日夕月不復舉行蓋缺典也 上復諭璉冬至祀 天圓丘夏至祀 地方澤億萬代不易之理今之 大祀殿擬周之明堂或近矣如以為即圓丘實無謂也日月運行以成歲功止一從祭不得專誠以祭之其可乎今宜講求璉復備述周禮及宋熙寧間陳襄蘇軾劉安世程頤所議分合異同以對且言 聖祖之制已定今無敢輕議若夫朝日夕月之禮且載存心錄并祭祀禮儀 皇上若欲講求以復禮制乃無難者 上因銳意欲定四郊之制卜之 奉先殿 太祖前不吉乃問之大學士翟鑾具述因革以對復問之禮部尚書李時時言人情扭于習見必以舊章成憲為言恐煩 聖慮諱少遲以月日待治化隆洽上下相信然後博選儒臣議復古制為宜 上意猶不已仍卜之 太祖復不言議且

寢矣會給事中夏言請舉親蠶禮 上大喜以為古者天子親耕南郊皇后親蠶北郊適與所議郊祀相表裏因以言奏示璉令璉以 上旨示言令陳郊議言乃上疏言國家合祀天地于南郊又為大祀殿而屋之 太祖 太宗之並配諸壇之後祀舉行不于長至之日而于孟春俱不應古典宜令羣臣博考詩書禮經所載郊祀尊祖配天之文及漢宋諸儒匡衡劉安世朱彞等之定論以及 太祖高皇帝國初分祀之舊制 陛下稱制而裁定之此中興之大業也 躡入禾下禮科給事中王汝梅等詆言訖非是 上切責之乃勅諭禮部朕亦祭祀重典不可不慎朕每奉行大祀之禮見其儀制與我 皇祖始制不同雖行之百數十餘年原非五制垂憲之者乃係更定之文朕以冲昧紹 祖位當夙夜戰兢以守成憲為天下先書曰監于先王

成憲其永無愆詩曰不愆不忘率由舊章孟軻氏曰遵先王之法而過者未之有也朕固不知禮不知道不學不聰經書明訓聖賢格言豈敢不勉為守行我祖訓又有明諭曰後世子孫勿作聰明亂我成法朕豈又敢身犯皇祖之訓自速禍亡哉但義理不容不盡而心之所獲又不可自默今將郊祀事宜開條于後爾禮部即日刊刻分布文武衙門大小官員都限十日以裏各以所見具疏上聞不許隱忍含默一朕惟天地有南北郊之祀古之禮也我皇祖初建之制今當遵復一朕先以斯典重大預告請于皇祖得報有過月之文遂未降前制遵我皇祖聖辭是日夏言即以農桑二事來上正合南北郊之意實非人為非邪徒能言也朕遂勅行言于前月二十九日又以大祀更議之奏來上此又合過月之義朕所以未下言奏于所

司者欲俟祭社畢降勅施行本月初四日王汝梅等奏謂言之
奏不可夫汝梅等非真心愛君慎重之意或有使之亦窺測朕
意耳疏內明言伏俟勅旨未見明降此言不過謂言之前奏即
日施行是朝廷所欲者此奏四五日不下必有疑難之意我當
沮之耳大小官員不許附和為言謀為朋聚止許以自己所見
上陳一王汝梅等所言姑舉一二言之彼謂虞書類于上帝為
有虞祭天地之制夫曰類者乃以倣于祭天之禮而行非祭天
之常典故謂之類彼又曰召誥中外用牛二分明是合祭天地
矣夫用二牛者一帝用之一配位用之非天地各一牛也破亂
大事之心勝故賊道叛經至于如此又援丘濬華諺之言為可
據難以悉數一或有謂天地合祀乃人子事父母之道亦為夫
婦同牢之義此等言論褻慢神祇瀆事祭祀無禮之甚莽賊之

解決不可用一朕聞朱子曰古者天地一定不合祭其祭天時豈可將許多神祇都排作一堆祭斯言正大足可萬世爲法一或謂郊乃祀天社稷爲祭地古無北郊夫社乃祭五土之祇猶言五方帝耳非皇地祇也明矣圜丘方澤之制具在周禮則南郊祀天北郊祀地又明矣社之名有不同自天子以下皆得隨所在而祭之故禮有親地之說非謂以祭社卽謂方澤祭地有謂社親之所以毋道事之天尊之所以父道事之此語牽繞于義不合一朕聞宋儒蘇氏日月尚可從祭圜丘皇地祇反不可從夫祭天主日配以月皆在天之神月雖爲陰却位列在天皇地祇自是本位之主此說只是牽強一今之所謂不可者不過曰朝廷多事粉飾太平變亂成憲輕議祖典萬一禍變之來天下有聲罪之者悔將何及誰任其罪不出此再又或有心知

其是而口道其非者或陽爲其可而陰議其否者此等之徒不但欺朕亦且誤國務要着實吐露直言之一或謂數年行之無故一旦起此意恐不可夫朕祈禱大祀今己九歲仰蒙 皇天垂鑒俯賜來享敢違之而興變亂實欲盡赤心以答報耳夫人君以修德法祖親賢愛民乃爲報天之實盡職之要不在儀文度數之間此朕實惟盡在己之誠也若謂無故而更此言非誠心夫待其異變是何心哉况朕此意已聞之 皇祖 皇天亦無不鑒之之理不敢避人而止知敬 天耳若以近年災變亦以極矣本雖朕招朕致政典亦無不閱况天尊地卑一定之道豈可並隆近年地數震異有不安之象亦不可不求其所以一大小官員都着依限具奏不許隱默三品以上并六科十三道翰林院左右春坊勳戚武臣都着自疏其餘俱依衙門爲限連

名具疏兩部裏集議以聞已乃下言疏稱其慎重國典令禮部一併刊議。○兵部以西番不特板爾些截等族糾集諸番深入爲寇一歲中報數十至乃上言西番自古爲陝西患與北虜等入我朝百餘年來貢獻不絕未嘗敢犯邊吏者以制御有道也今一旦叛逆大爲邊釁宜令總制尚書王瓊督同鎮守以下推跡事變所起斟酌勦撫之策及兵將事宜以聞又言往者有道商互市之令爲茶與大黃諸物皆盛產中國而在彼仰以爲命也今禁罔踈闊奸商私市彼皆取足賈堅而不煩仰給于官加以平時屢置失宜故乘邊備弛之日逞忿而起此則有司之過也且聞西番爲北虜亦不刺所侵者因以役屬竊計洮岷之間不但結于番又且構于胡矣有如番胡交通益肆猖獗將何以善其後乎請悉委之王瓊令亟圖制御長策許其便宜從事

上從之。甲戌雲南巡撫右僉都御史歐陽重巡按御史劉
泉劾奏鎮守太監杜唐役占軍餘巧肆漁獵每歲科取民財以
萬計因極言鎮守內臣當裁革詔下撫按官勘實以聞唐回京
聽勘。乙亥改巡撫延綏都察院右僉都御史蕭淮巡撫大同
。海西塔魯木建州等衛女直都督方中撒哈竹孔革等七百
五十二人入貢詔晏賚如例。禮部尚書李時等言 皇上竭
誠事天勵志考古于祀典一事欲上復 祖宗之初制下立萬
世之彛典然猶告誦 皇祖頒諭臣工即古帝王謀及卜筮謀
及卿士之意大小臣工孰敢不敬應者苟不為叅酌今古考究
情文而徒以空言如期塞責何以定一代之典哉今一時章疏
必有仰副清問者但識見不同學術亦異持論之間不無叅錯
惟 皇上曲加采納俟衆論畢集令臣等會同內閣及府部翰

林科道諸臣酌議以請則衆論自底于協一矣。上是之趣令
送臣如期議上。○陞鎮守廣西副總兵署都指揮僉事李璋爲
署都督僉事充總兵官鎮守貴州。先是畿輔旱荒饑民流入
都城求食道理相望。上聞詔都察院丞議所以賑之都御史
王憲請令五城御史分審貧人係有司者發宛大二縣收養保
軍衛者分送蠟燭幡竿二寺官爲煮粥俱容戶部查給。上以
民窮可憫命如議卽行俟春和丁壯遣歸老疾者仍舊收卹仍
行天下郡縣令修舉養濟院實政使策獨者有養各御史隨籍
貧人名數送部。○是且三月矣猶未分送縣寺御史傳漢臣言
狀曰。皇上渙布德音念冬春之交天道嚴寒貧人不禁凍餓
欲拯其垂絕之命德至渥也。今寒令已過而詔旨尚爾稽滯奄
奄待盡之民其轉于溝壑者必已衆矣。鞏轂之下猶不能奉宣

德意着此况于四方萬國之遠又可知矣請命法司詰所司奉
詔不以時者詔逮郎中陳瓚知縣張允中等下法司問。詔旌
表鉅野王府鎮國將軍陽鑿妾羅氏仍賜葬先是陽鑿卒羅氏
卽自經死魯王以烈行聞故有是命。丙子兵部覆提督沿江
巡捕總兵官崔文所奏六事一團士卒鎮江衛原調官軍七百
餘人暫守新江口者皆令發回與鎮江儀真見操兵快一體教
閱一造戰船倣廣中之制造蜈蚣船置佛朗機其上以便衝擊
擇民壯軍人習水戰之法又多造小船若走舸飛鷁之類一備
器械查驗新安衛所貯原頒神鎗攢竹鎗遇警取用一明賞罰
捕盜者令以殺賊陞賞舊例從事其擒獲巨寇者聽撫按官臨
期奏請一正體統令如原擬責任得專督九江至常鎮諸路江
防及節制守備備倭官以下事閑提督巡江撫按者會議行之

詔可。丁丑都察院右都御史汪鉉言 皇上舉行曠典親事
耕蠶爲天下率先又頒示 祖訓列爲條目刊布天下令民于
秋成之後須撙節受惜勿得賤棄以備凶歉所以導民勤儉矯
俗屬薄者德至渥也惟昔 高皇帝著大明令及禮儀定式懔
懔于品節限制之法以遏民縱欲敗度之端今甲令雖存而風
俗日以奢僭請以令式所載及 皇上所諭至意通行禁約凡
官民服飾器用室宇及宴會遊玩之類但涉品制之外者有司
悉以違禁罪之其法行自貴近始若有踰犯而臺臣不舉者即
以不職論黜 上曰禮所以辨上下定民志故官民服飾房舍
器用 祖宗皆有品第著爲定式近者貪官豪民陵節犯分日
習奢侈剋剝兼併職此之由其令在京巡城御史在外巡按御
史檢察不法者具罪以聞。戊寅兵部言土官襲替自順天以

來事例不一有起送赴京襲替者有將應襲之人預勘造冊及
報名上可待其親故起送者有令就彼冠帶者有地方災荒令
其納穀備賑者有免其納穀仍起送赴部者有因極邊地方不
寧免其來京及許就彼冠帶仍舊納穀者有以報效有功許就
彼襲替者或出一人之建白或係一特之權宜以故條例紛紜
持循靡定而貪險者得緣以爲奸非國體也宜因續修會典之
時著爲畫一之法請得會同吏部詳議以聞報可。庚辰 恭
仁康定景皇帝忌辰遣儀賓周鉞祭 陵寢。詔置桑園于新
築壇殿螽室餘地令所司亟植桑柘以備取用。詔以浙江雅
陽三魁池村三巡檢司隸恭順縣先是雅陽三魁屬平陽縣池
村屬瑞安縣景泰中勦官臺山賊既平乃議割平陽瑞安地立
恭順縣以鎮壓之三巡檢司皆恭順境內而僉派弓兵猶出平

陽瑞安巡按浙江御史瑞廷啟言請改屬秦順便兵部覆議從之。辛巳兵部尚書李承勛以邊圉多警統制乏材既薦革職都御史馬昊致仕侍郎王軌養病都御史楊志學吏部覆言昊以材幹稱軌以廉慎稱志學以諳練稱皆可備緩急之用誠如承勛言得旨許召軌志學而罷昊不用。上謂祀先蠶當備樂舞而宮人不足又謂冠服當與樂舞生異制下禮部議禮部言祀先蠶之禮周漢以來皆行之其樂舞儀節經史不載考之唐開元先蠶儀注陳設之日太樂令設宮縣之樂于壇南內壇之內諸女工各位于後則祀先蠶用女樂可知矣又考之唐六典太樂令掌教樂人調合鍾律以供邦國之祭祀宮縣之舞八佾軒縣之舞六佾先蠶壇設宮縣之樂則舞宜用八佾可知矣然六典止言文舞六十四人服委腕冠玄纁布大袖白練領襍

白紗中單絳領縹絳布大口袴革帶烏皮鞋白布鞞武舞六十
四人平冕餘同文舞而不言舞女之冠服又考之宋儒陳旒樂
書享先蠶圖下有宮架登歌之圖而不及舞臣等前具先農儀
已擬樂舞全用御札以宮中人數不足欲減八份為六份茲復
奉 聖諭議處臣等遍考禮書有樂有舞雖祀禮之常然周漢
之制既不可考宋祀先蠶代以有司又不可據惟開元儀注畧
為近古而陳氏樂書考據亦明即止用樂歌減去樂舞亦于古
制有合且以見少程先農之禮 上乃曰舞者備文武之義非
婦人女子之事宜罷之止用樂其冠服之制卿等更酌議以聞
禮部議言 北郊陰方也其色尚黑同色相感事神之道而樂
之感通尤甚漢蠶東郊色尚青魏蠶西郊亦尚青非其色矣今
樂女生冠服宜用黑縐紗描金蟬冠黑綠纓黑素羅銷金葵花

冒背大袖女袍黑生絹襯衫錦領塗金束帶白鞞黑鞋庶冠服
制度與先農樂生相似而于北郊意義亦不相背矣上從
之。吏科給事中李鶴鳴劾奏豐城候李旻先鎮守兩廣行取
至京沿途需索乞治以罪上曰近年驛遞被擾人民困敝已
甚屢諭查革李旻勲將重臣乃所至騷擾所司勦覈以聞已而
兵科都給事中張潤身又劾旻違制乘輿驕恣不檢請先解其
兵柄俟勘明之日別爲奏處上乃令旻引避下法司併究其
事。甲申吏科都給事中夏言言頃者巡撫應天都御史陳祥
劾奏蘇州府同知徐州貪饕險詖具有實跡吏部已擬罷職而
巡按御史魏有本乃薦以爲賢及有本劾祥不職而吏部盛稱
其才不當輕棄遂得調用夫一徐州而撫按之臧否懸殊一陳
祥而御史吏部之毀譽迥別陛下何所憑以爲黜陟哉臣竊

謂州之賢否廉穢不可不覈其實祥有本之薦劾公私不可不求其故吏部之可否是非不可不致其確請下吏部都察院覈實以聞于是部院覆言祥歷有聲撫吳尤著風力有本與之有隙摺撫衆奏部初擬請改調蓋所以曲全言官之體至于徐州賊汚狼籍撫臣特疏糾論蘇欲宥適豈有本獨所未聞定欲自異于祥以致是非倒置激揚之體夫豈宜哉誠當覈治請解祥有本任回籍聽撫按官會勘其實上奏併請申飭天下撫按自今敢有私任喜怒彈劾不實者抵罪不宥薦舉非其人者有罪必連坐之疏入 上以吏部右祥責其不公罷祥有本俱回籍聽勘。陞光祿寺少卿史道爲大理寺左少卿南京尚寶司卿盛端明爲南京通政使司右通政。先是巡按直隸御史朱廷立言兩淮添引之議不便于商而放掣鹽船積至數單誠爲

鹽滯宜令運司奏繳添刷引日每鹽一引以五百五十斤過多
餘鹽如例納銀其放掣鹽船仍舊論單隨至隨掣為便巡按浙
江御史陳世輔亦言添引之議行則浙之地方有限引之加倍
無窮宜如前御史王朝用議以解京存留類鹽俱留本色開邊
報中每引不過三百斤稱掣餘鹽納銀悉如舊戶部覆議從之
○乙酉陞陝西左布政使胡忠為都察院右副都御史巡撫延
綏等處○陞原任刑科都給事中李錫為湖廣按察司副使○
丙戌詔革應天府上元等縣羊戶先是巡撫都御史陳祥言南
京光祿寺司牲司羊戶凡二十六人皆徵銀上元等縣不下三
百餘金而歲辦不過 奉先殿薦新羊羔一隻司設監羊毛百
斤耳宜存司各深陽羊戶各二人應役餘悉罷免從之○兵部
覆御史周禕所奏理驛傳事請申明公差應付舊例凡文武大

臣及內臣監丞以上人夫不過五十名其次四十名有違越者
聽撫按巡河官叅治上官進貢如嘉靖七年例南京進鮮及他
省進貢如嘉靖六年例上從之○戊子以災傷詔免福建福
州等府嘉靖八年存留稅糧輕重有差○己丑以女直都督土
剌額真哥齋榜撫諭海西諸夷有勞詔加賞紵絲二表裏折鈔
絹二疋○庚寅 昭聖康惠慈壽皇太后聖旦免命嬪朝賀○
以清明節遣駟馬都尉鄔景和伯王拒哥分祀 七陵及 景
皇帝陵○黜巡撫雲南右僉都御史歐陽重為民初重與桂萼
同鄉人有目重為桂萼黨者重乃跡言張璉桂萼方獻夫霍韜
諸臣當議禮之後不能為上從容陳說使異議諸臣或譎或
成或罷斥去又有以欽明大獄逐之者今言者不敢言及所逐
之人以求寬其黨錮而徒于其所用之人聚以為黨而訾之不

忠孰甚焉且臣雖與萼同鄉萼未嘗私臣臣之改用不出于萼
其非黨甚明願錄議禮議獄諸臣而革臣今職則前日之逐臣
以復今日之黨議亦明矣又言得沐紹勛所遺百戶丁鎮家人
秦儻私書大抵行賄張璉乞調旨以庇紹勛也因指璉為佞人
欲上斥遠之璉上疏言辯言謹譎大禮大獄諸臣及貫貸紹
皆出自聖斷非臣所與若私書中所言交關事請逮其左證
驗問以明心跡上覽重疏惡之曰重失位快快故為此言狂
妄欺罔宜真之洪念係大臣姑黜為民又慰諭璉曰重意在恣
君誣攻輔臣陷害忠良卿不必深辯且前事皆出朕意久之自
明茅盡心供職勿慮也重又以御史劉臬因回護調官都給事
中夏言因徇徇奪俸皆以己改復上疏論救頌蒙重譴以代言
官上曰重意徒怨上無君市恩取譽耳竟如前旨從之○以

災傷免浙江各府衛稅糧有差

明世宗肅皇帝實錄卷之一百十

明世宗肅皇帝實錄卷之一百十一

嘉靖九年三月辛卯朔賜六科給事中十三道御史大學衍義各一節從其請也○命收養宛平大興縣貧民七百八十三人於養濟院人月給糧三斗歲布一疋○癸巳吏部尚書方獻夫以病乞假上慰諭之遣太醫院官視疾仍賜猪羊酒米等物○工部請造先蠶壇執事舉麾如官冠服上以女官俱有常用冠服命於來年議造○甲午改巡撫山東都察院右副都御史劉節總督漕運巡撫鳳陽○乙未戶部覆酒醋局署局軍太監武忠奏局中見存及未到黑荳五千八百四十七石穀草一十三萬一千八百一十束足價三年之用宜免抵黃荳九千二百七十五石一斗九升菜荳一千七百五十六石六斗二升足支二年之用宜量減黃荳減八百石菜荳減二百石糯米一萬

百五十一石九斗五升止足資一年宜如舊會派其未到者責令所司徵解支用從之。禮部度御史周禔所奏厚風俗事言風俗壞於奢侈法令當行自迄今都城之中衣輕乘把非貴戚之減獲即貂鎗之傑天詰問則根據城社縱釋乃橫行街衢以致遠近效尤恬不畏法乞嚴勅內府又勅戚府部大臣令其檢訪家徒不得縱恣中外民人有取食官室長臺宴會過盛踰制者嚴為禁格。上從其言令都察院申禁榜示中外所司不奉行士庶不遵改者悉論如法。○命駙馬都尉京山侯崔元管領大漢將軍元以病辭。上命駙馬都尉邵景和代之。○丙申大學士張璁言頌奉 聖諭 太祖高皇帝始建國丘方丘以祀 天地後定今祭之禮恐上下之分陰陽之義未得朕心巨疑仰見 皇上事 天誠敬發于 淵衷必有不能自安者矣

茲勅明問謀及卿士又仰見 皇上博采公義慎重之至也臣
嘗聞書曰爾有嘉謀嘉猷則入告爾后于內爾乃順之于外曰
斯謀斯猷皆我后之德臣不能稱我 皇上之德對揚休命實
臣之罪也臣觀江濬大學衍義補所論雖出後周之心然不宜
蓋以已意陰壞唐虞三代典禮雖知禮者有見而衆人則未免
感焉此臣考議之所以不容已也夫非天子不議禮恭惟 聖
祖為一代創業之主禮樂制度誠如 聖諭為子孫者雖億萬
年所當謹守欽 天法 祖其道一而已矣臣竊 皇上以不
怠不忘之心盡善繼善述之孝斟酌古今慎重典禮則 聖祖
神孫光于先後矣謹以所錄郊祀考議一冊進覽惟 聖明垂
察 上以其議留覽下其疏禮部令取 皇祖存心錄祭禮
儀書照前旨會議以聞時書事在簡深非郊議奏旨 祖制不

宜輕議大學士張璠尚書李時不能以道事 皇上奉 天法
祖乃徇給事中夏言妄說議更郊典紊亂朝政變亂成法異
日必有任其責者矣且考經傳無南北郊分祀天地之說惟見
于周禮莽賊偽書不足憑據 上覽其疏下悅責其謬議岡上
自恣于是夏言復奏泣前承 聖制問南北郊大祀并朝日夕
月之禮即欲對闕乃以臣前疏畧已開陳方廣詢廷臣以求公
是可以無言不意旬日以來議論紛糝又昨親扈事霍韜之奏
則又大可駭懼臣不容於不言臣考周禮一書言祭祀甚詳大
宗伯掌祀天神人鬼地祇之三禮以祀天神則有禋祀實柴燔
燎之禮以祀地祇則有血祭醴沉醢辜之禮以享人鬼則有肆
獻裸示饋食祠禴嘗烝之禮大司樂冬日至地上圜丘之制則
禮天神夏至澤中方丘之制則曰懼地祇天地分祀從來久

矣故宋儒樂時之言曰郊丘分合之說當以周禮為定今議者以社為祭地而不知天子之有三曰大社曰王社曰亳社大社為百姓而立王社為藉田而立亳社則遷國之社非祭地也今議者既以大社為祭地則南郊自不當祭皇地祇何又以分祭為不可也秦去古未遠祀天不於圜丘而於山下祭地不於方丘而於澤中漢之時祀於其泉祀地於汾陰則秦漢天地之祭猶分也至元始間始以天地同牢於南郊此則莽賊陰媚元后之計欲以妣並祖故以地並天耳合祭之說實自王莽始矣漢之前皆主分祭而漢之後亦間有之如魏文帝之泰和周武帝之建德隋高祖之開皇唐睿宗之先天皆分祭也開元制禮則專主合祭宋元豐一議元祐再議紹聖三議皆主合祭而卒不可移者以郊費之費每傾府藏故從省約安簡便耳亦未嘗

以分祭為非禮也今之議者往往以 太祖之制為憮為懼然
知合祭乃 太祖之定制為不可改而不知分祭固 太祖之
初制為可復也知 大祀文乃 太祖之明訓為不可背而不
知存心錄固 太祖之著典可遵也且皆 太祖之制也從其
禮之是者而已矣敬 天法 祖無二道也况古稱禮樂必百
年而後興揆理度勢有不得不然者豈皆近於 祖宗已然之
迹遂一成而不可變耶韜之奏曰紊亂朝政變亂成法必有任
其責者天律有姦黨之除內開若在朝官員交結朋黨紊亂朝
政者皆斬此指國家一應法度政令干係紀綱名分而姦臣交
結朋黨紛更壞亂扶同為姦以罔上虐民者言也言官議禮本
非變法以此為紊亂朝政恐非律意矣變亂成法之文屬在講
讀律令條中內開叅酌事情輕重定立罪名頒行天下未為違

守末一欵若官更人等挾詐欺公妄生異議擅為更改變亂成
法者斬此所謂成法者即太祖所定之大明律令也韜嘗奏
言有祿人受枉法贓八十貫律絞欲將在外知縣以上等官但
犯贓八十兩即逮赴京絞諸市曹不許在徒是改雜犯為真犯
也此則非成法矣至力抵周禮且謂天官冢宰為莽誣天下
之術則又大可異矣夫天官冢宰一篇朱子以為周公輔導成
王垂法後世用意最深切知人安民正心誠意之學於此可見
其實又謂冢宰一官兼領王之膳服嬪御此最是設官者之深
意蓋天下之事無重於此後世雖不能行豈可盡廢聖人之良
法美意而誣以莽之偽為耶且合祭以后配地寔自莽始莽既
偽為是書何不削去圜丘方丘之制天神地祇之祭而自為一
說耶近年禮部行移天下令立小學習讀周禮又令耕場必以

周禮策士韜不聞奏正及韜修大明會典且嘗具奏欲將內府各監勾職掌屬之禮部亦復援引周禮天官冢宰之文是韜平日未嘗非同禮也何得因議郊祀而一旦盡弃其學耶臣切憤懣今日之事乃陛下先明俊偉超軼古今之盛舉而不得羣臣同寅協恭之助實韜有以答之臣竊詳園丘方丘朝日夕月諸神壇壝規制自有我太祖刊定之典備在存心錄一書不創設無所變更一準乎舊而已但大祀殺以之祀天則不應經義以之享帝則胎合周禮然太祖太宗並配父子同列稽之經旨未能無疑夫周人郊祀自稷以配天臣以為我太祖足以當之宗祀文王於明堂以配上帝臣以為我太宗足以當之區區之愚有見於此敢併陳之疏入上嘉其發明古典下之禮部令據古折衷羣議以聞無得延緩避忌○禮部言

親蠶之禮出於創見一時命婦舍卒入壇恐致愆度請以所繪
采桑圖授之俾各如式演習至於北郊壇殿原圖外命婦房在
內隨侍房北以有內墻隔別故也○既省去內墻當即改外命
婦房為內隨侍房仍請定名采桑之所 上因名其所為采桑
臺餘皆如義○命浙江都司署指揮僉事孫堪萬全都司都指
揮僉事郁勳為坐營官堪團營勳神機營中軍○以分守廣西
左叅將張經充副總兵官鎮守廣西○戊戌戶部覆御史周禔
所陳清冊籍事言冊籍之款以定戶口均賦役也 祖宗立法
不為不嚴而法軌民無弊端百出那移詭竊飛走灑派及故為
破折寄頓妄作畸零帶附或投仕宦以借名或稱絕戶以影射
茲屬大造冊之期請勅所司悉心稽覈得旨如議令所司查理
改正犯者即以共產沒官○己亥勅諭吏科都給事中夏言備

自后官以米多所違白皆出為國為民於朝廷甚有裨益昨爾
以耕蠶二事具聞朕已具告于 祖考親耕禮成 皇后親蠶
事宜亦將就緒夫成王為有周一代英賢之君周公猶拳拳以
無逸之言告朕何人也斯實爾之力焉茲特嘉爾忠賜四品服
色降勅褒諭爾其益勵乃心益思盡職凡政事之可否用人之
當否天下治否小民之安否有一見聞即宜直陳之庶爾前功
既益而於朕望者亦無負焉○庶子下詹事霍韜于都察院獄
韜初疏議郊興忤旨夏言奏辯其失攻訐甚力韜素護前自遂
以 上怒未釋不敢疏辯乃貽書言痛詆之書凡千餘言援錄
其草送法司備照言疏陳其狀謂韜為國近臣與在議禮之列
既有定見自當明目張膽盡忠以告一疏不已則再疏三疏以
至累十疏無不可者何必投臣私書又以書送三法司其意安

在臣若有罪，請之。陛下有旨，速送法司，始得而理之。且法司非詹事府屬也，原無移文體例。安得以私書使之備黜耶？夫韜憑高肆雲，拓寵作威，深居詹事府，而陰握內閣、吏部之權。文武內外，臣僚無不畏其威者。臣以蠲愚，知有朝廷，而不知有陛下。知過之恩，特建親蠶，知祀二議，姦臣以其言不出，已百端沮之。日夜思以甘心于臣，無所不至。韜之言曰：爾啓南北郊之說，將自是而違東西郊矣。將自是而違九廟矣。郊社宗廟之禮，皆爾一人亂之。其欲加臣以不可逃之罪，乃文致若此。願陛下之察之也。因數韜無君之罪，有七，并以其私書封進。上大怒曰：韜有罪，朕貸不問。姑加詰責，全無悔心。顧乃恣逞胸臆，非詆先儒，讖諛朕躬，嫉正，懷邪，要名，費直，罪在不宥。錦衣衛速送都察院，從重治罪。以聞。韜從獄中上書哀祈大學士張璉。

再疏甲款 上不聽○鄭懿王妃閻氏有孝行守臣奏聞請勅獎勵○辛丑禮部集上羣臣所議郊禮謂主分祭者節御史汪鉉等八十二人主分祭而以慎重成憲及時未可為言者大學士張璉等八十四人主分祭而以山川壇為方丘者尚書李瓚等二十六人主合祭者尚書方獻夫等二百六人主分祭者固以古禮為是而未嘗不以 祖制為規主合祭者固以違 祖為善而亦未嘗以古禮為非立言雖異其納忠慎禮之心則同臣等祇奉勅諭折衷衆論似從合祭諸臣之議遵行舊典最為簡易但恐未盡 皇上敬 天崇禮之意若從分祀諸臣之義誠于古禮有合但壇壝一建工役浩繁時詘舉贏勞費不貲竊恐 皇上愛民節財之心亦有未安臣等以為禮屋祭曰帝夫既稱 昊天上帝則當屋祭宜仍于大祀殿專祀 上帝而配

以二祖 皇地祇則營壇遠以祭如此陰陽之分明尊卑之
等列而 皇上敬 天之心伸矣地壇之建廷議不一今似宜
改山川壇為地壇既無創建之勞行禮亦便皆非臣等所敢專
決惟在 皇上權其可否以定一代之典至于朝日之月建東
西壇專祭之禮此則闕典當修無可疑者臣又詳衆議之中有
欲改大祀殿為明堂者不應經義且 聖祖初以露祭大質為
殿宇以祭情文兼備 二聖配享百有餘年不宜一旦輕有更
改至于尚書李承勛議謂山川獻饋之失次臣等查得國初天
神地祇分類從祀今乃但依方位委屬紊亂宜悉加釐正又謂
太歲月將之當撤則祀典所載未可輕擬中允廖道南議中後
以 宗廟為言原非 聖諭所及臣等不敢置議疏入 上復
降勅諭云卿等會議 郊祀禮制未見定議再用諭卿等仍刊

市原議各官再會議明白開陳奏來開示于後一朕原降制勅本因分祀 天地於南北郊會議本內云從主分者從主合者不知何謂見今行者合祀之事因所以問分祀之宜原無兩說之若朕意如此何用問為一祀 天祀 帝本原不同若如會議之言不若不議程子曰歲九祭惟至日禮重所為重也以大報 天之禮耳朕原因缺祀 天報本之大典故所為問今謂仍祭之屋下是不知不議當以遵 皇祖之始制露祭于壇方合古先聖王之意以盡事 天之本一南郊祀 天北郊祀 地決當依據若分東西造為私論此則甚於王莽合祀之言宜分南北之郊以二至日行事俱以我 皇祖高皇帝奉配仍於歲首祀 上帝于大祀殿以我 皇祖文皇帝奉配蓋為民祈穀之意也一朝日夕月俱以春秋仲月行禮以盡報神之典于

朝陽阜成二門外建壇一人君祭 天乃報本之祀以凡為下
民者也當有本有文本者誠也大者威儀制度也本文雖有重
輕之不同不可一有失其一應事宜當從減省以盡事 天為
民之實一諸神祀典待郊議停當逐一考定隨下前疏令為歸
一之議于是大學士張璠翟鑿上言伏覽御製勅諭禮部實出
我 皇上事 天誠敬臣子有不體志非人類矣其四郊分運
分至行禮遵後 聖祖初制定應經義天下後世無復容議第
為冬至祀 天子壇以 太祖配殿首祈穀于大祀殿以 太
宗配則臣等不能無疑 二祖聖德神功並配 天地百有餘
年一旦分之恐于義未協謹以 仁宗皇帝奉 二祖配祭天
地勅諭併告文錄呈伏希 聖明慎思審處 上曰 祖宗並
配天不見經傳為謂殷薦上帝以配祖考即周家郊配以祖明

堂以考之意非說一特並配卿等謂朕當慎思足見忠愛蓋其
入言耳可以此奏併朕旨錄付禮官會議禮部隨會各官于東
閣集議謂 皇上以正月之祀為祈穀以十一月之郊為報本
建園丘方澤于南北二郊朔日夕月二壇于朝陽阜成門外上
稽古典近復 祖制大小至工仰誦 宸斷以為大聖人之見
超越千古斷非臣下所及臣等祇候命下恭酌存心錄祭祀禮
儀制度儀文一一條陳上請無容別議惟以 二祖分配則義
有未合或以父子孳孳並列夫 太廟之祀 德祖居中
太祖 太宗及 列聖祖孫昭穆東西相向無孳並列况 太
祖 太宗功德並隆園丘大祀殿所祀均之為 天則配天之
祖宗宜一闕且 高皇帝出祀冬至之祀而 文皇帝獨當孟
春之享子先父食亦豈禮意若遠撫遺文近更或典臣民震懼

所不忍言臣等竊議南北郊又大祀殿每祭皆以二祖並配
庶明靈懋悅降福無窮疏入 上諭內閣云 二祖並配 天
地甚非禮之正况倡此議自卿等始百司莫敢可否之今 所
講求以正不當又謂之失朕自難違所見卿等其欲作何以處
大學士張璠崔燾對今日郊祀之儀始終之見斷自 聖心孰
非古禮之正夫定南北郊以二至日分祭天地東西郊以二分
日分祭日日是運後 聖祖之物制也又定以大祀殿為孟春
祈穀上帝則又不失 聖祖之更制也臣竊喜慶以為 皇上
一言之決兩全無害真大聖人之能事獨 二聖分配竊有疑
者非疑古禮寔生于心所本安恭惟我 太祖建南都以創立
基闕 太宗建北都以奠安寰宇功德並茂惟古鮮僥故 仁
宗皇帝並舉以配天禮曰有其舉之莫敢廢也凡事蓋然而况

祖宗配享天地之大典乎且古郊與明堂固各異地故后纓配天文王配帝可以行禮今闕丘之建必同大祀歟于鞠如臣竊計冬至之祭禮行于報而 太宗不與益春之祭禮行于祈而 太祖不與臣心有所未安慮 皇上之心亦必大有所不安也夫禮非天降也出由人心生臣願 皇上鑒三代損益之宜求心之安而已 上復諭璉曰我 太祖高皇帝肇基受命配天地允當我 太宗文皇帝繼靖內難功亦甚大豈不可配天地實我 太祖為立極創建之君耳璉對 太宗功德之隆非但繼靖內難而東征北伐定陽北鄙我 皇上今日撫有洪圖實以我 太宗帝系禮曰尊祖故敬宗敬宗所以尊祖也竊恐獻議者但知天地分祭之為當而未知 祖宗分配之未可輕議但知並配之非古禮而未思分配或非今宜也 上復報

曰茲事重大今日既求以正之不當復有毫髮錯繆大萬物本乎天人本乎祖故王者祀天以祖配天止一箇天祖也止有一箇祖故今日大報天之祀止當以我皇祖高皇帝配不當以二聖並配非嫌于父子寔非禮之正也卿素見道明白熟于禮經昔日曾謂人豈有兩考若如今小所言乃有二祖乎祖者本也雖有始高曾之不同乃以世言之其本一也我皇祖文皇帝豐功大德豈不可配天但開天立極本我皇祖高皇帝肇之若以同文武論之造周雖自文王始然伐罪弔民寔是武王事司之王業武王寔成之而配天止以后稷配上帝只以文王而武王配天配帝俱無與也當特未聞辨功德大抵古人誰知理與義耳後遂留教日欲每思自反實有所得惟前日之見是測等皆畏危言不能後正其事不如寔之已而給事中

爰言復疏言臣伏覩 聖制南北二郊俱以 太祖配仍于歲
祀 上帝于大祀疑以 太宗配臣無任慶幸以為虞夏殷周
之郊惟配一祖後儒穿鑿分郊丘為二又誤解大易配考孝經
嚴父之義以致唐宋變古乃有二祖並侑三帝並配之事宗周
典禮廢棄蕩然先儒朱子嘗嘆此事千五六百年無人整理我
皇上今獨破千古之謬一旦更正之臣子所當得頓不暇豈
宜復有違阻前日東閣會議臣見禮臣執並配之說臣告之曰
大興上帝 也 二祖分配非有軒輊宜役 聖制爾時尚書
方獻夫亦以臣言為是不知禮官議奏云何今疏上九日矣不
奉明旨外間傳聞少傅張璠大學士翟鑾聯翩上奏必欲 二
祖並配延日滋久未聞 睿斷誠恐 陛下萬一惑于異說有
所遷就或于禮制少乖未免重貽後人之議伏望斷自 聖衷

仍依前勅旨施行此百工不易之大典也 上報曰前會議多有異說無小人造作危言禮臣乃止以並配一說具奏朕見其非禮之正故遂留數日為熟思之冀有所得惟知分配為當而已朕心實無毫末之疑非被惑者爾所論詳明其正幽明無二理我 太祖 太宗亦豈不知禮部引 太廟父子祖孫不嫖一堂夫祀帝與享先不同此說殊無謂禮部仍速會同原議官申議以聞○壬寅移四川漢州三水關巡檢司於懷口改隸金堂縣○癸卯巡撫大同僉都御史蕭淮以病乞回籍調理許之次巡撫順天都御史王大用代淮○詹事霍翰致書禮部尚書李時曰其與夏言論郊祀親蠶事時亦以其書封進得旨令部察院併訊以聞○御史王道言邊墩墩軍士晝夜瞭望不得休息宜改陝西墩軍月糧之外仍加口糧一百黃花鎮營寨馬關營

太平寨等處無之食不能飽而欲責其巡哨難矣乞視宣大等
例量給口糧二三斗至於軍士進奔堵截勦出百里或按代數
日即隨在給與芻粟項因無事混支乃因言官建議一柴裁減
以致軍餒馬瘦往往收斂請復其舊下兵部議言各邊墩軍口
糧有無各有舊規當令所在守臣酌履至於軍士追賊果出百
里之外或調兵應援駐劄者始有行糧否則不得濫支 上從
部議○甲辰 武宗發皇帝忌辰 奉先殿行祭禮遣恭順侯
吳世興祭 康陵○琉球國王世子尚清遣陪臣蔡漸齋方物
馬進貢先是國王尚真於五年薨六年其世子尚清遣長史鄭
鄭絕等請封繩等回至海中溺死至是復遣漸等來貢因中其
請并請原送監讀書官生蔡廷美等二人還本國婚娶禮臣以
為張封臣事當命福建鎮巡官查訪申報其欲廷美等歸國宜

聽其請。上從之。命給賞絲。既布鈔有差。漸來。詔日本國
王源義晴。因託齋表。文言向為本國多虞。干戈搜路。正德勸合
不達。東都以故。宋素師捧弘治勸命而來。乞恕其罪。遣還歸國。
并乞新勸命。命印後修常貢。禮部驗其文。俱無印篆。言莫情。請
詐不可。遂信。乞勸玩球國王遣人傳諭。日本令其擒獻宗段。送
回虜去。指揮袁進。然後參酌奏請。裁奪。上從之。乙巳。陞應
天府府尹。查約為都察院右副都御史。巡撫山東。持約任福建
布政。以重囚反獄被害。董聞乃陞山東左布政。鄧錫為右副都
御史代之。○戊申。陞光祿寺寺丞。晉廷芳為本寺少卿。南京吏
部郎中呂坤為高寶司。御史西按察使姚文淵為本布政使司
右布政使。黃西。南寧府知府蔣山卿為本布政使司左叅政。
庚戌。陞西院賊李世奉等。滿聚百餘人。肆劫州縣。官兵勦平之。

兵部上其功罪擬副使郭鳳翔指揮王振等有斬獲功當賞百
戶萬捷死敵當恤錄其子孫部指揮趙昶等邊戡無策當還問
參政江介張衍慶等當以功贖罪指揮把鉞知府金濂吳世良
知州郭天錫等當量罰 上從其議奪鉞天錫俸兩月濂世良
姑置不問○辛亥巡撫宣府都御史劉源清劾總兵官卻永殘
恩薄行讎害軍民不宜委以閫外重權永因跽疾辭免 上允
之○癸丑陞大理寺右評事陸贄為光祿寺寺丞○以災傷詔
停徵陝西延安府及延安二衛八年以前糧稅及歲額物料○
發帑銀一萬兩賑濟真定府饑民○以右叅將李鑑充分守遼
陽副總兵官○甲寅陞山西右布政使江晚為應天府府尹○
上諭大學士張璉曰朕近以新刻真德秀所著大學衍義每卷
之首記之曰格致誠正之方修齊治平之道用以識是書所以

教人之方茲特以賜卿卿於輔贊政機之暇特為翻閱當以是書又二典三謨之言朝夕陳之此朕勅書意也摠疏謝因言臣嘗稽二典三謨以至於大學綱領條目其道一以貫之若思其要在於絜矩 皇上以不忍人之心行不忍人之政戒守令示儉約省冗費蠲租稅發倉庾持賑貸然猶賴年四方吉凶百姓流移失所以至於父子相食有人心者所不忍聞夫上有明德愛民之君而下無輔理承化之臣臣宜首被誅斥而顧奏賞有加臣無任媿懼孟軻曰堯舜之知而不徧物急先務也堯舜之仁不徧愛人急親賢也典謨治道要不外是臣感恩陳謝敢併及焉 上曰卿疏朕當勉之 陞四川按察司副使揚守禮為陝西按察使 命福建都司署都指揮僉事仲英掌本部司事 乙卯總制三邊兵部尚書王瓊疏辭宮保 上集答不

乞○延綏大賤命戶部發帑銀三萬兩於山西保德汾州等處
鬻米賑之從巡撫都御史蕭淮之請也○建州衛女真都督察
哈等六十一人進馬朝貢給賜如例○禮部覆御史周澤所陳
明史職事言 祖宗設修撰等官以專史職六科以掌章疏府
部寺院以掌典章上之所行見於章瓦之批答詔令之啟布者
皆藏之內府存之百司纂修之日萃集類送分館編序至於宸
翰睿藻有內閣珍藏學士彙集是史職未嘗廢也若後燕官設
局恐滋煩擾乃寢其議○丙辰命陽武侯薛倫子翰嗣爵○初
禮部集議各王府所用象尾冠服當改正者會典集禮與內閣
秘書說各不同要當以秘書為正如中單之制則不宜用織
繡而親王郡王世子當有等級錦綉之制當以玉為環施之綬
間不宜以織絲代玉蔽膝之制親王世子四章織藻粉米繡黻

全二而即玉章二無藻粉米此皆秘國所載而會典集禮則纂
修之或畧且誤也乞即付之史官令正其差謬而復頒示各藩
俾一例遵守 上命禮臣議廢至是議上王府章服物多貴重
皆取給內府則集費不貲右史自製刺踰越無度臣以為自即
王而上冕元玉圭中單大帶蔽膝大小鞮舄各仍舊無議矣惟
青衣黻裳係應禁之物當造自內府頒奏請頒給而玉帶玉環
玉珮聽自為之其長子而下朝祭服俱於所司領價更改嗣後
定以為式報可○丁巳 皇太后行親蠶禮于北郊祭先蠶氏○
陞湖廣按察使司副使為都察院右僉都御史整飭薊州邊備
真定撫司天 總督南京糧儲右僉都御史兼詳以給事中丘
允衡論之因劾未幾吏部言詳才可月茲以公軍儲誤未可
即累 上命詳供職如故○陞後軍都督府都督同知桂勇為

右都督仍管府事賞銀三百兩恤其家以勇前擒大同叛卒其
家七人遇害故也。戊午陞河南布政使司左叅政于湛為山
西右布政使。以遼東都司著都指揮僉事李景良為右叅將
分守錦義二城。雲南元江軍民府得老撾宣慰使招攬章緬
書言有交趾應襲長子先紹為叔所逐出亡老撾欲調象馬送
回守臣言據招攬章之言懼納亡之罪而且假我為制服之資
其蔽護之私已見言外但先紹留之則啓彼猜疑送之則恐彼
劫奪惟聽其自歸乃為得策兵部言邊臣之分義無私交若不杜
之於早萬一交搆有萌其志臣測乞勅守臣責問招攬章何故
私納先紹即當省身歸國嗣後務慎守封疆保有世業一切亡
命之徒以理拒絕毋得容匿詔從其議。己未都給事中夏言
言靖江知縣鄭魁山陰知縣楊行中以考滿赴部未及引奏而

蘇先考嚴李承勳爲在告都御史楊志學未及議請而蘇先推
舉先後失倫關係甚大恐非所以尊朝廷而示中外也疏下吏
部尚書方獻夫言魁行中既聽臣考乃國額引復職以適已便
而不如期候禮科引奏是當罪魁等若推用揚志學則得承與
議非臣已私且一特因地方用人之急以致偶誤臣之罪有不
得而辭者 上以獻夫自幼育之奪該司郎中俸一月魁行中
下法司問俊有在告者候奏請方得推舉○大學士張璁言
知祀之誤 聖見已決下禮部中議羣臣必將無言獨臣承
皇上責任之重思過之殊不忌無言 皇上信以分配之說蓋
古禮乎天祀敬非明堂之位禹春祈殺又非季秋大享之禮則
未也自失千古也 皇上信以並配之說非宜乎 太祖百
有餘年之神座豈思言撤 文皇百有餘年配 天之報崇思

言廢則又未免有失于今也故臣區區之愚竊以 天地之分
祀宜從古禮彰我 皇上善繼善述之孝 祖宗之並配宜從
今制彰我 皇上不愆不忘之心臣非敢先後反覆其說也蓋
昔議尊崇之禮乃三綱五常三代以來所不能變者故臣以為
不得已也所以明父子之道為今議 郊祀之禮乃制度大為
三代以來未能不變者故臣以為或在得已也所以尊 祖宗
之道為仲尼曰成事不說遂事不諫今事猶未成也未遂也故
敢冒昧陳瀆惟 皇上察之矧今 天變于上民窮于下四方
告凶殆無虛日臣待罪職務竊有懼為願 聖明之役容而審
處之也跪下禮節 上仍諭摠曰朕聞大臣事君有調理之宜
亟議 郊祀卿竭誠以贊乞于議配祀之典乃頓變前心百欲
沮之未知何為卿曰 二聖並配乃 仁宗垂範萬世不可改

此言也。卿未發而朕已知矣。夫卿昔日議禮，雖曰綱常之重，其實一念痛朕父子不完之誠。今日之事，雖曰禮文制度，亦是重典，不可殘。後卿一旦感予危言，同予和論，前後變志，恐非素日之忠君。予臣行聖人之教，違理背經，正人不為。卿平日持正盡忠，當有調理之道，何如此為哉。

明世宗肅皇帝實錄卷之一百十一終

明世宗廟皇帝實錄卷之一百十二

嘉靖九年四月庚申朔時享 太廟 世廟○禮部奏定安陸州官員謁 後廟禮謂 家廟尊嚴闕容不宜輕褻請如泗州祖凌鳳陽 皇陵南京孝陵儀惟湖廣鎮巡及三司等官有事地方者至日即拜謁 後廟其餘公差經過官員止謁 陵不必謁 廟著為令報可○賜慶成王奇洵山陰王成暨各明倫大典一部從其請也○癸亥起用大學士桂萼行至徐州以疾辭得旨卿趨命在途具見忠敬宜速來任職以副朕懷有疾沿途喜加調理毋再辭○戶部覆兵部尚書李承勛所奏農桑實政疏請委司馬會同太常寺官親詣藉田壇所丈量閒餘地投壇戶耕種俱供祭品餘照民田從輕起科徵送先祿寺備用仍勅司禮監轉行內禁禦及提督上林苑海子官相更土宜

開墾樹藝棄設本部仍行順天等府巡撫官親詣碑爾等州縣
及濱海以東地方開通限塘築堤引水以種稻田三年後視有
成效奏請起科仍量行寬罰其餘通行各撫按官都屬風諭小
民以時種植荒蕪田地召募佃種逃移流民設法招撫仍給口
種牛種及優免雜稅撫按官每年終查覆召募招撫多寡之數
以課殿最議入 上命各該撫按斟酌晚諭務順人情宜土俗
以便生理不得苛責嚴刻致生弊擾凡○湖廣五開衛指揮王
載基本衛地係極邊軍伍多缺乞將埋沒寄操等項軍旗嚴行
清解并請抄贖南京後湖軍冊備照事下兵部議謂自南北改
編及逃軍自首許改附近之例設而軍政紊亂至有既改之後
原衛已除而所改衛分亦無名位者蓋不特五開一衛為然也
宜行清軍御史將天順六年以後改調軍後嚴加查覈若有妄

引事例道同里胥擅將邊衛改作近衛者突出辭發京衛者後
若事涉未明者仍轉行本部查對格眼文冊定奪詔可○甲子
陞山東按察使顧應祥為本布政使司右布政使雲南按察司
副使張岷為湖廣按察使河南按察司副使樊繼祖為本布政
使司右叅政○改都御史程宗之孫政疏乞補詹更部為職掌
及累年條例上之 上謂補詹息例太濫以後已受詹而滿改
者不得優補著為令○運州左等衛女直都督方巾等各來朝
貢馬故事賜製衣衫段等方巾等請給價詔特從之不為例○
乙丑先是以榆林鎮城鐵從都御史蕭淮請發延安府預備倉
倉糧屯運往賑之至是總制尚書王瓊言延安駐鎮城七百里
道路險遠而附近饑民待哺為急宜留延安糧賑濟本處榆林
全借支庫銀給賑以運到賑銀補之使部覆報可○兵部言延

綏軍士素號忠勇為諸鎮最北虜所畏服今死者十以六七未死者又多逆聚為盜今必賑恤蠲租捕盜三事並舉庶免有濟乞命戶部于常例外發銀十萬兩給賑災重地方逆苟蓋為停徵各衛官軍暫免上班以所省行糧加給守邊軍士致重發官軍於近地暫住就糧一息安逆恆軍事宜聽總制尚書王竣便宜區處體重大者以聞從之○山西行都司指揮同知黃鎮以監守盜庫銀千兩以上論暫象示○羊鎮雄府流官知府復授芒部土裔隴勝為通判著鎮雄府事初芒部自隴壽隴政平後守臣勛稱隴氏已絕故改土為流未幾夷目沙保奉壽孽子勝叛攻鎮雄破之累討累叛於是御史戴金言芒部夷穴地不可守乞俯順夷情復立土官便詔下川貴鎮巡官勛處至是都御史唐鳳儀等奏勝寬壽私通長官河濟妻看即所生子夷俗重

重骨脉衆所嚮服宜量授府佐令統東四長官司仍逐流官經
歷如舊三筆之後果能率職奉責在覆知府舊銜仍銓補流官
通判章下兵部議覆如鳳儀等言故有是命○丙寅命右都督
桂勇充總兵官督同叅將等官操練聽征人馬仍提督巡捕○
車原任大學士楊一清職間任一清性在沃西與鎮守太監張
永同事相善永之廢而復用也一清有力焉及永後復為作誌
而永弟容乞恩得但錦衣衛指揮僉事兄富為副千戶後富賈
永家人朱繼宗侵沒貳產繼宗因計奏永勛事江西時盜宸濠
庫金二千兩以其半贖一清轉陞容等官職容隨具疏辯詔下
法司推鞠廉得永存日餽一清生日賀禮金百兩及容求文珩
儀銀二百兩無績宸濠金事擬容違例乞陞贖徒革職一清詣
自 聖裁奏上詔革容職而賈一清罪所受金帛令所司追收

入官既而給事中趙廷瑞等復以爲言乃奪職令閒位○丁卯
總制陝西三邊軍務兵部尚書王瓊言總制之任原擬位劄因
原居中調度然克無益於事今黃河凍開虜賊未盡出套欲觀
詣化塞督調兵馬必掬預厥種草充足而後可行若貪委任寧
各自防守又恐將官推諉不能協同乞下多官議如謂今年套
虜勢緩不必動調大兵責委各鎮自爲防禦則總制官可以革
罷如用臣總制必照上年徵調大兵親詣花馬池擺邊防禦仍
差戶部堂上官一員總督軍餉多齎銀課務足兵馬三萬七八
月之用事須歸一無容兩可詔下兵部議謂瓊去年調兵防邊
虜畏之不敢近塞今伏以寧今瓊因地方災傷虜恐糧餉難繼
故有此奏請行瓊酌量賊情仍照上年例親詣防守徵調事宜
聽從便應且不送中制具奏差督餉官戶部查議以聞從之○

戊辰禮部上羣臣 郊祀配典申議詣 二聖配祀 天地百
十餘年天下之人習所聞見一旦分配恐駭聽聞是以臣等不
敢別議蓋雖不能盡合于古而寔即乎今日人心之安 皇上
必欲盡如古禮 圓丘 方澤既為報本之祭雖曰 祖制實
今日所新創詣如 聖諭俱奉 太祖配至于 大祀殿則我
太祖所創今乃不得備享于中臣等竊恐 太宗之心有所未
安似宜仍奉 二聖並配則既復古禮有存 祖制禮意人情
兩不為失伏候 宸斷施行先是 上見羣議不一欲寢其事
為告 天巖議文以示內閣及禮部申議疏入 上復諭總曰
二至之祀典未有並配之制又因今日始當奉 太祖獨配孟
春之祀朕原曲處特名祈穀實存 祖制况又非明堂可以當
如 仁宗之舊一應事宜務從儉以盡事 天之寶卿可遵委

曲之道依朕此意行之總封 皇上議 郊祀大典本求至當
可傳之道今議者以 圓丘 方澤皆以 太祖配以為 皇
上親制以 大祀殿祀 上帝以 二祖配以為 祖宗舊制
皆一時違就之說非至當不易之論夫冬至報 天之禮重蓋
春祈穀之禮輕 天與帝一也 大祀殿既可以 二聖並配
圓丘何獨不可新制舊制之說臣之所不解也臣竊惟斯之議
本因 天地不可並祭燠于廟雜羞 祖宗並配原無可議又
况既有 大祀殿又建 圓丘同祀 南郊蓋非禮制夫禮時
為大古今異宜非可一律蓋古圓丘因丘陵為之非積土而壇
方澤因方川為之非掘地而坎今儀文大備屋而祀之掃地之
儀安可復用或謂屋祭為帝壇祭為天臣觀思文之詩祭后稷
配天而歌者也一詩之中天帝並稱戎將之詩祭文王配帝而

歌者也一詩之中止稱天而不稱帝則天之與帝原自無異傳
注之說未必盡然臣惟今日 郊祀之議有簡易可行之道足
可繼承者因 南郊大祀殿以祀 昊天上帝配以 二祖冬
至大報 天可也孟春祈穀可也萬一兩雪屆期亦可備而成
禮 北郊建壇以祀 皇地祇亦以 二祖配之明夏方有事
北郊工役可徐徐圖耳夫天地者古今之天地分而祀之三代
之彝典也不可龐雜故臣將順 皇上為之 祖宗者一代之
祖宗功德俱隆並配 天地當代之定制也孝子慈孫不可
輕有議擬故臣不敢將順 皇上為之蓋宜于古而古宜于今
而今惟求心之安而已至于罷議之文臣愚衷亦有感觸今日
月迭變風俗決旬四方饑荒父子相食周禮求荒之政在于青
禮地力斯禮之儀本為敬 天勤民民窮既極天象又彰若如

聖意暫行罷議 天地 祖宗寔共昭鑒致 聖意必急于

行請察臣言仍勅禮臣再加詳議復損益古今務求可傳可繼
之道及此非臣所知也 上報曰卿謂天地乃古今之天地分
祀三代之異典其崇敬天地至矣謂 祖宗為一代之祖雖是
從周之意却視我 祖宗為何如人原 祖宗之意以何者為
子孫敬我做 天地合祀 二聖並配是我之制今從之是違
我矣既正分祀 天地不敢廝雜是敬天地矣却以瀆禮事我
其視我為何耶今日正求精一中正之道庶盡敬 天敬 祖
之誠卿當重思之昔蔣冕等凡遇災變皆以為大禮所致如以
今日之變為郊議之應則凡前之災莫適中奸邪之口矣朕見
禮部新制舊制之說已知推避之意既而思之此事原是朕之
本意遂直任之不責彼欺耳乃下禮部申議疏具責之曰 祖

宗並配在壇為黷爾諸臣屢不奉命同為謬論本自內閣所主
力為河從無敢可否借言違守活忠實直但朕所定祈穀原因
由全 祖制妻與明堂舉事不同依擬奉 二祖並備二王之
祭奉 皇祖高皇帝猶配一應事宜俱從儉詳擬以聞○己巳
陞山東布政使司左叅議張宏為本省按察使南京刑部中
劉天民為河南按察司副使臨安府知府高第為雲南按察司
副使○庚午初諭七部都察院曰朕本菲薄以宗藩入嗣 祖
宗大位夙夜戰兢罔敢自逸惟利內外文武百官左右夾輔以
匡朕弗聰弗明之愆爾近來遠近之民餓殍盈途死亡離無算
聞諸奏報實用憂傷本朕一人所致下民何辜重遭斯苦但爾
內外臣工皆有分理之責爾部院大臣又百司庶僚之首不可
不加勉以佐朕安民表率具餘今將朕之小見開列咨議會奏

來說民之安否全在官之賢否為近來慎遵守今之旨已屢降
惟能遵行可也但上之撫按下之吏胥人等亦當有慎用嚴禁
之宜庶使上有公鑒下無私為公鑒當則薦劾得真得有所畏
服私為近則詐冒得除得不為所累然後民或得安平日有司
不肯猶較備荒一有災僅無所措置雖每發銀賑濟亦已晚矣
况姦官猾吏徃徃侵剋小民全不得沾實惠徒有賑救之名其
實未活一命宜著實考訪區處朕聞周禮荒年索鬼神之制其
各處凶荒地方爾禮部查奏進齋香帛祝辭命所在有司官竭
虔致誠禱于應祀神祇以希轉災為民之福朕仍躬行露告
上天同爾等修省各嚴戰陣亡死武為國為民者勛報有不真
以至徇情胸例之者亦足以傷和致災該部依款鞠推詳奏請
刑獄重事人命所關其情弊名端最難條數甚傷和氣法司推

議奏請身死刑有決不待時者致在春隻之時元為傷和或亦
有未當朕甚懼歎亦會議具奏定等在外民情利害恐有未知
亦足致災都察院便行文巡按御史及大小官員凡利害興害
當除者有所見聞著即條奏不許詐妄反害下民以違朕意近
因民窮屢有蠲貸之命聞所在官司仍徵人催之者又官免之
意在裕民却乃如是論則則官民兩不獲上權虛名下受重困
法令俱亡著議處為寃具有欺誥及不遵的從重治罪目下凡
有可救災濟民之宜者即行奏聞區處施行都察院送行科道
官得人各以見上聞俱不許引郊禮制宜故意違阻朝廷自有
處置○癸酉陞巡按湖廣副都御史朱廷聲為刑部右侍郎○
陞江西布政司右叅議陳沂為山東布政使司左叅政○先是
上有郊祀之議工部尚書章樞以財用缺乏為憂疏乞休致

因言臣等蒙 聖恩不次超擢雖鞠躬盡瘁死生以不足言報
茅久嬰疾病恐致曠官乞放臣歸以誓不職疏上 上覽之不
悅曰極疏既云死生以之胡又沽名求去非愛身而何極惶恐
上疏待罪下吏部議尚書方獻夫等言極志在惜費心本為公
於人臣持順之義固為有乖而一念并曝之忱似有可取用否
去留惟 上裁之 上以部議為兩可仍令定議以聞於是獻
夫等復言極自信朴愚執論太過懇求退避累瀆 聖聰罪實
難辭荷蒙 聖恩屢下臣等言議益慎進退之間以全優禮之
意真天覆地載之德也但進退大臣實非臣等所敢擅擬 上
覽奏滋不悅曰章極不准致任朕屢旨命擬奏自合察究胡乃
以優禮為言姑不定○命都督僉事卜雲僉書左軍都督府事
○乙亥總制陝西三邊兵部尚書王復奏盟戎結好春夏所惡

也先爭都御史彭澤納弊土魯者賄取哈密城印一時諸臣翕然和之獨御史馮時據言番夷不聞納疑乃遣使講好以聞裕整之欲恐後來受改難以逆觀春獲不報後果大啓夷釁兵運者數年後民非時春秋所識也先爭都御史張文錦修築五堡移兵戍守一時諸臣亦翕然和之獨御史王官言當於財力困竭之時大興工役適足自歎宜候置年園之奏格不行後果激成大變夫二臣之言既不見采納於當時及事敗後又不蒙曲突徙薪之報乃反遭屈抑時雍淹滯仕途官被誣為民乞勅吏部查勘二臣別無罪紀特賜起用以勵庶官章下所司口刑科都給事中趙貞瑞等言陛下臨朝慷慨勵治而臣僚顧習尚怠玩有奉上紫字樣詔旨迨至數月未覆者有司中送道互相推調不收問者有劾問未終輒調司改道者有托違繫未至改

為延緩者有在外撫按劾奏事情及轉詳等項經久不為覆奏
致使奏牘相踵未得正法者及在外撫按等官奉有部院咨劄
事涉難處則延捱停閣以須交代至有姪數輩不報者凡此非
徇情則避怨致使無辜淹繫奸宄得計如古所以有虧令留令
之法也乞特賜申飭以懲不恪以振法紀疏下都察院議覆請
行府部等衙門查照嘉靖三年欽奉 聖旨便看了來疏者覆
奏不過三日看了來疏者不過五日若事干漏別衙門當行查
者不過半月其餘但有上緊字樣傳奉事理及干涉權奸重事
并撫按奏報轉詳等項勘問覆奏俱要到期毋得推調延緩違
者罪之仍將歷年咨劄通行查出催行完報可○丁丑 長安
寺後神宮監太監楊賓奏乞將各沒園等戶盡優其家戶部覆
言沒園等戶供役輕省豪民避重就輕每多投充民力坐收重

因致 先朝斟酌損益載在會典每戶運本身止免三丁况今
差占庫天恭夫等役繁多如繫籍沒園者全戶優免則遺下差
後必更加派小民恐致負累流徙宜令有司止優免如會典例
上後部議○己卯原任少保兼太子太傅吏部尚書氏英殿
大學士桂萼至京命照舊辦事○大學士翟譽再疏乞終養不
允○陝西寨平等族番人嘔頭等奉朝貢方物給賞如例○庚
辰陞雲南左布政使凌相為都察院右副都御史巡撫湖廣地
方○壬午六部都察院奉旨議上恤災事宜謂今日之勢主洋
未嘗不宣王調未嘗不振然而悠悠歲年固收尺寸則以法令
不一人懷苟且條章瑣細政在彌文之過也臣等今茲奉詔會
議不敢別求新異眩惑聽聞惟在申勸羣工謹行舊法伏望嚴
勅諸司示以必行期臻實效則仁心所覆可不終朝而達四海

矣一主民休戚係守令之賢否而守令敦勸又速撫按之舉劾
顧因循日久綜核又嚴遂致有司惰偷而吏緣為奸請申飭各
撫按督率守巡等官勤於巡歷訪求民隱稽覈吏弊多方區處
設法賑濟務在同心戮力兵濟時艱守巡有司果有勤於職務
及賑濟有方者奏保超擢其貪暴怠玩者參問撫按官舉劾不
實者巡撫糾糾迫官糾劾治罪巡按從舞塞院考察罷黜又各
縣有司不拘出身資格但有治行卓異者每省各薦其尤二三
人氏四五人以備不次擢用一郡縣置倉名曰陶備正所以廣
蓄積救饑荒也節錄本部題准事例某次申明而各官因循玩
法視為文具甚至倉廩盡廢蓄積全無一遇饑荒輒請內帑宜
勅各撫按官督屬修葺倉廩多方措置凡司一應與礙官錢俱
令盡數糶穀收貯以備凶歉旌擢降罰事宜遵照弘治三年例

行其賑濟事宜查照近日倉事林希元所奏行若撫按官督率
無效糾舉失失真聽兩京科道官指實奏奉一頒災之衍莫先
省禱故同禮水旱瘼良必遍索鬼神以祭今各處人民相食災
異頻仍請乞欽天監擇日 皇上於內虔躬視露告通行在京
文武官員一體修省在外左官齋捧香帛前去被災地方令巡
撫都御史於彼中應祀神祇竭誠致祭一遵方真正功次及陣
亡死事者或以無力不得上達及得上達陞賞者又多冒賞占
奪情弊人心不平亦能召災致災請行各邊巡撫御史將節年
未報功次依限勅明送部查議陞賞具陣亡應孫應者議奏定
奪若各官勅報逾期該部會同都察院參究一若靖七年八年
各處災傷已下明詔賜賑恤但所司不能宣布 德意致貧
民未沾實惠宜速各行撫按官督屬將詔音蠲免帶徵錢糧物

科的數多出告示明白開列使細民悉知勿為奸人所誑若所
司奉行不力應免漫徵卽違問罪點守巡官不行用心巡督聽
撫按勅治至于工部鑄辦歲辦題派坐派一應科價除惜薪司
柴炭光祿寺器皿承運庫段尺司設鹽蓆草中涓局物料係
上用不可缺者外其餘宜由為寬但欲停徵於天下必先停
催於內自今嘉靖八年以前各該監局供應已完年分已過但
係召商未納物料聽本部追回批文俱依停免通行天下司有
委在小民拖欠者卽與停徵若經收在官者截數起解人使侵
欺者嚴限追併自今遇有解到本色轉送監局准作嘉靖九年
以後之數其九年該派者量為減免一救荒卹民之術勅諭大
善已備猶啟臣等多方計蓋應時條奏除科道該部察院通行
執遵外凡在道臣工有留心世改通達政體者俱許遵勅諭

各言本處地方民間利病應作何處置明白指陳臣等愚見亦當以次上聞并科道官俱限一月內具奏俟衆論僉同然後斟酌時宜舉其綱要奏入上曰朕因近年災變頻仍小民困敝每反躬自省夙夜不遑茲聞具急且事宜令卿等咨議會奏施行今覽所奏無非申明舊例意在推行以盡救災恤民之道朕思慮天以實不以文且如重守令之旨屢下而爲勅諭陟之與不明廣儲蓄之法悉存而備荒賑貸之政不舉凡應祭神祇皆所以爲民禦災捍患者多有侵神而害民殫亡軍士皆所以爲國无事者多有汎功冒賞雖累有敕恤蠲貸之命而誣枉者不俊派辦者不止至若爲激濁揚清實多扶仇報德如坎之類難以悉舉依擬通行內外各衙門一體遵奉舊例痛加修省者實舉行敢有虛應故事者決不輕貸仍照勅諭各陳本處地方

擊關利病俱限一箇月以裏具奏不許扶帶私情浮泛塞白其
致禱應祭神祇該部便查災變重大地方遣太常寺屬官齋帛
前去行禮○戶部會官議覆侍郎張璉總制王瓊及給事中張
濶身陳保所上各錢糧事宜疏曰宣大六鎮往年生派歲供自
足充用如延綏一鎮祖稅延安通貢至四十萬餘石邊儲安得
不乏近從類總等官請已二次發銀十三萬兩接濟及議將嘉
靖九年稅糧量派附近州縣運納本色以備高歉矣今宜再發
銀二萬兩道官運送為加添折色之數然祖稅通蜀軍餉匱乏
所在有之不獨延安一府延綏一鎮為然若不嚴立法程將表
何所紀極天 祖宗足食禦戎之策至為詳備若使一一奉行
歲用豈至匱乏歟萬世經常之計也至於時有大歛賑恤不敷
虜戎犯邊供餉告急撫臣奏聞量發內帑如則一時制度之宜

也守經行權處常應變經久之圖實不在於請行各邊撫按官
藏督所屬加意遠儲凡荒蕪田地多方設法開墾或給牛種暫
免糧差或疏濬溝渠以備旱澇每事設徵民屯抗糧依限責差
經收人員各赴原定倉口上納一展賦到紙價俱雜較上倉以
備凶歉其有荒蕪侵盜等弊各如律例從重問遣各府管糧并
州縣掌印官任內錢糧不完照例不准給由推用有盡心所事
者聽撫按旌舉量加陞獎若虜寇犯邊時值大歉戶部奏請發
銀接濟事宜停止使經權不悖常變可行其宣府民運原係舊
規嘉靖六年吏臣會詠帶運今給事中張潤身等題稱欲更雜
買宜照舊爲大戶赴遼東宣府交納其整理宣大二鎮客兵糧
餉以萬人爲率一人一馬日計銀一錢每月該銀三萬兩每年
三箇月共銀九萬兩二鎮三年共該銀五十四萬兩今已發銀

鹽四十萬兩約足二年支用乞命侍郎張璉將見在銀鹽照數
預買完足候收成日每鎮復各發七萬兩以足三年之數具陝
西禦虜糧餉按防禦套虜多在八月以後十月以前而動調人
馬亦以三箇月為期今稱動調三萬人則每月該銀九萬兩七
八箇月則該銀七十二萬兩即今各處災傷催解未至請於太
倉銀庫先發銀十萬兩運送都御史劉天和等備客兵支用如
虜勢重大動調人馬數多候總制官量力度時具奏定奪臣等
又議得我朝天下衛所設立屯田而六鎮尤為緊要邇來武備
漸弛夷虜深入拋荒大羊改單需不敷夫屯田不廢則戰守無
民備不修則屯種廢業糧實不時剗削不禁則軍士日困而屯
種益難乞勅項巡將項守官持束公廉申嚴號令違悖限積器
械時軍餉禁科害斯屯田可復興矣天下設立鹽場召商開中

而淮浙等處尤為急務邇來災傷踵至本色價高加以私販盛行斗頭未減科罰勸借稱掣違留以欺商人不樂開中夫私販不戢則官鹽愈滯斗頭不減則價色益高科罰不戒稱掣不勤則商人陪費而坐守益困乞勅各巡撫巡鹽等官申明律例力禁私鹽量減斗頭止令上納本色芻糧此外不許分毫科索支鹽出場隨到隨掣勿令久候斯鹽法可復通矣又陝西八府稅糧專供延寧甘肅三鎮并回原等處軍餉舊規供民運本色後因道路險遠改徵折銀如近日延綏凶荒有銀無米莫濟實用請行陝西撫按官會同三司等官從長集議或論時歲之豐凶或分地理之遠近或計腳價之多寡或本折各半或六分本色四分折色或七分本色三分折色或附近州縣年豐米賤聽其自便全運本色不必拘以折銀或亦足遺之一策也議入上

曰茲會議足國經常事宜朕已具悉其後民運急屯種通鹽利
俱依擬行該撫按司有官查酌施行大同種草令張璉照見在
報鹽稍買完足具奏回京待收成日再覈其延綏等處地方災
變非常仍作違議處具奏以副朕恤民之意○兵科都給事中
張潤身等劾奏漕運總兵官楊宏姦貪衰老乞賜罷斥復論孫
堪邊鴨太遠李光宗營求陞任章下兵部謂宏兩經論劾似難
留用堪係忠貞子才器可稱光宗委經撫按論薦故本部從公
推舉非有私也詔老閑住堪光宗姑依擬用以後不許驟行遷
轉○癸未命大學士張璉等尚書方獻夫等奏詣 南郊覆視
建立 園丘處所○陞都察院右僉都御史李如圭為右副都
御史巡撫延綏兼理賑濟先是延綏巡撫缺已推左布政使胡
忠有成命矣御史王儀言忠非應受封乞行改任都給事中奏

言因言 皇上憂憫元元發帑賑貸但所司任性虛費惠不下
充臣聞延綏都御史舊上官詠鎮軍馬權力甚牲一應錢糧俱
仰給陝西巡撫廢置坐是暮無儲備故狼狽至此乞特勅廷臣
一人齎幣金赴該鎮設法和雜務濟時艱因爲如左有經濟才
可用吏部請即令如左巡撫以事預兵部復請兼理延慶二府
有司民事詔悉從之○初 獻皇帝遷安陸州社稷壇於有第
春秋率有司官致祭後 上登極罷之至是 上諭禮部 興
南社稷壇仍宜致祭尚書享時等因言舊郊嚴密有司出入不
便請仍州治舊壇令所司修葺以時行禮從之○賜衍聖公孔
聞韶王母江氏祭筮從其請也○以災傷停徵山東濟南等府
利津等州縣皮張金泊等料○甲申晉王知輝奏宗室多犯法
有輒赴有司及違例奏擾者乞賜勅約束禮部請申明前例諸

宗禮詣闕下上疏者本部行彼處撫按官備重奏告事情曾否
啓王知會如保府僚刁猾則罪其長史等官具奏告事情仍行
甄奏定奪若果未具啓狀強逞詐者許啓王參奏分別輕重戒
責禁錮之事于天人郡君則罪及將軍儀賓報可○兵部會吏
部議上土官製職條例請通行各鎮巡官轉行土官衙門將見
在子孫盡數開報務見某人年若干歲係某人所生應該承襲
某人年若干歲係某人所生係以次土舍未生子者候有子違
報嗣報茅姓若女者聽以後應襲之人告襲再行司府履勘無
礙方與合請除雜職婦女照舊就彼襲替外其餘連人保送赴
部襲替若有違礙即與辯明俟各官避嫌推調逾一年者卽位
俸限先雖有陞遷等項務待事畢方許離任保送之時若有繁
急軍情已奉調遣難以擅離及先人有功嗣子幼弱未可違出

者鍾巡官酌議奏請候有成命行令冠帶管事及地方寧息等
歲長成仍保送赴京繫管如例其他納穀教政一切禁革仍請
暴入續修會典著為令詔可○時有上書請祀高禩者禮部議
于宮中震方擇地建壇歲仲春 上率后妃祀 帝以高禩配
以上舉行不便罷之○戶部言各為牛羊房首蓄地上并仁
壽清寧未央三宮官地銀兩與起運京造錢銀事體相同請行
巡撫都御史及北田御史嚴督有州縣掌印管糧等官將勘過
召佃見耕成熟地土定徵上中下等則如徵收稅糧例限俱於
十二月終完足解部類進各宮及送太倉銀庫具四大營草場
地土銀兩先將應徵數目解納候清查項以明白及各熟厰應
入官莊田并薦房地土俱候造冊至日一體徵解具還限官員
卽位休降級如例詔如議行○丙戌以京師風霾遣禮部尚書

季時登 天壽山之神○戶部奉旨再議上逆緩地方賑恤事宜謂延緩荒歉是常 上屢諭諸臣請先發銀共一十五萬兩內節所出似不為少矣及查都御史寇天敘奏聞延安府屬現在倉糧共三萬九千餘石在庫無礙官銀五千九百餘兩原擬自嘉靖九年正月起賑至四月止通計止欠銀七千餘兩又訪聞山西保德等處每銀一錢止糶粗米六升尤恐糶買後不及事請將前銀八萬兩內以三萬兩徑解巡撫都御史劉天和交收相兼延安府屬預備倉糧賑濟支用及補借供應錢糧儘更不敷許將開納事例銀兩支用其餘五萬兩并今會議發二萬兩及太倉銀庫再支一萬兩共銀八萬兩差官運送新任都御史李如圭督屬分枝糶買糧車或從宜折放官軍月糧查審悉貧軍民險口賑濟詔如議行○南京江西通城御史鄧憲言

適者 詔祀親黨之議都給事中夏言未必是而唐事霍韜未
必非 陛下嘗言而罪猶是獎諛而惡直也宜容韜之心容其
體而赦其罪且言天地分祀則是道父母於吳郡外親黨則
是失內外之防闕更乞酌議裁定 上謂此事已廢分晉文憲
附和狂邪妄獲滴降邊方雜職○御史熊翥言 陛下踐祚以
乘災異疊見臣伏思之凡陛下借擅刑罰失中風俗侈靡吉路
孫塞竄政章位賢暫遺斥更改亂法啓釁用兵俱足以召災致
沴 陛下試虛心審省九年之中有一於此否乎具我神姦大
惡有在臣列者思以除之讒諂巧佞有亂聰明者思以斥之庸
惡迨方有盜虜祿者思以懲之雄狠暴戾有殃赤子者思以去
之尤頑勅下羣臣滌心思過勿啣正言勿報私怨引咎自歸勉
修職業聞誠以裨九重之聰明聿靜以養萌夏之元氣如修省

之實也。疏下所司。○丁亥禮部以蠶事告成請行治鹵禮。令蠶宮令於蠶婦中選能繅絲及能織者各十人。欽天監預定繅絲吉日。先期蠶宮令送織婦入織室。應用繅絲及織造器具。工部造用至期。皇后出宮警蹕侍從如常儀。至織室。命內命婦一人行三盆手禮。禮畢。遂布於織婦。以終其事。其所繅完。蠶絲就令織婦於織室量織。唯用絹帛。元日蠶宮令送尚衣織染等監局具奏。製造祭服。詔如故。仍命查揭賞蠶婦例。以聞。○陞貴州按察使王浚為河南左布政使。雲南布政使司右叅政唐曾為本司右布政使。福建延平府同知吳彥為廣東按察司僉事。○詔原詹事霍韜罪。令罰贖。還職。韜奏臣向職。郊祀不能上體。聖心妄縱。狂詞下滋。哀感。揜之典法。殛戮是宜。幸蒙聖恩。諒臣蠢拙。敎臣狂率。伴得苟全。視息。幸保祿位。臣捫心揣分。

莫知云報庄今日工畢宜明日謝恩謹先陳情待罪伏惟普
雨露曲賜保全臣即洗心孺行圖贖愆事力輸忠仰冀洪造
上曰覽爾奏能省改前過頗自效忠著照舊供職○戊子以
修理南京 太廟命魏國公徐鵬舉尚書何詒登告後同太監
呂憲南和伯方壽祥提督給事中何祉御史司馬秦監督○給
事中陳保言近畿旬荒歉真定諸屬邑至有人相食者知府喻
茂堅疏乞給賑謂歲度虧儲請預內帑戶部覆其所報倉庫歲
籍糧至三十萬四千有奇報至一萬七千有奇銅錢至四十一
萬有奇徵金通融賑濟乃御史蔣賜則諉于朝覲時所報都御
史錢如京又以節年給賑數為辭然該南所上部籍是八年二
月則與如京之說皆不足據也且茂堅昨歲入覲聞陝西告饑
尚欲執真定粟以濟邊塞今乃坐視部民轉溝壑而不恤非情

也請遣風力司屬一人任核之果倉庫有儲宜正整李氏之罪
如其無也則以虛藉上報亦何以逃于欺罔之誅乎于是部覆
請仍行撫按官清查從之

大明世宗肅皇帝實錄卷之一百十三

嘉靖九年五月庚寅朔錦衣衛帶俸指揮沈傳再乞改給莊田上不許青傳貪求不知止足自今請乞如傳者罪之○辛卯陞雲南按察司副使戴書為貴州按察使貴州黎平府知府祝壽為雲南布政使司右叅政○遣官祭告各被災地方山嶽海濱之神○癸巳詔逮問太監韋霸草錦衣百戶韋進賢等職進賢本降虜冒霸姓恃霸暴橫以債准折平江伯產千金以上事發刑部按進賢罪如律并請坐霸從之○甲午陝西道御史郭登庸言榆林各衛所官占種屯田私役軍卒扣減糧廩大為姦利而納級武官為尤甚故今軍士一遭兇年死者枕籍請重貪官之罰罷入粟之例則宿害可革災變可弭上深然之命都察院通行各撫按官榜諭禁革○乙未巳郊壇興工上躬祭告

于上帝及宗廟○陞雲南按察司僉事邵煉為本省副使
整飭臨安兵備廣東按察司僉事吳廷翰為浙江布政使司右
叅議○丙申孝宗敬皇帝忌辰奉先殿行祭禮遣定國公
徐近德祭泰陵○丁酉總督倉場戶部尚書李瓚乞致仕許
之○戶科給事中王聘言農桑衣食之王業之端宜令天下郡
縣各置一官專理農事仍初巡撫及二司官以時巡省部覆得
旨治農不必添設惟令撫按各行所屬委官管理務順民情毋
有所擾○山西巡鹽御史王宣薦舉所屬官至五十二人都察
院右都御史汪鉉劾宣舉薦泛濫言今邊儲缺乏不畫一籌近
綏大饑不及一語而故違明詔猥市私恩宜斥宣以風紀得旨
宣革職間任所舉官仍行巡按御史覈實賢否以聞○戊戌建
州女直都督兀乞納等百十九人入貢宴賚如例○原任右副

都御史張文錦父政以其子守安慶功及死亂軍寃狀乞祭塋
贈廕下禮部議言文錦前在安慶得禦逆濠以成江西之捷其
巡撫大同雖稍失策身罹慘禍情實可憫宜量給卹典以為任
事者勸 上曰文錦行事乖迷致生禍尊激變之罪死莫贖不
當復濫予恩典自今事有類此者爾等宜覈實叅奏不得徇情
題覆 己亥大理寺左少卿史道言近日人心大率皆為顧所
壞因襲熟軟務為虛文臣惟轉移人心其要有六定萬世之是
非別人品之忠邪廣朝廷之威德決正務之緩急公賞罰之大
法重生殺之大刑而是六者倡率之機又自左右大臣始大臣
懷疑畏罪欲不顧忌不可得也願 陛下信任大臣令其展布
四體務以忠誠體國率先羣工庶幾論人者不以億度想像沮
壞正人君子之心任事者不以避怨遠嫌坐視國家紀綱之廢

上納其言成國公朱鳳既襲爵請復故所業清苑縣莊田之入官者科臣奏其恣擾上切責鳳令法司逮其家人罪之工部尚書章極等言興工次第莫先園丘而方丘及東西二壇次之先露壇又次之今見材不足請先事園丘餘以次漸舉從之○庚子先是羽林衛指揮使劉永昌劾奏右都督桂勇兵柄太重人心生疑勢之不安者有八勇久領巡捕精兵日夜分布不為置副二一也提督東廳精兵益衆二也其麾下為守備于近畿者甚多三也京師十八衛及諸邊關皆隸後府四也累薦大小將臣五也舉所屬指揮典親軍禁兵六與大學士桂萼同族居位太盛七也素奸諂得上下心八也願皇上稍裁抑之以善其終又以勇由尚書李承勛推用并詆承勛君誤國萼具言與勇非同族而承勛亦言永昌求掌印不得故挾私誣奏並求

去上屢降旨慰留之勇亦內不自安乞解兵柄上聽勇辭東廳提督操練餘如故永昌又劾奏御史廖自顯擅筭指揮胡麟等非制自顯自以職在巡視禁軍軍多缺伍法宜責問因據例奏辯事并下刑部部臣請宥自顯上以軍職官非奏請不得擅自加刑自顯雖奉例行事而用法酷虐又先事奏擾罪不可宥詔逮問之○辛丑仁宗昭皇帝忌辰奉先殿行祭禮遣王田伯將幣祭獻陵○詔武定侯郭勛僉書中軍都督府事勛既退閒上恒念之故有是命勛疏辭不允○壬寅時劇賊李繼祖聚衆百十人流劫湖廣上津陝西洵陽山陽間兵備副使王明都指揮王言率兵捕斬甚衆事聞詔旌獎明言令益督兵剿賊○巡按陝西御史王儀劾奏故都御史蕭淮巡撫延綏時任用指揮房梁等大為奸利乾沒官錢盜引賊罰數千使

生享榮秩死逃國憲請下新任巡按御史朱觀窮治疏上會總
制王瓊方上淮功 上以瓊儀舉勅互異下巡撫都御史查勘
○以四郊興工勅武定侯郭勛宣城伯衛鏞大學士張璉知建
造事督視規制總督工程禮部尚書李時同知建造事督視規
制工部左侍郎蔣瑤提督工程都察院右都御史汪鏞吏科給
事中夏言監視巡察工程鏞兼管領官軍○癸卯孫家渡河隄
成命加工部右侍郎潘希曾正二品俸級總理河道如故賞巡
按御史胡效才等各紵絲衣一襲○命都督僉事楊銳充總兵
官僭運糧儲鎮守淮安地方○乙巳總制陝西三邊尚書王瓊
總兵官張鳳上叅將王勅功狀言勅于神木境外雙乃山溝斬
虜首三十級虜挫血去會神木縣人薛添祿詣闕言勅橫挑胡
虜匿所亡矢不以聞而掩殺非罪朦朧報功得旨令撫按覈實

以聞○丁未指揮劉永昌又許奏兵部武選司郎中盧襄大理
寺評事龔治中書舍人陳貫刑部山東司郎中張經除事因指
科道懷私不言為曠職吏部尚書方獻夫等言國家進退人材
糾庶寮付之部院科道 祖宗己來未敢出位妄言干權亂政
者且五品以下司屬例不糾劾永昌又武弁非有言責乃假以
建言陰圖報怨紊亂朝綱侵凌官守此風不禁則邪黨初尤動
為飛語以中傷善類臣工憂譏畏誇孰肯為 陛下當事任怨
我臣請下永昌法司以戒將來 上曰此事待問明朝廷自有
審度獻夫遂因此引疾求退 上慰留之○迎翠殿南織堂成
御史盧問之條陳選將練兵足食事宜大畧言今謀臣宿將
屢經戰陣善識風雲者多以坐事廢閒而領軍應敵乃責之少
不更事之人緩急不足賴宜擇武臣老於邊務曾立軍功者酌

擬奏用今之兵列名尺籍數非不多然而不精臣頗聞其中強有力者多充將官私役或納辦投間或縱使營殖有終身不經戰陣者宜申明禁例嚴法稽覈今邊儲歲費億萬計而邊臣不以積貯為急重以姦商包納自利客兵詭數冒支耗損尤重宜酌量出納及時糴買貯之要地以待徵調事下戶兵二部覆議如御史言詔允行之 戊申陞南京四川道御史孟易為陝西布政司右叅議刑部廣東司員外張邦教為陝西按察司僉事戶部覆給事中董進第條奏三事一言多賑不如停宿徵州縣宿逋奉詔停徵者有司輒復催徵或數加清查為擾滋甚請將量徵量免者明開分數毋令帶徵庶民得沾實惠一言屢蠲不如覈額派各覈錢糧除免軍起運存留之外或有支利多餘之數謂之餘米多被糧里大戶侵拖官有不得實用宜行各該撫

按督令所司逐一查出或作預備倉糧或補拋荒糧額一言清湖池之利湖池正課非過水旱利輒數倍弊多侵漁請設專官提督以禁姦或委官開放以收利使正課收足而餘利可以積穀備賑詔如議行○掌中府事提督五軍營保定侯梁永福以貪污不法為巡視京營科道魏良弼所劾詔革永福任仍逮問黨惡李其等○己酉召致仕戶部左侍郎王軾以原藏總督倉場○先是廷臣再催僉都御史吏科都給事中夏言與馬 上意未之決也御史熊爵言言資望猶淺不當躐陞又言薦李如圭不宜即代其處且郊祀親鷺之禮言雖嘗建議已加服色不宜驟致尊顯以啓獻諛干進之門又引 先朝張綏事謂綏附阿逆瑾遂以吏部郎中陞僉事御史數月至冢宰又數月宜極刑 陛下不宜以綵待言言亦豈肯以綵自待是時 上已命

廷臣別推爵疏後入 上切責爵慰諭言令勿辯言內不平乃謂爵不宜指臣議禮爲獻諛干進入不當以綵事擬臣奏辯甚力 上慰諭言如初而以張綵事問爵竟以言爲都察院左僉都御史協理院事言以郊壇閱 又嫌于奪李如圭而廢其位固辭不拜 上深褒美言從其請乃命加四品俸爵亦具疏謝罪 上意解貫爵罪停俸半年 給事中孫應奎以延綏大饑請令富人安業如故貧病老弱不能徙者官給之粟其他有馬官軍暨徙他郡就食入秋更還本鎮戶部以爲便詔巡撫官議處徙置官軍勿悞邊備其賑事宜從實舉行無令失所 巡按直隸御史傅炯言直隸河澗十州縣及山東東昌諸府瀕河之地水勢嗚決不常舊淹沒者不爲除稅而河壩新墾者輒復起科是地日益遷而糧日益重也請通融勘處以新田予民

補灘地之數計地微糧底免重困從之○庚戌鎮守雲南右少
監劉福安赴任奏以家人十五名自從兵科張潤身以非例劾
奏其罪詔降福安三級別遣人代家人皆下法司以逮問○辛
亥以坐營都指揮僉事劉寬充鎮守遼東總兵官○掌都察院
事右都御史汪鉉請以四月十一日勅諭刊行天下俾內外百
官咸知遵守從之○壬子戶部覆御史熊爵奏一請明預備倉
之法令有司多積穀以時賑濟使中下貧民得沾實惠因核有
司勤惰以為黜陟一請令撫按官奏具災傷勿待報至先委官
勘覈輕重蠲除存留稅糧有差勿得稽緩一請令軍民各崇儉
約貴穀菽不得侈宴會靡費麩菓犯者罪之其麩酒權稅惟依
舊制○上從其議○以鎮守薊州總兵官都督僉事張輓提督
操練聽征兵馬○甲寅戶科給事中田秋言勲戚俸入俱以千

百石計今常祿之外溢求恩澤莊田遍于畿甸宜令入田于官
量給太倉粟以准其利又因其爵秩之高下議為莊田多寡之
式求討過多者通行削奪可稍寬山東河南京運糧草之稅以
昭遺儲且自江以北淮揚充濟之地皆濱湖海而督亢膏腴聞
于戰國宜募江南水二作溝渰圩堤以時溉種數年之後可令
倉庾充溢饑荒有收昔漢有勸農賑貸之令故海內殷富宜令
撫按循行考課別其勸農勤惰以為舉劾及察民務本力穡者
厚獎勵之令內外收贖罪罰開中引鹽皆入粟并舉義倉屯田
之制則國計可充又成周荒政有舍禁利民之法今林蕪湖蕩
坑冶池濠皆自然之利貧民所資焉者也而為王所祈奏討及
鎮守總兵太監所專擅宜皆還官以假貧民或令有司筦權以
備賑濟事下部覆 上頗采用之○鎮守廣西思田副總兵張

祐所部兵破封川石硯雞洞等巢擒賊斬獲二百一人左叅將
張經破潯州斷藤峽斬首一百七十級副總兵李璋破永福靈
川七都板塘等巢斬首六十二級右叅將沈希儀破象州武宣
融縣古雍梅果等巢斬首一百一十一級俘獲賊衆及所鹵掠
稱是其他村寨皆聽撫治于是猺獠稍平提督侍郎林富及總
鎮太監張賜鎮守總兵官仇鸞各言功狀 上嘉富及賜鸞勤
勞各賞銀十兩紵絲一襲仍下御史覈實以聞○詔清查內府
各監局匠役○乙卯光祿寺卿黃宗明以災傷請盡除光祿錢
糧耗銀以在庫餘銀當賞辦之費部覆從之○召巡撫四川右
僉都御史唐鳳儀回院管事○戶部言今鈔關出納官銀大為
奸利宜擇所在府州縣廉能佐貳一人聽主事督同稱收送府
州縣貯庫積至千兩仍同傾煎季終類解本部又令各置簿籍

登記日放船料之數主事及委官各掌其一仍付解官賚送本部稽考又丈量船隻率多以私意高下宜令主事驗實收料如舊例其尺寸奇零悉捐以予民又山東臨清杭州北新二閘皆兼收商稅宜令商人各以實報照例徵銀給帖不得投託鋪戶且主事差滿輒去竄弊萌生自今宜令得代方行未代不許離任其公廨諸費著為定則于船料中取支不得倚辦州縣書手門皂庫役皆從州縣均徭撥用役滿更代如常至于奸民招接船戶侵剋料銀為商害者宜懲以重法凡諸禁革事宜即行諸鈔關違守詔如議行○南京左軍都督府掌府事懷柔伯施瓚卒詔賜祭葬如例○趙府臨漳王厚烜薨賜諡曰康端○巡按兩廣御史楊紹芳言廣西徭獠劫掠軍民困敝積通軍器料銀數歲無可徵派請量減三年團造四季之數歲造一季其軍三

料銀于解京缺官柴薪銀扣支民七料銀于軍餉益利中扣賍
二百金其不足者乃徵之州縣工部請從其議報可○丙辰初
松治中壽王封保寧詔賜萬縣抽分益銀之半以代莊田已而
徙封德安復益以岐王道地及是四川撫按唐鳳儀等言該省
庫藏單竭而蜀府將軍以下冠帔不便請留萬縣益銀以備供
億戶部覆請詔從之○御史張景華言天下有司不諳律例濫
受詞株連蔓引訟或至數歲不決刑罰不中上干和氣御史熊
爵亦言今小民或以註誤觸法或連引坐繫或官吏夫入豪猾
煅煉數歲之後有司即知其枉莫肯為理甚至殺人以媚人生
者抱恨死者含冤傷和致災莫此為甚事下刑部請初有司務
講請例律聽斷出入不得越法徒流以下亟與竟結不得留滯
其死罪有寃連逮家屬證佐者奏辨勘問無過半年違者論如

律 上是之○戊午致仕太子少保工部尚書俞琳卒琳由進士授行人選御史尋選鴻臚寺丞少卿歷禮部右侍郎掌寺事以母憂去位起復為工部左右侍郎時虜犯白羊口以琳兼右僉都御史整飭內邊武備尋改禮部左侍郎掌通政司事歷進今秩致仕賜歲夫月米給驛以歸至是卒賜葬如例

大明世宗肅皇帝實錄卷之一百十三終

明世宗肅皇帝實錄卷之一百十四

嘉靖九年六月己未朔詔國子監建教一序勸御製教一箴及
范氏心箴程子視聽言動箴註于石從祭酒許誥請也○命永
廉侯徐源南京協同守備署都督僉事崔文掌南京前軍都督
府事專管操江團營効勇營坐營署都督同知楊鎮充鎮守薊
州永平山海等處總兵官保安守備指揮使張璠陞署都指揮
僉事充宣府遊擊將軍○舊制團營官馬萬匹每歲春夏之交
下場牧放入秋回操其錦衣旗手等衛五軍三千等營上直官
馬亦各分置草場每下場月分草料住友後錦衣等衛上直馬
難不下場而團營騎操馬猶歲牧如例嘉靖六年武定侯郭勳
始以邊警為詞奏免團營馬下場其各營草場量徵租銀充營
中公費餘解太僕寺買馬而營馬專仰秣司農矣後邊方稍寧

許存留營操馬六千匹聽征餘悉下場又許聽征馬於下場之期不必遠牧各場聽就近牧放月以草料一半給之每十日一赴營聽操從給事中夏言之奏也戶部因言各營草場本以牧馬今聽征馬既不依例牧放其所給草料宜以草場租銀給公費之美者輸太倉以佐之得旨允行未幾兵部又以給事中魏良弼之議言草場散在民間官無專攝所給草料有名無實請仍歸其事於各營計其羨者總輸太僕寺抵補下場馬軍三箇月該出朋銀之數草料停給既而聽征馬軍多以不給草料為言兵部亦以為非例而戶部又以草場租銀既歸各營京儲無所取給因請量留三千匹聽征餘令一體牧放從之○庚申命武定侯郭勛提督五軍營操練○壬戌陞通政使司左通政宋滄為都察院右僉都御史巡撫四川等處地方○癸亥巡撫山

東都御史劉箚詣於曲阜縣治立四塾十六社各立一塾簡孔氏生員儒士二十人為塾師凡孔穎孟三氏子弟八歲以上俱送塾教習年十五以上提學官試其學業有成者送入三氏學而黜其累試無成者仍立為廩膳增廣附學名曰其廩膳雖無廩餼俱以提學官考定高下收補至於應貢以收補名第為定如年至五十累考無進者發回衣巾終身禮部覆議允行其廩增人數許依州學例各三十名○甲子禮部以四郊規制已定請令翰林院將存心錄所載樂章祝文量加潤色併撰祈穀樂章祝文及命太常寺選補樂舞生如數教習又國家設協律郎欲其按律定擊甬音定舞百餘年來郊廟樂舞率仍舊習按譜相傳其職易稱茲遇聖明建極制作維新宜將該寺協律郎先行考選務得精通音律者以典厥事或選之神樂觀諸人

及令吏部科道官博訪在京職役有如宋胡瑗李照者具名開
奏因其官品高下授以太常職事以成一代威制詔可○刑部
尚書許瓚以災饑應詔條陳四事一禁寫訟謂近年民習刁風
獄訟繁滋紀綱頽弛請通行內外衙門一體禁約一求實情謂
近年事多羅織寬濫殊甚如人命未嘗明檢屍傷盜賊未嘗追
獲真賊枉法嚇騙無過賊見證之人姦情私盜無姦賊捕獲之
迹徒以空言攀附遂即誣坐乞於此等獄情時加詰責令其覆
訊以伸寬抑一明律意謂大明律內一款凡竊盜已行但得財
者以一主為重併贓論罪又凡恐嚇取人財物及詐欺誣贖局
騙人財物俱計贓准竊盜論又監臨主守常人盜倉庫錢糧俱
併贓論罪又若知強盜後而分贓計所入贓准竊盜為從論夫
併贓者謂合衆贓通莫論罪計贓者謂止計各人入己之贓論

罪准者謂與兵犯有問律文之權衡非不明也乃法司者多不
諳律意頓乖輕重或應計贓者論以併贓或應併贓又不以一
主為重設若有一人真犯竊盜八十貫得杖九十徒二年半之
罪若五人共嚇騙得一人五十貫一人三十貫共八十貫之贓
人分十六貫計贓論則五人各得十貫以上杖罪併贓論則五
人皆得杖九十徒二年半之罪是准竊盜論反重于真犯數倍
安得謂之有問此幾于濫矣又如知監守常人盜倉庫後分贓
者緣無正律止坐不應罪名天竊盜罪止徒杖分其贓猶以盜
論盜倉庫錢糧重者抵死分其贓顧反從輕科此幾于縱矣今
宜申明律旨計贓者止計入己之贓論併贓者須從一主為重
論知監守常人盜倉庫分贓者當以知盜後分贓律坐之庶輕
重適中不失制律本意一慎刑禁謂中外問刑衙門一應奏告

詞訟不必捕繫株連及婦人等問理之期小事三五日大事十日俱與決斷其強盜人命行勘者雖難拘定亦宜以時裁決毋使久繫男子徒罪以上或贓數太多及婦人重刑逃脫者方許因禁其餘罪可收時聽令保外自便即在京奉旨提問若有疾病亦聽其召保調治其兩京冬至以後立春以前應枷號者比照暄熱欽恤旨意奏聞 上深納其言令都察院大理寺參詳律例議聞。南京兵科給事中何祉條陳九事其一謂近日南京大小等營把總投托多端賄賂公行乞令南京兵部開具各衛指揮賢能實跡類咨兵部遇有自缺比照運糧把總事例疏召上請其二謂南京各衛所軍額八萬有奇近者逃亡幾半而內外守備等衛門又侵占其數實者各項苦役偏累貧弱乞行南京兵部備查侵占軍丁許其改正有仍前占候者聽科道

官指實劾其三謂大明會典一款凡各營并江操官軍本部
委官一員并行南京科道官不時點閱近直於開操時會同一
點庶應故事乞令各官遵照會典明例施行其四謂南京內府
各監局人匠約七千六百餘人不論有無工作支給月米一遇
工興輒復募工修造濫冒侵費莫知紀極宜行南京該部倍查
各監局人匠實在逃故之數凡有興作兵工二部各委官一員
會同該監局官計其工程驗撥人數每月終各監局將見在人
匠名數及所作工程從實開報其五謂南京各營馬匹內外守
備及恭贊衙門每日撥辦幾二百匹又有坐營等官騎占不等
每馬一匹占軍一石輒以有事地方為名乞勒該部的量事宜
著為定例兼令各衙門該領馬人員籍口赴領過自倒死照依
軍人軍例一體責追椿銀其六謂騎占之馬輒以輪班為名掩

其奸弊點閱之際哄然畢集散還之後尋之無踪騎占安得其數倒死莫知其由宜令自今以後輪班差撥每月一更該部仍給印烙木牌一面懸以為驗如騎坐馬匹有烙無牌即係私自騎占許諸人首舉叅究其七謂南京各營馬匹太僕寺官或三年兩年類行印烙得以互相借點今宜將各營馬匹各用字記不使雷同其有買補及印烙年久不明者俱做此行其八謂京營騎操馬匹有瘦損倒死者管隊官以一隊為率佳俸有差第各隊馬數多寡不同請不計隊數祇以馬匹為率計數定罰其買補馬匹仍以一年或半年為限若一年以上買補不完者於各衛馬政官名下位俸追補其九謂領馬官軍每遇閱支單料私相易贖圖遂姦利宜申明成化私治舊例凡把總等官剋減官軍草料者發邊衛立功蓋寺者發瞭哨買至十石以上者充

軍及令五城兵馬司各衛巡捕官嚴加緝訪詔所司議行○丙寅刑部尚書許讚引疾求致仕不允○凡京城內外倉場合用草料俱坐派北直隸河南山東等處州縣徵編差大戶解赴戶部招商上納本色必俟納完方取實收通關給批回籍此定制也去秋京師穀價翔貴召商無應者戶部以各倉塲所積草料頗多遂用給事中陳傑議令將各州縣大戶所輸銀兩暫赴太倉銀庫交納給與通關其銀俟秋成草料價平照舊召商易納本色又令以後各處起運內外草塲錢穀俱限秋末冬初到部以便召商免大戶守候之苦報可○河南巡撫都御史徐讚奏獻瑞麥一莖二穗者百本上嘉獎之賜以銀幣仍以其麥薦之內殿未幾聽選訓導范仲祇以原籍四川巴縣所產瑞麥來獻有一莖五穗者京師人又言瑞禾生于郊由是禮部尚書

李時疏請稱賀 上不許再請許之大學士張璠作嘉禾頌以
獻○戊辰戶部奏定查盤邊方錢糧例每三歲一次差官清查
如及期而地方兵荒者暫免差官行各該巡按御史覈實籍報
從之○庚午刻 大明集禮書成 上親製序文○陞左給事
中趙漢為工科都給事中右給事中孫應奎田秋曾仲魁周祚
為左給事中給事中魏良弼李仁玉穆饒秀戴儒為右給事中
應奎良弼戶科秋仁禮科仲魁秀刑科祚儒工科聘兵科○辛
未大學士桂萼以患病日久奏乞住俸調理 上曰卿疾宜慎
加調理俸不准辭○壬申吏部尚書方獻夫再疏乞休致 上
仍慰留之○新陞四川右布政使李際可以疾乞休詔以原任
叅政銜致仕○山東按察司副使張鵬以疾乞休不待命輒離
任詔行原籍巡按官提問○真定府等處大旱 上命太常寺

官持香帛禱於北嶽之神是日雨遠近霑足守臣以聞○癸酉吏部請令團營管官辦事三年勤謹者授以冠帶再磨三年有勤者授以吏目職事永為定例從之○薊鎮管糧郎中康河言本鎮食糧官軍四萬二千有奇每年上半年給本色下半年給折色其折色每石銀四錢五分此舊制也後因本色不足部議該支本色月分偶遇無糧每石折銀六錢五分其折色月分仍舊蓋以春夏未貴秋冬米賤故調停其間第近來各處解運愆期或上半年應放本色月分倉無儲粟則增銀以放折色總計六箇月共增銀四萬二千餘兩或下半年該支折色月分庫無儲雖反將本色糧米一石止抵銀四錢五分放支顛倒費用良為可惜即今七月以後該放折色而本鎮見在庫銀止一萬二千餘兩不足一月之用及查山東河南等處每歲坐派本鎮遮

洋海運本色糧一十萬石折色銀一十萬四千餘兩原四五月間銀米一併解納緣本色有監兌主事及期督運其折色往往稽遲如去歲河南延至九月山東至十二月可鑿也乞勅該部咨行各巡撫嚴督所屬於本鎮折色銀兩務及七月以裏悉數輸解以後年分責令續差監兌主事無分本折一併督催起運方許還京庶使本鎮得使本鎮得以依期給放不至顛倒本折則一歲可省銀四萬二千餘兩其於國計不為無補疏下戶部請悉如河議報可○甲戌陞禮部精膳司郎中潘潢為江西按察司副使提調學校○乙亥都察院右都御史汪銓奏陝西巡茶御史陳情薦舉冗濫背違明旨且陝西按察使姚文淵賦跡著聞亦復褒舉請如近日御史王宣例罷免以為將來者戒詔革情職文淵令吏部訪實奏聞尋亦黜之○遼東巡撫副都御

史成文與曾糧郎中李騰霄因放走軍糧相抵文疏論之詔取騰霄回京仍令戶部查核以聞。錄巡撫甘肅左副都御史唐澤子世橋為國子生。是時應天巡按御史葉奇差漏回京還限以母老過家為詞詔姑貸之令都察院嚴禁以俟差回御史枉道過家者。丙子陞福建布政使司右叅政侯位為四川右布政使陝西布政使司右叅議鄭光琬為山東按察司副使廣東按察司僉事劉喬為本司副使。更科都給事中夏言奏六科額設給事中五十八員。祖宗以來額員俱備嗣後乃有不盡補之旨然過都左右給事中缺五員以上則必陞補給事中缺十五六員以上則必選補亦著為例今六科在任官止二十一員除都左右給事中之外惟給事中四員常行公務日不暇給恐非朝廷設官定員初意臣考。祖宗舊規凡給事中有

缺止於進士內年三十以上者選補弘治間始以行人博士兼選正德間始以在外推官知縣兼選正德末年乃始盡廢進士考選之例 陛下登極詔令悉復舊例間嘗一行旋復廢格蓋由廟堂大臣陰為沮止輒以未經世故為言夫古之人固有未嘗徒勞州縣而經給素具又有致身台輔而功名反損於治郡者人品才器自有定價不可一律拘也况朝廷之設言官膏各有在當取其風裁不當取其德量當取其矜直不當取其疏通當取其有節廟珪璋之度不當取其簿書米鹽之能司馬光曰凡擇言官當以三事為先第一不受富貴次則重惜名節次則曉知治體臣以為當以先言為取人之則用臣言求建官之體若徒以老成諳練為言是不過欲得脂韋婢阿愛身固祿之流利其不為己害而已又其甚者植一二不肖以為私人資其爪

乎博望善類此則大臣之所為利而非國家之福也乞勅吏部
遵舊制破私臆將見在各衙門辦事進士及磨俸二年之上行
人博望士并推官知縣三年考滿到部者從公考選以補六科負
缺其在外三年考滿知縣如果才堪臺諫許與推官一體行取
以備急缺風憲之用庶選取之途既廣而言路不患於缺人矣
章下吏部議覆六科言責所係務在得人是以累朝推擇未
嘗僅數且今行人博望士及辦事進士員數不多請先補科額之
半餘俟取諸推官知縣之有年閭者得旨從之○鎮守雲南黔
國公沐紹勛以有清查勲戚田土之命具奏乞免查勘上以
紹勛世守邊陲優詔許之戶部尚書梁材等執奏曰聖明御
極昔納轄臣之言特詔清查勲戚田土蓋欲正王法恤民窮厚
國本也紹勛世膺厚祿正宜首先將順却乃設詞規避抗違明

旨今荷 聖慈免其查勘命令所聞漸不可長宜遵照先旨按籍清查 上曰朕念邊鎮勲臣故推誠待之彼必益加自勵不負朕恩可如前旨行○己卯陞通政使司右通政陳經為左通政○庚辰先是陝西岷岷等處番夷若籠板爾等族屢擁眾入犯總制尚書王瓊會集兵衆諭以禍福諸番多聽撫惟若籠板爾及刺唧等族不服乃分兵攻之破若籠板爾二族焚其巢穴刺唧等族震懼稽首聽命凡斬首三百六十餘級撫降七十餘族獲牛羊器械以千百計捷聞 上嘉瓊功降勅褒獎併鎮巡而下賜銀幣有差瓊至陝且二年西服土魯番率十國奉約束入貢北捍俺答經歲無烽警及是諸番蕩平西陲無事河西四郡舊若土魯番侵暴恐一旦瓊去夷患復作咸詣撫按鎮守乞為奏留于是甘肅巡撫都御史唐澤巡按御史胡明善為言工

魯者吞哈密六十餘年矣先後經營諸臣持文墨者未初安輯之績仗節鉞者未伸捷伐之威是啓戎心釀成邊禍幸皇上特起玉璫而委任之璫奉命驅馳殫厥心力息兵固圉克壯其猷于是久稽夷衆還歸本土新來夷使請准入貢其有潛入肆掠者又奮威武以芟刈之牙木蘭虜之心齊則徙置內地帖木哥土巴虜之爪牙則羈縻于近邊安插寄寓閔廟屬番以恤其情撫馭散亡山谷屬番以聯其勢預處曲防悉當其可璫之言曰中國之于夷狄順則撫之然撫之過則納侮逆則拒之然拒之甚則黷兵天下事惟有是非兩端大苟知其為是而必可行又計後來之成敗而不果于行未有不誤國殃民者也璫之存心立論若此所以敢于任事行人所難訖能康濟一方寔我皇上知人任舊之明效茲甘肅閩鎮軍民久居危苦之地賴以

少安合辭懇臣欲久留瓊茲土民情如此臣等謹具實以聞
上乃嘉獎瓊盡心邊務勉其益懋厥職以副委托至意○辛巳
禮部會廷臣議豐林王台瀚所奏慶宗室四事其一崇輔導謂
長史教授務選老成端正之士果有輔導善狀一體叙遷其二
興學校謂各處撫按查親郡王同城者共建一學郡王各城隔
遠者另立一學宗室子弟八歲以上未授封者令其入學習禮
撫按官仍三年一次查考中有勤學立志者從宜勸勞經明行
修德業卓異者具奏請勅獎勵其三定子女謂鎮輔奉國將軍
中尉犯罪革爵者其未革爵前所生子女止許請名給與冠帶
養贍婚嫁不許請封其既革爵後所生子女止許請名不許請
養贍婚嫁聽其於城中各自為生又不然鎮國將軍而下凡嫡
子俱許請封無嫡子方許以一庶子請封其餘只許請名給與

冠帶養贖婚嫁至奉國中尉止許一子請封其餘止請名給以
冠帶養贖婚嫁可也其四均人役謂宗室不許保集外人而民
校事例人無實用宜于各王府護衛及群牧所食糧軍校每正
丁下量留餘丁一二名供貼其餘人戶查撥郡王及將軍以下
應用免行有司僉派以寬民力疏入 上以定子女一事所擬
未一令再議餘三事悉依擬已禮部復會官議上定子女一事
列為三日其一花生子女不得請名其已前造入玉牒者削之
見養贖者亦行停止聽其編入民籍自為生計其一凡鎮輔奉
國將軍而下有犯罪降為庶人及高牆放回者不論已未革爵
所生止許請名不得請封給與養贖婚嫁之資其未革爵前所
生者仍與冠帶若以謀逆廢者亦許請名不許請養贖婚嫁其
一嚴嫡庶之分將軍而下凡嫡子女供許請封無嫡子女方許

以一庶子女請封其餘止許請名給以冠帶養贖婚嫁之資議
入 上以其事重俟容審處竟不果行○詔發內府所藏金
銅玉石鐘磬千神樂觀考正音律以令科道官各舉所知詩
律呂之人以聞○甲申 孝莊睿皇后忌辰 奉先殿行祭禮
遣昌化伯邵杰祭 裕陵○陞陝西布政使司右叅政羅方為
本司右布政使○丙戌 孝穆皇太后忌辰 奉慈殿行祭禮
遣昌國公張鶴齡祭 茂陵○陞南京國子監祭酒張邦奇為
南京吏部右侍郎巡撫貴州右副都御史葉相為南京工部右
侍郎原任鴻臚寺卿鄭紳為通政使司右通政○鴻臚寺缺左
寺丞吏部請推補得旨不必推本寺右寺丞吳祖乾陞左寺丞
隨堂辦事序班周瑾陞右寺丞○吏科都給事中夏言奏蒙恩
加臣四品服俸竊過孟秋時享 太廟 世廟乞許陪祀又言

六科都給事中列著內庭亦宜一體陪從得旨言准陪祀共六
科都給事中下禮部議以與會典事例未合罷之

明世宗肅皇帝實錄卷之一百十四

明世宗肅皇帝實錄卷之一百十五

嘉靖九年七月戊子朔時享 太廟 世廟。○兵部主事趙時春言通者災饑頻仍 聖心隱惻勅羣臣各陳所見臣有以仰窺 皇上之心真欲為唐虞三代之主為臣子者所當將順顧自下詔求言已涉旬月而大小臣工類以虛語浮辭面諛若父乃至因災求言之詔未乾而慶賀 聖瑞之奏屢上蓋始往年靈寶縣官言河清受賞繼而都御史汪鋐遂進甘露矣今則副都御史徐讚及訓導范仲斌又進瑞麥矣指揮張楫又進嘉禾矣汪鋐楊末又進鹽花矣禮部又再請稱賀矣如范仲斌之流玃瓚卑微不足貢也汪鋐徐讚楊末等叨列憲臣風紀攸司當欲涵揚清進忠補闕以稱將明之任禮部尚書李時等官后八座職典三禮乃亦昧義徹利罔上要君壞士風傷政體此

小臣所以撫膺流涕而不能已于言也若不嚴加禁遏恐此風漸長正氣銷輒上下雷同大非國家之福伏望 皇上中令百官各直言時事無隱以後敢有依託符瑞巧說諛辭笑惑

聖聽者即加誅譴庶幾可化佞為忠而唐虞三代之治不難治矣珣入有旨詰責時春妄言且既云大臣科道皆無陳奏伊必有謹言善策其具陳以聞時春惶恐引咎 上怒趣令具陳于是時春言曰雷令之務其最大者有四其最急者有三四者曰崇治本君心喜怒乃賞罰自出理亂斷由微也勿以通心之事為可怒事苟善雖逆心者必賞勿以避志之事為可喜果不善雖遜志者必罰則賞罰大公而天下治曰信號令號令者聖人所以鼓舞萬民者也毋信一人之言必參諸公論毋徇一時之近必稽之永久利十而害一則利不必興功百而費半則功不

必舉如夫而天下享安靜之福以歸于恭默之化矣曰廣延訪
宜倣古人輪對之制及我朝宣召之規使大臣臺諫侍從各得
敷納于便殿之間而諸司羣吏則以其職事召問之曰勵廉社
大臣宜待之以理取其大節畧其小過臺諫宜待之以信其言
是者用之非者亦寬容之庶臣工自愛而不敢不勵其最急者
曰惜人才凡得罪諸臣或才不可棄或過有可原幸霽然發命
召其謫斥者還之舊秩且因南郊禮成除謫戍之罪與之更
始曰國這園請嚴敗軍之律如臨陣而退者裨將得以戮士卒
大將得以戮裨將總制官得以戮大將其這將或任重而兵寡
或也遠而援孤宜併為一軍務令邊鄙充實守禦完備曰正治
教請復古冠婚喪祭之禮絕黜祭禱祀之術凡佞老之徒敢有
假稱符錄依托經懺幻化黃白飛昇返景以干旨寵祿者即賜

詔斥 上實其條奏不明惟拔拾陳詞以實忠直下錦承銜拷
訊○福建平和縣知縣王祿疏詣建 獻帝廟于女陸封崇仁
王以王其祀不當 考獻帝 伯孝宗以步二本之嫌宗藩之
子有幼而岐嶷者當預養宮中以備儲貳之位疏終又述其治
務勞勩若征科聽訟等事 上斥其輕率矜天下巡按御史逮
治祿疏上即解縣事歸御史劾其擅離職守詔罷職不敘○庚
寅調通政使司添任右叅議孫禮為无祿寺少卿禮以疾不能
奏事故也○南京內臣高昇以進貢魚筍脫索舟夫不遂因置
其筍止以魚進兵部言通者 皇上慮此輩徇私需擾持申者
併之禁而昇等不遵反肆抗拒逆當罪之詔下南京兵部勘其貪
刻實跡奏請處治○辛卯 仁孝文皇后忌辰 奉先殿行祭
禮遣彭城伯張欽祭 長陵○提督四夷館太常寺卿魏校乞

休允之○陞江西右布政使黃芳為南京太常寺卿○壬辰兵部尚書李承勳以疾求致仕上優詔慰留不允○癸巳陞浙江按察司副使堯以平福建按察司副使郭持平各本布政使司右叅政廣東惠州府知府顧遂為廣西按察司副使○甲午陞廣東左布政使劉士元為都察院右副都御史巡撫貴州○禮部以萬壽聖節請先期習儀上以恭建園丘大報未舉暫免朝賀○都給事中王汝梅御史趙允俱以申劾各提學官正大命題嚴慎入學為請禮部覆其疏上曰國家以文取士文體所係全在提學一官必須崇雅黜浮然後士習可變且諸生稟增有額其附學者莫宜反過正致民間一切子弟規避徭役營求入學提學官多徇情市恩政紀何在其令從實校文簡汰其老稚庸凡不堪作養者若奉行不實聽撫按官叅究以

聞○乙未授太常寺博士雒昂沈繼美行人張璽王福秦鰲傳
學禮進士王崇葉洪曹汴祝詠王納言管懷理郭應奎王瓌薛
甲潘大賓王絳張祿王希文戴繼丁湛趙國良蔣貫李士大俱
給事中崇昂吏科洪汴詠納言懷理戶科璽應奎繼美禮科瓌
祿甲大賓鰲兵科絳祿奉文學禮繼刑科湛國良工科貫南京
戶科士大南京工科○啓事霍韜以母喪去位○先是隰川王
俊相以其父滿死高濂乞骸骨歸葬 上許其往奠葬所至是
復詣每歲春秋得遣人行禮因進其所著太文錄 上允其請
以所著下禮部看詳尚書李時等言其書大抵依周子太極生
為資說推行天地陰陽及國家人物之性用心雖勤于道無補
恐不足以信今而傳後 上曰俊相所著誠多穿鑿無裨至道
但其好學一念可嘉其賜勅諭之俾務實歸正以為宗室之勸

○丙申太常寺違 聖製祈穀樂章所叶音譜 上命留覽○
己亥詔革協同鎮守貴州右叅將方仲鐵嶺備禦指揮李春吳
全州備禦都指揮劉尚德職各坐貪墨故也○庚子陞右春坊
右諭德彭澤為提督四夷館太常寺卿右贊善林文俊為南京
國子監祭酒○壬寅中元節遣國公朱鳳建昌侯耿延齡等
分祭 七陵儀賓周鉞祭 景皇帝陵駙馬都尉謝詔祭
悼靈皇后陵○陞廣西按察使高公韶為廣西右布政使四川
按察司副使周廷用為江西按察使○初詔廢尚書詹勲子應
頃為國子生應頃登進士補廢勲次子應峻應峻亦登進士
上許以應頃子鈞補廢已而後有恩廢不許再補之例至是鈞
始技膝吏部以為請言鈞補廢在例前 上曰大臣子弟冒濫
補廢俱出因仍私弊原非國典既有旨查革著為定例一應交

歷之人後日討逐出身并例後人文到計者一體改正不許再補○癸卯巡按陝西御史胡明善劾鎮守甘肅都督同知姜奕反都指揮莫愚芮剛等各侵奪鹽利得旨莫愚等俱下巡按御史達問姜奕令兵部看議以聞兵部言奕在任久無顯過其所侵鹽利有無多寡皆不可知請下巡按勘實以請上從之○先是錦衣衛千戶陳紀奉差廣東達問陳洗巡按御史邵幽劾其奸贓等罪紀以御史陳大器出巡廣西時囑幽使劾己因據大器罪狀奏聞上命紀與大器皆回籍聽勘○甲辰上遣太常寺卿魏境臨視大學士桂萼羸疾且命病痊即出視事○命詹事顧鼎臣掌詹事府掌侍講學士務孔暉掌翰林院事○乙巳太宗文皇帝忌辰奉先殿行祭禮遣建昌侯張延齡祭長陵○以賑荒有功命賞巡撫湖廣都御史朱廷聲布

改使胡訓巡按狄祿各緣帶一襲并獎擢副使侯綸等及府縣
官十二人○武定侯郭勛以錦永衛舍人張瀾兩疏論其擅役
營軍直藏逆黨逃軍罪因稱病求竅 上優詔不允○錦永衛
舍人樊名欲襲其伯樊通百戶職兵評言通繇戚晚陞者例不
當襲 上曰武職不由軍功不得承襲此憲令也通緣乞陞者
有世襲等語遂致名器冒濫殊非國家勸功之典兵部其查選
法舊例議奏已而部臣言軍功冒濫適時滋甚或斬首不及名
數或巧名冒功而實無或混列當先等名而未常分列類乃
與真功者同襲及查革之令一下則又多方影射以欺幸免甚
至有斬首止百餘級而陞至千人以上計首級之數較諸所陞
者相去倍蓰請自今以後按其紀功尺籍一為稽覈必覘獲首
功者始得如例襲職至于文武內臣子姪假仗藝勤勞傳乞陞

授者尤當盡革其戚。晚後裔則親有遠近，恩宜降殺，亦當分別。奏請乃令樊名雖係英朝順妃姪孫，其伯通為百戶，通故再襲其兄聰亦越二世，恩澤宜殺不可許。上恚從之，仍命革樊氏職。○丙午，工科都給事中趙漢言桂萼狂鑿稱病三越月未常懇辭去位，不免驟曠之譏。朕聽久預機務，未聞求賢共濟，不先守擅之失。若在等，有覆鉢之戒，在望。有伴食之誚，在總。有夫履之嫌，則有不暇深論者。乞諭萼鑒亟以病去，仍簡用兩京大臣及家居耆舊有才德者，以分總之責任。庶大臣之禮重，而朝廷體統亦尊。上責漢疏中誤書聰字，且諭總毋引避，命中使召之。總赴閤疏謝。上復褒其忠誠，勉以盡職。總自言內閣缺員已三，奏請臣之心惟聖明知之。漢之忠于君謀當合其跡，名以進，臣之庸劣乞賜足避。上曰：卿常奏請增用閣臣，朕

已知悉趙漢說聞之辭不必介意即令漢舉其所言者舊才德者漢言臣見陛下日應萬機贊理之助尚在多賢是以冒昧論列欲總引賢共濟因聚及兩京大臣中必有可用者初無私主上復責漢故違詔不以實對仍促其以名上漢對如前且言輔臣重任簡命出自朝廷即有疇咨亦非小臣所敢干預上乃宥之止奪俸一月尋鑒亦各引疾求退上俱不允○左給事中孫應奎言方獻夫高銓衡重任宜秉公持正以式百僚乃于用人之際不計丰資惟私親故哀老如沈光獻夫友也卑陋如彭澤獻夫親也二臣資望未協與情而獻夫今日推光明日推澤廟堂之上顧豈乏賢而以若人進之恐自此倖進者多而守己之士將僥首下僚無自表見矣上曰彭等乃朕所自簡者亦以四夷館責任稍輕故特用之但部臣擬陞太驟耳沈

先令改用方獻夫言先澤與臣同鄉初非親故先暨知縣御史
所在有聲績居鄉以孝友聞汪鎔言其可推僉都御史臣猶引
嫌乃肯推林有孚而以先次之至若澤之為人則察實兼茂士
論共與特以與議大禮為羣情所猜忌太常之推亦非越次臣
非有私也 上優詔褒答諭令勿詳已而吏部擬改先南京太
僕寺少卿報可汪鎔言先之推實由于臣臣素知先足稱都憲
故特言之獻夫然而先誠賢也恐不當以言官之論而輒調之
上復從鎔言令先視事如故○丁未都給事中夏言亦劾奏方
獻夫引用險狎壞 祖宗成法如浙江叅政黃卿為少傅璉所
不悅輒有陝西之調而以溫州兵備副使党以平代卿以溫州
知府丁瓚代以平卿無他故以一大臣私怒而斥之以平與瓚
履任未久以溫州故而改補之一時變置上下若奕棋然以平

及璣則行計矣卿何罪馬既私其鄉人黃芳為卿于南京而茲者太常卿缺以彭澤補之澤之邪曰見于言官所劾者具在也顧得諭等蹤陛實獻夫欲以澤為赤熾將盡錯天下之口耳廣求僉事劉喬見任在官該部誤聞其死謾不加省而代以員外郎吳冲既知其非乃不自檢舉而復陞喬廣東副使且顧員皆足未有見缺而易置名器有同戲劇他如以進表回任者不逾歲而陞遷治盡考績者未出都門或至中途而陞遷者十常六七吏部外補及左遷者無不得美官如縣林初廣東人也貪酷有聲反推州守判官吳爵彭澤親也以吏昏而得通判此其交通賄賂之迹又有可致者矣疏未復有參照尚書方獻夫引用鄉曲布列兩京大開私門頗彰賄迹再照少傅張璠喜怒任己好惡拂人擅易天子之命吏陰使効力于私家等語且言

陛下萬一以臣為詆斥廟堂亦乞放歸田里以消衆怒 上曰
彭澤係朕點用張總方馱夫令安心供職勿得辭避今後用人
務必公論黃卿等仍以舊官供職于是總上疏言臣與夏言素
有嫌隙今日所以登臣者亦有所自曩者吏部推言為衆都御
史時言因人言辭免一日李時語臣曰夏給事朝廷今日雖唯
其辭待 郊壇禮成將大用之朝廷稱其才不但可為衆都而
已此夏給事自傳言與人臣聞之愕然近者霍韜以憂去時復
語臣曰夏給事欲乘此機推補詹事已托嚴侍郎未致其說及
臣等推顧鼎臣而不及言言登臣深矣叅政黃卿用刑過當臣
鄉民多寃之臣有所聞常語獻夫至于寃以平丁瓚之推吏部
自有常格簡用出自朝廷非臣所常與也且 陛下處臣輔弼
之地凡人才賢否皆當與聞况官于臣之本鄉者乎如言所奏

必將使臣如嗜如積一無憾否自此內閣吏部職掌當盡歸言
矣則將焉用臣等哉 上曰卿竭誠盡忠以輔國家夏言偶以
郊禮議合正論及勘山西事情多所陳奏朕因其辭職特賜
諭其才不止為僉都御史耳昨日論卿等疏來云云夫言言官
也職在論列豈可又懷疑忌其情偽朕皆具知故朕昨諭卿云
若我君臣生疑各自深辨是動中人之計也至于報復大禮之
恨亦任彼為明則天下後世自有公議幽則鬼神察之朕與卿
等當益思勉修職業以副 皇天所命不必介意黃卿侍朝廷
再訪裁處壞又言獻夫所以遺言之言者實臣招之也獻夫常
作書遺臣曰復言自攻霍翰之後每悻悻語人云决不與此輩
並立臣答之曰始自獲罪于君父非言所能攻即使言承
皇上信任之時而陰為前人行報復之計言之姓名已大書于

明倫大典天下後世自有公論今乃不據是非以淺念恣如此
米大欲啓蒙發端矣使臣果欺陛下義當與獻夫同坐罪也
上復溫旨諭之方獻夫亦上疏言黃卿之凋誠得之總言然總
為地方計非私也堯以平丁贖之推乃循資常格以為總指仗
以為臣私尤非也亦請乞歸上曰卿昨以孫應奎言求去已
有旨矣不必深辭獻夫復言言官論列止宜就事論事法曹書
獄乃有叅照等語謂之斷恭且大予以奪出自朝廷非奉詔違
問不得具叅語而言疏輒云叅照臣罪且照及輔臣張總辱又
甚矣言平日疑臣忘臣之心已見于奏劾霍韜之疏言云為韜
準側目韜輩者為誰指臣與總二三人耳前來言為僉都御史
臣常力薦其才何常側目之而顧忘臣以加之罪乎上復優
詔慰留已而夏言言張總誣臣囑李時求陞詹事復囑嚴嵩轉

皆昨扈從 南郊得與時面證時白臣未常有此言及嵩亦無
所屬辭御史江鎡侍郎蔣璠及中貴武臣皆預聞者即蒙者臣
為僉都御史李如圭 陛下命以臣代之臣披包拯劾宋郊故
事以避瑛田奮牛之譏啓事乃翰舊官臣常劾翰顧可蒙是譏
乎僉都御史乃風紀重臣視啓事未可軒輊臣何故于已得者
辭之而求其不可者乎今時與嵩同在 陛下試訊之至又揭
臣辭職諭息之旨以為臣傳與人蓋欲曲致臣罪請不當露洩
陛下密諭于外耳然當時總自錄 御札一道諭臣臣因時之
問而直告之意以為此非不可對人言者豈無故而輒以告人
哉至獻夫論臣疏不當用參照二字夫糾劾大臣參劾章奏皆
臣等所司故劾曰參劾論曰參論奏曰參奏劾曰參劾看曰參
看行曰參行至舉正各司欺蔽惟曰參照為照再照獻夫昧于

予體以臣為不當言不知其何所據也 上報問且曰爾宜用心供事副朕任用之意彭澤疏乞解職 上不允後 上復諭獻夫曰黃卿祖暴成性地方恣之本當剝廢且并究以平如前調用夏言妄言奏授輒行衆照大臣本當究治但念言官亦其職分姑已之今後務宜慎于予體以副朕任用獻夫復以丁瓚為請 上令瓚同黃卿等如前擬供職○大學士桂萼言屬者歲比不登人互相食朝廷大發帑藏率費數十萬金而不能致數萬之束則以未常預備故也乞勅戶部發帑銀數十萬給天下及時收蠲奏且可得數萬而小民日得易錢以為生足以需他日賑饑之用若諸事宜有四其一隨時查放未災帑帑平倉粟可藏九年未可藏五年旱濕之地半之今天下義倉年久不發有化而為塵埃者宜命有司易置之毋令泥爛候收成之日

增足前數其一目的地置倉如河南洛口也粟可備山陝之急邊東之近海有廠萊州之海倉有廠所以通海商制粟有備可以救四川漢中有備可以救岷洮皆當查議而修舉者也其一兼收雜糧今天下北地但知買粟南則稻米不知二麥諸豆其直味輕誠兼收之較諸粟米可得二倍其一通融本折臣往年詣于徐淮臨德地方各以鹽銀收買糧料正以資南方飛輓之不足使南北皆可通融本折蓋南方熱則本色必足而多聽北方之折色北方熱則就近收貯而多聽南方之折色此經久之策也事下戶部議以帑銀告匱不能給發當令有司取各邊京庫折銀及各省貯庫贓罰而其四事則皆體國裕民安邊備荒之急務詔如議行○刑部擬上律例所當改正者如親屬費用受寄財物不過因其所無而偶用之其情本輕至于相盜則利其

所有而侵盜之其情本重今情之重者雖無服得減凡盜一等而情之輕者即有服反恐擬于凡人之律人情律意昏失其平臣等以爲親屬費用受寄者止擬不應杖罪似爲情去允當今方纂修會典乞即附入爲令 上命會同都察院大理寺再議停當公同奏請發付史館未錄○戊申兵部尚書李承勛有疾上遣中使視之仍諭以病愈亟出視事○己酉詹事顧鼎臣言翰林院內建敬一碑亭宜勅兗平大興二縣各令人戶二名貢令守視報可○庚戌刑部議覆巡撫湖廣都御史朱廷聲條陳應議事件其中明例禁以條煩苛言條例所稱喇唬名色除平素尤惡之人犯該前罪照例問發其餘鬪爭等項常事悉依本律斷擬不許妄引前例濫及無辜其一區別夷夏以正婚姻及是軍職與土官有統屬防禦之責乃交構姻婭不惟紊夷夏

之體一或爭競作耗或泄露事情或互相容隱貽患將未實非
細故宜嚴加禁約不分官軍士民俱照例充發得旨先行○辛
亥啓事顧昂臣言古帝王授受不越乎指一執中之旨三代以
還時君世王未有知者 皇上以生知至聖而併照欽學萬幾
之暇製敬一箴及註心歲視聽言動四箴規滌 宸翰勒諸貞
珉建亭翰林院 臣愚謂儒臣宜聘雄辯紀鉅典咸謂事體重大
謙詠未遑幸 皇上諭之使言以昭示無極 上命內閣首臣
撰文主石○駙馬都尉駉景和以守衛官缺奏請同錦衣衛官
送補兵科都給事中張潤身劾景和不遵詔旨會官選補而專
擅行私景和復以爲請 上命兵科委官會選○壬子先是行
人王禎奏請察內府工匠厨役醫卜技藝人等額數汰其冗濫
以省糜費太監黃錦等以繕造 郊壇工作乞暫緩清查已先

所請王守等後從例陳免 上曰各監局原有旨令清查正欲革除冗濫節省浮費如何奏擬以圖僥倖除有旨暫免者罷餘照舊清查不許朦朧具奏○癸丑給事中張裕言人臣欲進言于上者靡不晝夜思朝剛夕改冀以誠意感悟君父若後加以詰責則辭無不窮拘其小疵則意無不極且人君以一人之身撫萬幾之冗多慮或以損心多念或以傷氣屬詞答難每至煩繁非所以養和平而未直言也惟願 皇上怡神接物定志圖致大無我之心充受言之量如天地之兼容如日月之並照其善者從之其不善者亦優之則諫言日聞幽隱畢達而帝王之治不難致矣 上曰言官進奏率非忠言正論無益上下要名行私豈朝廷好為如是爾既欲有所言自當陳列如何以此煩擾姑不究○惠安伯張偉廣寧伯劉泰以坐營匿徇朋銀事

朕上責偉等自初且命法司訊報至是都察院集刑部等議
拔偉等有左證劉泰阿從不舉清平伯吳傑出納不明俱屬有
罪至把總徐勇指揮王勳等因緣為奸罪各有差 上以偉奏
勳威大臣皆宥之其諸犯者各如擬已而拔偉復疏自白
上報曰已有旨先究不必深糾都給事中趙廷瑞等交章論偉
事發已踰一年中問徃復奏勘大移無慮數十先屬刑曹繼付
內臺參之理寺會以錦衣衛事非專裁情已得實恐難誣宥且
偉于正德六年以大將失機其罪當死同事都御史馬中錫已
死獄中而偉竟以偉免則又何有于今日之賊罪耶似不當姑
息以長其奸御史葉奇等又言偉罪可脫賊不可貸 上以偉
重臣竟不問曰丙辰玉田伯蔣榮言臣以外戚帶偉朝參與功
臣不同不當赴國子監肄業 上曰凡勳戚年少受業成均正

欲索教孫養使不習于奢靡以循程度蔣榮如何不行違來自阻向學之志令國子監官通行稽考毋令怠惰○總制尚書王爰言京州衛軍三百人番休守洮州者宜存之本衛而以裁革洮岷寨將所退臨洮衛軍補之馬是固原等處遊擊將軍欲選慶陽河州臨洮秦州西安左等衛軍三千充遊兵常駐慶陽但河州臨洮秦州去慶陽千餘里及平涼與西安道里遠近不一遇警徵發每至遲誤宜止于西安左等三衛選取之而遊擊即駐西安馬使其鎮守陝西都督駐劄固原增官軍三千人自西安三衛固原衛二千餘人外別選安會二縣臨洮府鞏昌衛鳳翔千戶所及鞏昌平涼二府土邊民壯并召募舍餘以足其數馬當但土邊及召募者與正軍不同今乃與正奇兵一揀調遣以致因崇宜以原選西安三衛正兵發充遊兵原選平涼衛遊

兵發充正兵其各府土達民壯令歸本所操種其召募者亦宜
放歸原籍至若遊擊退回慶陽河州二衛遊兵如舊歸環慶河
州各守備官部署其退回臨洮反己革參將退回鞏昌各衛官
軍則收入鎮守都督聽用若參將所退河州衛兵四百五十名
則發戍沙井驛苦水灣各二百人其餘還之本衛如此則守土
者各有正兵防禦征戰者亦有應兵調集此兩利之策也
上從之○丁巳兵部尚書李承勛復以病乞休 上弗允命病
痊亟出視事

明世宗肅皇帝實錄卷之一百十五終

大明世宗肅皇帝實錄卷之一百十六

嘉靖九年八月戊午朔給事中高金以下詔欲沙汰天下生員因陳其不可遽行者有七大略謂儲才貴豫求才貴廣地方人才多寡不同附學人數豈可嫌其過于增廩但當責成提學官嚴加可校以杜冒濫不必盡行此法且言老稚凡庸非盡附學在廩增亦有之今惟沙汰附學未免有偏上責金不奉詔仍令禮部申諭各提學官務遵前詔廩增附生員一體揀選其附學名額不必視廩增原數許量準地方人才衆寡為差○庚申刑部覆南京刑部主事蕭樟所言三事一重民命言凡南京五城兵馬及各衛所所逮罪人惟機密重大關係地方者乃閱白內外守備具爭訟細故則聽巡城御史付法司案治一明律例言大明律與古未易窺測問刑條例類皆節去全文意多未備

當責所司取近時頒布律條疏議及律解附例諸書講求參考
務求歸一然後請自 聖裁著之會典一語詞訟言謔曾各有
職掌其所司詞訟有當自理者有當聽法司理者其事未竟不
當赴愬他所彼此牽制以致事權不一適資影射之計詔從之
○壬戌弋陽王拱橫請得主山川社稷之祀禮部言逆濂不道
變置社稷存諸有司拱橫不過約束宗室代理府事豈得與有
司之事所請不可許 上從部議○大學士程鑒以在告三月
疏請辭俸 上不許仍諭其病痊即出視事○癸亥昌化伯邵
杰復疏請莊田 上不許○陞建州衛夷人都指揮同知卜刺
各為都督僉事指揮使官奴即充灘克克也木塞柱格失思可
指揮同知王保奴俱都指揮僉事准故都督僉事王成男宋景
都指揮僉事納出男塔哈納各襲其父職○甲子以水災詔減

應天太平安慶池州各府糧稅有差○乙丑給事中薛甲上言
四事一橫茹納以未忠謹草茅之言不識忌諱率爾數奏或失
和平倘罪罰一行人懷畏沮不答已感格之無術而疑陛下
聽言之未至乞曲賜優容以作敢言之氣一正習俗以明體統
昔在先朝權臣竊柄正氣銷下諂比成倍至於今日遂矯而
成傾危之習如劉永昌以武夫而劾冢宰張瀾以軍餘而議勳
臣夫以股肱耳目之臣而使人得以指摘媒孽竊恐下陵上替
之患不知所止今之議者未悉此弊猶復毛舉細故未免推波
助瀾願畧苛細之言以存廉遠堂高之義使小人之攻訐無自
而入一勤延訪以盡人材凡中外臣工章奏苟有可取時或召
見以質所聞則政治得失生民休戚與人材之短長皆可參互
而如一養和平以疑天休陛下宵旰之餘嘗游神於文藝之

末玩心於制度之微考訂折衷悉求精當然恐用心太過勞弊精神大人君執要臣人執共法制文為之詳可無待於陛下之親為者伏望息慮凝精提綱執簡以養和平之福上以其奏下所司看詳吏部覆甲言恙當可未行至謂止習俗明體統尤深切時弊請勅都察院嚴禁官吏軍民請張亂政者仍行兩京科道及在外撫按官今後論事必先大體論人無責小疵毋伺察間隙以快私毋苛舉細故以逞訐毋傳致難明之情汙人以不根之謗議上報罷于是刑科右給事中饒秀劾甲阿附使佞甲所謂正習俗以明體統者其言若是而其意則非近時自劉永昌肆言後言官未聞有敢議大臣者獨給事中夏言與孫應奎趙漢三臣議輔臣不識及於張璉方獻夫等耳夫漢之言若出於無故已蒙 聖明詰謹至於言與應奎之言皆係用人

行政之失而甲槩之以為毛舉細故則言官之於大臣必將無一言已乎必至於大譴大何而論列之手 祖宗之法凡上言大臣德政皆處極刑而甲乃稱誦大臣不已甲於輔臣等猶曰門生座主云耳若郭勳貪縱之跡彰彰明著而甲亦不敢人言其失如甲之議必致 皇上端拱於上大臣橫行於中羣臣緘口於下萬一有匪人廁其間而使言官習於泯然是甲以一言病天下也 乙 呈上亟責斥甲以為巧言誤國之戒 上命吏部再議甲復上疏自理 上怒其不俟部議輒先奏請令降二級調外任用吏部以甲已奉旨處分不復更議 上責其延緩全置對乃奪尚書方獻夫等俸一月司官二月遂補甲湖廣布政司照磨 丙寅御史孫錕以榆林荒因條備荒事宜其一言往時塞下倉廩常盈後因積蓄既多改為納價之例歲一不登

食無所出當如舊徵收本色以給軍餉之需其一言榆林道路崎嶇一遇倉卒發銀易米則民間轉輸費且不貲宜將內帑發去年例銀兩召商雜買責其如期完納其一言朝廷中鹽以為邊計素鹽引一開將帥等官即乘時邀利至於豪右往往占中賣窩而商人不能自中者又重賂買之以致窩價日增兼值米價騰踊所得無幾而且遠道失宜嚴革其一言天下各設預備倉以儲穀至於邊方獨不講求乞發內帑銀及所在有司贖罪銀并虜中所獲馬匹盡行變賣以為糴穀之費貯之各營堡而命都御史李如圭主其事戶部議其言舉切邊務可行詔從之

○丁卯 孝慈高皇后忌辰祭 奉先殿○祭先師孔子命吏部尚書方獻夫行禮○士申朝鮮國王李懌遣陪臣趙邦彥等及泰寧衛夷人塔卜歹等各進馬賀 萬壽聖節各宴春如例

○甲戌戶部覆南京光祿寺卿歐陽鐸疏二事一大官署每歲放支糧米料道官監收督察為法已嚴每遇開倉之始內守備得遣官監驗徒滋耗折所當裁革一珍羞署額設庫子二名係旬容縣於見役里甲派撥八名按季更換該縣不與酌定工食通縣津貼多託言他費以股民索財宜詔所司會同各監查

奉先殿并人庖厨所需物料悉為劑量行旬容縣派谷里甲治辦轉輸本寺支用若庫子定給工食銀十二兩止令服役不得他有料取禮部覆鐸疏四事一解京鬻酒例已停造而所遺麥豆麩麩不免陳朽請令易價貯庫以資他用一司牲所蓄種鷄鷺鴨歲取醢卵以薦新計食穀五百石役軍三十名所費數多而解納數少不若盡估鬻之徵其穀價以時收買此後殺可停派軍可散還一言直隸涿州衛歲供活鴈天鷲鷓鴣鶉等類

野性難馴多致損折惟奉先殿薦新請納本色其餘供聽折價輸部轉送該寺收貯以備臨時供應一言南京奉先殿歲用羔羊一隻外祭羊四隻固宜預養至於祭淨泥國王墳止宜於抽分數內取給而今所養綿母羔羊多至百餘所費芻秣無算請悉革罷所遺羊隻變價輸官其司設監所徵羊毛各行停止詔俱如議行○巡按直隸御史蔣陽疏疾乞歸部御史汪銚論賜用刑過刻杖元真定縣知縣叢芝不以其罪臣嘗按其行部無一可紀之績今懼還京考察而遽疾托以規倖免請坐罷之詔革陽職回籍下撫臣叢叢芝所由死狀其實以聞○以水災停免湖廣武漢等八府所派內府中帽局物料○乙亥命河南守臣樊芳棟慶府知府王得明以府中並產瑞麥嘉禾瑞瓜而鄭王厚烷奏稱得明善政所召故也○四川播州宣慰使楊

相遣長官楊守等貢馬賀 萬壽聖節賜券如例○廣德州建
平縣妖人虞順等聚眾歎為亂未發知縣連鏞捕得悉誅之○
丙子巡撫甘肅都御史唐澤疏疾乞休吏部言澤才足以籌邊
未宜引去 上曰甘肅為邊陲要地且時值防秋澤受此重委
豈可以疾為解宜悉心任事○戶部主事梁喬升以母老疏請
終養吏部覆其情詞懇切宜聽其請候親終服闋起用 上許
之且讓吏部令候親終起復非教人子愛親之道○廣州府知
府吳仲言臣嘗備員御史請開濬通惠閘河其時議者紛紛惟
聖斷毅然以為當行濬方四月費才七十而舳舻且啣接於
大通橋下矣邇者臣將之任道經可堧敢掇拾其所見編成一
書名曰通惠河志謹錄進呈臣又過計以為各邊距京師皆有
間道旋日可至虜若一據倉厥為患不測故土木之變于譙議

燬通倉近者汪錫猷包築通州于城內皆此意也故臣請於大
運未至乘其暇日將通倉所積糧米預輸至京誠不勞力費財
而潛消莫大之後患者踰入上命以志付史館採入會典仍
令工部梓行奏內應行事宜下所司會議以聞○己卯 憲宗
純皇帝忌辰 奉先殿行祭禮遣國公張崙祭 茂陵○太常
卿陳道瀛以給事中田秋等劾其貪婪上疏自劾求去不允○
庚辰革湖廣布政司左叅政韓士奇職聞往以御史張祿劾其
貪污不職故也○羽林衛指揮使劉永昌言人臣之惡其大綱
有六曰貪賊曰囑託曰私意曰苟延曰驕縱曰淫濫債事之大
綱亦有六曰欺君曰壞法曰誤國曰害人曰用舍不公曰刑獄
不平其他細目不能枚舉復有一種小人比周結黨私通關節
以壞朝廷政事乞 聖明嚴察而亟除之又言臣聞太祖罷

丞相設府部院以分理庶務 太宗命史臣於文淵閣恭預機
務官止學士至於後世而加以師保重職於是雖無丞相之名
而有丞相之權邇者楊廷和謬主大禮植私黨以抗朝廷至於
數年猶未定伏望 皇上存內閣以遵 太宗之制減事權以
守 太祖之訓再啟 祖宗之意今六部諸大臣更番入直以
備訪問因得以廣益聰明考見賢否而倚任亦不患於無人矣
疏下所司○辛巳大學士桂萼言聖人御極九功可歌以有實
政興時偕行矣今夏小正月令時則諸書皆在則時之為義猶
可考見至於分地任民體國經野則古法雖廢而州縣方域尚
有鄉都村鄙之圖其經界俱可修復是任民之意固未泯也學
士大夫不講已久於是金木水火土穀正德利用厚生之功十
有餘年幾於墜地 皇上縉服凡事不蹈故常必上律天時下

襲水土以事新一代之制茲者躬耕帝藉臣以足痿不能與分
百執事一日之勞而贊襄之心不能自己謹力疾搆思爰得二
事一曰授時考一曰任民考各裝成帙上呈 御覽乞下之該
部以備采擇 上以二書下所司令看議以聞○陞河南道御
史張景華為大理寺右寺丞廣東按察司僉事林希元為南京
大理寺右寺丞○壬午大學士桂萼言臣屢以人言懇乞休致
不荷俞允然臣至情有不容不去者四臣遭際 聖君而不能
畢力輔佐使 陛下不免有任事之勞而未遂夫恭己無為之
盛一當去臣不學無術昧於所擇凡天下事一意措荷不顧毀
譽利害雖殺身滅族可不旋踵不以時求去終無以全陛下進
退大臣之道二當去臣入仕以來律身清苦自謂可質鬼神乃
致謗讒紛紛為辱不已是誠何顏立於縉紳之間三當去頃者

心悸傷脾足跛成痿近又力疾者未授時任民之說過用心力
即致暈眩殆為終身痼疾四當去乞賜矜憫放臣早歸一息尚
存猶當隨時獻納上不允報曰卿以疾可出視事甫三日何
為又有此奏恐非所宜用於君臣之際也其二考事宜已令所
司看議矣○以水災減免江西南昌等府及九江等衛糧稅有
差○先是刑部尚書許讚條陳詔獄四事下都察院大理寺看
議院臣等議入上復命求歸一之說至是復會議上其一禁
黨訟以安良善凡訟人不以實或代人搆辭或越上妄訴者皆
有常刑載在憲甲而法骫奸滋乃致無籍惡子如楊孝丁鑑之
徒造為刁詐之術肆行輦轂之下當禁緝之以杜弊源至欲通
以司格其狀疏不得封進則恐長壅蔽之漸不可具二求實情
以釋冤枉律書所載盜賊二十八條有得財不得財之辨殺人

者二十條有成傷輕重保辜限期之分犯姦者十條犯贖法者十二條有捕獲兇發之別事例亦分至為明哲而刑曹不察往往苟且成獄當責其如例詳鞠舉得其實然後坐之其三明律意以平罪犯律言併贓計贓其意各有攸當所謂併贓者其款有三是一併衆人之贓而通論之所謂計贓者其款有十是計各人入己之贓而析論之二者其文自殊比而同之未免有失請一以律為準律所稱併者即以併論稱計者即以計論計之中有不得併者亦以併論其三清刑禁以廣仁政有司聽訟不知矜恤或人犯已判不即鞠審連及無辜或罪輕者以有所候訊而不釋或男婦不犯重罪而一切收繫容所司以竇叅究若冬至以及立春時方沍寒則枷號者當暫為停止 上從其議

○癸未巡撫宣府都御史劉源清巡按直隸御史李宗樞各疏

言宣大二鎮麥稍有秋乞出帑銀及時收貯以備邊餉下戶部
戶部請發太倉并部庫內糧草銀十五萬兩內八萬兩准十一
年分京運年例七萬兩借山東准九年分糧價并見存本鎮銀
五萬兩鹽二十九萬餘引總之得銀鹽三十三萬二千餘兩及
續到民運銀聽守臣會官協計及時召商糴買芻粟以備緩急
其本鎮屯糧共一十一萬五千四百餘石并草米折豆亦俱徵
本色仍行各鎮守臣以所貯尖丁公務牛具等類并所司贖罪
銀悉為查發糶米貯之別厰以專備賑濟詔從之○甲申 上
諭輔臣曰廖道南嘗言姚廣孝弗宜配享 太廟夫廣孝在我
皇祖時建功立事配享已久或不當遽更但廣孝係釋氏之
徒使同諸功臣並食於 德祖 太祖之側恐猶未安禮官雜
曰遵畏成典實非敬崇 祖宗之道卿等其加思之至是禮部

尚書李時同大學士張璉桂萼等議以廣孝事 太宗雖有惟
懼之謀厥後加以厚秩賜以顯爵亦足償其勞矣若削髮披緇
雷榮鈕豆則非所宜信有如 皇上所諭者臣等議當撤去即
移祀於大隆興寺內每歲春秋遣太常寺致祭庶 宗廟血食
之禮秩然有嚴而朝廷報功之意兼盡無遺矣 上從之仍命
告于 皇祖以行○時各邊有男子自雲中逃回者皆報虜將
入犯巡撫山西張瀚乞命延綏大同預備士馬巡撫延綏李如
圭乞命偏關大同預備士馬而巡撫大同王大用則言大同勢
急不暇摘兵應援皆下兵部覆言大同三關延綏煤地相接俱
為鉅鎮諸臣受茲重寄宜彼此協力救援今一遇虜警乃互詞
推避三關則稱大同失禦遺禍三關大同則以賊從由河套東
渡為辭諉于應援不及具文飾說動輒十言不恭不和孰大於

是宜戒諭諸臣三關兵寡自非至急不得擅徵若延大兩鎮或
當虜至則彼此如期發兵相應毋得觀望以至備事 上然之
仍詔有違誤者即逮繫赴京重罪無赦○乙酉以杖謝建醮顯
靈宮是日當諭不特處決因法司具三覆奏御史詹寬言齊日
且斷屠况乃戮人恐妨齊事 上命以所當戮囚仍繫法司侍
決而青刑曹按齊期內覆奏刑科給事中趙廷瑞等因上疏自
劾 上宥之各奪俸一月○丙戌大明集禮梓成禮部言是書
舊惟繕錄故中間章句圖畫類多殘缺臣等以次詮補因為傳
注進覽乞命史臣蔡人以成全書 上曰大明集禮具載我國
家一代典章汝等宜取善本并參考原集古典校正謬誤補足
缺文頒布天下

大明世宗肅皇帝實錄卷之一百十六

大明世宗肅皇帝實錄卷之一百十七

嘉靖九年九月丁亥朔○庚寅 孝恭章皇后忌辰 奉先殿
行祭禮遣昌化伯邵杰祭 景陵○辛卯吏科都給事中夏言
兵科都給事中張潤身等各疏言邇來人心玩愒朝參禮廢或
借言公差或妄稱疾病填註門籍歲無虛月自今乞嚴示法程
每月終將門籍查出糾舉量情罰治其有屢經糾劾文官至三
次武官至五次吏兵二部徑自議處禮部覆議得旨邇來朝官
多經年累月稱疾不朝見在告者俱查核以聞餘如所議○都
察院右都御史江鎰言國家于江北沿邊各設重鎮如甘肅延
綏寧夏大同宣府每鎮官軍不下六七萬人又設墩臺城堡其
為守禦之計似無不周然每當虜入卒莫能禦損傷官軍動以
千百計此其故何也蓋墩臺初無邊戡之兵徒為瞭望之所而

城堡又多不備所執兵器不能及遠所以往往覆敗焉今之計
當用臣所進佛郎機鏡小如二十觔以下遠可六百步者則用
之墩臺每墩一銃以三人守之大如七十觔以上遠可五六里
者則用之城堡每堡三銃以十人守之五里一墩十里一堡大
小相依遠近相應呈列幕布無有空闕賊將無所容足可以收
不戰之功竊計每鎮要害寇所必由者不出十里十里一堡則
千里當用一百堡五里一墩則千里當用二百墩一堡十人則
百堡當用一千人一墩三人則二百墩當用六百人然則一千
六百人可以適守一鎮矣以更番之法一年分爲四班則一千
六百人當用六千四百人一鎮之軍士十用其一已有餘裕分
撥指揮千百戶等官管領仍行巡按御史巡視稽考餘軍盡撥
之屯種仍十取其一更番操備于鎮城則不必調客兵而常額

之士且十可九耕不必出內帑開盜利而屯田之入且歲可數十萬竊謂禦虜之計當無出此疏入 上嘉其善邊忠慮命戶兵二部再加議處兵部尚書李承勛等覆奏曰佛郎機手銃誠為軍中利器宜申飭各邊如所議修墩堡撥軍士給發教習為守堡守墩之具然墩堡可以預知虜之入而不能禦虜使不入利器可以制力之所及而不能制力之所不及尤在為將領者遠斥喉練士卒撫恤貧困以作銳氣斯可以得人心之和而收不戰之功耳 上然其言命各邊督撫諸臣務率所屬盡心修舉勿虛應故事致誤邊防○壬辰大學士張璠有疾 上遣醫視之復遣內使賚賜酒米等物○阿朮等族番人安巴等來貢方物給賜如例○兵科給事中高金奏曰 陛下龍御之初凡法祖法師國王佛子有害正道者盡從屏斥近又諭禮官革姚

廣孝之配享以其為釋氏之徒不可並諸功臣也臣每心說嘆服以為大聖人之崇正黜邪有如此者豈意有所謂真人邵元節者誤蒙殊恩以為聖治累耶夫官祿者勸賢之資爵賞者殲世之具元節一道家流耳因真人李得晟之請而波及之縱使二人有恪修宗典陰翊皇度之功償以金帛足矣豈可既顯其師而賜之贈祭復榮其身而使之衣紫腰玉乎廣孝既不可配享於太廟則二人亦不可爵祿於聖朝伏望削去真人之號褫其紫玉之貴奪其親師贈祭之典庶乎異端闕而正道崇也上曰金所言雖若納忠正君而實則不然真人之封贈賜祭已久何至今日乃言此必有使之者其令錦衣衛遠問且因姚廣孝配享之事謂朕不自免治之意禮部再議以聞於是禮部尚書李時等議奏曰陛下撤廣孝之配位者正祀典也容

元節等之供事者存祈禳也祀典當正故雖以功臣之重去之而不疑祈禳可存故雖以道流之微用之而不避高金因廣孝之事遂論及元節固因事獻忠之心而未知其事之不同也予奪之宜惟上裁之得旨廣孝配享當如前議改正會真人邵元節亦疏辭恩命上不允令其安心供修本教勿以人言介意○詔裁革雲南鎮守太監廵按雲南御史毛鳳詔言鎮守太監非洪武末樂年間舊設擾害地方不可勝言近蒙皇上明見萬里將太監杜唐取回良民歡頌有若更生更乞追復祖制將續差太監停止以甦邊徼之民疏下兵部議覆雲南自古窮原之地夷性難馴近年用兵軍民困苦省官節用正今日所急况鎮守太監原非祖宗舊制宜如御史議裁革便報可○癸巳先是慶雲侯周瑛錦衣衛指揮使蔣山俱以開店河西務

邀截商貨侵漁小民虧損國課為巡按御史所劾罰祿俸三月而瑛山怙終開設如故至是戶部監稅主事翁萬達復劾之上以瑛山俱係國戚姑置不問店房俱令查革其投充家人撥置生事者下法司治之○甲午泰和伯陳萬言奏長孫陳書以父喪不赴國子監習業為祭酒許誥查叅蒙旨違書朴責第臣雖叨熟戚實出儒門乞聽書守制終喪 上曰陳書既稱回籍守制待服闋之日送監照舊肄業○鎮守寧夏總兵官趙瑛許奏巡撫都御史翟鵬諸不法事詔下所司兵科都給事中張潤身等言趙瑛始以失事為翟鵬所劾而瑛又挾私劾鵬鎮巡不和互生嫌隙人心動搖內變將作安望其建禦戎之策成威遠之功哉况鵬既已被許勢難展布而瑛以老病募謀師無紀律是二臣者俱未可以一朝居也乞速賜削奪別任才賢以代之

因言陝西左布政使周叔可代鵬亭及副總兵江桓可代瑛
上曰瑛奏雖出忿爭事豈盡虛潤身等方爾論奏豈宜輒薦代
者俟部臣議復朝廷自有處置○乙未太常寺卿管國子監祭
酒事許誥疏乞終養不允○以旱災詔免應天蘇州松江等府
秋糧有差○以都指揮僉事劉麟為右叅將協守貴州兼提督
清浪等處地方○以都指揮使都勲為聽征左叅將都指揮僉
事袁繼勲為聽征右叅將○戊戌陞湖廣永州府知府黃焯為
湖廣布政使司右叅政山東按察司僉事王舜漁為本司副使
江西贛州府知府王世芳為廣東按察司副使○庚子陞貴州
按察司僉事朱珮為湖廣按察司副使直隸揚州府同知陶儼
為河南按察司副使○陞吏部右侍郎徐縉子玄度為國子生
○巡撫陝西都御史劉天和言頃者平番無功不宜與諸臣濫

給銀幣俸級請容辭免 上聽其辭俸仍資以銀幣○初南京兵部奉旨裁省諸司進貢快船南京守備太監賴義復以船不足運具疏請益詔下南京兵部尚書王廷相等度奏言南京各衙馬快船隻乃國初置備水軍征進輜重之用大小黃船乃永樂以來供奉乘輿北駐及進貢方物而設自 太宗都燕遂以二船專運 宗廟薦新及上供品物然物有定品船有定數是以上無廢事下不疲民今則法久弊生管運內臣乃有假進貢以規利者概船之際虛張品物務求多船以濟己私蓋緣未辨其輕重多寡故不能盡發其欺隱而折其偽辭今臣等查議先論其物之輕重次計其扛之多寡後定其船隻之數目雖有奸貪欲求多陞不可得矣嘗聞 宗廟薦新品物惟太常寺所進焉 太祖高皇帝萬額其南京司禮監制帛 孝陵神宮監苗

蓋青稻等物南京內織染局龍衣南京印緞監誥勅軸皆永樂以來上供之數舊額之不可省者其餘若守備諸司所進則皆宣德正統天順成化以來傳旨取用可減者多如枇杷非南京所產青梅酸澁不堪用天鵝鵝鷄鴈諸禽石榴柿子秋梨諸果又北方有之通屬可省龍衣綵錦紗羅綾段諸物既有織染局之歲辦則當省南京供應之機房且一次所造必備數年之需一襲龍衣安得經年即壞若是尚衣有餘似亦織造當省此則可以會計停止者也南京內官監竹器論造作則所值無幾計運送則所費不貲亦宜會計所存可備幾年之用量為停止雲龍膳卓硃漆器皿及銅珉諸器皆堅久可用亦宜會計量省不必每年供造者也即此一事之行 聖恩所及甚廣伏望皇上獨斷而必行之 上以所奏下該部禮部尚書等時等言

爲新品物除枇杷非北土所產梧子風脚魚并入水木梓鷄
象彈俱宜如舊進貢用船裝進其青梅石榴柿子天鷲鷓鴣活
鷹鷄鶉俱可省共停減船五隻工部尚書章拯等言南京工部
每年造運供應器皿雖額數三十六百件節年免造減造其數
亦多原擬用船十五隻亦宜臨時的減織造龍衣并竹器彩漆
卓盆銅鐵器物俱如所議減免 上曰此疏所言專在首併以
行民力俱依擬行著爲定例日後敢有假託增用害人者科道
官指名叅奏○吏部尚書兼翰林院學士方獻夫以疾乞歸
上曰卿有疾宜善調理部事暫令董紀代理痊可即出供職○
辛丑設山西平虜衛儒學○壬寅陞巡撫保定右副都御史錢
如京爲工部右侍郎○裁革廣西布政司按察司照磨所檢校
各一員太平府清軍同知一員梧州府南寧府思明府照磨所

檢校各一員桂林府臨桂靈川興安灌陽陽朔永福義寧古田
八縣梧州府及蒼梧藤峇岑溪懷集博白北流興業陸川九縣
平樂府恭城富川賀縣三縣南寧府宣化縣潯州府平南貴縣
二縣柳州府武宣馬平羅城融縣四縣慶遠府宜山縣各儒學
訓導一員南寧府宣化武緣二縣河洎所官各一員○賜靖江
王邦彥書經集註四書大全各一部從其請也○命署都督僉
事張輓僉書左軍都督府事豐潤伯曹松掌南京右軍都督府
事○乙巳巡撫甘肅都御史唐澤以病乞休准回籍調理命督
理糧儲都御史趙載代之○賜左軍都督府晉都督僉事卻永
母夫人陳氏祭從末請也○丙午錦衣衛千戶劉深有事於安
陸乞給驛以行疏中稱 恭睿獻皇帝兵科都給事中張潤身
等言 皇考尊號本 恭穆獻皇帝深乃稱焉 恭睿宜下法

司治其妄誕之罪 上曰 皇考尊謚已於七年加上為 恭
睿淵仁寬撥純聖獻皇帝深奏所稱正為遵奉詔旨潤身等職
居言路何乃顛倒是非妄行叅駁其各對狀於是潤身等上疏
伏罪詔奪俸五月○戊申大學士張璁等言昨蒙 皇上發下
聖母章聖皇太后所著女訓一卷首冠以 恭睿獻皇帝御
製序次之以 聖母自序之文為目凡十有二臣等逐一捧誦
仰見 聖母真女中先泮我 皇上今日所以成二南之風化
者端有所自謹遵奉欽命與禮官李時講讀諸臣顧鼎臣等重
加捧誦欽仰無極所宜刊布昭示中外臣等切惟古禮有內則
篇宋呂祖謙論之曰首言后王命冢宰降德于衆兆民蓋三代
所以教天下者皆以是道自秦漢以來外風俗而論政事不復
以人家事為問矣 皇上躬行仁義務節儉以成外治又彰明

聖母女訓以成內治三代以來所未之見詩大雅曰思齊大任
文王之母思媚周姜京室之婦大妣嗣徽音則百斯男此臣等
之至頌至禱者也更乞 皇上親灑宸翰序之卷末以垂永久
上從之已復以 高皇后傳 文皇后內訓令總等與禮部
議欲同 聖母女訓頒布總等復言我國家自 祖宗以來正
身教家以嚴內治其先後軌範皆出一道是二書誠宜與 聖
母女訓并為刊布 聖母女訓臣等已請 聖明御製後序茲
二書亦望 皇上御 後跋以紀歲月以見二書頒布皆我
皇上繼述大孝所存其內訓註文或 文皇后自註或當時女
史所註皆未可知其訓釋俱各純正可使天下後世女子易曉
上遂諭總等以三書付部臣一體刊布以廣內教復諭云柱
等皆言欲令翰林官撮詩書之闕內教者撰為詩言使誦咏之

斯亦為助多矣可諭諸臣速為分撰成而集之以助傳訓之布
使易為感發且卿等三臣及方獻夫李時董圻徐縉四臣俱當
撰進可即轉示知之朕惟今也時俗大不古若况女子最為難
教欲立其本當自朕中宮始凡當行事宜卿等其與時會議以
聞朕又命書者繕寫女訓三冊一進 慈覽一朕備觀一奉
聖母授教皇后然後授書宜有儀卿等即同禮官議進以重其始
今方季秋猶是行陰之時如至十一月便不可此事矣○總制
三邊兵部尚書王瓊奏言寧夏墩臺烽火西接莊浪往年未嘗
通一虜騎今年五月虜自西海由莊浪循廣武營至賀蘭山赤
木口南寧夏地界折墻入境騎以四五萬計飛塵數十里畧無
畏忌向後北虜或畏大王子勢眾移營西入莊浪住牧與西海
達子連和東西侵犯則不惟寧夏孤懸河北難守而甘肅地方

又為斷我右臂矣此今日西北第一大事乞早為議處設備毋使臨事有悞詔下兵部於是尚書李承勛覆奏曰寧夏一鎮前以黃河為據後枕賀蘭之險自鎮遠關以至大沙溝萬有臺堡相接以斷北虜西行之路昔人所謂斷匈奴右臂者此也數十年來邊軍貧困鎮巡姑息皆以修邊為諱遂致墩臺廢棄耳目閉塞屯堡不能自立黑山諸營遂議內徙矣屯堡徙則藩屏撤而屯田不敢耕種自此鎮城遂為虜道行途矣今欲保河西無虞必先固夏鎮欲固夏鎮必須修舊邊墩所謂西北第一大事誠不易之論也成大事者不惜小費請發官銀十萬於夏寧貴令鎮巡守備諸臣乘時修復墩堡邊牆庶乎西北之防可固得旨如議行○巡按山西御史趙鍾勅上八年十一月及九年正月虜犯山西遊擊曹安副總兵李瑾劉玉兵備副使陳伯安鎮

守太監周縉巡撫都御史張翰各失事罪狀得旨李瑾降級用
曹安陳伯安各奪俸三月劉玉准以功績罪張翰回籍聽勅周
縉還京仍令吏部速舉堪任巡撫者代翰○庚戌陞翰林院編
修張星為國子監司業陞四川按察使胡東臯為都察院右僉
都御史巡撫寧夏○辛亥陞大理寺右少卿林有孚為都察院
右僉都御史巡撫保定等處兼提督紫荆諸關○癸丑陞都指
揮同知周尚文為署都督僉事充總兵官鎮守寧夏地方○甲
寅大學士張璠有疾 上遣太醫院判許紳御醫林鳳往視之
諭令稍愈即出供職○原任少師兼太子太師吏部尚書華蓋
殿大學士楊一清卒一清雲南安寧州人徙居丹徒幼以奇童
薦為翰林院秀才成化八年登進士授中書舍人歷按察僉事
提學山陝入為太常少卿提督四夷館南太常卿陞左副都御

史督理陝西茶馬會虜警急復改巡撫陝西陞右都御史總制
三邊軍務以事忤逆瑾逮詔獄罷歸真璠反詔復原職討賊因
留鎮陝瑾誅召入為戶部尚書加太子太保改吏部加少保尋
加少傅兼太子太傅武英殿大學士入閣辦事俄致仕嘉靖初
虜大入塞掠闡龐起為兵部尚書兼右都御史少傅兼太子太
傅如故從督陝西軍務未幾召還內閣加少師改華蓋殿久之
致仕尋削秩至是卒一清識量宏遠有文武長才沉幾先物果
毅好謀技之艱大綽有餘裕其功烈在陝最著嘗創修花馬池
邊牆圖復河套及擬剿逐西海道虜皆畫有成算事多未竟張
永之奏誅劉瑾也謀出一清故以永薦入內閣為言者所詆嘉
靖初大禮議起一清見張璁大禮或問而是之於是張桂力加
薦引已而上顧遇一清漸隆委以心膂一清亦盡心贊翊一

時廟議殊有可稱是時張桂既柄用一時新銳喜事之人爭趨附之多所更建一清每引故事稍示裁抑其黨積不能平比張桂去位詹事霍韜遂謂一清陷之乃極力攻一清証以贓罪一清既去復與告訐獄證成其事詔革職疽發背而歿歿之前數日猶為跣自解言身被污讎死不瞑目上聞而悼之令法司釋贓罪勿復問十二年以恩詔例復其官至二十七年始賜謚文襄贈太保○乙卯陞浙江右布政使顧璘為都察院右副都御史提督鴈門等關兼巡撫山西○太子太保吏部尚書兼翰林院學士方獻夫以病甚再疏乞歸上察其誠懇許之給驛以行仍令撫按官俟其痊可奏聞召用○初禮部以上釐正郊典謂當考定雅樂疏請令吏部及科道求精曉音律如宋之胡瑗李照者吏科都給事中夏言遂以致仕甘肅行太僕寺丞

張鷟應詔 上令吏部樞召之鷟至即請定元聲復古樂謂大
樂之正必先定元聲元聲起自冥罔既覺之時交子相承之際
積絲成毫積毫成釐積釐成分一時三十分一日十二時故聲
生于日律起于辰氣在聲先聲從氣後若拘于器以求氣則氣
不能致器而反受制于器何以定黃鍾起曆元故莫若用蔡元
定多截竹以擬黃鍾之律長短每差一分冬至日按曆而候休
法而取如粟管中先飛灰者即得元氣驗其時刻如在子初二
刻即于初一刻移于初二刻矣如在正二刻即于正一刻移于
正二刻矣顧命欽天監知曆官一人同臣參考元聲庶幾可得
又言編鍾十六古人非徒示觀美蓋為旋鍾而設其下八鍾黃
鍾大呂太簇夾鍾姑洗仲呂蕤賓林鍾是已其上八鍾夷則南
呂無射應鍾黃鍾大呂太簇夾鍾是已近世止用黃鍾一均而

不追其十六鍾則古人立樂之方已夫况太常止以五凡工尺上一四六勾合字眼譜之去古益遠且兩律兼一字如黃鍾為黃合似矣又以大呂為下四太簇為高四夾鍾為下一姑洗為高一夷則為下工南呂為高工之類何以旋鍾取律所以止于黃鍾一均而已且黃鍾大呂太簇夾鍾為上四清聲何也蓋黃鍾為君尊上無比黃鍾為宮則十一律皆受制焉臣民事物無敢凌越也至於夾鍾為宮則下生無射為徵無射上生仲呂為商仲呂下生黃鍾為羽然黃鍾正律之聲長非仲呂為商三分去一之次所以用黃鍾為羽也子聲即上黃六之清聲正為不取用黃鍾全聲而用其半身姑洗以下之均率若此四清聲之所由立也編鍾十六其理亦然宋胡瑗知此故以四清聲皆小其圓徑以就之黃鍾太簇二聲雖合大呂夾鍾二聲又非遂使

十二律五聲皆不得正李照范瑱止用十二律不用四清聲其合于三分損益者則和矣至于夷則以降其臣民事物又何能尊卑有辨不相凌犯耶臣又考周禮圜鍾函鍾黃鍾天地人三宮之說有薦神之樂有降神之樂所謂薦神之樂乃奏黃鍾歌大呂子丑合也舞雲門以祀天神乃奏太簇歌應鍾寅亥合也舞咸池以祀地祇乃奏姑洗歌南呂辰酉合也舞大韶以祭四望乃奏蕤賓歌林鍾午未合也舞大夏以祭山川乃奏夷則歌小呂己申合也舞大武以享先祖舞大濩以享先妣所謂降神之樂冬至祀天南郊之圜丘則以圜鍾為宮黃鍾為角太簇為徵姑洗為羽是三者陽律之相繼相繼者天之道也夏至祭地于澤之方立則以函鍾為宮夾鍾為角姑洗為徵南宮為羽是三者陰呂之相生相生者地之功也祭宗廟以黃鍾為宮大呂

為角太簇為徵夾鍾為羽是三者律呂之相合相合首人之情也且圓鍾夾鍾也生于房心之氣為天地之明堂祀天從此起宮在琴中角弦第十徽卯位也函鍾林鍾也生于坤位之氣在東井與鬼之外主地祇祭地從此起宮在琴中徵絃第五徽未位也黃鍾生于虛危之氣為宗廟祭人鬼從此起宮在琴中宮絃第三徽子位也至是六變而天神降八變而地祇格九變而人鬼享非有難易之分蓋陽數起子而終于少陰之中陰數起午而終于少陽之寅圓鍾在卯自卯至甲六數故六變而天神降函鍾在未自未至寅八數故八變而地祇格黃鍾在子自子至申九數故九變而人鬼享此皆以奉元之聲召本位之神故感通之理速也或者乃謂自漢以來天地鬼神聞新聲習矣何必改作殊不知自人觀天地則由漢迄今誠千七百年矣自天

地觀人亦頃刻間耳自今正之猶可及也併進所著樂書二部
其一曰大成樂舞圖譜自琴瑟以下諸樂逐字作譜其一曰古
雅心訣列十二圖以象十二律圖各有說又以琴為正聲樂之
宗系凡 郊廟大樂分註琴絃定徽各有歸旨且自說心所獨
契斷輪之妙有非口所能言者疏下禮部議覆謂音律久廢即
今太常協律等官不過循習工尺等字譜不復知有黃鍾等調
臣等近奉詔演習新定 郊祀樂章聞舉古人遺制為闕茫無
以對今鶴奏謂四清聲所以為旋宮謂取琴聲不當按徽蓋以
深識近樂之弊至欲取欽天監知曆者以互相參考尤為探本
窮源之論似非目前司樂諸官所及 上乃授鶴太常寺寺丞
令詣太和殿校定樂舞鶴遂上言臣嘗聞周禮有郊祀之樂有
宗祀之樂尊親分殊聲律自別臣伏聽 世廟樂章律起林鍾

均殊 太廟臣竊異之蓋 世廟與 太廟同禮而林鍾與黃
鍾異樂函鍾主地祇也位寓坤方呈分井鬼樂奏八變以報資
生之功故用林鍾起調林鍾畢調也黃鍾主宗廟也位分子野
星隸虛危樂奏九成以報本源之德故用黃鍾起調黃鍾畢調
也理義各有歸旨聲數然相感通况天地者父母之象大君者
宗子之稱今以祀母之樂奏以祀子恐 世廟在天之靈必不
能安且享矣不知請是樂者何所見也臣觀舊譜樂章字用黃
鍾聲同 太廟但審聽七聲中少一律今更補正暫依奏禮則
祖孫一氣相為流通函黃二宮不失均調尊親之分兩得神人
之心齊悅矣乞勅禮部連改正之詔下禮部尚書李時等覆奏
曰竊所言與臣等所聞于律呂諸書者深有所合蓋黃鍾一調
以黃鍾為宮太簇為商姑洗為角蕤賓為變徵林鍾為徵南呂

為羽應鍾為變宮舊樂章用合用四用一用尺用工去蕤賓之
勻而越次用再生黃鍾之六此舊樂章之夫也若林鍾一調則
以林鍾為宮南呂為商應鍾為角大呂之半聲為變徵太簇之
半聲為徵姑洗之半聲為羽蕤賓之半聲為變宮通者沈居敬
更協樂章用尺用合用四用一用工用六夫合黃鍾也四太簇
之正聲也一姑洗之正聲也六黃鍾之子聲也以林鍾為宮而
所用為角徵羽者皆非其一均之聲則謬甚矣况林鍾一調不
宜用於宗廟而太廟與世廟不宜異調所見尤真自今
宜用舊協音律惟加以蕤賓勻聲去再生黃鍾之六改用應鍾
之凡以成黃鍾一均庶於我皇上感格之誠深有所補上
曰樂音即為更定勿誤廟享之用沈居敬筆令法司違問

大明世宗肅皇帝實錄卷之一百十七

明世宗肅皇帝實錄卷之一百十八

嘉靖九年十月丁巳朔時享

太廟 世廟 戊午木邦軍民宣慰使司宣慰使罕烈法遣陶
猛怕落等來朝貢方物給賞如例○己未禮部上進呈玉牒儀
注前期一日設玉牒案于奉天殿丹墀中設寶輿香亭于史館
前教坊司設中和韶樂設大樂如常儀是日早錦衣衛設鹵簿
駕修玉牒官具朝服捧玉牒置寶輿中 上御華蓋殿具皮弁
服鴻臚寺官導迎寶輿用鼓樂傘蓋修玉牒官掖隨由二橋行
至奉天門由左門入至丹墀案前捧玉牒置于案樂止寶輿香
亭退鴻臚寺官奉執事官行禮訖奏請陞殿導駕官前導樂作
上御奉天殿文武百官各具朝服侍班樂止鳴鞭修玉牒官
入班樂作鴻臚寺官贊鞠躬四拜興平身樂止贊進玉牒樂作

序班舉玉牒案由中道升班首官由左階升序班以玉牒案置
于殿中樂止班首官由殿東門入至案前贊跪修玉牒官皆跪
樂作贊俯伏興平身樂止班首官復位樂作贊鞠躬四拜興平
身樂止序班舉玉牒案置于殿內稍東進玉牒官退于東班侍
立文武百官入班行禮如常儀○禮部奏宮中應行事宜并授
女訓儀注一 聖諭教令翰林院採諸書闕女教者撰為詩言
進呈以備宮中誦咏合行翰林院作速撰造仍令明白易曉一
仁孝文皇后內訓 聖母章聖慈仁皇太后女訓合行翰林
院講讀官每月撰成直解各三章仍引經傳及 高皇后傳內
事實引證每章不得過百餘字以便女官記誦初六日 皇后
率妃夫人詣 聖母前聽講十六日二十日 皇后率妃夫
人于坤寧宮令女官進講仍起立拱聽講畢女官仍歌翰林院

新撰詩一章臣等又惟宮壺邃密前項講章陸續進呈或至悞
事况內訓女訓辭語有限講讀易盡合令內閣預先類編二訓
章旨令講讀官通撰直解總成一集進呈女官按期以次講解
一古禮絃歌周南召南之詩不用鐘磬乃房中之樂后夫人之
所誦誦以事其君子者宜令宮中女官將二南之詩被之管絃
以脩宮中宴樂亦去一應俗樂其于闡德宮儀尤有裨益授書
儀注一行欽天監選擇吉日前一日女官設 聖母寶座于宮
中設授女訓案于寶座傍是日清晨女官侍衛如常儀 皇后
具禮服女官引 皇后詣 聖母前贊四拜訖女官贊授訓案
案女官舉授女訓案于 御座前贊跪 皇后跪贊恭聽訓命
隨旨意訓諭 皇后聽訖記贊興贊四拜禮畢舉案女官舉案
皇后隨案還宮次日 皇后詣 聖母前謝恩○庚申陞福

建按察使朱榮為浙江左布政使山東按察司副使劉淑相為
四川按察使○辛酉太子太保兵部尚書李承勛以足疾乞休
不乞○給事中王希文言東廣地控夷邦而暹羅占城琉球爪
哇淳泥五國貢獻道經東莞我 祖宗立法未有定期冊有定
數比對符驗相同乃為伴送附搭貨物官給鈔貫載在 祖訓
可考也洪武間以其多帶行商險行詭詐絕不許貢至正德年
間佛郎機匿名混進流毒省城副使汪鋐併力驅逐僅乃絕之
今未諭數年撫按以折俸缺貨遂議開復 祖宗數年難沮之
虜幸爾折除守臣百戰克成之功一朝盡棄不無可惜即無論
為害地方但以堂堂天朝受此輕瀆之貢治之不武不治損威
無一可者也又雷廉珠池昔在 祖宗雖設官監守不過防民
爭奪而已正德年間逆豎用事傳奉採取流毒海濱我 皇上

御極即將珠池少監裁革海濱之民不勝忻幸今革者已沒採
者取盈驅無辜之民而蹈不測之險求不可必得之物而責以
難足之數非 聖政所宜疏下都察院覆請自今諸國進貢宜
令依期而至比對勘合驗放其番貨抽分交易如舊罷珠池監
守請以鎮守太監兼攝仍嚴禁民間不許借用珠飾得旨如議
行○壬戌大學士桂萼奏臣昨蒙發示 聖母章聖慈仁皇太
后御製女訓一冊臣拜觀詳味有以知天啓中興將再造宇宙
使聖賢繼出實胚胎于此矣臣聞之古者天子立六官以聽天
下之外治以明章男教后立六官以聽天下之內治以明章婦
順是故陽事不得通見于天日為之食天子素服而脩六官之
職蕩天下之陽事陰事不得通見于天月為之食則后素服而
脩六官之職蕩天下之陰事今治晉之官亦推步天度預逆日

月之食請令天下有司咸救護之然所謂蕩天下之陽事蕩天下之陰事者曾不知為何物蓋青史氏之記不行者數千百祀此賢人君子所以方之治古終不違也夫事有緩而實切言有要而近迨者 皇后修陰教以啓天下之賢聖是也伏望 陛下立行之務以表章我 聖母章聖慈仁皇太后御製女訓一書為事其推行之序臣切以為當自中宮始以達之天下其修之中宮者三事一胎教之儀謂妊子及月辰特為一空處之即今東宮官屬將二南詩古詩漁歌法將歷代女德興廢之事編成簡明說詞選收暇替婦女十有餘人以備輪奐且傳稱妊子之時必謹所處凡中宮圖書花草禽鳥一切寓日之物尤當一一揀擇一擇諸母詩母者慈母保母乳母也慈者知其嗜欲保者安其居處乳者以乳食子者也然必與其可者所謂可者乃

其質清性美體無癆穢與所生每事相宜者身一慎子師子師者于慈保乳諸母之中尤求其寬裕慈惠溫良恭敬慎而寡言者則動靜語默師法係焉所以尤當慎擇行之天下者三事一女訓之學禮部刊刻既成之後即當令兩京各府州縣各修官女學設廟奉先代女師之神傍有廊為習女工之所中一堂為聽教之堂有司選有行義父老掌其公解每歲十月間學十二月中止其大家有宗子之宮者其教法亦如之一教暇瞽瞍瞽之人善聽審音心不外慕善記善誦當以女訓一書教令誦解背誦亦令兼誦古詩及通今古典故亦量與俸給提學官歲考閱之一正妹氏臣按周禮有媒氏掌萬民之判合者其責甚重今流俗率以民間無行之人為之宜令兩京及在外各布政司府州縣痛加禁治特選貴家大族有家法之人充之凡女自七

歲以上入學習女訓者皆書其年月日名于簿付之收掌謂之
媒氏然後媒氏始正國有大嘉禮即按而取之此所以為謫天
下之陰事成天下之美俗至大至精至切者也自是太子生必
浮天下之聖女以為之配諸王以下之士大夫之家亦必皆有
士行之女為配矣流入 上嘉納其言令禮部看議以聞尋復
奏臣按司禮以冠嫁之禮親成男女必男及冠女及笄而後婚
氏始行禮焉我 太祖令男必十五以上女必十四以上而後
行禮嚴禁指腹結襟意至深遠近者士大夫之族鮮則古制亦
不復講求 祖宗之意男女方在襁褓苟且徇情先行聘禮至
成婚之後多以正配不宜自相戕賊宜申明 太祖之令勅天
下自後男不及十四五以上女不及十三四以上不許先期過
聘有不遵者媒氏及主婚之人以違制論若婚姻尚未完駁有

果係正配不宜者非其告官改聘則陰陽繫柳為之暢達此為
蕩天下之陰事俱下部議于是禮部覆奏等所陳胎教之儀諸
母之擇子師之慎所以為天下根本之慮為 聖子神孫修德
養身之助其關係甚大宜書之御屏或訓諸宮壺以為先事之
備其女訓之學矇瞽之教又所以推其教于天下者但恐聚女
子而教于一學恐有群居之憂宜令有司勸諭大家巨族務崇
陰教以敦女習其矇瞽之人不許記誦淫辭以蕪惑人心止許
記誦古詩二南國風及 聖母女訓等書以勸誘風俗嫁姻遵
祖制嚴禁指腹結襟之弊又必有司善體朝廷之意不勝民
傷財而可以陰助改化之成若不論地方所宜人情所歎一舉
取必則驅迫餘約必非婦人女子所便矣及交于風俗得旨卿
等再會翰林院逐條開議閱宮闈者宮中行閱在下者令其遵

行明悉具奏○少傅兼太子太傅吏部尚書張璠奏古者天子立后并建六宮三夫人九嬪二十七世婦八十一御妻所以廣儲嗣也伏惟 中宮皇后正位有年前星未耀嗣續未著臣願

皇上當此春秋鼎盛之年廣為儲嗣兆祥之計宜勅禮部舉慎選之典惟貞淑之求以充妃嬪以備侍御或當內教禮儀之行亦各得以相攝佐也疏入 上曰覽卿所奏具悉受誠切至竟朕大婚將十年元配又失嗣承久虛深用憂懼每塵 聖母之念禮部速擬應行事宜以聞于是禮部覆請遣本部官二員司禮監官二員前往直隸南京鳳陽等處選求得旨朕思此舉專為廣嗣續止遣司屬官四員以往勿得因而騷擾百姓以稱朕為 宗祀至意內官不必遣遂命禮部員外郎李瑜主事屠應竣王汝孝吳龍分往南北西直隸河南山東選取○南京

兵部主事林文華上言四事一省造缸以節財用南京各衛快
缸見在七百七十三隻江淮濟川馬缸之數稱是嘉靖七年以
前守備等衙門進貢缸歲七八百隻或千隻以故缸不敷用本
部議請歲造快缸四十隻計費銀六千兩蓋不得已為救弊之
計也今屢奉明例省併歲撥快缸不過二百隻計見在之缸可
撥五年其歲造快缸宜卽停省以節水費一嚴禁官缸附搭內
臣進貢止許半月以前行文南京兵部撥缸驗裝之後止許五
日以內起程如有無籍之徒主為旱缸前沽名色撥置招商何
搭人債者問發如例內臣知情受財一體叅究一禁軍官私役
額設馬缸夫甲隸在衛所食糧應役與營軍運軍相同凡指揮
千百戶官從古者宜與從古營軍運軍同罪一均汰各營馬匹
南京各營馬數多寡不一而罰治事例致有脫免今宜初南京

守備蔡贊衙門將四營馬匹均汰把總官所轄多不過千匹少不下五百匹管隊官所轄多不過百匹少不下五十匹其瘦損倒失各以分數受罪事下兵部議處可行但均汰馬匹遷難議處宜令南京兵部議奏從之○甲子以水災免滄州青州所屬利氏等鹽場本年分鹽課仍發貯庫贖罪米紙銀一千一百兩有奇賑濟貧丁○乙丑陞陝西布政使司右叅政范輅兩福建按察使○丁卯初巡按山西御史趙鐘與巡撫張翰爭禮生隙翰奏鐘狂稱不諳憲體軍馬錢糧皆巡撫之職而調遣出納鐘每事皆行攙越鐘亦奏翰坐視失機朦朧隱蔽及假以公事竊取餘銀諸不法事都察院以事情俱重必須覈狀明定然後可行處分 上是之命禮科給事中董道等核山西體勘是時翰先已奏旨辭任并令鐘回籍聽候○戊辰並察御史胡勅才以

父理任都御史奏當迴避吏部議請且謂科道無改翰林事例
改日耿裕許誥始上曰大臣子弟任科道官者以迴避改授
翰林皆近年陰厚私獎勅才准予在京別衙門相應職事改授
以從俱始此例行○己巳運太倉銀十萬兩于寧夏鎮備修邊
糧餉及緊急調兵支用○庚午南京兵部尚書王廷相言南京
龍江大勝新江口浦子口江淮五關內外守備各差官盤詰抽
分需索為害百端商旅甚苦之又承委江淮浦子口內臣四員
歲支廩給銀一百四十四兩又每年春秋二季差官于安慶九
江等處點閱官軍作威納賄無所不至深為擾害并宜禁革兵
部覆議從之○辛未初上以更定郊制欲纂輯成書以垂永
久諭大學士張璁命與禮部尚書李時議定體例璁等議錄禮
文規制器數勅誥為書不必雜以臣下之奏上謂此事廷議

再三若不書臣下議論無以示將來今當分作三冊首卷載神位禮器壇制祝辭樂舞儀注之類中卷至終卷儀書勅諭詔令大小官員會章自甄告成并各王之奏始末畢書然後可以昭示于後名曰祀儀成典書成朕當親序之作勅俟十月吉行至是乃降勅曰朕惟祭祀國之大事矧今郊祀已遵漢制皇祖初制其中事宜不可無記以垂將來今大工告竣祀期在邇茲先降勅特命知建造事總督工程官卿欽同知建造事督視規制官卿時監視巡察工程官卿銜為監修官知建造事總督工程官卿璉為總裁官內閣輔臣大學士卿萬卿鸞為副總裁官首倡正議監視巡察工程官吏科都給事中夏言陞翰林院侍讀學士仍兼吏科都給事中不妨照舊掌科事及中兄廖道南編修張袞徐階程文德為纂修官卿勛暨卿璉等官各彈忠

蓋精思力究，遵朕諭卿摠凡例條目纂輯成書，名曰祀儀成
典，務要明白正大，以稱朕法祖敬天禮神至意，予以為萬
世法程，守而勿替。昔斯為卿等竭忠致力之道，凡勅中未載應
行并朕前諭卿摠條目逐一開具奏請，區處欵等其欵數欵。
○先是翰林院學士顧鼎臣為春坊論德時條上錢糧積弊四
事，一暫議差官綜理，釐革錢糧積弊，必專官綜理，方克有濟。往
歲修舉東南水利，有工部郎中今陞撫州府知府林文沛奉命
贊理，致有成效。乞勅吏部將文沛量加憲職，遵奉詔旨，清查蘇
松錢糧，假以歲月，責其成功。庶乎革弊專一，國計有補。一查理
田糧，舊額請令撫按并議，差前項官負督委，各該州縣正官于
農隙之時，責令各為里甲田甲業戶，公同將下管輕重田地塗
蕩照洪武正統年間魚鱗風旗式樣，攢造總撤圖本，細開原額

田糧字封則號條段堪為成熟步口數日府州縣官重複查勘的確分別界址沿丘履畝檢踏丈量中呈上司應同望者開墾應改正者改正應除豁者除豁田數既明然後刊刻成書收貯官庫印行給散各圖永為稽察仍斟酌前巡撫周忱王恕簡便可行事例立為定規將每年實徵起運存留加耗本色折色并度補暫徵帶徵停徵等項數目會計已定明刻榜文張掛城市鄉村通行曉諭庶吏書不得售其奸欺小民免包陪科擾之患一確做歲辦錢糧成化弘治已前里甲催徵糧戶上納糧長收解州縣官監收糧長不敢多收斛而糧戶不敢悖和水穀糠粃兌糧官軍不敢刁難多索公私兩便迨近年有司不行比較經催里甲必糧人戶乃將糧長立限杖併願令下鄉追徵豪強者則大料倍收多方索取所至雖犬為空寡弱者被勢家拖延刁頑

欺賴未免變產賠納至或舊後侵欠責償新倉一人適負株連親屬每年無辜死于監禁筮楚者幾百人矣且往時每區糧長不過正副二名近年多至十名以上其實收學官糧之數少而科歛打點使用年例之數多州縣一年之間輒被中人百家之產地方之害莫大于此宜令戶部議定事例轉行所司今後審編糧長務遵舊規如州縣官多倉糧長縱容下鄉收糧及不委里甲催辦輒酷刑限比糧長者各問應得重罪致死人命數多者以故助論一查核預備倉糧成化弘治間每年盤併存留餘米于預備倉以賑饑荒或于春夏給散下戶秋成抵斗還官新陳相因緩急有備近年秋糧僅足完運預備倉糧顆粒無存一遇災傷賑發輒奏留別項錢糧勒借該竇大戶以應故事枵腹菜色之民未沾一哺而貪官乘機侵盜筐篋已盈誠可哀痛請

令戶部轉行撫按官今後每年存留餘米務要差官查盤完足
收貯不時稽考以為賑發補助之用其奉詔設法處置上許將
在官無礙錢糧并贖罪折紙銀兩報買不得乘機生事科歛門
攤架稅肆行騷擾坑下戶部覆稱所陳俱切時弊詔行撫按衙
門督屬舉行至是且四年矣鼎臣從上疏言今天下稅糧軍國
經費大半出于東南蘇松常鎮杭嘉湖諸府各年起運存留不
下百萬而糧長書手奸胥豪右通同作弊影射侵分每年亦不
下十餘萬臣以生長地方日擊弊蠹故視縷具奏仰荷 聖明
允行而所司東之高閭漫不為理殊負 陛下惠養元元勵精
政理之意乞勅令巡撫都御史毛思義督所司加意舉行嚴限
期日將檢踏清查坵荒田糧的確數目并改正各項欺隱情弊
具以籍報毋仍蹈故轍遷延慢令 上乃申詔巡撫官斟酌處

置從實舉行○致仕兵部尚書兼都察院右都御史伍文定卒
文定湖廣松滋縣人弘治二年進士初授常州府推官以事忤
遂瑾已陞成都府同知迨逮詔獄為民瑾誅補嘉興府同知平
桃源賊有功都御史陶瑛以異材薦于朝陞河南府知府時江
西吉安多盜乃調吉安至即捕永豐巨寇賴柏壽等四百餘人
平桶岡峯賊二千餘人得梁魁謝志山等寔濠及詐稱奉 太
后睿旨移檄遠近人心惶急文定曰此賊也即同都御史王守
仁倡義討之提兵攻南昌濠舟師還救迎戰于王家渡文定立
矢在中野戰砲火燄其鬣不為勦濠遂就擒陞江西按察使都
察院左副御史提督操江文之以疾致仕尋起為兵部左侍
郎陞都察院右都御史屬雲南有安鳳之亂陞兵部尚書兼右
都御史提督雲貴川湖軍務未入境賊平時芒部屢不靖文定

欲棄兵力剿之以伸威百蠻乃四川按臣戴全力言其非上
遂降旨罷兵召文定還督團營文定因乞休許之至是卒詔賜
奠祭如例文定孤忠自信遇事敢為而不能與時為俯仰故功
名甚著乃以齟齬終其身為志士所深惜云○新製 圓丘祭
器成 上親視于文華殿召輔臣魏同視○禮部上大祀 圓
丘儀注一前期十日太常寺題請視牲次請命大臣三負耆牲
四負分獻一前期五日錦衣衛備隨朝駕 上詣犧牲所視牲
其前一日 上常服告于 廟一前期四日 上御奉天殿太
常寺奏祭祀進銅人如常儀本寺博士捧告詣 太祖祀版于
文華殿候 上親填御名訖捧出一前期三日 上具祭服以
脯醢酒果詣 太廟請 太祖配 帝還易服御奉天殿百官
具朝服聽受誓戒一前期二日太常卿同光祿卿奏省牲如常

儀中九北羊三豕三鹿一兔六是日錦衣衛具神輿香亭太
常官具玉帛匣及香盆各設于奉天殿次日上至奉天殿親
填祝版版以青楷硃書之置玉帛于臣太常卿捧安輿內上
三上香行一拜三叩頭禮畢錦衣衛官校解至天壇太常卿
奉安于神庫一前期一日免朝錦衣衛備法駕設板輿于奉天
門下正中上常服告于廟出乘輿詣南郊由西天門入
至昭亨門外降輿禮部太常官導上由左門入至內壙太常
卿導上至圓丘恭視壇位次至神庫視籩豆至神廚視牲
畢仍由左門出陞輿至齋宮分獻陪祀官叩頭如常儀祭之日
三鼓上自齋宮乘輿至外壙外神路之西降輿導引官導
上至神路東次禮部同太常寺捧神位官護命訖退百官
排班于神路之東西以候上具祭服出導引官導上由左

聖星門入內贊對引官導 上行至內殿典儀唱樂舞生就位
執事官各司其事 上至御拜位內贊奏就位 上就位典儀
唱燭紫唱迎 帝神樂作內贊奏陞壇導 上至 上帝金爐
前奏跪拈香司香官捧香跪進于 上左內贊奏上香 上三
上香訖奏出主導至 太祖金爐前儀同奏復位 上復位樂
止內贊奏四拜 傳贊百官同 典儀唱奠玉帛樂作內贊奏詣
神御前導 上至 神御前奏拈玉帛官以玉帛跪進于
上右 上受玉帛內贊奏獻玉帛 上奠訖奏出主導至
太祖前奏拈香奏獻帛奏出主奏復位 上復位樂止典儀唱
進俎樂作齋即解俎女訖內贊奏詣 神御前導 上至神御
前奏拈香奏進俎奏出主導至 太祖前 儀同 奏復位 上復
位樂止典儀唱行初獻禮樂作內贊奏詣 神御前導 上至

神御前奏指圭捧爵官以爵跪進于上右 上受爵內贊奏

獻爵 上獻訖奏出圭奏詣讀祝位奠 上至讀祝位奏跪傳

贊爵官皆跪

樂暫止內贊奏讀祝讀祝官跪讀畢樂復作奏俯

伏興平身傳贊百官同讀祝官跪進祀版 上捧至御案筐內

安訖內贊奠至 太祖前奏指圭捧爵官以爵跪進于上右

上受爵奏獻爵 上獻訖奏出圭奏復位 上復位樂止典

儀唱行亞獻禮樂作

儀同初獻惟不讀祝

奏復位樂止典儀唱

行終獻禮樂作

儀同亞獻

奏復位樂止太常卿進立于壇之二

成東向唱賜福祚內贊奏詣飲福位奠 上至飲福位光祿卿

捧福酒跪進于上左內贊奏跪奏指圭奏飲福酒 上飲訖

光祿卿捧福祚跪進于上左內贊受奏作 上受訖奏出圭

俯伏興平身奏復位 上復位奏四拜傳贊百官同典儀唱徹

饌樂作執事官徹饌訖樂止典儀唱送帝神樂作內贊奏四

拜傳贊百官同

樂止典儀唱讀祝官捧祝進帛官捧帛掌祭官

捧銀各恭詣泰壇上退立于軒位之東典儀唱望燎樂作內

贊奏詣望燎位內贊對引官導上至望燎位燎半內贊奏禮

畢樂止內贊對引官導上至大次易服禮部太常官奉神

位安于皇穹宇上還齋官少憩駕還詣廟恭軒畢回

宮一分獻官儀注上行初獻禮讀祝訖奏俯伏興平身贊引

分獻官由東西陞詣各神位者案前贊跪贊播笏贊上香獻

帛贊獻爵贊出笏贊進位臣終獻儀同惟不上香獻帛至典儀

唱望燎各分詣燎壇前燎畢贊禮畢詔如擬○壬申貴州宣慰

使安萬銓宋儲遣舍把安儒宋繪等進馬來賀

萬壽聖節栢林等族番人刺的肖等來朝貢馬及方物各給賞

如例○癸酉陞南京太僕寺少卿陳達為大理寺右少卿○新
製園丘龍林御祭成上親視于文華殿仍召輔臣總同視
視畢進總至後殿溫諭至再復出奉札示總即令祁寒之候
工從恐衆園丘大工想已告完宜令併力備造朝日壇工程
十一月朔始可暫止方丘夕月壇二工特正月十六日即復
舉行計至五月可成令工惟令于申前辰後辦料卿可思慮損
朕體天恤民之意○監察御史熊榮請修天下神廟祀典所
載者上曰應祀神廟令有司修理但近年以來奸民阿奉鎮
巡司府州縣等官不問賢否豎立祠堂去思碑亭并私創菴院
淫祠其令巡按御史逐一查毀即以所費償為修理神廟費不
得更為科擾○南京兵科給事中秦鰲上言南京內外守備三
獎一後托二後占三威靈并切魏國公徐鵬舉太監賴義姦剝

不法事 上以鵬舉熹成大臣姑宥之戒令改過自新義罷回
京餘皆如議○陞都察院右都御史汪鑑為兵部尚書仍兼右
都御史提督團營軍務○命都督俞事卜雲充左副總兵協守
甘州地方○甲戌 誠孝昭皇后忌辰遣英國公張崙祭 獻
陵○陞都指揮同知楊祐為分守肅州右叅將○刑部審錄重
囚且以霜降在通請行刑 上曰命德討罪皆人君奉 天以
行刑賞但今歲首舉大典各犯俱暫先行刑照舊監候○乙亥
命翰林院侍讀學士兼吏科都給事中夏言充經筵日講官○
令各王府將軍中尉夫人淑人恭人宜人安人郡縣主君鄉君
及儀賓冠服儀仗自嘉靖六年正月授封為始俱于本布政司
支價自行造辦○戊寅戶部議大學士桂萼所奏任民考曰清
國曰清籍曰攢造曰軍匠開戶曰新增田地曰寺觀田土曰編

審極投請 上裁得旨新增田地寺觀田土編審徭役如議餘
已之以免紛擾○庚辰以災傷免遼東各衛所屯糧有差○以
大同前衛署都指揮僉事趙鎮兩副總兵官分守保定地方○
命平江伯陳圭都指揮王鈺各坐管操圭神機鈺楊威○甲
申總制三邊尚書王瓊奏臣先議于寧夏花馬池延綏定邊相
接地方挑挖壕塹防護鹽池以通鹽利今已備完六十餘里真
如天險可資保障宜于花馬池西北至橫城堡通計一百六十
里盡為挑挖庶無空隙軍下兵部議其策甚善 上曰挑挖壕
塹事宜誠防邊至計瓊尚悉心督理務收全功以副朕托

明世宗肅皇帝實錄卷之一百十八

明世宗肅皇帝實錄卷之一百十九

嘉靖九年十一月丁亥朔先是 上諭大學士張璠等曰朝著
重地華夷畢會之所我 皇祖時內閣錦衣衛官侍立於座之
東西蓋在陛上也此可遵後朕惟王言不為不重羣臣四夷瞻
奉在此凡領勅者欲令翰林官一人捧侍內閣官後候承旨授
與領勅官曰本班之次卿等即曾禮官議聞於是禮部尚書李
時與璠等議以常朝畢內閣官於東陛錦衣衛官於西陛各以
次升立於寶座之東西錦衣衛官在司禮監官之南捧勅用翰
林官日輪一員立於內閣官後候承旨由左陛下至御道授與
領勅官曰至本班之次詔可璠等尋具疏謝 上曰此 皇祖
文皇帝之制內閣臣職首文班位居輔弼所宜近侍衛官侍之
座傍乃便於承旨豈得無謂亦豈朕之已意覽陳謝足見祇慎

○命廣寧伯劉泰從督滬江○瑞昌王府奉國將軍洪福奏臣
聞古聖王之治天下勤學以基之務本以先之敬天以保之三
者而已 皇上嗣登大寶以來日進講官講論經史退御使發
手不釋卷躬耕御印以勸農 皇后親蠶北郊以勸桑五 天
地分祀之禮建立春祈穀之典朝日夕月各致其敬至於欽明
大獄有典寒暑恤民有詔所以勸學務本敬天者至矣然而臣
下之仰承德教者未盡臣願 皇上推好學不倦之心則為宗
室擇教授之官令其講論答沃過失必諫諫而不從許奏聞切
責若學校育材論秀之法則必先德行後文藝其未成材者立
小學以儲養之雜躬耕蠶之心則詔宗室各設壇塲通行耕
田蠶織之禮百司之行計陌南計者敏查復桑園植桑教蠶凡
有做稅務重本抑末成農觀耕推敬天勤民之心則詔天下有

司凡當祀之神必治壇壝潔饗盛豐犧牲蕭饗儀至於用刑尤
宜加恤菲可冷疑必肆赦宥則 皇上勤學務本敬天恤民之
德可以及于無窮章下所司祇獲惟宗室三壇場行耕藉禮報
罷除俱允行○戊子 上詣南郊恭祝 園立○巡按直隸監
祭御史周澤琬陳議歲策應兵馬行糧及邊操倉餘月糧謂邊
關有警諸營策應須本軍備解乾糶草束然後啓行往往遲延
不無借費糜事自今師行百里及雖不百里相持信宿未決者
宜仍准給行糧芻豆若非調遣應援之兵不得一槩記丈人軍
倉除了往邊戍守名爲邊操者月給糧三斗自京秦以來皆然
今俱停革臣謂既用其力於邊操則與正軍畫戍無異宜復給
之戶部議覆謂官軍必調遣百里之外倉餘必選出操練者方
支行糧口僅比令中也請行各巡撫都御史如有聲息調兵東

應至百里外者遠應夫日問及地方又近又問赴管僅官問夫
原給身立事畢則已仍以其數報撫俾其合餘芝操夫僅事宜
令填地等官會議以聞從之○刑部奏上天碎囚有同者十六
人法當再問樂工張仁欽天監冠帶天文生馬能與而仁坐與
逆濠通能以屬利博士降用主臨僻使賊冒舊銜者 上謂仁
逆伏甚着不得緩死命與能俱照舊候天除准再問因詰部臣
徇私壞法均責而賞之○御史詹寬言每歲臨刑之日囚之家
屬皆訴致狀該科速接封進先令校封此手親至法場留人必
至日森更深而懸決應留得旨方定非惟無以激衆抑恐易以
主務請先期三日令囚家奏進致狀候奉欽定應決人數于後
即便行刑本日雖有致狀不許便奏章下刑部覆如其言詔著
為令○己丑兵部給事中王幾除陳二事一體悉守令言今之

守令趨迎半屬請定其禮際凡跪拜供饋之節一遵憲綱不得
為非禮之恭知府知州知縣或免其朝覲或免其考滿抑或朝
覲不充而考滿上於本省三年考稱有撫按官保舉者宜即與
恩典如以賢能被留者一體賜給一教食生員言令之學校文
詞日盛德行風微清來令頒初沙汰之後責令各學教官定為
考證注於三等專從學廩所註卷之文字必素有德行者方許
應舉充貢如教官徇私則違初諭行罰仍將考優者登記牒付
布政司三年大比公同審取歲貢亦然及貢舉赴部書入公據
咨送禮部轉行吏部以滿後日選官之優夫主貢無行者既不
可監卷于學又不得俸進于朝將士冒玉變而真才輩出矣章
下所司○辛卯禮部奉旨采送淑女於京城內外得一千二百
五十八人請行次天監擇日送赴諸王館命司禮監官或皇親

夫人二三人先行送擇然後引見 聖母得旨令禮部送赴館
俟內夫人女官送畢引詣 聖母前捧用者為令○御史陸琳
劾奏太常寺卿陳建疏奏祭化咳嗽夫儀 上曰直疏奏事雖
間有軟筆非故慢不敢者不必究定案旨禁爾朝儀廷臣多故
遂吐唾者侍班御史却毋徇私不舉且如錢如京來見二次致
辭脫卷字樣俱是違夫不行斗奏自今有如此者直日序班通
行糾舉不得畏避○慶陽伯夏臣俊寄奉侯玉田伯例乞為其
人墓蓋造享堂碑亭許之○祭已物 上因祭祀儀成與諭大
學士次媳凡雲雨風雷之祀以及先聖先師祀典俱當以叔纂
入禮因奏言雲雷等祀及社稷祀位俱蒙 聖明更正但先聖
先師祀典尚有當更正者叔梁紇乃孔子之父顏路曾皆孔鯉
乃顏曾子思之父三子配享孔子于廟庭而叔梁紇及諸父從

祀兩廡原聖賢之心豈安于是所當亟正臣請于大成殿後另
立一堂祀叔梁紇而以顏路曾哲孔鯉配之請行禮部改正纂
入祀典上以為然因與聖人尊天與尊親同今邊豆十二牲
用牲全用祀天儀亦非正禮其諡號章旌悉宜改正卿宜加體
孔子之心為朕詳之璉遂奏言孔子祀典自喜來以來凋亂至
今未有能正之者今宜稱先聖先師而不稱王祀字宜稱廟而
不稱殿祀宜用本主其塑像宜毀撤遷立用十樂用六佾叔梁
紇宜別廟以祀以三氏配公侯伯之號宜削只稱先賢先儒其
從祀中黨公伯寮秦冉顏何荀況戴聖劉向賈逵馬融何休王
肅杜預吳澄宜罷祀林放蘧援盧植鄭玄服虔范滂宜各祀于
其鄉后蒼王通歐陽修胡瑗蘇元定宜增入上命禮部會翰
林諸臣議編修徐階疏陳不可上怒論階構建退平府推官

乃御製正孔子祀典說示禮部云朕惟孔子之道王者之道也
德王者之德也功王者之功也尊王者之尊也特其位非王者
之位焉昨輔臣張璠再疏請正其祀疏章振等事乞令禮官集
翰林諸臣議正外惟稱說與章振二事所關者重亦關於朕者
不得不為言之孔子當國家衰時知其不能行王者之道乃切
切以王道望於魯衛二國二國之召竟不能行孔子之道孔子
既逝後世至喜玄宗乃薦謚曰文宣加以王號至元又益謚為
大成夫孔子之於當時諸侯自階者削而誅之故曰孔子作春
秋而亂臣賊子懼王既如是其死乃不體聖人之心漫加其號
是何心哉 聖祖當首定天下之持命天下崇祀孔子于
學不許祀于釋老宮又除去望象止令設主樂舞用六佾邊豆
以十可謂尊崇孔子極其至矣無以加矣特存塑像蓋不忍毀

之也又生我皇祖考用禮官之議增樂舞用八佾蓮豆用十二牲用積而上做乎事天之禮器無忘焉夫孔子設或在今肯安享之乎肯不觀魯僭王之禮寧肯自僭祀天之禮乎果能體聖人之心決當正之也至於稱王賊害聖人之甚夫王者以有是德宜居是位堯舜是也無是德而居是位皆亂世之君如桀紂幽厲是也若至於後世之為君而居王者之位者其德于孔子或二三肖之十百肖之未有能與之齊也由是觀之王者之名非所以重稱孔子也至於章服之加因其位耳孔子昔日名不正則言不順言不順則事不成何其不幸身遭之哉夫既以王者之名而橫加於孔子故使顏回曾參孔伋以子而並配于堂上顏路曾皙孔鯉以父而從列於下安有子坐堂上而父從食於下乎此所謂名不正者而今也不可滋末世之非道除侍

該部某議施行外茲朕不得不辭亦不得不為輔臣辭也為
名分也為義理也若朕所正者亦如是所以防閑於萬世之下
也或或有謂朕以位而凌先師實非原心之者是為說已使為
正孔子化典申此供令禮部送史館總復為正孔廟祀典或問
奏之 上嘉其論議詳正併下禮部令速集議以聞○詔太醫
院官診驗各稱疾不赴朝叅官員有無推詐倚由彰武伯楊賢
不朝二年矣至是覆驗無實詔奪祿四月○兵科都給事中張
潤身等言舊例各衛百戶不與考選以其位卑而權輕也然位
雖卑而與軍實親權雖輕而所任最久惟其考選不反以致動
懲度如給慈白肆宜同千戶以上官一體考選有犯罪問革者
不得管軍管事兵部覆請從之百戶之與考選自此始○甲午
兵部左侍郎邴泰大祐以被劾待勘日久乞回籍聽候不允令所

司運勛具奏○乙未翰林院侍讀學士無史料都給中夏言奏
昨兩奉 聖制宣付史館所論更正孔子祀典臣仰見 陛下
以聖人之心推聖人之心辨折詳明考究精當宸章金晝日星
燦然使人皆聖賢其心則何復可議正錄人心不古天理難明
數日以來羣議沸騰以臣愚忠乞 陛下齋心靜慮一愈恬順
以致稽理之實勿以此事煩雜清明勿以人言非阻和豫尚願
祀 天之後肯矣賜赦羣而息澤使大化旁流溥暨宣暢庶慰
天下之望其孔子祀典暫假時日少緩訂議俟爾郊大事已行
人心日定宛為次第日當有漸 上覽奏曰朕遵行天報重典
敢不徐慮疑誠孔子祀典之議亦所以尊 天也朕為大君豈
喋喋為事持怒亦入人情縱慾逞逆肆意徇私背理甚非人為
爾既知人心不古天理難明堂堅持定志盡去人慾勿謂暫止

侍之無始終小大不失○古人奉冢宰之位不宜久蓋今事多
妨問入懷說觀踪跡可鄙矧却禮任通宜備三公六官以相祀
事亦足以將 陛下率見穹昊之誠伏乞遴選公忠以副厥任
或出持恩或聽達臣薦務在得人以端百官具瞻以慰天下
想望 上報聞 十三道御史黎賁等言臣等伏覩 御製正
孔子祀典訖謂孔子迫王者之道也德王者之德也事功王者
之事功也特以其位非王也而疑其僭臣等伏思之莫尊於
天地亦莫尊於父師 陛下舉行敬 天尊 親之禮可謂極
盛無以加矣至於孔子則疑其王號為僭而欲去之昔太王王
季未嘗王也周公成文武之德追而王之天下未嘗以為僭我
聖祖登極之初即進尊 德祖 懿祖 熙祖 仁祖為皇
帝是亦周公推本之意而不以位論也至於臣子有大勲勞如

魏國公徐建等身沒之後進爵為王亦或追封及其祖考是皆
王未有王號沒而追封之也 聖祖初正祀典天下蕝漬諸神
皆去其號惟先師孔子如故良有深意存焉 陛下又疑孔子
之祀上擬事 天之禮夫孔子之不可及也猶天之不可階而
升雖擬諸天似不為過况實未嘗擬諸天也今必欲去王號以
陞尊崇之實成違且樂舞以別郊祀之禮竊恐禮儀之未便情
意之未安也何也有上號而後享王祀而王祀而後居王居三
者備矣而後守祀之人得以實行聖公之封而傳之世世今日
先師孔子而已則如漢毛公伏生之流如此非惟八佾十二筵
豆為僭而六佾十豆亦僭天不惟像設當設而使屋重簷亦
當設矣天下止稱曰先師而不曰王闕里之祭則當何稱曰顯
祖魯司寇可乎顯祖不王而世嫡可封公乎臣等又致唐開元

中封孔子爲文宣王彼衣衣冕樂用宮縣是唐已用天子禮樂矣宋真宗嘗欲封孔子爲帝或言門止稱王不當加以帝號羅從彥論曰唐既封先聖而王襲其舊號可也加之帝號而襲崇之亦可也是言宜隆不宜殺也洪適乞以兩兵代爾戶范仲淹曰此例廷宗奉先師美事仁義可息則此人孰可減當時朝論遂已同款順謂爲世無窮王祀夫子邵雍謂仲尼以萬世爲上我朝祭酒周共謨亦謂夏商周之稱王猶唐虞之稱帝謂孔子周人當用周制止稱王可也謂天子居位不當稱帝非崇德報功之意此皆前人成論其弊孔子不當稱王者止吳況一人而已伏望博采筆言務求至當上不夫 聖祖之初意下不致天下之驚疑中不致禮意之軒輊斯傳之萬世無弊書之史冊有光矣 上曰貴等意謂朕何等君也追尋 皇考而爲皇帝號

孔子豈天不可本意如此乃以太祖追尊四代爲言奸巧
慈逆甚矣君父有無師之道師決不可擬君父之名孔子本臣
於司與太公望無其所傳之道本威農之傳但預大明之耳否
則不必言但述堯舜朕此舉與輔臣之建議非上下雷同實正
紀綱之大貫等設議若上法司其會官選問以聞於是都御史
王竑言言官論事每挾詐以率衆挾衆以陵人曰此天下公議
也不知其始倡之者一人也貫等建名共疏妄議化典彼但知
稱王爲尊孔子不知諸侯王不足以為尊適足以爲瀆耳今稱
曰先聖先師則祝王之說固加尊數等夫曰先聖先師皇上
幸太學拜之可也若曰王則豈有大子而可以拜王者哉春秋
之法罪首惡宜究問倡議之人明正其罪仍勅南北糾直官自
今建言毋得惑衆欺罔上以竑言爲然已而刑部尚書許讚

予嘗訊言芻蕘率倡言引喻夫畜豕贖伏遂職 上曰祀典
改正實出朕尊師重道之意祭貫乃妄引追崇之典猶存此毀
大禮之尚料衆著石肆意秦漢僥職爲民已禮科部給事中王
汝梅等亦上疏極言孔子祀典不宜去王疏以吳況夏庚丘春
之言爲非又言國學塑像 太宗嘗令正其衣冠不如古制者
我朝 列祖瞻祀而拜之百有三十餘年孔子精爽在天之靈
依附血食敬推舊矣普天率土像設巍巍殆有千處一旦毀撤
而易以木主寧不悞人之聽聞哉臣等伏見 陛下勵精圖治
親蒞郊祀女訓敦事皆希周盛典一歲舉行勅書傳佈不知凡
幾而諸臣奏疏該部題請殆數百餘道悉自 聖裁至于郊祀
一事尤加經畫儀文度數皆任精微一念敬天之篤無以加焉
萬幾之外復留伸致禮已不勝勞瘁今人工未成而又及此竊

恐主事之怠望風紛起今日獻一議以為某禮當復國家目茲多半 聖心焦思亦無寧日 陛下
下一身天下臣民之主今前星未耀凡在臣子計日望之苟有
忠蓋不宜日事紛更致勞 聖慮况我 祖宗成法 列聖世
守百六十餘年於茲矣總使少不如古循而行之亦不為過臣
等願 陛下順養天和未諉安靜之福毋為多事之臣所惑擾
也疏入 上斥其逆論令錄前說記示之○丙申 上諭禮部
曰南郊之東壇名 天壇北郊之壇名 地壇東郊之壇名朝
日壇西郊之壇名夕月壇南郊之西壇名神祇壇著載會典勿
得混稱○丁酉 上諭曰常曰大祀分獻官預定方可習儀
宜命劾勞工折并建議者充之太常以諸臣名上 上遂用大
學士張璠於大明壇武定侯郭勛於夜明壇尚書李時於星辰

壇侍讀學士夏言於風雲雷雨壇以恭祝 帝壇又入報祝
柱給擺隊官軍衣鞋銀八七錢以通惠河成令修河右通政
可棟及驗給陸喬琨兩祭行陳播司京列用以其事屬收倉主
事主糧負外頌之 戶部言知府吳仲奏欲般運通州倉糧御
史戴士奏欲免般運惟隨宜令軍士預行充支以制盈縮但通
州密邇京師城郭完固加以五衛官兵軍民安堵般運之說平
雜議行其瑞船交充寶山漕運稽遲隨時酌度亦難為例乞行
提督官仍如舊例京通二倉收放萬一河道淺阻糧船不能前
進恐候來年大運聽漕運官編特奏請定奪不得觀望希圖允
文以虧國計詔可○兵部覆提督巡捕右都督桂勇所條興革
事宜一官軍有巡邏嚴密地方無盜者雖無擒斬功次五年亦
查數具奏行賞一官軍年老衰弱混雜宜聽本官同該部委官

審驗更代一巡捕官有畏避操練役充者宜革逐原營別簡僉
以充任使一凡把總員缺聽於巡捕委官內選年深勤能者推
用不許各指揮貢緣請託詔如議○戊戌 上以將詣 園丘
預命兵部是日止用軍士數隊清道不必如故事尚書李承勳
等言 皇上念禁旅之觸寒免其侍衛推赤心以待下無事周
防至仁至明茂以加矣臣聞環衛之士國之爪牙今 聖主躬
出在郊而六軍即安於室揆之于義實所未安且安不忘危聖
人至戒警蹕而後出嚴辨而後行非過為天師也天地神人之
主不可以不重義之當然也臣等職司兵政分當教士以忠而
率之以義以杜驕惰之漸敢固以請 上納之○陞順天府府
丞黃鍾為南京光祿寺卿○巡按直隸監察御史俞稷奏江洋
巨寇有駕義船携妻子裝資與商艘為伍而行劫者其機隱而

福深直令操工巡視官於安慶蕪湖上下盤詰之及崇丈受賄
縱送詐害平民者又沿江郡邑多畝留流移之民致主奸盜清
命所司凡有產業者附籍無產業者省令回鄉違者重罪之戶
兵二部如擬奏獲 上報可○已亥南京河南道御史張寅劾
南京禮部侍郎黃楫違法不職十事楫疏辭消寅挾私詔俱下
南京所司令覈實以聞已南京部院奏二臣所許皆無據詔置
不問○命襄城伯李全禮南寧伯毛良俱僉書後軍都督府事
○御史郭弘化奏天下田土視國初舊額減半乞通行清丈及
查數戶口以杜包庇無弁之弊因條清查丈量十四事詔下戶
部會官詳議尚書某等言欲通量天下土田恐致驚擾若官
得其人而查理有方則不必丈量而弊源可究其所條十四事
內如查處奏討勘實荒塌均舊編限優免定徵收重責成六事

與律令及部例合可行仍令撫按督管同官整革諸弊政其積弊而同籍難稽者斟酌開行丈量經界既明緣此會審丁糧均審里中糧差永為遵守諸飛詭為奸利者許自首免罪奏上詔清理事依擬行其餘已之免致紛擾○點山東盛城縣和縣未鵬為民通政司叅議劉曰乾光祿寺少卿葉廷芳開任停通政使張璜左通政陳經左叅議劉繼德俸五月初鵬在縣與客郭飲醉歸德府典仗郭大道乘衣途行遇其前呵不避鵬怒逮至酷拷之德王祐榕以聞詔逮鵬下法司問鵬隱情具奏卓使其家人赴京鳴廷芳曰乾剛膽上之廷芳其相曰乾其御人也其疏後注六月二十五日而通政司不行政正即於其明日封進有詔以日期詰所司因得廷芳等增改代書狀迺并逮廷芳曰乾鞠治之刑部擬鵬罪宜降級廷芳曰乾罪宜贖選職璜等罰

右 上以鵬等律輕情重過俱從熟奪云○庚子吏部左侍郎
董北以父喪守制疏乞其父祭葬許之仍給贍以歸○巡撫山
西都御史張翰以事聽勘疏請不候交代以避熟許之○辛丑
禮部會同內閣詹事府翰林院議上更正孔子祀典一謚號人
以聖人為至聖人以孔子為至宋真宗稱孔子為至聖其義已
備今宜令兩京國子監及天下學校於孔子神位宜稱至聖先
師孔子神位其王號及大成文宣之稱一切不用廟宇亦止稱
廟不宜稱殿其四配稱復聖顏子宗聖曾子述聖子思亞聖孟
子十哲以下凡父門弟子皆稱先賢某子左丘明以下皆稱先
儒某子凡一切公侯伯不宜復稱以混成周一代封爵之制一
章服孔子章服之加起於塑像之瀆亂也今宜欽遵我 聖祖
自定南京國子監規制製木以為神主仍擬定大小尺寸看為

定式其塑像國子監貢奉祭酒等官學校貢令提學等官即令
屏撤勿得存留使先師先賢之神不復依土木之妖以別釋氏
之教一樂舞筵豆每遇春秋祭祀遵照國初舊制用十筵十豆
天下府州縣八筵八豆其樂舞止用六佾以別郊廟之祭一配
享父子大倫不容紊亂宜命兩京國子監及天下學校別立一
祠中祀叔梁紇題稱啓聖公孔氏神位以無繇曾點孔鯉孟孫
氏配俱稱先賢某氏一從祀孔廟從祀之賢萬世瞻仰所係誠
重不可不考其得失以清祀典中黨却中振位號宜一公伯寮
秦冉顏何荀况戴聖劉向賈逵馬融何休王肅杜預吳澄宜罷
祀林放遽瑗盧植鄭玄服虔范滂宜各祀於其鄉后蒼王通歐
陽修胡瑗宜增入從祀既入得旨俱准議行其塑像之續育同
釋氏茂教所宜亟行屏除不許奸邪之徒假稱不思以加正入

之罪依擬因于監貢令祭酒等官學校貢令提學等官通行改正以稱朕尊師重道之意 上躬詣 南郊率分獻執事官習儀以大報伊始更其事也○工部尚書章拯禮部右侍郎湛若水奉旨會勘錦衣衛軍伍章源所奏事言品官墳墓原有規制內官已故往往賜葬造碑享堂皆出特恩或有因而盛興土木華靡踰分又有預修越制之工以冀後采恩寵積弊既久玩襲為常非止張忠張永一二家而已其舉有實者下法司問擬諸墳塋過度者通行禁約麓山紅石口山脊先經完插廣源關右跋水溝先經開引者即行填塞仍勅金山管軍太監嚴禁山原無致傷能行正抹銘法司看處以聞○兵部罷工部尚書章拯周生坐紙誤知壇祭器也○癸卯陞山東右布政使顧應祥為都察院右副都御史巡撫雲南○甲辰 上視牲於南郊還

官以是日 奉憲太皇太后忌辰詣 奉慈殿行祭禮遣長寧
伯周大經祭 茂陵○選校行人周鈺進士吳介鼎圻劉希龍
王杏周陽煦象賢江似方涯陳洙李根推官張相李磐知縣李
朝綱李錦那弟陳賈揚宜閩人銓徐汝圭鄭坤唐愈賢方純何
宏陳府劉宗仁俱為試監察御史相浙江道介朝綱江西道鏞
福建道鈺湖廣道第夏河南道圻宜山東道希龍杏銓汝圭山
西道周相象賢坤四川道愈賢廣東道似純廣西道涯磐雲南
道宏南京江西道洙福建道府陝西道根廣西道宗仁雲南道
○丙午以 郊祀告詩 太祖配神于 太廟○命成國公朱
鳳神機營五千下生營○總理河道工部右侍郎兼都御史潘
希曾奏本年六月以來河決曹縣胡村寺東衝開一道闊三里
有餘東南至本縣賈家嘴入古蹟黃河山歸德州丁家道口至

徐州小浮橋入運河胡村寺東北衝開一道濶一里有餘又分
二支東南支經虞城縣至碭山縣古蹟黃河出徐州東北支
經單縣長隄至魚臺縣漫為坡水傍谷亭入運河其單豐沛三
縣黃河頽長陡障迴入沙淤平滿民多耕作不復為沛漕患夫
黃河由歸德至徐入漕者故道也未樂年間濬開封支河連魚
臺入漕者以濟淺也自弘治年來黃河改由單豐出沛之飛雲
橋而歸德故道始塞魚臺支河亦塞然以其出於沛橋亦可資
以濟淺以其逼近沛漕又怕有衝決沙淤之患修濬惟亟今全
河復其故道則患害已遠支流達於魚臺則淺澗無虞此漕運
之利國家之福也詔下所司知之○丁未戶部言比者漕運都
御史劉節言淮徐地方災二各支運糧米無所從糶欲改行江
浙等處運官以輕齎銀扣兌本色米二十萬石隨船帶運於二

倉上納以原撥鹽銀十萬兩償糧齋之數似亦可行但漕船領
兌各有定期今貢以帶運則概刺收受不無停誤既地方災甚
宜止以鹽銀收貯候下年豐收糧買如未價仍貢再委官計處
不得妨誤免運詔可○戊申以冬至節遣定國公徐廷德恭順
侯吳世興興安伯王桓分祭 七陵儀賓周鉞祭 景皇帝陵
寢內官祭 恭讓章皇后陵寢○陞廣東道監察御史陳講為
山西按察司副使提調學校○己酉冬至 上祀 天於南郊
還御奉天殿文武羣臣行慶成禮○昭聖康惠慈壽皇太后
章聖皇太后 莊肅皇后 皇后俱免命婦朝賀○是日詔天
下曰朕迎 太祖高皇帝敬 天之制恭建 園立于南郊於
今十一月二十三日冬至祇行 大報之禮朕惟人君上奉
皇天而作之于下主億兆而作于王是以上古聖帝明王咸克

上奉于 天下勤于民者乃以其低君 天心勤恤黎庶洪惟

朕 皇祖高皇帝當夷狄亂華之時博 皇天之眷求乃誕立

祀綱師承除垢復建人極重修五典于是奉 郊 廟 社稷

有儀文之可惟有憲章之可法用昭假于 仲低 祖考允爲

創世之首務萬代不刊之巨範也朕以蒲服仰荷 天命作厥

辟于萬方顧其寡昧深懼弗勝茲恭率 祖之攸行用欽 吳

穹之眷注上楨 皇天垂鑒 祖考陰翊以及左右勳輔賢良

天心殫力之所贊成者也於朕則無一得焉所有寬恤事宜條

示于後一日嘉靖九年正月初一日以後十一月二十三日以

前官吏軍民人等有犯除十惡重罪不赦外其餘已發覺未發

覺已結證未結證非無大小咸赦除之赦有以赦前事及限前

自相告言并妄引希欲免罪者各以其罪罪之勿使小人反獲

其幸有妨 上德一官吏軍民人等自正德十六年四月二十
二日以後有為事間發充軍除原係具犯死罪斃死及事干謀
反黨逆失機強盜人命并大禮大獄情罪者不赦外其餘放回
原籍寧家隨住若有赦前逃回不肯原係真犯死罪斃死充軍
例該照依原擬處決并原係雜犯死罪以下充軍例該枷號改
發極邊衛分者免其處決枷號改發仍各發原充衛所者便一
除有限赦宥罪犯外前後不及開者還着在內法司會官在外
法司差官并錦衣衛官各一人前去各處會同使處經該官員
審錄罪囚如果有冤抑經年不得伸者即行開具情節作急奏
報發落勿得視如故常一各處應有該祀神祇帝王忠臣孝子
功利一方者其壇場廟宇務令修葺依期齋宿勿褻勿怠一言
官職居言路往往未聞利民實語不過徇私適己嫉人自伐抗

上好爭而已。朝廷豈可容納聽受乎？後務要果裨君之德，除民之患，公正之言，陳列不許假托。責且畏忌之急，終日緘然。以為君過一天之立君，本以為民。今天下之廣兆民之衆，為人君者，豈能人人而加之惠哉？惟在內外大小諸司得人任用而已。我祖宗朝雖定科舉歲貢之法，猶有薦舉之例，並列三途。自夫科舉之法重而尤以偏用進士為重，而歲貢之法遂輕。薦舉之路已盡塞矣。夫三途並用，則無偏重而人材有餘。由是懷才抱德之士，斯德顯於世，非特求之文詞之徒而已。今舉人無九卿之望，歲貢某方面之陞，田野絕舉保之路，有一員缺，必求進士出身者，斯得推補，以致人尚浮詞，不修實行，甚至修於家而壞於天子之庭，欲求為上為德，為下為民者，卒未易得也。今後著吏禮二部即便考求。祖宗以來舊典，備細開具奏請定奪。扮

要科舉歲貢薦舉三途并舉但有真才實德者不拘近年資格一體不以擢用庶忠義何風浮薄改行內外大小諸司各得其人以爲惠民致治之本親王郡王年七十以上者寫書并賜羊酒幣帛存問鎮輔國而下半年八十以上者有司備米十石絹十匹綿十斤持往存問以示優老之意祿糧有累年不得者着查補給不許措違一宗室犯罪見在高牆并各處郡王將軍中尉有因事革職祿爵又寘鑄宸濠之變貽又累有奏辯請長虧枉者所在巡按御史即與從公勘明具奏定奪一軍民之家有年七十以上者許一丁侍養免其雜泛差役八十以上者仍給絹一匹綿一斤米一石向十斤九十以上者倍之一兩京文職官員本及三年考滿無過者俱與應得踏勅後不爲例一各處武職官自嘉靖九年十一月以前有因公罪納米納料運石運磚運

天運炭資不能完納以致經一年不得沒職夫俸管事者詔書到日即與除色一嘉靖十年秋漕運糧斛四百萬石內除山東河南照例折銀一十四萬石外其餘本色并南京各衛倉米一百六十八萬二千二百二十八石一斗五升七合俱以十分為率量收五分存運儲耗正兌米折銀七錢改兌并南京倉米折銀六錢其內外倉穀不分道方糶糴起運存留該徵折銀者俱照京數每石或銀一錢以蘇民困係王有棟糧者不減一各處盜賊多因饑寒失業委係身從哺聚除首惡不故外詔書到日各該官司通行出榜曉諭許其投首悉免其罪重選原備民還原籍各存恤一年免其差徭其有能擒捕首惡弄黨內首告者照例給賞如有因其投首乘機欺執希圖功賞者治以重罪一內府各監局銀料又殿匠等項小民鋪戶上納使用耗費比

之正數尤多往往託之挽頭誣騙負累不勝其苦自嘉靖十年
馬始合照戶部事例通行科道部屬一體監收禁革宿弊以懸
氏因一在京在外緝獲強盜妖言奸細等項多有貪功圖利及
無賴戲畜之徒妄拏誣陷冤抑無伸者問刑衙門從公研審果
有冤抑卽與詳理不許向泥成案若干礙妄拏報功人員照例
從重充治一京師三大營及十二團營官軍其俸明銀兩自嘉
靖九年十一月以前拖欠者悉行蠲免仍免徵以後年分明銀
以懸軍因以後仍照舊例徵收於錢大報既成無遂徵稅之懸
恩澤遍布以救洪造之仁尚賴忠賢匡朕一人之不逮期臻至
治用光 列祖之休嘉詔告天下俾悉聞知詔書列欵皆 上
所親定也○庚戌 上御奉天殿大宴文武羣臣及四夷朝使
○詔賞 園立勛勞官匠人負隄工部員外郎宋端周例者為

著郎中王孫昂休致孫雲蔡子舉蘇氏賈焯工部司務兵道
向蘇氏為著員外郎俱奉注官事王事無豫王慎中陳求各陞
俸一級各區官區役俱陞賞有差○祭母大學士佳夢以禮禮
變成上奏曰臣向親粵曰自天祐之吉無不利孔子曰天之所
助者順也人之所助者信也復信思乎順人以尚賢也是以自
天祐之吉無不利也 陛下聖敬由衷如天體之運如日月之
行不因事而有不去事而忘信斯至矣變進而行率獲不越順
孰大焉書曰天視自我民視天聽自我民聽此 陛下格于
皇天之本也臣又伏觀詔旨之頒奉奉以慎上益下為務而親
親仁民振災養老之意并益流布至於闡升仁賢實亮天工丁
寧淳切斷自 聖心上順 天命下應人情 天心永格之道
端在是夫天至德無名至敬無文 陛下齋戒神明洗心以退

成於審收 天之寶達諸百為德無五帝功倍三王巍巍蕩蕩
將莫之能名臣敢以不文為故比於出作入息不識不知者爾
尤望大小有位仰體 聖意一德一心共贊至德之治以無員
充弊之主臣之願也 上覽奏嘉其忠敬命史館纂入○大學
士崔鑿以 郊禮慶成進頌曰惟我 聖皇執乾御曆稽一心
傳勇智大錫龍飛十稔神化潛通氤氳交暢民物阜豐既序泰
倫乃正郊禮早高貴賤有倫有體聿念 聖祖圓丘禮 天三
代而上古典實然遂稽詳疑神人大同稱制臨決維 皇之功
乃命臣瑤惟汝司空經之營之庶民之攻乃命臣特惟汝宗伯
三規定位汝心之宅乃命臣勛汝董多士以飲以食以既予事
乃命臣摠汝心齊臣時其往視河予一人維時仲夏靈丘經始
庶民于未訖功戊子我 皇往觀于辰衝懸六飛蒞止 弘校思

消仲令迎長卜攝肆類天祝雲從千來萬隊仗正五鼓燭柴實
千宰宇開登瑞嵩光浮壇火英煌靈光上下 天神皆降風車
雲馬 烈祖皇皇格我祖庭 天子穆穆親執玉籙豆蓬芥芳
實昭明德絕其 祖武萬邦永式迺錫嘉昵壽考萬年子孫千
億受祿于 天 上報開○御史戴金等言臣前奉旨查驗郊
壇供事樂舞生淨衣俱不中程度宜治工部郎中丁洪并工匠
人等罪誣下去司逮訊并以侵欺聞頒諸奸弊奏開○甲寅大
學士張璠偶感寒不能赴朝 上聞即遣醫診視慰諭之○陞
山東布政使司左叅政道憲為本司右布政使○乙卯以 園
丘工充大報禮成告謝 太廟 世廟○御史俞復奏舊例問
徒正有有力無力之隆近復有頗有力稍有力及稍次有力之
例等級懸絕奸弊滋多乞旨停罷刑部獲議言前項事例乃一

時備荒權宜所司因循不改非法意也宜於有力無力之外存
稍有方一例以便酌處餘志禁革詔從之○丙辰楚王榮瀝奏
乞申明王國禮儀事下禮部詳定尚書李時等據祖訓大明
會典又弘治間會議事例條列具奏仍通行天下王府遵行一
王奏慶賀筵宴日鎮巡等官有不具朝服止行四拜禮臣考
祖訓凡正旦王冕服陞殿出使官便服行四拜禮文武官具朝
服行八拜禮按鎮守巡撫巡按俱係使臣合便服止行四拜禮
三司等官係本土官公朝服行禮一王奏朔望朝見或四拜或
一拜叩頭之明不定禮臣按會議事例凡文武官朝見及慶賀
時行四拜禮不叩頭朔望隨班行禮時行一拜叩頭禮但所議
慶賀四拜禮及據會典先行四拜致詞畢又行四拜非如使臣
止行四拜禮而已奏入命如議行○命安鄉伯張坤守府軍前

銜事○巡按陝西監祭御史范安奏北唐小王子與西海亦不
判詳禦結親往來外邊殊非中國之利宜行總制尚書王瓊修
治墩臺茶堡多方設備督糧都御史趙誠措置軍餉又參參將
芮綱不行捍禦守備指揮彭庶聽匿邊情之罪兵部覆奏言修
邊事宜如擬芮綱新任宜留用以責後効彭庶事候勘報定奪
詔如議○致仕南京禮部尚書沈冬魁卒賜祭葬如例○命會
昌侯孫呆等為正使刑部員外郎陳耀等為副使持節冊封代
懿王俊扶庶長子泰頃王克讓為代王妃周氏為代王妃庶第
十一子克炆為寶豐王庶第十二子克圳為礪山王衛王祐揮
庶長子江華王厚橋為衛世子庶第四子厚煥為高唐王肅王
賁綜庶第五子貞潤為會寧王庶第六子貞澆為延長王榮王
祐樞庶第五子厚然為富城王庶第六子厚鼎為貴溪王趙王

祐休庶第六子厚炳為秀水王岷府黎山王彥漢嫡長子譽攸
襲封為黎山王夫人黃氏為黎山王妃伊府方城王訐達嫡長
孫襄煥襲封為方城王兵馬副指揮王堂女王氏封為周府華
亭王妃典膳溫孟春女溫氏封為韓府高平王妃兵馬副指揮
孫倫女滕氏封為清江王妃

明世宗肅皇帝實錄卷之一百十九

明世宗肅皇帝實錄卷之一百二十

嘉靖九年十二月丁巳朔 上諭太常寺官兩雪愆期朕念民事深用憂惕己卜日竭誠露告太常寺與順天府官分詣應祀神祇肅心精禱務求休應○以水災免湖廣武昌等府并各衛所秋糧有差○己未陞工部左侍郎蔣瑤為本部尚書○大學士桂萼疾遣賜酒米蔬肉○壬戌崇信伯費柱卒 上為輟朝賜祭葬如例○南京都察院右都御史張察卒賜祭葬如例○癸亥陞吏部右侍郎徐縉為本部左侍郎仍經筵日講都察院右副都御史唐龍為吏部右侍郎○陞山東按察司僉事李崧祥為山西按察司副使○總制陝西三邊尚書王瓊奏靈州大小二池鹽課近改慶陽兵備副使魚管相離六百餘里顧理不周每年十月封池至次年三月始開今挑挖溝塹鹽利大通宜

令廷綏西路管糧僉事兼管大鹽池寧夏管糧僉事兼管小鹽池十月以後不必封池俱召商報中上納糧草以足邊儲馬便報可○南京戶部言南京內府各監局軍匠之虛實馬牛之多寡錢糧糜費支銷漫無稽考况該管人員收受留難多方需索請行巡視科道同本部委官監收一切支用月具官單匠役馬牛等畜應支糧草數目查驗命依議行○甲子臘節以御製蜡樂詩賜大學士張璉復以其疾不預宴賜酒饌臘麪○以災傷免寧夏五衛并靈州守禦千戶所田糧湖草有差○乙丑刑科給事中張裕先陳言數事內及祭酒許誥有朝臣共鄙太學生羞出其門又有祝欽明之比上曰祭酒有師道此官誠不可不重許誥陞任已踰年未聞有此說誥令指實裕乃引罪言實無所指上曰裕假建言賣直專攻正人誣害許誥本議祀

典却援引他事為詞况有詔旨乃先故犯及令指名具奏又不以實聞錦衣衛違送鎮撫司拷訊之○是日早朝不至者義三百人 上怒下法司議已而刑部請量加罰治 上以為曲護命從實分別三次者法司違問餘奪俸祿有差患病者查明以聞○丙寅 上諭內閣來春二月初三日告祀 社稷并祭先農行耕藉禮是日恭值 聖母聖旦有礙稱觴上壽朕惟事親事神當有等殺人君上奉 天地次禮百神而事親恐不在事神之後自今凡仲春祭社若值初三上戊則另諏吉日庶盡朕情於是禮部以明年二月三日適值上戊詣如 聖諭改初八日癸亥行禮從之○四川永川縣民李紹祖等左道惑人聚眾為亂重變兵備僉事劉隅捕平之兵部列上地方諸臣功罪謂隅督捕之功應賞叙瀘兵備僉事李際元分巡僉事蔡乾戴元

分守左叅議何鰲功罪亦畧相當叙瀘左叅將魏武罪應罰治
指揮劉勝等及重慶叙州二府掌印官俱宜建怡被殺指揮俞
事范禎百戶王賢等殺身未足贖罪惟 聖明裁之 上命賞
劉隅銀幣而奪李階元俸三月魏武一年劉勝等及重叙二府
掌印官俱下巡按御史勘問范禎王賢既為國捐生情實可憫
其量優卹之○丁卯陞直隸松江府同知張幾為山東按察司
僉事整飭青州等處兵備○戊辰先是有旨太常寺官以次讀
祝贊禮時少卿王學夔以郊祀司祝不當 上意因自請辭避
吏部謂其聲望素著而稟賦頗弱宣祝恐非所宜請改用之
上曰讀祝奏禮舊制俱太常寺官供事而學夔乃循習怠惰違
命辭難姑降級調用少卿等官會同禮部考選用副朕法 祖
慎祀之意已而調學夔福建布政使司左叅議少卿劉穆寺丞

黃嘉賓俱以不稱改穆為太僕寺少卿嘉賓為尚寶司司丞姚士宏致仕○己巳工部右侍郎劉思賢卒賜祭葬如例○庚午以恩紀舍春堂詩并御製敬一箴五箴註各一部賜靈丘王聰滿從其請也○兵科都給事中張潤身言錦衣衛堂上官以近侍故優容不與考選中間不職甚多乞如文臣自陳例取自上裁有辛免者聽言官指名參奏上令即指名參奏不必令自陳潤身乃勅掌衛事署都指揮使駱安指揮僉事劉宗武奸貪下職宜罷詔降安指揮僉事與宗武俱閒住○辛未太常寺卿管國子監祭酒事許誥被論乞罷上優詔不允○改遷四川萬縣周溪驛于分水公館○奪江西巡按御史傅鳳翔俸五月左叅議汪淦僉事陳端甫各半年以督造郊壇磁磚違限故也○先是命工科右給事中戴儒清查各監局匠役奏應留者

尚萬有三千工部言監局匠役皆以供膳服備器用必入通其
藝事稱其食非為私門冗食之計今名數尚多豈無冒濫請再
差御史一員仍同戴儒及司禮監官本部委官共審其不稱者
徑自刪除留者再驗其所精藝業務得實用若有沮撓規避者
參究勿貸 上命工部堂官會同科道司禮監官從公查理勿
縱勿刻○壬申陞順天府府尹黎奐為工部左侍郎○癸酉初
翰林院侍讀學士兼吏科都給事中夏言以特恩賜四品服俸
至是過大祀章恩為其父昂先任知州品同例不得贈因疏辭
俸語乞移贈父母以特恩四品銜 上不允辭特命給與贈典
己吏部謂她典宜從子貴 上從部議命依見職移贈○戶部
言御馬倉內象房同馬內府倉場草價上納不宜有異請馬畫
一法毋許內庄勒商需索且象牛止七隻而內臣多至三十四

負兒濫殊甚請勅司禮監量為裁革 上如議命擇內臣廉靜
可用者三四人分管餘仍取回有勒抑需索者科道官并該部
委官叅奏○甲戌四川巡撫右僉都御史唐鳳儀奏鴿兒等寨
番蠻誘殺守堡百戶作勲且諸番需賞擾邊肆惡多端一向竊
糜蒼惠為其地險難征身請下廷臣集議制禦長策兵部言松
潘各寨番蠻撫馭有年近為地方之害固其變詐不常亦由控
制失宜所致請行撫按三司鎮守總兵官省諭各寨將殺官惡
番擒獻許其改過自新若積惡不悛仍前為害者鎮巡等從長
計議奏請但使元惡就擒地方不擾為善命如議○乙亥禮部
奏恭刺 聖母女訓成 上親序其後曰朕 聖母章聖慈仁
皇太后昔在藩邸嘗著一書名曰女訓朕 皇考恭睿淵仁寬
穆純聖獻皇帝親灑奎章冠諸卷首 聖母亦自序於其末朕

幾務之暇因閱舊筭積冊乃獲遂出示輔臣暨日講禮官等又
命同朕 孝慈高皇后傳 仁孝文皇后內訓刊授皇后頒之
天下輔部諸臣進奏曰可乃於十月十有七日朕躬告于 祖
考 列聖 聖母親授于皇后張氏十二月望後三日刻工告
就禮官裝演進覽先該輔臣少傅璉等謂朕宜為之序至是禮
官特等又謂朕宜序之闡揚 聖母恩德予以昭示無窮朕未
之能舉以為朕 皇考既序諸首 聖母又序諸次已無餘蘊
矣又不侍朕復贊之矣是日因詣 聖母前奏陳書完即蒙
慈命曰汝其序之庶可為傳朕惶拜受 命退而思之朕
嚴 慈之聖德非言可名之也 考 母之教育非言可肅之
也但輔臣宗伯交請為序之朕又面承 慈命安敢故違所愧
無學而為之文也其作書之詳關繫教化則我 皇考聖謨備

矣以身爲教與作訓以教之之意則我 聖母慈訓備矣但稱
善君親臣子至情朕謹頌首言曰我 皇考日躋聖敬之功天
授欽明之德我 聖母克配乾元躬備聖善徵柔恭懿仁順貞
慈 皇考致治于一國而遠可平乎天下將不讓唐虞矣 聖
母爲範以一身而風可並乎二南將不獨成周矣 皇考本乎
至性 聖母原乎自有非他僞飾以誣人者故德並格于 皇
天孝共孚于 祖考乃流慶冲人澤及秋秣仰荷 天命入主
祀典實由 皇考 聖母聖功懿德之所來也茲訓之一書實
我 聖母躬行體踐之事歷歷可考子孫臣民誠能以傳訓之
書研精致力一言一行動遵行之靜思誦之必正后有姜班之
美佳妃著二順之休夫人可齊敬姜之名士庶人妻復軻子之
賢矣然於內則皇后朕又切有望焉擬拾數言以表人子受

親之意如此如謂闡揚 恩德昭示無窮者則縱使中欲為而
口實不能言耳明識博學者其諒朕之心幸勿誚斥云爾○先
是大學士張璉言頃生員李特勵監生張岑各跡請舉祀郊禩
之禮以祈 聖嗣兩生俱未階一命而其所慮實闕今日重事
夫古后稷之生祈于郊禩孔子之生亦請于尼山祈禱之說古
禮有之然大雅既醉之詩曰公尸嘉告曰君子萬年永錫祚胤
曰瑩爾女士從以孫子夫公尸之告皆祖考之錫福也古之臣
子祝君之誠也 皇上仁孝誠敬 天地神明日鑒在茲而况
於 祖考之親者乎宜不在他求也臣願當茲慎選淑女之時
以廣求嗣續之誠告于 太廟 世廟以祈 祖考之佑以慰
聖母之心臣不勝惓惓 上曰卿所奏具悉誠切至意即擇吉
祈告禮部具儀以聞至是禮部詣以是月二十四日行禮并以

儀上一是月二十四日辰時 上以祈嗣告于 太廟 世廟
先期翰林院各撰告文太常寺預設香帛醢醢酒果錦衣衛設
儀衛侍從各如常儀太常寺卿奉請 九廟冠服設于前殿設
上拜位于殿中是日早免朝 上具翼善冠黃袍御奉天門太
常寺卿跪奏聖駕詣 太廟 上陞轎由廟街門入至 太廟
門外降轎導引官導 上入御幄易祭服由殿左門入典儀唱
執事官各司其事導引官導 上至拜位內贊奏就位奏上香
上三上香訖奏鞠躬四拜典儀唱獻帛行初獻禮執事官各捧
帛爵跪進于 神位前典儀唱讀祝內贊奏跪讀祝官跪讀訖
內贊奏俯伏興平身典儀唱行亞獻禮執事官捧爵跪進于
神位前典儀唱行終獻禮 後同亞獻 內贊奏鞠躬四拜典儀唱
讀祝官捧祝進帛官捧帛各詣燎位典儀唱望燎內贊奏禮畢

導引官導 上由殿左門出至 太廟門外導引官導 上入

御帷更翼善冠黃袍陞轎至 世廟門外導引官導 上入御

帷易祭服由殿左門入行禮 儀同 太廟 禮畢導引官導 上

由殿左門出至 世廟門外陞轎至 太廟左門降轎步行過

太廟右門陞轎至午門外儀衛退 上還宮奏上報可○丁丑

始祀先聖先師伏羲神農黃帝堯舜禹湯文武周公孔子于文

華殿東室東室初有釋像 上以其不經撤去之乃祀先聖先

師伏羲等九龕南向周孔二龕東西向是日 上自為祭文行

奉安神位禮并令輔臣張璉等及講官徐縉等入拜 上御殿

西室宣璉等諭曰朕奉先聖先師神位于此庶有所起敬起慕

以爲進修之地朕不聰賴先聖先師啓佑于冥冥之中然啓沃

交修之力實望于卿等知等因朕奏璉等對曰 皇上景仰稽

王以國治化臣等敢不敬承下風各賜茶叩頭而退 上乃告
于 奉先 崇先二殿勅諭璉曰朕以奉安聖師告于 祖考
禮成朕惟 祖考聖師豈無以加教于朕者須卿等言茲可通
示等鑿時縉昂臣誥孔擘言潮人各以經書大旨一章既講解
之尤要啓沃之實文修之誠切于身心政事風俗民情為目前
緊要者來陳勿相通謀人各自獻其誠庶不負朕所望焉隨以
祭品頒賜諸臣越數日諸臣乃各撰次講章以進○禮部言頃
伊王訥淳奏西鄂王訥澄故無嗣乞以其弟鎮國將軍訥溥襲
封查郡王無襲封之例第令溥以本職管理府事報可○初岷
王彥汰有罪降為庶人令世子舉祭攝府事至是崇辭免攝理
乞復父爵禮部言彥汰不法違訓罪重難釋乞諭崇母以私情
挽亂國典從之○以是月二十九日裕登遣武定侯郭勳駙馬

都尉謝詔告懿祖 熙祖 仁祖祧廟○以大學士桂萼疾遣

醫視瘡并賜酒米蔬肉○戊寅命貴州道監察御史胡明善提
調北直隸學校○監察御史諭希禮陳庫藏五事一禁索取各
庫收受物料止驗正數定足出給簡單一切無名之費宜盡行
查革一革冗員甲字等庫設有官吏庫夫數多又有太監等官
廣積庫既設大使副使又設典史俱屬冗濫且多一人則多一
人之擾宜量留數員肅清庫藏一禁誑詐各處解官解戶到京
不即赴部投文將領到錢糧私相販賣以圖利息而奸徒包攬
多方引誘移東就西將無作有俱聽廠衛拏究將原領解錢糧
轉發交納若錢糧入庫而奸徒誣告詐陷者不准受理仍從重
究治一清庫夫各庫原設庫夫俱有定數今見在者不及其半
請行巡視科道官及本部委官照原額研審中間有僞開在逃

而私納月錢者指名參究一專委任巡視科道官更易頻數無
以防奸請照監局事例每年定擬一員奏請欽命俟滿更替戶
部覆議從之○己卯添設福建詔安縣○罷刑部山西司主事
查懋光為民以私家考禁人致死故也○刑部言頃特奉恩詔
差官審錄罪囚請暫停陞遷改調及嚴過家遷延之禁 上曰
審錄官兼公營私遷延歲月已成積弊刑部即酌量地方遠近
刑獄繁簡嚴限前去務原情錄罪不縱不刻奉公行事毋聽受
私屬俾恩意下宣究抑上達限內吏部亦毋得遷陞改調以致
違悞有擅回私家者撫按并有司具奏違治容情者一體治罪
○辛巳役設南京戶部員外郎六員先奉詔裁革南京戶部司
屬官十員至是尚書邊貢以缺人差委奏請量復以稱任使吏
部覆議命選補湖廣浙江陝西雲南山西福建六司員外郎如

故○詔改廣西米化州隸南寧府管轄米化原屬田州府至是
田州府降為州故命改隸○以肅王貢錄堵陽王同錡而陽中
銘長陽王恩鈞陵川王詮鏐襄陵王徽鈐慶成王奇湏各年逾
七十命賜璽書及給羊酒幣帛令各府進表官順貴存問○朝
鮮國王李懌差陪臣工曹參判吳洗翰等賀正旦節貢馬賜宴
賞如例○總制陝西三邊兵部尚書王瓊言同靖塚蘭東西相
去一千二百里止以一參將分守且與鎮守都督同居一城防
禦未便又蘭州見在修邊而礦徒未絕請以原參將移守蘭
靖地方仍聽鎮巡官節制蘭州所設守備當為裁革因原總兵
不宜下侵細事當如舊設守備為使又言平虜城北威鎮堡
伍岔溝與沙湖黃河相連舊有溝渠年久湮塞自五岔渠西南
至賀蘭山大水口并平虜城外溝壑俱宜挑挖深濶築堤壘高

丈許臨山墩西有沙石處宜修砌石牆下置暗門并東路五岔
渠墩亦置暗門以通哨探沿溝每三里蓋房一座為巡軍棲止
之所再於沿溝尖塔兒墩并新興墩各築一堡及將鎮朔堡展
築寬大查勘近山鎮北築堡無田缺水慮屯軍量移耕牧公私
兩便其西南賀蘭山通賊路口舊有闕牆仍加修築以防零賊
竊入其鎮城西南大沙溝等處邊牆宜築一城堡撥軍拒守務
使賊騎不得越軼永為保障兵部覆謂宜如墩議得旨俱允行
○壬午以水災免南京府軍左等衛七所稅糧有差○大學士
桂萼進所著三才日歷志上嘉納之以其書留覽○甲申光
祿寺卿崔傑卒賜祭墓如例○禮部言鴻臚寺通事之設視夷
語生熟而職業修否特加考校立法固善但授職之後復如衆
季考事體未安請著令通事九年授職并六年冠帶者免其季

試專取對考以稽職業其未及六年又候缺項補者叢考如故
三次考居下等者奏請定奪報可○朝鮮國王李愔遣陪臣戶
曹參議金麟孫貢馬五十匹○以大報禮成欽恤刑獄法司發
遣發落釋放罪囚一千八百五十五人○陝西階州守備曹江
者其姊爲封戚寧侯仇思之夫人生子鸞是歲鸞出鎮兩廣思
以爲疾留京而夫人卒江遣軍舍陶致和張雄致姊賁且懷金
入京求闈節爲遷秩屬思家人仇保經營之未得聞雄等欲詐
其金會階州千戶江朝宗者爲巡按御史胡明善逮致于埋亡
赴闕下伸訴回階州雄遂詐爲書託之抵江言金少不足集事
請益朝宗歸道汚池明善遭之識朝宗即令選者搜其裝得雄
寄江書具以奏聞書內有郎中尚書等語皆雄等誣言無事實
于是兵部尚書李承勛請回籍待罪 上慰諭之下其事都察

院逮捕江致和等至與雄對理具得其情乃革江守備回衛差
操雄致和俱發邊衛充軍○乙酉易先師孔子神位用木奉
安於文廟遣國子監祭酒許誥行祭告禮○宸濠之叛也江西
左叅議黃宏主事馮聰死焉 上即位贈宏太常寺少卿思
聰光祿寺少卿配享旌忠祠旌忠祠者祠故都御史孫燧副使
許逵者也後以御史鄧顯麒言遂革二臣贈官罷其配享己宏
子詔武申辯詔下江西巡按官覈之至是御史穆相覈上二臣
死節狀甚著不如顯麒言禮部覆稱二臣遇變不撓甘心就死
孫許而下此其最著者以之配享無忝請復其祀 上難之仍
下廷臣議無異言乃先後二臣贈官復詔禮官以許逵節義慷
慨特祀旌忠焉宜孫燧物論未孚其從公議奏禮部覆議當宸
濠變起倉卒先燧懾人一時藩臬諸臣率多易節喪志獨逵慷

慨而折守死不回昭示大義受禍甚慘精忠大節鮮不

當變故之秋馬國憂勞屢勸奏續練兵積粟先事而備及其臨
難正言與遠同死忠義之心蓋未始有貳但遠卹典未愜人心
似宜隆其贈官風勵臣節旌忠之祠請遠左熒右而以宏與思
聰配之庶幾公論允乎將來之勸 上乃加贈遠馬禮部尚書
旌忠祠位次及宏思聰配祀悉如部擬後十餘年復以言官建
議更定祠享位次熒左遠右如初制云○巡按湖廣監察御史
傅鶚條陳軍政八事一慎發遣以圖實效充調軍犯附近者即
於本處衛所邊遠者於本省邊境或隣省衛所毋越一省之外
則發遣者可以著伍脫逃者易於勾解積之數年行伍漸充一
處解戶以絕窩隱之端逃軍適解是假以脫免之便也今宜先
儘親屬次及隣里一軍用二解庶免踈虞同戶同居如無則於

本甲戶內僉取再有脫逃即以本人解補如曾告發充軍及首
發逃軍罪名者特免管解一議處寄籍餘丁以復軍籍軍衛有
司但係軍戶人丁盡收回衛所編入隊伍以絕影射之端有改
調在千里外者即行原衛查取本軍親丁名數并行後調衛所
附冊遇有事故止於原衛勾取毋輒行原籍勾擾仍令三丁照
一一人協同正軍操守城池二人認準幫貼一特校閱以振
精神夫行伍具矣而不訓練何益於用今宜通行畿省撫按各循
舊例官軍與兵快人等一體課武較藝一議處軍裝以免脫逃
之弊清軍御史每三年委官將各衛所見在正軍逐一查審軍
裝綾由每一丁歲追軍裝銀二兩責令戶丁給批送該衛與本
軍交收限十日內回銷有假此潛回原籍者即係逃軍連該管
官旗照例究治一嚴稽考以戒文具清軍御史轉行所屬各衛

所備將收到軍犯緣由送本部司其府州縣將詳允遇充發改
調鞫明釋放等項軍犯緣由開送本按察司直隸送本府通送
各該清軍御史查對無差年終類解本部查考一審勸懲以勵
庶官各清軍御史宜查照事例責屬官遵行若能修舉軍政禁
革奸弊繳清出之數不及三分而他善可稱亦聽保舉不職者
參劾兵部覆如其議得旨允行 命錦衣署都指揮使王佐掌
衛印提督官校辦事以明年元旦節遣恭順侯吳世興彭城伯
張欽長寧伯周太經分祭 七陵儀賓周鉞祭 恭仁康定景
皇帝陵寢瑞安侯王橋祭 悼靈皇后陵寢

大明世宗肅皇帝實錄卷一百二十

大明世宗欽天履道英毅聖神宣文廣武洪仁大孝肅皇帝實錄卷一百二十一

嘉靖十年正月丙戌朔 上詣 昭聖康惠慈壽皇太后 章

聖慈仁皇太后宮中行禮畢出御奉天殿文武羣臣及四夷朝

使行慶賀禮。戊子 宣宗章皇帝忌辰祭 奉先殿遣恭順

侯吳世興祭 景陵。庚寅先以南郊禮獻 銘吏禮二部考求

求 祖宗朝科舉歲貢薦舉三途並用事例廣求人才以備任

使於是吏部舉洪武十九年以後弘治十一年以前故事請令

天下有司訪求地方有懷才抱德經明行修不干名利素為鄉

評所重伏在巖穴者舉諸摠按兩司官 覈賢送部考驗奏請

量才擢用拘私濫舉者罰舉人監生官才德出眾虛形薦剋者

一體擢用京堂方面得旨用賢圖治國家急務哉 祖宗朝三

途用人取之至廣俾才德者各稱其位故仁覆天下澤被生民
後來專務科之學偏重進士之選以致人尚浮辭不循實行蠹
國害民者在在有之今校務遵照 累朝事例三途並用必求
得人以稱朕用賢澤民之意所奏俱允行○辛卯行祈穀禮於
大祀殿春 太祖高皇帝 太宗文皇帝配○壬辰先是
上問太學士張璠以禘祫之義因諭祫有時祫大祫今歲暮之
祭擬諸大祫固似其竇未可以也四孟時祫 太祖未得居尊
歲暮之祭混其重輕以大祫而兼節日之祭是祫義反輕以節
日祭而兼祫義恐非所以尊孝 祖宗之意是不可不別之也
如以三歲一舉於季冬中旬擇日行正旦節祭當同冬至節行
於 春先殿或可五年一行大禘禮設衣冠於中以降 始祖
自出之神而以 德祖配天雖不可考豈真無抑止不知耳且

如鬼神在傍人何嘗見如可以無考而廢之則亦可將凡祀之神祇不必祭也曰哉無見之也朕又惟人君父 天母 地為神民主與諸侯大夫卿士庶民不用今一歲之間祀 天祭地至重至大止一舉而於 宗廟凡五享恐於義理有所未安固以 天地尊隆無上不可瀆頊則未免疎之也程子謂古人一歲祀 天者九惟大報最重又譏後世有三歲一舉者曰人子不可一日不見父母豈天子有三歲不見 上帝乎今已復祖制大報於迎長及歲首上辛之祈穀惟孟夏大雩季秋大享未之舉茲非朕好更制以取愆違或古禮當復之時卿可盡心詳論以聞璵對 宗廟之禮 聖明所見皆得禮義中正至於神祭則祀其始祖所自出之帝於始祖之廟以始祖配之自出之祖無主於廟時設虛位此義自趙匡申之朱熹曰以始祖

配而不及羣廟之主不敢廢也此大禘之禮也如丘濬之議則欲正高皇帝為始祖而以德祖為所自出之帝歲一禘祀蓋折衷可知耳至於大嘗為禱雨之祭大享是明堂享帝之祭但禘祫欲復古禮則宗廟當復古制臣故未敢輕議上乃親為大禘圖以高皇為始祖以德祖為所自出之帝如丘濬議以示理論之曰宗廟祀典有當講求者夫太祖開運肇基不可不尊恣使同子孫並列太廟本是太祖廟當南向而享之地及列聖雖不可並但生一世而南向坐其為宗終不得一南向以享是亦未盡人情况孝子之心安乎大禘祭欲歲一舉恐失於常祀之同又大嘗之祭雖是禱雨亦恐非專待旱時纔祭如日龍見則嘗可知古人用心不見是圖耳大享之義亦非專為大報禮節而致委曲又亦非祭文王祭也必

有意焉夫孟春既祈為故李杖報之也朕意以為今以曲存更
制為祈穀之祀恐有所祈而不可無其報耳非有他也總對五
年一禘三年一祫原非古制况春欲定大禘圖以 太祖為始
祖以 德祖為所自出之帝 德祖今享四時之祭若禘歲不
一舉則 德祖終歲無祭於義未安今 皇上既定每歲季冬
大禘其大禘亦宜定於某日歲一行之為善至於大享之禮擬
秋報以並春祈大穹之祭謂古人圖於不見仰惟 皇明真善
用古禮得古人制禮之心當舉行無疑時春享期逼 上以禘
議未定乃先勅諭禮部朕惟 郊廟之祀所以尊事 天地
祖宗者也惟 太廟享禮尚未稱孝敬之情仰惟朕 太祖高
皇帝重湖宇宙肇運開基聖德豐隆神功偉盛顧不得南面居
尊甚非所宜當朕 聖祖在御固宜尊 德祖居尊其在今日

以朕 聖祖居始祖之位每歲孟春行時享之禮曰 太宗而下並各居一嚮同日行禮夏秋冬三季所於 太祖之室相向行時禋禮如今之制季冬中旬擇古以歲事告終行大禋禮以德祖居尊及 懿 熙 仁三祖合享於 太廟親王功臣配食於兩廡歲暮自是節祭歸之 奉先殿行禮 世廟正行四時之享歲暮之祭亦歸之 崇先殿行禮即擇日預告具儀以問禮部尚書季時言宗廟之禮所以事乎其先求之於理而有不合原之於情而有不妥皆非禮也哉 太祖高皇帝四時享祭以壓於 德祖不得正南面之位 太宗文皇帝而下以同堂而制每歲正東面西相向不得受特享之禮親王功臣分為 臣子列坐於堂而 天子拜跪於下皆於理不合於情未安茲遇 聖明天啓考正祀典正南面之位以尊 太祖孟春行特

享之禮以尊 列聖季冬舉太祫之禮以合祀 祫廟之主移
親王功日配食於兩廡以別尊卑情順理安真可以補舊制之
未備垂萬世以常行且等謹遵諭施行竊見舊祭正設衣冠似
行禮未備宜每祭俱令太常寺官捧主安於前殿衣冠仍設盃
盞特享之禮每廟各具祝文若以次畢讀則誠意不無倦怠宜
先讀 高廟祝文畢即齊讀各廟祝文庶為適宜廟享舊儀三
獻之禮令太常司之 皇上立於廟門外令聲舉禘祫禮宜崇
古宜於太祫特享 上親行獻爵之禮又太常寺官奏禮畢請
還宮舊儀叩頭作揖今宜正跪奏禮畢請還宮不必行叩頭禮
庶免近褻謹開具告祭日期及一應儀注以俟 聖裁 上覽
儀注有漏告九廟而無告 德祖及 懿熙仁三祖之文復論
禮部昨所擬預告并特享 宗廟儀俱有未安其預告正宜告

太祖以神尊崇之意我 列聖亦必獲 太祖命而後可安

出明豈有二理哉但又當告 德祖於寢殿奉主於 祧廟中

室及當告 祧廟三室徵奉 太祖主居寢殿中至大禘日期

前預告如啓事又預告 太祖朕以其事重擬祝用兩已具而

式矣又特享禮須安可駐亦便培祀執事無久而忘之之患其

另具奏以聞於是禮官復議且考大明會典及往年 祧廟儀

注止告於奉祠神主不及祧主或承 聖諭欲告於 德祖及

祧廟三室仰見 皇上誠孝為至思慮周悉非目等拘泥舊

聞者所能仰及但目等考舊儀注必先撤祧主而後可以正遷

主之位今 德祖神主尚在設於寢殿之中若候告祭 太祖

畢始告祭_於 德祖臣等竊慮 皇上方親奉 太祖神主至寢

殿既不宜仍安於舊設之位又不可以捧主行禮以為有礙宜

於告祭之日先告 德祖及詣告 祧廟三室然後親捧 德
祖神主安於 祧廟中後至寢殿捧 太祖神主出於 太廟
殿中座上行告祭禮先彼次序始無妨礙其親獻爵之禮已蒙
皇上採納但大裕特享時享之時禮文繁郁 皇上遍詣
各宗三獻俱親精力易倦有妨誠敬宜於大裕時於 德祖前
時享特享時於 太祖前三獻必親其一列聖止親初獻至亞
獻終獻令捧主大目司之則至敬不盡假於所司而亦簡便可
繼謹將一應儀注遵諭再擬以聞制曰可於是以初九日告廟
至日行禮告廟儀注一先期行翰林院撰告冊及祝文太常寺
預設香帛酒米脯醢特牲於 太廟殿內正中錦衣衛設儀衛
侍從各如常儀太常寺卿奏請 太祖冠服設於前殿設 上
拜位於殿中是日早 上具翼善冠黃袍御奉天殿視朝畢太

需寺卿跪奏 聖駕詣 太廟 上陞轎由廟街門入坐 太

廟門外降轎導引官導 上入御帷易祭服由殿左門入導

上至寢殿拜位正中內贊奏就位奏上香 上三上香訖奏鞠

躬四拜興典儀贊奠帛行初獻禮執事官各捧帛爵跪進於

德祖神位前 上親奠獻訖典儀贊讀祝內贊奏跪讀訖內贊

奏備伏興平身典儀贊行亞獻禮執事捧爵跪進於神位前典

儀贊行終獻禮儀同亞獻內贊奏鞠躬四拜興典儀贊讀祝官

捧祝進帛官捧帛各詣燎位典儀贊望燎畢導 上至 祫廟

中行告三祖禮儀同前禮畢導 上復至寢殿 上親捧 德

祖神主至 祫廟安於 懿熙仁三祖正位中訖復導 上至

寢殿 太祖神座前 上親捧 太祖神主安於 太祖前殿

座上導引官導 上至拜位內贊奏就位奏上香 上三上香

訖奏判躬四拜興典儀贊奠帛行初獻禮執事官各捧帛爵於
神位前 上親奠獻訖典儀奏詣讀冊位內贊奏跪讀祝冊官
跪讀訖以冊置於帛篚內內贊奏俯俯興平身典儀贊行亞獻
禮執事官捧爵於神位前 上親獻訖典儀贊行終獻禮儀同
亞獻 內贊奏判躬四拜興典儀贊讀祝官捧祝進帛官捧帛各
詣燎位典儀贊望燎內贊奏禮畢導引官導 上至 太祖神
座前 上親捧 太祖神主至寢殿正中奉安及以次遷易安
說訖導 上至 太廟由殿左門出至 太廟門外導引官導
上入御幄更衣翼善冠黃袍淫轎至 世廟門外導引官導
上入御幄易祭服由殿右門入行禮儀同太廟禮畢導引官導
上由殿左門出至 世廟門外淫轎至 本廟左門淫轎步
行過 太廟右門淫轎至午門外儀衛退 上還宮正月十二

日孟春行特享禮儀注一前期行翰林院撰祝文一太常寺預請捧 七廟神主大臣司禮監預請捧 七廟后主內臣一太常寺預備香帛牲醴錦衣衛侍從如時享儀太常寺卿奉請八廟冠服於前殿并遷親王功臣牌位於兩廡各安設如欽定圖儀設 上拜位於殿中是日 上具翼善冠黃袍陞奉天殿太常寺卿跪奏詣 聖駕詣 太廟 上陞轎由殿街門入至太廟門外降轎導引官導 上入御帷帛祭服由殿左門入導引官導 上至寢殿捧主大臣內臣俱從 上捧 太祖神主大臣內臣各分捧 神主詣 上至 太廟殿各安設訖典儀贊樂舞生就位執事官各司其事導引官導 上至拜位內贊奏就位捧主官各就供事位典儀贊迎神樂作樂上內贊奏四拜傳贊百官同內贊奏上香導 上至 太祖前奏摺主 上

措圭三上香訖奏出圭 各廟前各卜上香訖奏出圭 上出
圭奏復位典儀贊奠帛行初獻禮樂作導 上至 太廟神位
前奏跪 上跪奏措圭 上措圭執事官捧帛跪進於 上又
奏奠帛 上奠訖執事官捧爵跪進於 上右奏獻爵 上獻
訖典儀贊讀祝樂暫止 傳贊百官皆跪讀祝官取祝跪於 太
祖神位前讀訖樂作內贊奏俯伏興平身傳贊百官同導 上
以次至 七廟前奠帛獻酒訖儀同 太祖前導 上至 太
宗神位前奏跪 上跪 傳贊百官皆跪 典儀贊讀祝樂暫止讀
祝官各取祝詣 七廟神位前齊讀訖樂作內贊奏俯伏興平
身傳贊百官同 樂止典儀贊行亞獻禮樂作導 上至 太祖
神位前捧圭官各詣 神位前奏跪 上跪捧圭官皆跪奏措
圭 上措圭捧圭官各獻爵訖內贊奏俯伏興平身其捧圭官

同樂止典儀贊行殿獻禮儀同亞獻太常寺卿進立於神位前東上西向唱賜福胙內贊奏跪奏搖圭光祿寺官捧福酒跪進於上右內贊奏飲福酒光祿寺官捧福胙跪進於上右內贊奏受胙奏出圭奏俯伏興平身四拜傳贊百官同典儀贊徹饌樂作執事官各跪於神位前撤饌訖樂止太常寺卿詣太祖神位前跪奏禮畢樂作內贊奏四拜傳贊百官同典儀贊撤饌樂作執事官各跪於神位前撤饌訖樂止太常寺卿詣太祖神位前跪奏禮畢樂作內贊奏四拜傳贊百官同樂止典儀贊讀祝官捧祝進帛官捧帛各詣燎位樂作內贊奏禮畢樂止導引官導上捧太祖神主安設殿中其餘捧主官俱從各安設訖導上由太廟左門出至太廟門外導上入御帳更翼善冠黃袍陞轎至世廟門外導引官導

上入御幄易祭服由殿左門入行禮儀同 太廟禮畢導
上由殿左門出至 世廟門外陞轎至 太廟左門降轎步行
過 太廟右門陞轎至午門外儀衛退 上還宮 巡按實貴
御史陸亭韓疏舉原任吏部尚書羅欽順戶部尚書秦金鄰文
咸工部尚書趙璜兵部侍郎鄭岳刑部侍郎劉玉南京戶部尚
書王承裕右都御史何塘巡撫都御史王堯封宜位卿相南京
尚寶司卿呂拱禮部郎中鄒守益廣東布政使邵銳江西恭議
凌錢宜居侍從僉都御史毛伯溫張九敬通政李元吉大理寺
少卿顧忭南京通政馬理揚谷河南布政使蔡潮王浚山東布
政使顧應祥宜貳九卿都給事中張嵩給事中鄭一鵬御史王
以旂倫以諫未測馬明衡宜處臺諫雲南副使鄭元湖廣副使
費懋中河南僉事江暉江西僉事汪應幹見任夔州府推官劉

泉戈湯縣知縣李本宜補蒲泉 上以御史薦舉止當及境內
人材參韓乃不分賢否存亡泛引三十餘人下都察院奏有院
覆江暉業已物故參韓疏亦及之其言之無據亦可類見坐以
濫舉之罪夫復何辭第其所舉多非見任且散在四方擬以進
例亦有未合得旨令吏部對品調外任乃謫為安慶府推官
蔡寧等衛都督李秉宇等差頌曰塔卜多等來賀止且賜券如
例○甲午 上以廟祀更定告於 太廟 世廟併 祫廟三
主是日遷 德祖神主於 祫廟奉安 太祖神主於寢殿正
中○乙未立春順天府官進春 上御奉天殿文武百官行慶
賀禮 臣工科都給事中張嵩為順天府府丞 陞河南左布
政使王浚為順天府府尹○丁酉 上詣 太廟行時享禮_禮
主官武定侯郭勳駙馬都尉謝詒大學士張璉翟鸞尚書李承

勦梁材李時各白金二十兩煉錢二表裹瓊等疏謝因曰臣惟
九廟之禮古禮也一日九祭竊不能行哉朝因之以廢春享
之祭同於時俗臣下所不敢言 皇上出於獨見正 太祖之
位於中 列祖各序昭穆南向設帷幕間之一日之間 專廟
皆舉既存古人之制而又得時中之宜誠 大聖人之所作為
倫制兼盡可為萬世法也 上報聞 先是右春坊右中允庠
道南請改太慈恩寺興辟廡以行養老之禮撤靈濟宮徐知證
知訒二神改設歷代帝王神位仍配以歷代名臣下禮部覆議
言今國子監廡 祖宗以來昭孝之地恐不必更置梵宇舊址
重立辟雍惟寺內喜伴條元法制敗壞民俗相應毀棄靈濟宮
徐知證知訒二神其在當時已得罪名教固宜撤去但所在窄
隘恐不足以改設帝王寢廟宜擇地別建得旨 鬼淫像可便

毀之帝王廟工部其相地卜日興工於是工部銷毀涵像會官
相帝王廟地因言阜城門內保安寺故址舊為官地改置神或
後衛兩中官陳林需其餘為私宅地勢整潔且通西壇可購遷
而鼎新之奏入報可。己亥戶部右侍郎張雲三載秩滿錄其
子士奇為國子生。庚子禮部尚書李時等上言臣等仰承明
詔備考祖宗之時往往得人於賔途而今之歲貢以憫老
恤窮為舊規以選賢黜耆為苛法俗興既深何以得賢自今宜
依宣德正統天順年間例行兩京及各省提學官於各學廉膳
內通試及多方體訪果有學行出群年三十以上者府學許貢
三人州學二人縣衛學一人以按各學如期起送如廉膳無人
增廣內考取增廣無人州學內考取各求真才以應明詔如有
名實不稱及夤緣干進之弊聽撫按官糾舉廷式有不中式者

其提學官一名以上恭究提問五名以上降級改用仍行國子
監依 祖宗監規逆送廣業堂司嚴考試學業進修者方許以
次升至率性堂擬送諸司辦事間有考試果優行誼著聞堪以
任用者年終具奏本部會同吏部覆考得實奏請選用覆試不
如式者仍常撥歷如此則選擇既精而歲貢不患不得人矣其
廉膳中有年老不堪貢者予以衣巾終身國學中有年老不堪
選者予以衣冠終身俱量餉雜徭則複選者既得以自盡其才
而被黜者亦不至於失所疏入 上曰朕惟 祖宗朝設立歲
貢之法實寓古里選之制期得真才以資國用邇來生員苟得
弊廉卽計充貢有日徃徃有不修行檢核制官司欺篋編里甚
生虧缺倫理玷辱衣冠及有學問荒疎年力衰邁有司不問賢
否止計食糧淺深一概循資充貢却又多選任教官以爲人師

欲求人才長進誠不可得自今歲貢生員務令府州縣提調官
選舉有學行者方許起送巡按御史處會提學官并布按兩司
官從公考覈照常數貢舉先儘廉膳如果無人許於增廣附學
內考取不許顯論食糧淺深以製舊弊如有年老不堪教養者
令提學官嚴加考選無行者黜退為民其餘量予衣巾終身廉
膳有缺提學官毋得輒聽權要子弟濫與收補如未得人寧令
空缺其歲貢入京廷試再有衰老無學及行檢不修者所貢舉
官一體坐罪不貸國子監見坐監生員該部還查照舊規定提
以聞 巡撫大同兵部左侍郎蔡天祐初以巡按御史孝宗極
劾其科罰商銀下都察院行勘天祐自陳乞休不許未幾軍令
李應奎者與商人周鐸有隙因控鐸鐸納賄科道官管取補還
罰銀又入貨宗樞令其劾奏天祐御史胡明善疑天祐主之上

言天祐在大同額外增價騰誘商人已久及御史宗樞稔得其
實迺誘奸商撫拾臺諫天祐宜罷斥事下都察院時天祐亦申
辨乞歸業已許矣都御史汪鉉又言明善所初事皆有回第撫
拾之奏未必出自天祐宜 今回籍仍下大同撫按官覈實具
奏從之○壬寅 英宗睿皇帝忌辰祭 奉先殿遣恭和伯陳
萬言祭 裕陵 時納銀入監例停止且四年而各處間有以
勘合人數未足藉口起送者至是蘇州府復起送生員方世儒
辛七人至部且溢於原額矣戶部以為言得旨納粟條一時權
宜本非正途矧今京官及方而子弟增銀告納是導之貪也剝
民害國將靡有止極殊乖政典久已停寢人何得借言勘額未
足違例起送世儒等俱遣歸給還原納銀兩諸承行官吏悉令
巡撫官逮問 巡按兩席御史揭終芳言臣奉命清理軍伍廣

西業已報立。近入廣東。見其饑饉異常。山海寇盜所在。奮起。加以珠球之費。民困已極。若復依法清解。則軍丁有衣裝之累。軍解有公費之需。民力不支。恐激成他變。請將廣東軍伍暫免清勾。節年所奉軍單。封發布政司收貯。俟歲成。盜息珠球工完。然後徐議舉行。為便部覆從之。○甲辰。陞山東右叅政張衍慶為四川右布政使。開封府知府劉漳為河南右叅政。初。叅議顧璘。奏親致仕。起家為浙江左叅政。遂遷山西。按察使俱未之官。仍乞致仕。養親。數歲。復起。浙江左布政使之任。未幾。復擢巡撫。山西都察院右副都御史。過家。復乞養親。上曰。顧璘原係致仕。養親。官吏部如何。連陞為叅政。按察使。既不之官。却又陞。陞布政。未久。又推巡撫。迺復以親老為辭。實非人臣事君之道。璘仍以原任布政職銜致仕。吏部官姑置不問。內外大小官員。凡

有託故養親養病在家安坐起淫不復供職者便逐一核奏處
治吏部固言南京通政司叅議楊谷先以御史養病家居檄促
之任逾月以養親去適淫前職又乞終養南京太常寺卿方鵬
以按察司副使致仕起為右春坊右庶子兼翰林修撰不二年
淫前職又曰養病俱有礙明旨 上曰此皆冒濫君恩全無臣
子之義並革去新銜開任不許起用該部官輒與推淫姑不完
仍通查冒濫淫職托故家居者具奏如有隱匿重治不宥 添
設太常寺贊禮郎二員司樂四員 廣東提學副使蕭鳴鳳剛
強任性節因望慶知府鄭漳忤己不勝忿廷咎之漳遂移疾投
劾去廣東巡按御史李美上其事吏部以漳擅離職守下所在
巡按逮問於是物論闐然不直鳴鳳會考察兩京科道官交章
彈之鳴鳳坐降調既而鳴鳳漳各上疏自理深相詆詆詔下美

嚴歡美言二臣守職無他過第其陵下抗上已甚且崇飾游辭
互相誣讒當建問如律詔下福建浙江各巡按於原籍如所擬
問結送部改用○乙巳少保兼太子太傅吏部尚書兼武英殿
大學士桂萼疏病乞歸得旨卿以疾陳奏情實辭懇准暫回籍
調理令給驛去痊可之日有司奏來起用仍賜銀三十兩紵絲
二表裏鈔三十貫○丙午先是御史廖白顯奏前鎮守太監
駐劄建昌營者無益於防守而徒使官軍歛怨乞行裁革即以
燕河營恭將移駐建昌便巡撫順天都御史周期雍鎮守總兵
楊鎮則請於建昌設把總聽兩路恭將約束巡閱御史周禕則
請設建昌營守備兵部以地方事重下各官求歸一之論凡舟
車旨會議咸以御史禕所陳為當於是詔革前鎮守太監設
建昌營守備指揮一員以都指揮體統行事聽鎮巡節制 初

御史胡明善劾吏部左侍郎董玘排陷徐縉李時顧鼎臣及聞
喪追毀彌縫以圖復起上令明善具陳玘所排陷三臣狀令
都察院覈具聞喪追毀事明善乃具以狀對曰言玘聞父喪已
久因吏部尚書缺遂不發喪父之始行上以玘忠孝大節有
虧法當論治第念其日講有年姑與冠帶間住都察院言言其
聞喪追毀事俱有跡上以玘已革職姑免究吏部更不許起
用停英國公張裔祿未三日益以元旦慶賀班首官不至為
糾儀御史所劾上以其不敬下都察院按論院恭宜逮問誰
從寬薄罰之陞河南按察司僉事初景為雲南按察司副使
悼靈皇后禱祭遣駙馬都尉謝詔祭凌所○戊申陞四所按
察司副使陳克完為河南按察使河南按察司副使楊惟聰為
山東布政使司左叅政陞大理寺左少御史道為都察院右僉

都御史 錦衣衛鎮撫司指揮同知陸松等以年勞乞例陞兵部覆言軍職無三年一陞例松等陞授方三年宜俟積勞奏陞從之○乙酉白十七日壬是八日 聖體不安俱免視朝諸司上表問安 聖諭天降寶靈朕當行昭謝禮於 園丘及告祭 皇考以來月九日十日行禮 選叔女四十八人○辛亥大內東偏火 上露告於 天告於 祖考火自宮人郭氏屋起近境東西十四連房俱盡 上諭大學張璉宮中地濕而屋象且以費迪棟所以每有大患聞南京中諸門皆磚砌不用木固知 聖祖慮深今所燬者不須依舊式未燬者量為規畫務使道途踈豁堂舍整簡勿令相近門俱如南京制斯免驚擾耳尋復為火警或問一篇示璉以明善惡別惠和自勵云○壬子陞陝西按察司僉事教英為河南按察司副使提調學校 定春

秋開講告先聖先師告文用祝式每年春秋開經筵之日先期
行禮。癸丑禮部上耕籍冊儀注一前期太常寺奏祭祀文武
百官致齊二日是日早順天府官以末耜及種稜種進呈訖少
頃內官捧耒耜及種稜種授順天府官捧由午門及大明門左
門出置耕根車內列於玉輅之前 上具翼善冠黃袍御奉天
門太常寺官奏請詣先農壇 上陞輅耕根車前行詣壇所具
服殿 上服袞冕典儀唱樂舞生就位執事官各司其事導引
官導 上至拜位內贊奏就位典儀痿毛血迎神奏樂樂止內
贊奏二拜百官同典儀唱奠帛行初獻禮奏樂執事官捧帛爵
跪於 神位前奠訖內贊奏跪百官同樂暫止內贊贊讀訖讀
祝官跪於 神位前右讀訖奏樂奏俯伏興平身百官同樂正
典儀唱行亞獻禮奏樂執事官捧爵跪奠於 神位前訖樂正

典儀唱行終獻禮儀同亞獻樂止太常寺官進立壇東西向唱
賜福胙內贊奏跪播圭光祿寺官以福酒跪進於上右奏飲
福酒光祿寺官以福胙跪進於上右奏受胙奏出圭俯伏興
平身奏二拜百官同典儀唱撤饌奏樂執事官詣神位前撤
饌訖樂止典儀唱送神奏樂內贊奏二拜百官同樂止典儀唱
請祝官捧祝掌祭官捧帛饌各詣燎位奏樂禮畢樂止上還
具服殿更衣善冠黃袍太常寺卿侍百官俱更衣訖入奏請詣
耕籍位導駕官同太常卿導引上至耕籍位南向立三公以
下從耕者各就從耕位戶部尚書北向跪進耒耕順天府官北
向跪進鞭導駕官同太常卿導引上耒耒三推三反訖戶部
尚書跪受耒耜順天府官跪受鞭太常卿奏請復位順天府尹
捧青箱隨以種子播而覆之上迎觀耕臺南向坐觀三公五

推尚書九卿九推訖從耕官各就位太常寺官奏耕畢導駕官
同太常卿導上牲輿入衛宮坐座鴻臚寺官奏順天府官率
兩縣官耆老人等叩頭畢庶人終畝鴻臚寺官拱聽聖旨
賜酒飯鴻臚寺官承旨訖贊入班一拜三叩頭尚膳監進膳三
品以上官各就冊位前彼序列賜坐四品以下官臺下御路東
西相向序坐并宴勞耆宿於壇傍教坊司承應進膳樂并三舞
隊一奏慶豐年之舞二奏呈瑞應之舞三奏感天地之舞每舞
各有承應及宴畢鴻臚寺贊入班一拜三叩頭奏禮畢駕輿
還宮大樂鼓吹振作去年二月禮部擬上耕籍儀注上以其
過煩且依行侯嗣歲別議至是禮部尚書李時更以迎神送神
止行二拜內有先二日順天府官以耒耜種棧種置踪輿上出
耕籍所駕行設函簿耕畢還其服殿順天府官率兩縣耆老行

五拜三叩禮百官致詞慶賀賜酒飯教坊司承應在於御門觀耕之時而無進膳樂及三舞隊上猶以為煩諭禮部順天府縣官老人俱當叩頭百官不必稱賀教坊承應擬定三舞隊就於進膳宴百官時承應門外只觀從耕畢入齋宮賜宴歲為定例亦不必用函簿及議造耕根車以重農務禮部議言臣等考大明集禮國朝耕籍田宋制上乘玉輅而以耕根車載耒耜蓋玉輅耕根車同日而行及考見行儀注順天府官耨耒耜及耨耨種習稼與先於祭前二日而出今用耕根車以載耒耜宜令順天府官於祭日早進呈畢以耒耜置於耕根車內前玉輅以行及考耕根車式摺諸禮書止於圖式而無高廣尺寸宜依今制車式差小通用青質伏乞欽定下順天府速為製造臣等又考得宋史有觀耕臺今皇上御門觀耕地卑下侍衛人眾

有礙觀視宜令工部以木作臺高五尺橫直五丈正西東西三
出陞暫行一次俟明年用磚石砌築身殿舊儀上耕畢還具
服殿賜宴三品以上官各就丹陛上東西相向賜坐四品以下
官臺下序坐並宴勞者宿於壇傍今聖駕入殿宮賜宴且等
竊觀齋宮丹陛狹窄三品以上官宜令前放序列四品以下仍
於臺下御路東西序坐者宿宴勞仍在於壇傍詔可故更定儀
注如前云○乙卯午刻奉安仁祖神主先是上諭曰闕曰
茲者朕躬奉皇祖神主安於中室及以序進處七宗位併
四祖位禮成祖祇廟止福三室可轉諭時速為莊飾祇
廟東第二室禮部移工部轉行內官監莊飾如制上復諭內
閣曰茲祇廟東第二室已修完奉安神主朕當親往以伸
朕非神尊親之義人太祖太宗原配社稷塗金牌座

如先聖遺制用架罩藏於本室神牀之左可俱於三十日朕常
服用香燭果酒告辭行事於是以是日卯刻安寶座神牀而
午刻奉安馬儀注一是日司設監奉安寶座神牀帳幔等件
於祔廟東第二室錦衣衛設儀衛侍衛如常儀設上拜位
於室前正中是日午時聖駕躬詣太廟上陞轎至太
廟門外降轎導引官導上至祔廟親拈仁祖主奉安於
東第二室神牀內贊奏就位奏上香上三上香訖奏鞠躬四
拜興典儀唱行初獻禮執事官拈爵跪進於仁祖神位前
上親獻訖內贊贊讀祝奏跪讀祝官跪讀訖內贊奏俯伏興平
身典儀唱行亞獻禮執事官拈爵跪進於神位前典儀唱行
終獻禮儀同亞獻內贊奏鞠躬四拜興典儀唱讀祝官拈祝詣
燎位內贊奏禮畢提督學校御史章袞疏言孔子祀典不宜

去王號 上以孔子祀典已有定議衆不遵行學人以正反為
異說惑衆狂妄下都察院劾劾都察院劾劾家職居提學問知朝
廷據大禮斥洒號以尊孔子至意輒持偏見攪亂狂妄之罪誠
不可定得旨章袞妄持偏見扇惑衆心難居提學之職令吏部
對品調外任 性太僕寺少卿載時宗為大理寺左少卿尚寶
司司丞徐文燦為尚寶司少卿 直隸太平府當塗縣民吳倫
妻王氏一產三男一女 太常寺卿陳道瀛請吏造陪祭官祭
服 上以祭服頒諸有司多不愛護反致不潔合文官五品以
上武官都督以上如式自造餘武職官量製給用

大明世宗肅皇帝實錄卷一百二十一

大明世宗肅皇帝實錄卷一百二十二

嘉靖十年二月丙辰朔○戊午 章聖慈仁皇太后聖旦 上
祿賓輿稱壽 禮部尚書李時等言親蠶盛典去歲 皇后躬
祭采桑已足風勵天下矧今歲光蠶壇殿工未畢宜且遣官行
禮其浴蠶等事仍於織堂照例舉行俟工完日另議 上疑部
臣以去年 皇后出郊偶有風霾故欲罷行仍令速議以聞於
是時等復言考之周禮亦有代祭之儀 皇后行於宮中而可
以供祭服之用識女工之艱則於古制大義已得不必歲歲出
郊方盡合乎古也 上以皇后親蠶已告于 祖考歲為定例
今如舊行 是時國子生在班者不及四百人而各衙門歷事
歲額幾有千數該點以撥磨不敷疏請預處詔部部詳查舊規
擬奏于是尚書李時等嚴稱國初監生俱由廣業堂肄業積漸

升率性堂始得積分出身故天順以前監生必作養十餘年然後撥厯彼因積滯人多節將撥厯歲月量減至弘治八年國子監卽有坐班人少不敷撥厯之請該本部尚書倪岳題稱權宜舊弊之法有二增貢額以足坐班生徒議差厯以久坐班歲月擬將府學歲二貢州學二歲三貢縣學歲一貢行四歲而上其各衙門厯事三月考勤之故仍厯一年其餘寫本一年清黃寫結清軍清匠三年以至出巡等項俱如舊例日月為滿今國學缺人視弘治時為甚所有前項事例似應恭酌舉行得旨監坐班人少皆因近來將厯事日減少而操厯長差等項增多既天順年前十年以上方得撥厯今乃未及一年已資緣撥出大壞 祖宗作養之法吏部其查各衙門厯事舊額人數明白開奏着為定例不許仍前濫撥及令出銀寫本無名差用各項

歷事月日俱照倪岳題准事例滿日方許更替凡歷事及出巡
奏內既該監生銜名一應事務許其公同評議舉察所司奸弊
以稱 祖宗設立歷事深意以彼考選歲貢入監務遵監規由
廣業堂漸升率性然後積分出身果有才學超越奏聞擇用貢
額不必增恐致異日選法壅滯其監生給假者趨復班 坐刑
部署員外郎蔡子舉為通政使司右叅議。庚申陞兵部右侍
郎陳洪謨為本部左侍郎改工部右侍郎潘希曾為兵部右侍
郎。辛酉陞吏部文選司郎中列序為太僕寺少卿。癸亥登
太社 太稷 禮部尚書李時等以二月十二日 皇上躬
祭歷代帝王於文華殿正殿分設帝王五壇一十六位冊陞東
西分設名臣四壇共三十七人又言舊儀三獻畢有賜福胙賜
者自上而下之義惟 郊 廟 社稷宜用其歷代帝王與

皇上等偷止宜用答字於義為當復上其儀注一嘉靖十年二月初十日太常寺奏致齋二日預設各壇神位并牲醴香帛樂舞等項如儀設 上拜位於殿中是日早免朝 上常服御奉天門太常寺卿跪奏請 皇上詣文華殿躬祭歷代帝王 上具祭服導引官導 上至拜位典儀唱樂舞生就位執事官各司其事內贊奏就位 上就拜位典儀唱迎神奏樂止內贊奏詣主奏上香 上三上香訖奏出主奏復位內贊奏兩拜上兩拜平身傳贊陪祀官同典儀唱奠帛行初獻禮奏樂內贊奏詣 神位前執事官各捧帛爵跪進于各 神位前樂止內贊奏讀祝奏跪傳贊陪祀官同讀祝官取祝跪讀訖奏樂內贊奏俯伏興平身傳贊陪祀官同樂止典儀唱行亞獻禮奏樂儀同初獻惟不讀祝樂止典儀唱行終獻禮奏樂儀同亞獻樂止

太常寺卿進立于壇傍東立西向唱答福胙內贊奏詣飲福位
奏搢圭奏跪光祿寺卿以福酒跪進于 上右內贊奏飲福酒
上飲訖光祿寺卿以福胙跪進于 上右內贊奏受胙 上受
訖奏出圭奏俯伏興平身奏復位內贊奏兩拜 上兩拜平身
傳贊陪祀官同 典儀唱徹饌奏樂執事官于各 神位前徹饌
訖樂止典儀唱送神奏樂內贊奏兩拜 上兩拜平身傳贊陪
祀官同樂止典儀唱讀祝官捧祝進帛官捧帛掌祭官捧饌各
詣燎位奏樂內贊奏禮畢樂止太常寺官捧各 神位詣燎所
議上制可命太學士翟鑿尚書梁材李時汪鉉分奠○乙丑
孝貞純皇后忌辰 春先殿行祭禮遣定國公徐廷德祭 茂
陵 涇河南左布政使陶諧為都察院右副都御史提督南顏
汀漳等處軍務○丁卯 上祭歷代帝王于文華殿 涇河南

按察司僉事張璋為貴州按察司副使。○戊辰 昭聖康惠慈

壽皇太后聖旦免命婦朝賀。上躬耕藉田祭 先農之神。

庚午總制陝西三邊軍務兵部尚書王瓚以衰老求退。上優

詔不允。禮部具上朝日壇祭大明儀注。一前期三日太常寺

奏祭祀如常儀。諭百官致齋。二日一前期二日太常卿同光祿

卿奏省牲如常儀。一前期一日 上親填祝版于文華殿。紅楮

版硃書如過遣官之歲。則中書代填。遂告于 廟。遣官則否。祭

之日免朝。錦衣衛備隨朝駕。上常服乘輿詣東郊壇北門

入。至具服殿具祭服出導引官導。上由左門入。典儀唱樂舞

生就位。執事官各司其事。內贊奏就位。上就拜位。典儀唱迎

神樂作樂。上內贊奏四拜。傳贊百官同。典儀唱奠玉帛。樂作內

贊奏性壇導。上至。大明神位前奏。搢圭司香官捧香跪進。

於 上左內贊奏 奏上香 上跪三上香訖捧玉帛官以玉帛跪進于 上右 上受玉帛奠訖奏出主復位樂止典儀唱行初獻禮樂作內贊奏泄壇導 上至 神位前奏搢圭捧爵官以爵跪進于 上右 上受爵內贊奏獻爵 上獻訖奏出主奏詣讀祝位奏跪 上至讀祝位跪傳贊眾官皆跪贊讀祝樂暫止讀祝官跪讀畢樂復作奏俯伏興平身傳贊百官同奏復位樂止典儀唱行亞獻禮樂作儀同初獻但不讀祝樂止典儀唱行終獻禮樂作儀同亞獻樂止太常寺卿立于壇前之右唱賜福昨內贊奏詣飲福位導 上至飲福位光祿官捧福酒跪進于 上右內贊奏跪奏搢圭奏飲福酒 上飲光祿官捧福昨跪進于 上右內贊奏受昨 上受訖奏出主俯伏興平身奏復位 上復位奏兩拜傳贊百官同典儀唱徹饌樂作執

事官徹饌訖樂止典儀唱送神樂作內贊奏四拜 上四拜興
平身傳贊百官同樂作典儀唱讀祝官捧祝進帛官捧帛掌祭
官捧饌各詣燎位樂作內贊奏禮畢樂止導引官導 上至具
服殿易祭服改鑿還恭拜于 廟奉道宮制曰可。壬申直隸
巡按御史李宗樞條陳邊務六事一遣重臣以脩邊備言偏頭
三關孤懸極邊宣大二鎮紀律漸弛乞專命大臣以總制之凡
軍馬錢糧邊防賞罰俱聽便宜行事一嚴考察以慎邊百言諸
邊將領因循怠惰宜振作而一新之乞將總兵以至副將遊擊
嚴加考察五年一行一行簡汰以精選軍乞勅各邊鎮巡等官
每歲仲冬會集諸軍嚴加比試別其強弱列為三等上者食糧
月一石五斗次者一石下者五斗因其進退而升降之一增墩
墩以便邊防言大同一鎮地勢平漫大小二邊及墩臺濠塹歲

久荒頽以致嗷望不及烽燧難傳已將各營各路之兵起借夫
役分工立限缺者補增項者修葺一設所治以禦邊患言大同
鎮東為聚營驛西為高山站二驛之中軍人不及二百已將二
城添設二所各置守備十百戶等官分撥大同原額冬夏添備
馬步土兵隸之仍將勦發功臣田土及近山荒地量給耕種一
禁買切以清邊禦言各選將領買奪首級以為己功冒濫爵賞
傳及子孫獎莫大於此者已申明法典有仍前獎者坐以極刑
兵部覆議宣大兩今虜情稍緩總制不必增設總兵係五府堂
官體貌不可不濫副叅以下俟條武臣原無可查事例官軍宜
精加簡閱月糧係舊制擅難增減聚落二堡各設所分先年題
奉欽依未曾舉行宜行查勘買功有發遣舊例別難再議餘俱
可行詔從之。癸酉細 上以補裕義詢大學士張璠令與夏

言議已言撰禘義一篇獻之大意謂自漢以譜牒難考欲如虞夏之禘黃帝商周之禘帝嚳不能盡合故二千餘年廢而莫講茲承 皇上德音臣謹推明古典采酌儒先精微之論宜為虛位以祀廣曠典復行于世 上曰禘義深奧爾所議已得朕亦以所自出之帝本是厥初第一之祖虛位而祀唯求在戎之誠耳下其疏禮部會中允廖道南議請以 太祖實錄為據禘顓頊迹詔禮部以言道南二疏會官詳議以聞于是禮部集內閣九卿詹事府翰林院國子監議于東閣咸謂虛位既設味無據顓頊又世遠難稽今 廟制既定 高皇帝始祖之位當導欽定國禘 德祖為正部以諸臣議上 上曰禘祭意義淵奧朕雖不知其旨豈敢不慎大禮決不可缺此諸議皆主從實從信為當夫豈不道而朕旨行之卿等皆賢俊博學聖賢理道知

之舊矣 德祖之擬出朕一時之誤制為 太祖之 高祖難
擬白出之位今加以虛位奉行惟恐誠不至百誠至神自格假
使生存而無孝子之心亦如不在朕難自用且有偏聽嫌其與
集議以聞言復疏陳禘 德祖有四可疑內言今所定 太祖
為太廟中之始祖非王者立始祖廟之始祖 上併下部議于
是諸臣咸奉詔請設虛位以禘奉 太祖配禮臣因言太祖既
歲舉太禘請三歲一行庶疏數適宜 上報聞隨白為文告
皇祖 授江西布政使司左叅政集溥為本司右布政使以成
安伯郭瓚管理紅盧將軍侍衛○甲戌 恭仁康定茶皇帝忌
辰遣儀賓周鉞祭 凌寢 授南京光祿寺卿黃鍾為都察院
右副都御史巡撫山西地方 以水災免直隸鳳陽淮安揚州
西府所屬州縣並留守等衛所秋糧有差○乙亥先是 上定

方立并 朝日壇所用玉爵各因其色詔戶部覓紅黃玉送御用監製造戶部多方購之不獲但得紅黃瑪瑙水精等石以進詔暫元用的責求真玉至是部臣言中國所用玉大段出白西域于闐天方諸國及查館年前購唯有漿水玉菜玉黑玉併無紅黃二色且諸國俱接陝西邊界宜行彼處撫臣厚價訪求詔可○丙子兵部尚書李承勳以亂藿示吳春詔條陳備邊五事一北虜自去冬黃河凍後大半入套其餘尚在河東則今歲遣患陝西最急宣大次之然勢有變更兵雖遣度急者或以警戒而後安緩者或以晏安而召寇宜申飭各邊鎮巡等官嚴謹邊備以戒不虞一甘肅孤懸河外山多土少且遍于虜患不敢耕墾歲入不足必須仰給河東成化弘治間糧輸本色驛站編河東人應役以是河西富饒今糧改為折銀分散有田軍餘糴

買名為和雜領銀則扣剋而不足原數收糧則加耗而十增二
三雖曰養軍其實害之其驛傳解銀頗為兩便但每令運負以
濟河西之急可也仍宜每歲于常數外發銀二十萬兩令管糧
郎中於河東蘭州雜買收貯以備河西不測之虞又甘肅所患
者回夷而今加以亦不利舊日肅州人患孤危難守而近歲套
賊往還必經莊浪界內被其殘害必須別為議處或設險添墩
遠斥堠以清野使虜無可掠或聚兵截殺使兩寇不得交合為
莊浪甚俱宜令總制鎮巡會議以問一遠東前州二鎮東北則
海西諸夷西則朵顏三衛而朵顏尤近京都往昔永平薊州不
間有警自陳軌失律之從花當之勢浸驕其巢穴多在紅羅山
前後與建昌營密雲永平為界然此地因被主牧北虜亦罕能
全善撫之則為藩籬之用不善撫之則為我門庭之寇宜行彼

處鎮巡如意防守犯順則剿殺以剄其銳貢市則恩信以結其
心一雲南地方自安鈐撥亂之後軍民困敝近聞臨安府盜賊
生發勢甚猖獗安南國王素夫人心被伊叔專制其國稱爲老
王適者逐其應襲姓于老過投住已經彼處鎮巡勘處至今未
有回報內則盜賊頓起土官僭亂外則南夷不靖邊蠻將開古
人謂智者觀未形況已著乎宜行鎮巡等官彼此協和共圖政
理開誠布公撫捕兼行毋得輕率外交納徇小夷一防禦邊患
雖非一事總其大要不外兩途曰費財用材而已以豐財言之
月糧賞賜俱有定額此經常之制可以預計者也行糧草糧師
出無常此不時之需難以逆知者也弘治以前各道糧料皆百
萬以上蓋非一日之積正德以來費用殆盡各鎮倉庫皆空耗
費滋甚且如平歲米石值銀一兩而官散折銀六錢是官軍每

月止得米六斗軍何得不貧凶歲米石值銀三兩軍多餓死乃如數給之米無可買而軍亦不免餓死是官銀三兩不當一兩之用官安得不費求其可以濟今之急而不大損於財其惟預乎如各違於歲月外每歲豫得見銀二十萬兩別儲之歲小收則可買米二十萬石大收或倍之比以三兩折米一石則在官獲三倍之利矣歎歲得米一石值銀三兩軍亦獲三倍之利矣大抵邊鎮米價不論豐凶冬月猶可一入初春日益翔貴商販以時廢居率致巨富誠使皆有羨金米賤則糴而運而給折于軍米貴則收本色而積銀于庫斯官軍兩便而商實無所牟大利矣以用材言之取邊任之才與內地異邊將之選與文臣異副將以下又與大將異文臣之用於邊者當取其深沉有實材者為上警敏識兵智者次之至於好名刻薄之徒必不可用其

小廉曲謹避謗遠嫌者亦非其人也。大將惟資其持重有謀能節制偏裨而不專於勇，副將守備固當選其勇，然非廉則地方受容遊擊中軍十總之類是為軍鋒，必以勇力為主而不可資。請宜行各遣總巡等官將見任副將以下從公問註分別優劣。具奏熟涉仍於屬內體訪果有材堪將領者保舉，惟用其大將有不稱任者科道指實劾奏罷之。奏入詔備遺事宜即行諸司。作速條奏從實舉行毋得遲誤。○戊寅 上諭內閣昨因議追

祖陵 皇陵二山名朕思 孝陵在鍾山亦宜同體 文皇既封黃土山為壽山今又擬 顯陵為純德山而燭鍾山如故于理未妥朕惟 祖陵宜曰基運山 皇陵宜曰翔聖山 孝陵宜曰神烈山並 方澤從祀以基運翔聖天壽山之神設于五嶽之前神烈純德山之神位次于五鎮之序仍預闡之 祖

考及命所在有司官祭告 各陵山祇其示禮官奉行及行工
所增製並更製 三陵山祇位于是禮部尚書李時遵旨行內
官監以 欽定各陵山神號依 天壽山神牌式製造且言
神祇壇每年秋報露祭 地祇內有 鍾山 天壽山之神今
方澤從祀增製基運等山神位其 神祇壇亦宜遵行庶事
體歸一本部行欽天監擇日預告 祖考于 太廟 世廟其
祭告 各陵山祇 祖陵基運山 皇陵翔聖山造風陽巡撫
都御史 孝陵神烈山造南京禮部堂上官 顯陵純德山造
湖廣巡撫都御史太常寺仍委屬官二員齋捧香帛告文分送
各官致祭 上然之命秋祭一併增製 都察院覆童源所奏
查勘過太監秦德張永張忠墳墓在觀山廣源間等處俱係
山陵來龍過脉及環拱處所且奢麗踰制俱宜改正其餘官民

墳墓不下數千凡有奢侈僭合者亦行改正西山一帶煤窰俱
應禁塞 上曰秦德等墳墓越禮奢侈俱改正折毀其餘官民
墳墓但有奢侈過分者限三月以裏一體改正如與龍脉無干
並無造作奢侈者仍舊不動煤窰係民生日用所不可缺不係
禁閉應禁處曉小民照舊生理 先是海賊洪迥成林舉等聚
眾數百人流劫福建沿海郡縣及廣之惠潮浙之台温殺傷吏
民迥成死舉代領其眾與別部海賊洪體謨王輔成等合勢蓋
域威浙江海道僉事姜儀募武勇守要害督理兵船勦之生擒
舉體謨輔成餘賊溺水死所俘獲數百人巡視浙福都御史胡
璉上其功詔賞儀銀十兩璉一表裏其夫事人員俱下巡按
御史建湖舉等奏決梟示○己卯命巡撫應天都察院右副都
御史毛思義以原職總督南京糧儲○庚辰 上親祀大明

于朝日壇上諭大學士張璠朕奉章聖慈仁皇太后慈訓於選中淑女三十人內慎選九人以免九嬪所有應行禮儀卿可傳諭禮部趣令開具進覽于是禮部尚書李時等言皇上以宗祀之重擇貞淑備九嬪誠宜定擬典禮以昭示天下臣等考之大明會典諸書惟載冊立后妃禮儀嬪御以下皆缺及考唐制貴妃淑妃德妃賢妃正一品昭儀昭容昭媛修儀修容修媛充儀充容充媛為九嬪正二品皆遣使冊命則唐以前九嬪之禮甚重皇朝原無冊立九嬪之儀禮姑今日臣等竊擬遵照冊嬪儀注量為降殺謹逐一開具恭候聖裁一吉期用嘉靖十年三月初二日一先期太常寺備告太廟世廟牲醴翰林院具祝文一先期內府造九翟冠次皇妃之鳳者大衫鞠衣如皇妃制圭用次玉殺文銀罔少殺于

皇妃五分之一以金飾之一本部奏請行禮正副使各二員
一前一日鴻臚寺設節兩案于奉天殿節案居左兩案居右設
節兩案與于所階內教坊司設中和韶樂及大樂錦衣衛設儀
仗如朔望儀一是日早內官設九嬪受冊位于宮中設節兩案
于受冊案之北節案居左兩案居右又設香案于節兩案前設
內替各三人引禮各二人一主期 上具袞冕服以冊封九嬪
祭告 太廟 世廟如常儀禮畢 駕回 上易皮弁服御華
蓋殿鴻臚寺官奏執事官行礼畢奏請陞殿導駕官導 上陞
座文武百官各具大紅及錦繡衣服入班行叩頭禮左右侍班
正副使具公服就拜位鳴贊贊四拜興傳制官跪奏傳制執事
官舉節兩案由殿左門出遣御道中傳制官由左門出稱有制
鳴贊贊跪正副使跪傳制官稱制曰嘉靖十年三月初二日兩

某氏爲某嬪命卿等持節行禮贊俯伏興四拜禮畢執事官舉節兩置綵輿中黃蓋遮送至右順門正副使朝北面立內官捧節兩由正門入迎至九嬪宮中節兩未至之前引禮請九嬪出迎于宮門外節兩至由正門入九嬪隨至拜位內官以節兩各置于案內贊贊四拜贊宣兩贊跪宣兩女官取兩立宣于九嬪之左訖贊受兩贊稽圭宣兩女官以兩授九嬪九嬪以兩授女官女官跪受于九嬪之右立于西贊受兩訖贊出圭贊興贊四拜禮畢內官持節由正門出九嬪送出宮門各內官齋節出至右順門裏待齊乃出右順門外以節授正副使報禮畢正副使得報持節復命一謁 內殿是日九嬪各具服候 皇后率詣奉先殿 奉慈殿 崇先殿行謁告禮如常儀一謝恩是日謁 內殿畢九嬪各具服詣 昭聖康惠慈壽皇太后前 帝

聖慈仁皇太后前 莊肅皇后前俱行八拜禮畢候 上服皮
弁服 皇后亦具服各陞座贊引女官引九嬪詣拜位行八拜
禮畢各還宮 上曰告 廟用香帛脯醑果酒捧 主官如故
正副使并執事官令具服行礼百官公服侍班餘如擬○壬午
大學士張璠以名有嫌於 御諱請改 上以字既不同又不
兼二不必避璠復懇請 上乃賜名曰字敬字曰茂恭請詔累
賜詰命准照今名改給又 御書字敬茂恭四大字橫直各二
幅以賜焉○癸未先是 上命禮部考古太歲壇制以問至是
禮部言太歲之神自唐宋以來祀典不載惟元有大興作祭于
太史院亦無常祭之典至我 國朝始有定祀是以壇宇之制
於古無稽按說文太歲木星一歲行一次應十二辰一周天蓋
天中 也亦宜設壇露祭但其壇祭制無考宜照 社稷壇規制

築造高廣尺寸少焉減殺俟四部工役完卽建太歲等神並
雲雨風雷數鎮海濱三壇神祇於壇內俱照社稷壇規制惟
太歲壇差小庶陰殺過宜而祀儀不忒詔可致仕刑部尚書
韓邦問卒賜祭葬如例 巡按直隸御史余勉學條陳江防二
事一節武備以精江洋言都所重築過江防儀真而下巡江軍
快衛不滿四十人所不滿二十人加以月糧不給府仰為累乞
勅兵部議處將鎮江衛原坐京操軍士量留以脩江防及行沿
江衛分凡巡江軍快務足百名之上應得月糧務以時給使其
早居則常川操練有警則互相應援一設管伍以據要害言瓜
洲遠在下流與京口對峙東控洋海北接淮揚甚為要害雖有
儀真守備往來巡歷然固歲不致至其餘奸細何所蹤跡乞勅
兵部議處量於福州衛調撥官軍築堡瓜洲常州守備與儀真

等處聲勢相接以防不虞仍行彼處量造衙宇以便徃來防守
兵部覆議撥軍築堡難以輕議餘俱可行詔從之 兩洋都轉
運鹽使司運使祝弘野遼東苑馬寺卿王崇慶俱遷官未任疏
乞休致詔弘野以原任雲南楚雄府知府崇慶以原任河南按
察副使各致仕復諭吏部令縱大小官員凡陞遷未履任告休
致者俱以原職致仕著為令○甲申陞浙江按察司僉事陳察
為本司副使○乙酉太子太保兵部尚書胡世寧卒詔贈少保
賜祭葬如例謚端敏世寧浙江仁和人弘治六年進士授湖廣
德安府推官陞南京刑部主事歷江西按察司副使時宸濠有
逆謀要結權倖中外側目莫敢言者世寧慷慨上書悉發其奸
狀逮詔獄等死謫戍瀋陽濠誅起徙中為都察院右僉都御史
巡撫四川未幾召入為吏部右侍郎以廢去起復補兵部左以

病乞南京漕南京工部尚書復召入一歲中歷都察院左都御
史刑兵部尚書者再如太子太保尋引疾去復召贊恭南京機
務不起于九年九月端坐而逝世年風格峻整負經濟遠猷貞
諒自持有羔羊之節初橫犯逆藩幾陷不測海內士想見其風
采嘉靖初既興大政侃侃持論多所建白其議禮足張桂而立
朝殊與抵逆至若建開留城新河開閘棄哈密二議足稱謀國
之石畫云

大明世宗肅皇帝實錄卷一百二十二

大明世宗肅皇帝實錄卷一百二十三

嘉靖十年三月丙戌朔 上勅諭禮部曰朕仰惟 皇祖太祖
高皇帝肇創洪圖奠清宇宙掃除腥穢授我文明克享 天心
君臨億兆必自 上世之積累乃出中夏之 元聖顧追報之
典未舉而冲昧之懷用遂朕已躬承 皇祖之鑒命恭行大禘
之禮于今孟夏之吉祀 始自出之祖于 太廟奉 皇祖配
每逢辛丙之年一舉著為成範而禮部具儀擇吉來聞 兵部
主事鄭琬疏言軍職貼黃武官選法所係三年一清立法頗詳
第先彼因仍混失如故以致名為貼黃而黃多不貼所以每選
難於查覈人易為妍應釐者以查黃不出而守候經年典守者
以黃多難檢而任人私揭及今不理弊且日深因條上清黃五
事一嚴督準近日題准清黃監生仍舊例以三年為限須立法

督催庶不曠廢月日允分與工程依限查寫先限寫完兼查對
清切者即准上選過限不完者立限催完方准上選寫字粗拙
及不率教者發回該監歷過月日不與准其一固黏貼黃本
以便揭查然黏貼必須牢固自今將各衛所貼黃逐一查出各
用黏糊牢固黏入貼黃本內應立黃者照舊寫黃用寶畢日每
黃二張用紙一葉亦照前法黏貼不得仍舊夾放庶免散失及
盜黃改黃等弊一增黃本舊黃每本百葉黏也小黃二百張揭查
為易後因立黃日多黃本未增以使一本百葉夾至三四百張
衛所不分流世無別今宜添領黃本每衛不拘本數每葉黏貼
二張盡數附貼仍於黃本皮面開寫在京在外衛所人名明白
以便揭查一慎揭黃舊例犯罪革職永遠不許承襲者揭黃燒
燬軍職調衛者揭出原衛改黏見調衛分彼因贖寫貼黃取其

易揭不復黏固多致混失在京者誤入外衛府爲者誤入上拾
吏緣爲奸該選官各經年不得襲替今既黏貼牢固不許輕揭
每兩月一次續黃將內外黃本查對明白飛帖標記揭黃之時
每黃監生二人各執一本比對內外黃號不差條內黃者於西
廊房牆寫條外黃者於西關河下牆寫畢對同仍頭放西廊
房內候大選後用寶之日同內黃擡至奉天門用寶其調衛官
員以從者為準內外貼黃俱黏貼見任衛所清理事完後遇有
更調官員貼黃料吏隨即附簿每年半一次不拘員數用本部
印信于本差續黃官帶領人直赴印殿監會同該監官將本人
貼黃移貼今調衛所貼黃本內如遇犯該揭黃者亦每半年同
更調貼黃揭出會官燒燬揭出空處仍黏白紙小宗書某人貼
黃爲某事調衛揭出州縣某衛該犯揭黃者書某人貼黃犯該

革職燒燬以杜吏奸惟新立功陞授官員始用立黃已立黃者
不煩重費清理一軍職舊例黃選相同方准襲替蓋以立功來
歷詳於貼黃歷代脚色備於選簿已經本部題奉欽依類造選
簿今清貼黃務將選簿貼黃彼此相對但有差錯遺漏即行改
正補錄仍舊收貯以便查對得旨近年清黃委官耽延日不
獨監生為然所奏俱依擬務用心清理如仍違慢料道官糾奏
治罪 命浙江採茶竹花斑竹成造方丘月壇笙簧○丁亥冊
淑女方氏鄭氏王氏閻氏常氏沈氏盧氏沈氏杜氏為九嬪告
于 祖廟命武定侯郭勛附馬謝詒大學士張宇敬翟鑿尚書
梁材李時卿陳道瀛捧 主禮成 上御奉天殿百官致詞稱
賀 初心樞大同左副都御史王大用奏報虜警為兵科所奏
駁而給事中秦釐因論大用殘忍偏刻及奏報含糊不任遺事

薦巡撫宣府都御史劉源清可為宣大總制下兵部議覆大用
素有才望敢於任事志在振作第土俗未諳吏張無漸以致人
言宜取回他用源清在鎮久威令素行固當權用第總制已奉
旨報罷並請 上裁 上以兵部所議是非矛盾仍命吏部會
議至是吏部覆大用才識素優蒞任日淺若因人言輒易則事
權漸壞來者展布益難宜仍留巡撫以責成效 上曰大用才
既可用着照舊巡撫務體朝廷委任主意悉心邊海毋以人言
自生疑阻 初刑部郎中葉應總既坐陳沈穢為民沈嘆應總
不置後令家人詣闕告應總治穢時酷刑殺無辜凡二十六人
詔下此按官勘至是御史李美覆報死者俱有狀非應總斃之
得旨應總首釀冤穢發極邊衛分充軍○戊子賜大學士張孚
敬以 獻皇帝御書榮恩堂字 上識其端曰 皇考手澤又

賜銀印篆刻所賜字敬字及白金四鎰絳帛四束羊酒珍饈等物諭曰日前間卿自為堂房名曰榮恩夫所謂榮得君恩也朕思皇考嘗手書斯三字朕恭裝軸或併銀印一枚及綵帛等物以賜以為吾君臣相慶之意庶見朕意云耳 初 親耕禮成給事中王璣言此禮之流弊於具文而 皇上行之實為費事臣仰觀為快因敬陳其悉夫天子耕籍何也供菜盛一也知稼穡艱難二也慎惜財用三也率公卿百官皆重農圖示天下使皆務本四也此四者耕籍之實務也 上是其言令部目推衍擬奏施行至是禮部覆議令西苑地寬其可耕之處宜令農夫墾藝其中 上以春秋二時臨幸觀省然後收其所入輸之神倉既悉小民艱苦之狀且得自致潔清於神明其為耕籍之實孰大於是若夫主敬行儉以倡百官此 陛下盛德自然表

正臣民已非一日惟益懋毋替而已 上曰然西苑今造土穀壇其具儀來問崇儉省費朕躬自勉卿等股肱一體贊襄務臻實效○己丑初禮部敷上言 皇后出郊親蠶不便是日早上乃諭大學士張宇敬令與尚書李時議移之西苑哺時 駕幸西苑召二臣至太液池 上使中官操舟渡之入見于舊仁壽宮 上曰朕惟農桑重務欲於宮前建土穀壇宮後為蠶壇以時省觀卿等視其可否宇敬謝曰早承 聖諭未知即日駕臨方親工 南郊遂稽趨命 上悅二臣起出視地 駕轉昭和殿 上期二臣於北還復命曰宮後垣宇仍舊增飾足稱蠶室宮前欽定土穀壇方位極正當 上曰蠶壇第增一具殿及小房敷間務從省約賜二巨酒飯于殿西後廂尋遣中使賜以珍餼二巨復入殿謝 上令近榻日時曰北郊蠶壇卿不

必奏請即移文工部拆之又出御製西苑視穀依先蠶壇位賦
手授字敬曰朕適有作卿等省潤二人請出恭誦入奏曰念民
生衣食之本重為農桑勸此三代盛典何幸親見之上因命
廉和以寫做戒之意字敬復請上手書各賜為子孫世寶許
之明日二日進和賦上手各賜手書御製賦如所請徵教曰
併裝成姓名曰咏和錄賜之已復諭字敬曰朕惟君臣之際固
不可不嚴此在朝之當慎他處則猶家禮然且漢文帝之召見
賈生因語久而文帝為之前席今亦稱美故君臣不交治功安
成况朕在冲味世事未一經無識見卿之於朕無異周公愛成
王首以孝訓於朕他時餘事耳卿夙夜在公敬君盡禮昨見退
避太過恐非輔臣之於君者夫何謂輔導大臣與他諸臣不同
故曰導之訓教傳之德義保其身體此則可以在朝之制相

與明矣今後凡會議或卿有所入奏無拘時而來面相計處俾
交修朕之性志有定方可廣接他人庶有所酌別賢否耳朕又
欲於今暮春兩宮春遊微與卿輩一遊以仰遵我聖祖丕
訓亦以見如絲之率由祖道當有宴樂預與卿言之太子
太保兵部尚書李承勛湖廣嘉魚縣人由進士授知縣歷南京
刑部主事戶部員外郎中知府果遷至河南左布政使巡撫遼
東副都御史引病回起用南京都察院管院事晉南京刑部侍
郎尚書改吏部尚書未仕尋改刑部尚書加太子少保改兵部
尚書加太子太保兼都察院左都御史管院事提督團營嘉靖
八年二月回部管事主是卒於官承勛沉毅果斷有經濟大畧
在江西剿除華林山賊功第一巡撫遼東當喪敗之餘拊循瘡
痍措畫戰守東土以寧及起掌憲本兵上方銳意圖治所信

任輔臣之外，獨承勳與刑部尚書胡世寧等數人，固有大議，輒
咨承勳等，承勳亦孜孜為國，知無不為，甚稱。上意及卒，上
深加悼恤，詔賜其家白金四十兩，綵段四表裏，米五石，及蔬果
等物，賜祭，其如例。又自為文選禮部左侍郎，嚴嵩祭之，贈以保
議康惠。○庚寅，以太僕寺少卿洗光為南京光祿寺卿，大名府
知府樂韻為陝西右政使司右叅政，山東兗州府同知陸冕為
浙江按察司僉事，吏科給事中閻淵為河南按察司僉事。復
除通政使司左叅議杜棟，原職添註管事。宣府巡撫都御史
劉源清引疾乞骸骨。上復詔不允。南京吏部文選司署郎
中王邦瑞疏上三事，一定制度，言大明會典今之制度也，其間
先存後減，普略今詳，開載容有未盡，繁冗難以遍觀，請下各司
查議，何者為舊制，今例之已行，何者行而未備，何者當增，何者

當罷務令情法適中事體盡一刪去繁文節取要語開立款件如問刑條例然編完進呈下廷且會議停當頒布諸司以為定守二修鄉教周官司徒以鄉三物教萬民今舉人監生家居者宜聽有司提調督學鈐來有司廉其賢不肖具考語上之督學督學復廉其實而懲勸之甚者得以薦然奏聞歲終類考語報吏部以佐銓除大比監生歷滿者就督學試其在歷者各司亦類送督學毋得自試以滋僥倖三清弊源嚮吏以官此甚不可力筆之徒所見者利懸法禁之且犯者接踵今得納銀冠帶使以枉汪之脈為發身之地是誦之也制吏有內外三考連次納銀者有年二十而冠帶者有僅過代名而不解律例者如此安望他日之盡職乎頃給由吏少納例者多以故諸司在在缺例夫軍職散官義官僧道等項可納者多即此一途所濟亦少而

所損者大已為停止下其章於所司 先是英酋褚羊哈等聽
撫入貢朝廷例外加賞於是海西夷競相慕效爭以貢入數溢
其舊幾至一倍甚有洗改物書易置別衛寨以聽撫為名混進
繳賞者兵部議以為不及其初來申明舊例嚴為禁約數年之
後來者愈多將一順其所欲雖竭府藏尚不能支久之而後議
革則前予彼奪思反為怨恐生邊患今業已放入姑從賞例此
後宜令遼東審過於和闐之時仍遣通事查諭各都督嚴束部
落毋得詐冒備禦等官敢有知前姑息及聽各夷私嗚混放入
聞者恭究治罪詔從之 命湯武侯薛翰五軍營大營坐營都
督僉事牛桓五軍營左哨坐營○辛卯吏部以明年朝覲考察
因言節年朝覲撫按官開報考語自府同知以下類多明白至
於知府以上則語率含糊甚者賢否倒置以致難於去留請令

各撫按官廉訪所屬無論大小指實直書勿拘對偶音律或丁憂考滿陞調養親及緣事在逃者一體開報類造揭帖密封送部期以本年八月至其所開報十失八九者聽部咨治若十不失一亦聽奏保其來朝官訪問所屬不能真知及答問與考語矛盾者議黜永為定例奏可 初應天府推官陳廷璉以痼疾乞休吏部擬加太僕寺寺丞以繫恬退 上曰陞職之典所以勸功廷璉既痼疾不能任事自應乞休何謂恬退輒擬陞職此例起何年本非公道其其實以間至是吏部引弘治中例累年奉行未及改正請自今乞休者廉其實內考稱職外經旌異本非怠棄規避者乃得陞職或僅保無過意有所託者雖滿三年六年以上以原官致仕詎從之廷璉以原官致仕 禮部覆都給事中張潤身條陳科舉事一杜詐冒以端趨向監生三月以後

到監及到各衙門補磨者不許考送仍行北直隸督學御史明
嚴在京生儒鄉貫兩籍一革小考以節勞費各省督學往往多
取名數臨期集省城聽巡按御史覆考名為小考此於生儒勞
費不便一處考官以絕私嫌各處同考試官聘取徇私宜令督
學光康所屬教職年狀行端者糊名考選類道十兩分經編號
下官其姓名官籍自存備照別置一策不書名籍第以所編字
號密切鈐封送巡按處以待兩省來聘旋填姓名官籍或應迴
避則用次人以次應聘其領泄私通及濫舉充數者聽御史參
究詔如儀 四郊壇工成 賜禮部尚書李時銀圓書一顆文
曰忠敏安慎。癸巳禮部上祭西苑王毅壇儀注一先期太常
寺備牲醴脯醢酒果如常儀是日早 上具翼善冠黃袍御奉
天門視朝奉太常寺官奏請詣王毅壇 上陞路詣壇所爐次

上具皮弁服典儀唱執事官各司其事導引官導 上至拜位內贊奏就位典儀贊瘞毛血迎神內贊奏二拜典儀唱奠帛行初獻禮執事官捧帛爵跪進于 各神位前奠訖內贊奏跪內贊贊讀祝讀祝官跪于 各神位前右讀訖奏俯伏興平身典儀唱行亞獻禮儀同初獻惟不讀祝 典儀唱行終獻禮儀同亞獻典儀唱徹饌執事官詣 各神位前徹饌訖典儀唱送神內贊奏兩拜典儀唱讀祝官捧祝掌祭官捧帛饌各詣瘞位禮畢 駕興還宮跡入詔如撤春告秋謝歲為定例 吏部奏詔議復舊制京官考滿稱職方與封贈間有違碍即不敢請是以人臣有不得伸情於其父母者徃徃自陳或蒙特恩其後因緣比附以為常一遇推恩豁然陳乞有因父罷職為民而乞移封者有先任推官知縣已經封贈後為主事科道官而乞改封者

有任試御史例不得封而乞賞沒之徵請封者有丁憂養病在
家遇例到部而徵乞封者有起復間喪在京遇例而乞封者
蓋 皇恩曠蕩草木均霑臣子自以為非常之遇思欲效之於
父母也不知恩典之設本為激勸臣下若陳乞新廣則恩紀太
輕誠如 聖諭自今宜裁節如舊制 上曰然京官誥勅近來
率多濫與除有明旨准給者姑給與之此後有仍蹈前弊牽引
陳乞者所司恭究治罪不宥外官但有及民善政撫按官舉保
覈實者查明具奏照例准給庶內外均施以為民牧之勸已而
巡撫宣府僉都御史劉源清以四品滿請移封吏部以諸職掌
無四品封贈之文成化初大理寺少卿夏時正始有此例會典
於本條下又明註洪武十六年正從四品亦封贈一次必有所
據似宜與之 上曰職掌開載乃 聖祖定制自今封贈非出

特恩並當遵照毋得乖此奏據遂罪不准給○甲午 莊肅皇
后令旦免命婦朝賀○乙未始定西苑土穀壇名曰 帝社
帝稷 先是 上諭內閣曰西苑土穀壇之神惟亦社稷耳所
以別於 太社 太稷如為王社王稷之稱於義有據否大學
士張宇敬等對古者天子稱王今若稱王社王稷與古義合但
嫌於與今各王府社稷名同且等伏思前承欽定牌位曰五土
五穀之神名義至當 上報曰必欲從時可做帝藉之意曰
帝社 帝稷既正其名宜考籩豆樂舞之儀禮部以曠典肇修
樂舞不能齊備 上然之命侯考議行籩豆用八牲用犢羊豕
皆 上裁定云 吏部左侍郎徐階詹事顧鼎臣左庶子兼
翰林院侍讀學士穆孔暉失誤日講各疏引罪詔切責宥之獨
孔暉以是日輸講調為南京尚寶司卿既而給事中葉洪疏留

孔暉不聽 戶部覆給事中王聘奏各遣錢糧出納官吏因緣
為奸未免有埋沒侵欺之弊乞照先年題准事例遣給事中御
史分行南北各邊嚴加清查詔第趣各遣巡按御史稽覈不必
遣官 袁湯銜指揮余大倫奏湖廣安陸宜視鳳陽天壽山添
設守備下兵部議安陸置守備公署即令鄭養守備往來兼管
便奏可○丙申清明節遣安仁伯王桓長寧伯周大經王田伯
蔣榮分祭 七凌彭城伯張欽祭 恭仁康定景皇帝陵 殺中
官祭 恭讓章皇后陵 寢駙馬謝詔祭 悼靈皇后陵 陞侍
讀學士兼吏科都給事中夏言為詹事府少詹事兼翰林院學
士掌院事 題筵日講如故仍改給詔命如今官 陞廣西道御
史戴全為太僕寺少卿 詔豐城侯李受帶俸養病初是白兩
廣乞入提督團營兼管五軍營以騷擾驛遞及肩輿趨朝先微

為言官所劾受坐迴避既逾年引疾辭任從之 甘肅鎮巡等
官奏報套賊二萬西海賊數十一時併犯白莊浪至甘州無處
非寇下兵部議莊浪先年防虜多倚魯氏其遠祖魯夫如歸附
世守其土至都督魯經總兵他鎮罷而家居其子魯瞻勢難約
束繇無地方之責又莊浪既為兵衝須徵客兵處糧草以備戰
守詔總制尚書王瓊計其便宜即行會議以聞 兵科都給事
中張潤自言天下驛傳疲邁百姓困窮近來奏差官員請勒繁
多往來騷擾 上以為然兵部查議部覆各驛夫頭奸弊多端
往來公差騷擾請通行禁約其請初官員先年俱有定額近來
奏添數多請行在京各衙門通查先年應該請勅人員照舊查
給以後增添者俱行釐正疏入詔從其議具違例需索及冒用
鼓樂者聽各有司擒拿奏治各驛支應撫按及兵備官覈實按

李造兩具奏發科清查有似臨前弊及不行舉奏者一體治罪
已諸司查覆言公差官請初在成化以前者無論弘治以後所
增或撫馭邊夷或管攝鄰省或控制要害地方軍馬事體重大
者俱難裁革獨永平河間壩底安普金滄銅仁鎮竿柘桂施州
永道各守備及巡視洹廬湖管理開原馬市勅十二道可省其
他兵備海道撫沿補盜守備備倭領班留守管理邊官撫管夷
人及太僕寺管理馬匹勅宜如京營點刷例不必坐名新舊交
代行事議上崇之命著為令○丁酉陞山東按察司僉事沈圻
為陝西按察司副使貴州按察司僉事龔亨為雲南按察司副
使刑部署員外郎康世隆為貴州按察司僉事 御史李宗楫
條上邊事一各邊糧餉本折開支俱有舊規別難再議第宜責
令右布政一人專主分派起軍宣大二鎮邊糧俱派上則人戶

不得假手吏書致生他弊及總部等官親詣各邊督併交割過
期不完者以輕重論罪一宣大二鎮屯地宜令管屯僉事及分
巡官會中郎中清查侵占者追奪索換者改正坍塌者撥補悉
令相應人戶計名分撥人給由帖明開頃畝條段應納糧草數
目令其收執驗對輸納從有力貧弱故上帖于官召人領種一
宣府順聖川東西二城荒熟地共三萬三千四百餘頃園種之
軍有管隊把總等官各衛選補往來無常而所賦糧草追徵甚
難至和各軍月糧是併其耕守之意俱失之矣且衛俱五所獨
蔚州八所今欲調其三所官員併各印信於順聖二城分管屯
種而所耕之地盡更餘丁其在各軍名下者俱令退還部議以
為吏調衛所官員事體重大宜下撫日勘報餘皆可行詔如儀
命鎮遠侯顧寰管紅盔將軍侍衛 庶冠大同辛莊墩千戶

張鉞敗亡卒六十餘人總兵彭煥稱疾不出巡撫王大用以聞
上曰地方失事由鎮巡號令不嚴節制無術所致大用戴罪
殺賊以圖後效援等御史勘罪以聞都給事中張潤身御史張
祿復勘鎮守太監張紳副總兵瞿江失律喪師俱宜論罪上
命紳江皆戴罪供職○戊戌上諭吏部朕惟致治以得賢為
本吏部尚書古稱冢宰表率百僚人材進退寔司鑒別朕以此
任重大鑿缺已久茲特付諸廷推以協公論諸日宜體朕心慎
選惟公與明忠誠為國練達事體者二三人以聞朕將親擇焉
毋得視為泛常以應故事既而吏部會推以禮部尚書李時吏
部左侍郎徐縉刑部左侍郎閻淵名上報罷吏部疏文選司
署郎中鄧尚義寬授上可之報曰文選乃銓衡安司頃來不
問賢否第以次補僅及一年輒陞宗室官他部即有賢者俱不

得與屢經達白竟不遵行以故往往挾權濟私用舍倒置俾恩不及百姓自今文選郎中務令久仕果能盡心所職者聽起陞如例不得緊陞節高義仍自策勵各司有不稱者吏部會都察院更調選補路在得人庶朝廷體詣好惡悉出公論 召鄭府良醫副使愷入御藥房著御醫事修合藥餌初愷上保養天和方既蒙起用又恐太醫院修製不精疏乞禮部遣官督之 上嘉其忠詔罷遣官而專俟愷云 詔京術武學生願應文舉者聽兵部考送。己亥 武宗毅皇帝忌辰祭 奉先殿遣太師伯陳萬言祭 康陵 巡撫大同右副都御史王大用上疏自如言大同事體譬之都頑民伍怪之變張文錦不善用周公而敗蔡天祐繼之勢不得不為君陳七年于茲至臣則事公之時也故抵鎮以來頗有因革上下觀聽輒相疑竊以至科臣張潤

身秦釐得於風聞而欲為 陛下忠謀耳顧且自反所云偏刻
殘忍淺謀輕慮姑息者恐不得其咎請行勘明 上曰大同重
鎮而大用盡心軍務以肅綱紀昭法度朕已具悉其遵前旨供
職不先辭已而吏部覆言大剛被論不宜奏辯旨命回籍聽調
禮部以 皇后親蠶改行于內苑復具儀以請一行禮以四
月三日先十日順天府進蠶種有頃蠶宮令捧出西華門置隊
輿鼓樂送至蠶室蠶母受之出蠶先浴餉以待先三日尚儀奏
齋戒 皇后致齋三日內執事及司贊六尚等女官及應入壇
者各齋一日先一日蠶宮令具祝版及祭物羊豕豕豕豕豕豕
帛陳設如常儀是日未明司設監具儀仗及重翟車蠶宮令具
鉤筐俟于西華門外將明 皇后出宮門乘肩輿侍衛警蹕如
常公主及內命婦應入壇者各服其服以從至西華門升重翟

車兵衛儀仗前導女官捧鉤篋行于車前至具服殿 皇后易
礼服至壇內樂女官就位執事官各司其事 皇后行祭如祭
先農禮祭畢還具服殿更常服司賓引外命婦先詣采桑堂位
南北向女侍執鉤篋者從尚儀奏請詣采桑位女官導引 皇
后至位東向公主已下位南北向執鉤者跪進鉤執篋者跪奉
篋 皇后未三條止還至壇南儀門坐觀三公命婦五列候北
卿命婦九采訖司賓引內命婦一人詣蠶室尚功帥執鉤篋者
從尚功以桑投蠶母蠶母受桑踈切之以授內命婦內命婦食
蠶灑一箔訖司賓引還尚儀前奏禮畢 皇后還具服殿儀仗
侍衛如常司賓卒蠶母等叩頭訖司贊贊班齊向儀致辭曰親
蠶既成禮當慶賀司贊贊四拜畢賜命婦宴賜蠶母酒食於采
桑堂傍公主及內命婦殿內坐外命婦二品以上殿堂坐三品

以下冊海坐尚食進膳司省引公主內命婦就坐教坊司奏女樂宴畢撤棄公主以下各就班司贊贊四拜尚儀跪奏禮畢皇后還宮 上覽之曰觀料無賀此安得賀第行叩頭禮教坊司女樂上進宴用匱前導餘如所授仍命賜錢母王氏等二十七人各布一疋 海內夷蓋黃左等衛都督僉事紀里哈等二百二人來朝貢馬宴賚如例 工部覆兵部尚書李承勳備邊議夷人進貢給賞段疋條 祖宗成法然而夷性不一海內諸夷專欲折銀而朵顏等衛又欲段疋是以本折相兼不可偏廢其段疋開領宜行內庫毋得留難以起邊折之端職解不堪有司宿弊宜行各地按御史嚴督如式辨驗印記定期解納具開者驗提調領造官吏職役姓名以便查處至於夷人告擾多由撥置宜行礼部嚴禁通事人等毋啟釁端宣諭諸夷各守成法

不許邀求祈賞詔如儀行。庚子 駕幸西苑祭 帝社 帝
緩 陞雲南左布政使陳軾為右副都御史巡撫應天等府
命武定侯郭勳充提督團營兼五軍管總兵官。辛丑吏部奏
請揀選舉貢監生在部需次者 上曰州縣有司係親民官職
今以天下之廣進士僅一二須舉貢足其數爾等既知要在得
人奈何迺踵舊弊發身進士者不必循良舉得行取選用科道
部為舉人或問一預監生全無何由自效往教詔相兼擢用竟
不遵行今次揀選格秉公責實有賢能立心為國者一體選科
道部屬著為令該司官敢仍前欺弊虛文祇塞都察具實奏
旨下吏部遵請併選舉貢監生堪科道部屬者詔如儀乃選授
知縣曾忭周崑薛宗鑑行人謝存儒俱給事中知縣王德滋揭
行中周龍行人宋邦輔諸漢俱試御史 上曰頃選科道既云

有國子監博士等官乃無一人得與自後裕秉公行兼明兩歷
年考語以聞 內承運庫奏之金珠寶石行戶部取兩部議珠
行廣東寶石行雲南查催進用金取本庫所貯足色金量分成
包禮以太倉庫銀置造器物或俱行順天府占商收買 上曰
朕憐節用度不高糜費第奉 兩宮又屬歲造似難兼省行府
各商恐因而擾民太倉銀不宜輕動他庫羨銀查進七萬令御
用監收買備今二歲之用金庫減省不宜攬銀查催如議 工
部言科道官監收內府錢糧如甲子等庫乃 祖宗之舊規近
遵明詔推不及于各監局則今日之良法故者內承運庫既足
及惜薪司等禁炭軍器局等物料俱奏明旨免行監收其餘各
監局若御用監御馬監司設監針工局巾帽局洗衣局司苑局
供用庫甲子等十庫廣盈庫則原差科道監收內官監印殿監

尚衣監尚膳監銀作局織染局兵仗局酒醋麵局寶鈔司監甲
廠則贖差科道監收謹開具請旨以便遵守 上曰御用尚衣
織染三監局不必監收第令收法盡心製造餘如議。壬寅建
曆代帝王廟遣工部尚書蔣璠行祭禮右侍郎錢如京提督工
程 太常寺寺丞張鶚譜定 帝社稷樂歌進之時樂歌初下
數日鶚審音協律連夕教成詔加其勤性倅一級 河南巡撫
都御史徐讚巡按御史王舜耕上積穀數因論次各有司功罪
狀詔下穀實為民有勞者獎以花紅羊酒仍與應得誥命其不
及數與玩愒者吏部查明奏請許耕待督責完日以聞都察
院仍通行天下撫按官一律查督○甲辰尚寶司卿劉泉九年
滿性太常寺少卿仍官司事廣西提學僉事黃佐引疾輒歸
上怒其不候旨下巡撫都御史連門 吏部言人材難於求全

新者未必如舊豈可一因論劾輕議罷黜自今有司官為僉
顯者者五品以上恭奏六品以下連問如例其餘罷軟不謹不
及老疾等不必一槩濟奏第各具揭帖密封送部以待覲時面
加詰問必得其詳然後黜調其被劾知官亦案候考氣議請去留
仍許自新一體擢用若聞知而肆聽各撫按官連問恭黜掌印
正官老疾廢職亦聽先行任俸委官代署具請放回疏入從之
初兵部尚書缺詔本以本兵重任要在得人亟推老成諸遺
務者及會推戶部尚書梁材都察院右都御史汪鏊兵部左侍
郎陳洪謨名上上以戶部都察院均之重任材鏊二臣不宜
輕改令更推至是吏部言京堂官曹應選任者必勞搜廢棄中
頗有其中彼皆 果朝培養歷試勤勞或因指摘過誤以致廢
棄今懲創既久皆慮日周顧慮舊之意開選善之門諸非十

大禮大赦者聽臣等列名以請簡其中習遺務者備本兵之選
其他行業著聞才識可任亦量行起用乃詔吏部都察院會舉
年力未衰識見老成者疏名以聞母得溫及己而會舉尚書奉
金玉時中高友璣趙瑛都御史孫修侍郎李廷相王蓋柳陳璋
通政馬理詔曉起全時中選相璋四人 初福建建陽縣知縣
薛宗鑑滿三歲給由會行取授禮科給事中戶部奏宗鑑任內
錢糧未完 上責吏部不以圖計為重今宗鑑回任聽巡按御
史覈報自今行取及給由官俱送戶部查對既完方聽收選復
任母得因循廢法 先是皇親慶福伯夏臣母夫人葉氏卒請
給享堂牌亭如壽寧侯玉田伯例下工部議詔言此出特恩本
無定例壽寧玉田堂屋太多不可為例第如太和伯例簡便有
詔更查會典以聞至是部覆會典雖載有享堂無間屋數目今

奉酌其制宜享堂五間東西廂房各三間外內門各三間碑亭一座請自上裁著為令詔曰可 女直左都督達黑忒自稱有殺猛克功乞蟒衣玉帶金帶大帽等物詔賜獅子彩幣一襲金帶大帽各一猛克者開原城外山賊也常邀各夷歸路奪其賫達黑忒殺之逸黑忒居松花江距開原四百餘里為迤北江上諸夷入貢必由之路人馬強盛諸部長之往年各夷疑阻達黑忒獨生頃又有功朝廷因而撫之示特賚之意且編諭在館諸夷即萬里外有功必知知無不奏云○戊申陞南京禮部儀制司郎中張時徹為江西副使禮部主客司署郎中張岳為廣西僉事俱提督學校 詔革分守四川內官是時分守四川左少監閻良貪酷不法會建昌有丞收巡按御史丘道隆乃劾良贓罪因請罷遣內臣以恤民謨兵部覆議從之 江西左叅議

汪濬分巡九江道僉事陳端甫以燒造 園丘祭器不如法各
奪俸一年。○乙酉御史傅漢巨言頃行一條編法十甲丁糧總
于一里各里丁糧總于一州一縣各州縣總于府各府總于布
政司布政司通將一首丁糧均派一首徭役內量除優免之數
每糧一石審銀若干每丁審銀若干斟酌繁簡通融科派造定
冊籍行令各府州縣永為遵守則徭役公平而無不均之嘆矣
廣平府知府高汝行等以為遵照三等九則舊輝照畝攤銀而
不論地之肥磽論丁起科而不論其產之有無則偏累之弊誠
不能免宜更查勘取數厚之產補砂薄之地然後周悉奏入與
下所司。○庚戌太常寺少卿缺 上命選旨吐洪亮禮儀端謹
者數員以聞吏部請于京堂五品及年深科道實授郎中內選
用久之未有應者至是又缺寺丞吏部請照例考選以刑部主

事鄭允璋等及本寺典簿全贊仁等名上得旨即以本寺寺丞張鶴陞少卿令管教習雅樂贊仁陞少卿贊禮郎桑友蘭徐可成俱寺丞輪次讀祝奏禮贊仁等皆樂舞生其拔用出 上意非部所擬自是太常官悉用道流矣○辛亥以東寧伯焦棟充提督五軍營總兵官○壬子詔 大廟夏秋冬三祫兩廡配享如孟春俄箸為令仍增誠意伯劉基牌位次六王之下

大明世宗欽天履道英毅聖神宣文廣武洪仁大孝肅皇帝實錄卷一百二十三

大明世宗欽天復道英毅聖神宣文廣武洪仁大孝肅皇帝實
錄卷之一百二十四

嘉靖十年四月乙卯朔時享 太廟 世廟 選授歷事舉人

孫肅為工科給事中沅薇為廣東道御史歷事監生張澍為廣

西道試御史 禮部具上大禘儀注前期 上告廟如常儀太

常寺奏致齋三日備香帛牲醴如時享儀錦衣衛侍從太常寺

卿請奉 皇祖祖神牌 太祖神位于 太廟正殿安設如圖

儀設 上拜位于殿中是日早免朝 上具翼善冠黃袍御奉

天門太常卿跪奏請 聖駕詣 太廟 上陞輜由廟街門入

至 太廟門外洛橋導引官導 上入御幄具祭服出由殿左

門入典儀唱樂舞生就位執事官各司其事內贊奏就位典儀

唱迎神樂作內贊奏四拜傳贊百官同 奏上香導 上至 皇

初祖前奏指圭 上指圭三上香訖至 太祖前三上香訖奏
出圭 上出圭奏復位樂止典儀唱奠帛行初獻禮樂內贊導
上至 皇初祖前奏跪奏指圭 上指圭執事官捧帛跪進
于 上右奏奠帛 上奠訖執事官捧爵跪進于 上右奏獻
爵 上獻訖奏出圭導至 太祖前儀同典儀唱讀祝 上至
讀祝位奏跪傳贊百官皆跪 樂暫止內贊贊讀祝讀祝官取祝
跪于 皇初祖前讀訖樂作內贊奏俯伏興平身傳贊百官同
樂止典儀唱行亞獻禮樂作儀同初獻惟不讀祝 樂止典儀唱
行終獻禮樂作儀同亞獻 樂止太常偕進立于 皇初祖前西
向唱賜福胙內贊奏指圭光祿寺官捧福酒跪進于 上右內
贊奏飲福酒光祿寺官捧福胙跪進于 上右內贊奏受胙奏
出圭奏俯伏興平身奏四拜傳贊百官同 典儀唱徹饌樂作樂

止典儀唱迎神樂作內贊奏四拜傳贊百官向樂止典儀唱請
祝官捧祝進帛官捧帛各詣燎位唱望燎樂作太常卿捧皇
祐祖神牌詣燎所內贊奏禮畢樂止上由殿左門出至太
廟門外導引官導上入御幄易祭服還宮詔如擬○丁巳
皇后行親蠶禮于西苑太常寺卿陳道瀛言四月初十日將
禘皇初祖于太廟其祭器樂器宜於太廟暫借應用報
可○戊午太僕寺少卿沈光條陳馬政三事一馬頭之編係於
地畝而地畝之數載於馬冊所以驗人戶之滿長稽地畝之典
費也今郡縣馬冊經久不編地畝人丁浸不可考宜乘大造黃
冊之年一同編造一軍民雖異役而軍買民地則納糧養馬宜
與民同今以例不遇割稅存賣戶宜令買主就於里內供報明
白立籍寄莊養馬當差不許仍以賣主姓名編充馬頭一羣長

之設用以分管馬戶拘集點視調撥交依其役與里長同令不
時更替弊不可言宜照里長例每坐擇丁力多者十人充之以
更十年之役滿日審換仍依里甲事體就令收解本年各項銀
兩庶殷實者不得買閒奸狡者不得營充矣兵部覆如其言從
之 給事中王納言奏太常少卿金贊仁寺丞桑友蘭徐可成
俱以黃冠異流濫叨清秩若卿陳道瀛冒濫尤甚宜罷斥以杜
僥倖 上以納言頃言奏獲下錦衣衛核拷訊通謫湖廣布政
司照磨道瀛以被劾乞罷不允○庚申陞浙江布政使司右叅
政李中為廣東按察使河南布政使司左叅議陳卿為湖廣按
察司副使 禮部左侍郎嚴嵩三載秩滿錄其子世蕃為國子
生○壬戌起致仕兵部尚書王時中仍掌部事○甲子 上行
大禘禮于 太廟 巡按陝西御史方遠宜條陳邊務一情壘

塹以便固守蘭州至甘涼俱依山為險無塹塹不可防禦往者
總兵劉文修花馬池而庸不敢窺宜按其故事增修壘塹分布
官軍居高臨下以禦之一築營堡以藏器械諸邊禦虜惟以堅
壁清野為上策今壁未可為堅也宜相度要害增築巨壘預藏
按伏以待遊兵而邊地居民遇警亦賴以相保一添遊兵以重
應援河南衛所地廣兵分各守一處況戍卒屢易地里不諳人
情不協皆非兵家之利已將沿邊軍士多選遊兵為援仍以版
裡備禦之兵填補空缺其備禦班軍每番仍令撥守故地庶使
習其地里備其人情可以同心協力以捍外患一演大炮以備
緊用神槍大炮中國長技然戎軍不能以此取勝者習不熟耳
已勅邊將令與弓矢一體演習一係屬番以固藩籬黃河西北
舊有曲先河端罕東安定四衛皆西番之人受我朝封建以為

藩籬近為西海虜所侵恐其勢孤不能自存則我之藩籬撤矣
乞勅邊臣督率諸番各令修築塞堡以自捍衛有警則出軍救
之疏下兵部覆言曲先阿端等衛國初授官給印故戎番離也
自海賊亦不利據其地日肆凌轍為我內患故守臣因屬番之
請率眾築堡以禦衛之竄海賊自繁戎兵不能禦恐比番因而
生心窺矚強弱或反為彼所用則豈惟西之憂臨鞏關中亦無
高枕之期初守臣啟且避事養成大患失今不圖彼患必深宜
令鎮巡計之地議皆可行報可○乙丑掌都察院右都御史汪
鉉言頃者弋陽王拱璜請復設江西巡撫都御史臣因咨訪江
西控吳接楚引越跨淮挑源彭蠡之間盜常出入且民繁訟滋
賦逋役重王之是請良亦有見抑不獨此若南都百司 文皇
帝損益已定逆者減而復減事多費閭何可惜小費而妨大體

其他中外官宜復者尚多已下吏部議于是吏部請復設江西
巡撫其兩京堂上官則復通政使司提督騰黃右通政一員太
常寺提督山英館少卿一員南京通政使司叅議一員南京太
僕寺光祿寺少卿各一員在京師屬官復禮部鑄印局副使一
員刑部主事六員順天府通判二員上可其奏○丁卯修理
仁壽宮命太子太保逆安伯陳鏞工部尚書蔣瑄兵部左侍
郎陳洪漢錦衣衛署指揮使王蘭指揮同知陸松提督○戊辰
浙江巡按御史李信言各省鄉試考官宜會同監臨等官揭書
出題考試官取定試卷先期將號數發出聽監臨官恭之墨卷
已定去取禮部覆議考試監臨各有職掌先大學士張宇敬題
各省外簾官緣結生徒密通關節不公之弊莫甚於斯今復令
外簾官恭之墨卷不惟非宗祖糊名易書之法亦非今日補

編教弊之意宜照先奉 欽依事例未出榜以前出監官不言
干與以曉職守出榜之後內簾來自不公等弊據實糾舉 上
曰各處鄉試事宜俱照原題准事例行監臨并外簾官不得干
與主考官務同分考官從公揭書出題三場策題亦不許主考
官預構以妨奸弊以從會試俱遵照行鄉試錄提調官與考試
官序名只照舊規不許更愛初 上以御製敬一箴及心箴等
頒賜天下學校令提學官建亭刻石豎碑徼山西提學副使陸
梁以巡按御史趙鐘管死生員父事劾奏鐘亦許深不行建立
敬一箴碑亭為慢令詔通行天下巡按御史嚴提學官建碑亭
狀所以深事下巡按御史張祿勘閩深履任未幾奉旨建碑亭
乃前提學副使劉儲秀事儲秀曾下碑式檄所屬郡縣令刻石
發學監立明倫堂側分守冀北道恭議陳時明以狀報祿西據

以覆奏 上曰朕令各學建立敬一碑亭期上下一于恭敬今
御史乃曰轉發曰明倫堂邊豎立殊為不敬都察院恭者及禮
部通查以聞于是都察院覆稱儲背身任作人之責所當敬承
聖明敷教之訓今不曰捧而曰發不曰安奉敬一亭內而曰
豎立明倫堂則褻慢不恭無所逃罪恭議陳時明御史張祿用
明駁正依文奏覆亦當罰治 上命御史建儲秀問視其職閑
住齋時明祿俸各半年已南直隸巡按劉謙亨奏旨勘報先提
學御史劉隅第令用未刊刻額之學堂後提學御史章宸至即
嘗擬起卽縣擬造碑亭尋以地方災傷亦重議刻木時究已奏
旨調外仕矣都察院覆恭隅宸宜如儲秀治罪謙亨當與祿同
罰得旨宸既起建碑亭不宜與隅均罪謙亨輒稱用未刊刻違
旨不敬其調外仕隅降一級用已乃調謙亨順德府推官降隅

河南許州判官禮部隨言天下學校建立碑亭已奉明旨稽覈
多因循未報宜趣各巡御史亟如前詔以聞報可 雲南河
述州蒙自縣蠻才古等為亂守臣平之擒斬九百四十餘人俘
獲九百六十餘人奪獲牛馬器仗甚多降檄三千四百六十餘
人捷聞兵部請錄總兵官沐紹勳御史毛國韶左叅政孟廷柯
副使高第僉事實啓都指揮樊泰馮立潞壘知府倪鼎等及土
官寶徽等功 上從之降勅獎勵紹勳及國韶各賞二十兩許
繼二表裏廷柯等半之餘付鎮巡犒賞○庚午陞巡撫宣府左
僉都御史劉源清為右副都御史巡撫如故時源清以滿考巡
撫宣大御史李余樞言源清得違人心宜加職久任故有是命
改巡視浙福等處右副都御史胡璉巡撫江西○癸未 顯
陵香殿暖閣洩漏太監蕭洪上其事 上曰 陵寢殿宇乃

皇考安神之地繕造未幾卽有滲漏比督役諸臣之罪該部查
叅以聞亟遣修治于是工部言顯陵之役太監崔文先任工
部右侍郎今陞任章極尚書今致仕劉麟費提督之太監李寅
李朋李懷則監工先任工部主事今陞署郎中高仲嗣則收放
物料給事中李鳳來監察御史施一德郎中甘為霖則監督匠
作則潘雄等俱宜究治上以諸臣有負委託令極為民麟閔
住誠仲嗣開州同知一德興國州判官鳳來為霖以四郊効
苦止奪俸鳳來三月為霖五月布按二司及鎮巡官各奪俸半
年崔文等詔司禮監奏請各降級有差已命工部右侍郎蔡齊
前詣顯陵提督工程陞山東左右布政使李緋為都察院右
副都御史總理河道○壬申陞浙江布政使司左叅議萬廷彩
為本司右叅政○甲戌陞陝西按察副使張欽為河南布政使

司右叅政 陞南京太僕寺寺丞方升為河南按察司僉事○
乙亥發太僕寺馬價四萬兩給序夏買馬○丙子 南郊神版
殿成 上定名曰 泰神殿○戊寅陞浙江按察使汪珊為廣
東右布政使 兵科給事中張潤身等言邇來各邊鎮巡等官
秦帶人多冒濫名器回壞邊功莫此為甚乞痛加裁革兵部謂
給事中言是惟邊方大鎮例有武舉贊書人員不宜驟革 上曰
秦帶人員俱准裁革違者撫按官指名奏重治武舉贊書准
行 大學士張亨敬聘景帝孫潘氏為結室時錦衣衛指揮僉
事潘餘慶和附 憲廟端妃族榮王泰保得官至是又言與景
帝潘通語令甲禘姻王室者不得官京師亨敬因疏列三潘所
出皆異族章下兵部兵部覆如其言 上令亨敬不必迴避且
餘慶既非端妃族屬冒濫官職又妄稱託本當究治念係親王

秦保姑勿測 錄延齡紅山墩等處功陞賞官軍史植兒等二
百一十六人。○己卯河南巡撫徐讚奏伊王訥淳讀書好禮天
性純孝生母魏氏疾衣不解帶湯藥親嘗及終廬於神主殿側
三年如一日乞旌表之以勵風化 上從禮部議賜銀幣羊酒
獎勸 禮部以國子監生徒少議裁減各衙門廳事監生一百
三十五名詔著為例。○庚辰兵部火疋燒工部公廨文卷悉燬
陞福建按察司僉事張儉為四川按察司副使直隸淮安府
同知李士先為山東按察司僉事。○辛巳陞山東按察司副使
姚文清為浙江按察使。○壬午 上以兵工二部火諭禮部曰
火災雖因人不謹所致不可不加警畏卿等宜各深省毋事虛
文仍青衣朝恭三日朕亦自省與卿等共圖休兆復降諭責兵
部平曰不能奉公守法致召災爰責工部坐見不即撲球詔錄

衣衛速兵部署部事左侍郎陳洪謨武選司郎中黃禎員外郎
馮坤主事袁袞錫旦并史臬江桂等俱送鎮撫司拷訊他司屬
官俱停俸一年右侍郎潘希曾以初任免速停止部尚書蔣誥
侍郎黎奭錢如京俸各四月司屬官六月又命法司逮各城巡
視御史治罪蔡奪巡捕右都督桂勇俸一月○癸未選吏部員
外員楊麒為福建按察司僉事

大明世宗肅皇帝實錄卷之一百二十四

大明世宗肅皇帝實錄卷之一百二十五

嘉靖十年五月甲申朔掌都察院右都御史汪鋈奏劾浙江巡按御史李佶酷刑苛察失憲臣休詔下南直隸巡撫逮問鋈又言南京戶部尚書邊貢嗜酒曠職月視事無三日南戶部錢穀出納素贖餉數視他署最繁而貢素肆不視事公贖李榘守侯留難妨政病民亦已大甚且習俗之懷咸倡自一人南都素尚便安兩貢有時名且任六官之長以若所為誠恐都司因而嚮風為害不細請亟罷貢以為不共職者戒上以其言為然詔貢致仕仍諭南京各堂上官慎職率屬勿怠勅蜀府華陽王長孫承璫管理府事○丙戌賜輔日講等官川扇巡視京營給事中魏良弼劾秦道士擅用鼓吹廉之乃郭勛家人郭喜所私與勛因其疏伏罪上宥之今都察院逮治喜等如律

○丁亥禮部具大祭 上帝服乘輿由長安左門出入壇之西
門太常官導 上至具服殿易祭服出導引官導 上由 方
洋右門入典儀唱樂舞生就位執事官各司其事內贊奏就位
上就位典儀唱瘞毛血唱迎神樂作樂上內贊奏四拜傳贊
百官同 典儀唱奠玉帛樂作內贊奏淫壇導至 皇祇香案前
奏跪奏指主司香官捧香跪於 上右內贊上香 上三上香
訖捧玉帛官以玉帛跪進于 上右 上受玉帛內贊奏獻玉
帛 上奠訖奏出主導至 太祖香案前 儀同 奏復位樂上弗
儀唱進俎樂作齋卽昇俎安訖內贊奏淫壇導 上至 皇祇
俎匣前奏指主奏進俎奏出主導至 太祖俎匣前 儀同 奏復
位樂止典儀唱行初獻禮樂作內贊淫壇導至 皇祇前奏進
主捧爵官以爵跪進於 上右 上受爵內贊奏獻爵 上獻

訖奏出主奏詣讀祝位奏跪傳贊百官皆跪樂暫止內贊贊讀
祝讀祝官跪讀畢樂復作內贊奏俯伏興平身傳贊百官同導
至太祖前奏進主捧爵官以爵跪進于上右 上受訖內
贊奏獻爵 上獻訖奏出主奏復位樂止典儀唱行亞獻禮樂
作儀同初獻惟不讀祝 樂止典儀唱行終獻禮樂作儀同亞獻
樂止太常卿進立壇左東向唱賜福胙內贊奏詣飲福位內贊
奏引官導 上至飲福位光祿卿捧福酒跪進于上右內贊
奏跪奏措主奏飲福酒 上飲訖光祿官捧福胙跪進于上
右內贊奏受胙 上受訖奏出主奏俯伏興平身奏復位奏四
拜傳贊百官同 樂止典儀唱徹饌樂作執事官徹饌訖樂止典
儀唱送神樂作內贊奏四拜傳贊百官同 樂止典儀唱讀祝官
捧祝進帛官捧帛掌卷官捧饌各詣瘞位典儀唱望瘞內贊奏

詣望瘞位內贊對引官導 上望瘞位祝圭埋訖 配帝帛
燎半官贊奏化舉導引官導 上至具服殿帛服太常卿捧
太祖御位入安於 太廟寢 駕還詣 廟恭拜畢還宮一分
祇官儀注典儀唱行如獻禮讀祝訖俯伏興平身贊引引祇官
各詣 神位前贊跪贊揭帛上香獻帛祇對訖贊出帛復位典
儀唱行亞獻禮終獻禮贊引引祇官各詣 神位前贊揭帛獻
爵出帛復位唱望瘞贊引引祇官至燎位燎半贊官禮畢詔如
擬 初戶部以造警稱懇請令東官廳听征馬八十餘匹悉下
場放牧以省國儲既而武定侯郭勳奏倉卒有警四散牧放調
撥不前宜如近例量留三千匹全支草料與餘馬均分餼養聽
其分番更換仍以東官廳左恭將都勳領之兵部議覆詔如勳
議○戊子 命故崇信伯費柱第斌襲爵 禮部擬上帝王廟

祭器樂器供器及帷帳等物色畧如大廟式詔可南京守
備魏國公徐鵬舉引疾辭任不允河南巡按御史沈奎奏文
恭三年一次照制國家令典近以歲災數停公務廢各官皆
改遷身非原役以致姦蠹日滋請自今災不及十分者不得懸
停刑部議覆從之○乙丑巡河南懷慶府知府王德明為太常
寺少卿提督四夷館○庚寅孝宗敬皇帝忌辰奉先殿行
祭禮遣張國公張鶴齡祭秦陵戶部覆南京糾道官柯相
等議南京光祿寺見貯白木粘粟可足數斗之用請以量徵折
色以寬民力俟所積將盡人微本色奏可賜大學士張宇敬
白金六十兩大紅彩幣四表裏羊四隻酒四十瓶諭之曰昨卿
以繼助明日進城請命可如期行茲以銀幣羊酒資卿禮用
壩上東馬房草欄火燒草三十六萬九千六百九十一束○辛

卯齋宮令進兩縣絲 封代府寧津王侯祿生母劉氏為夫人
從王請也。○子辰都給事中蔡經等上言鹽法三事謂灶下乃
鹽所自出宜令丁力充盈今徵科為累日致逃亡於是商人困
於守支惜年價之輕重視遠近糧之本折視豐斂故商人樂於
飛輓今遠近無異價無歎必取盈於是商人困於上納私鹽禁
而後官課可行今私販惑官鹽滯于是商人困於發賣請及今
處補灶丁酌定引價嚴戢私販庶可以通商課而裕邊儲也戶
部覆議奏可 四川貞州盜秦柏等平常有功忝議林總幹事
李文中各銀幣失事忝議何鰲等准以功贖。○癸巳禮部尚書
兼文淵閣大學士翟鑾三年考滿賜寶鈔羊酒 給事中王穉
言今邊儲之計大約有四不過邊內郡之糧發太倉之銀開引
鹽之利備屯田之政而已然內郡之糧太倉之銀止可取辦日

前惟引鹽可濟不時之急屯田可濟有常之用二者皆所宜
計也夫中言商人所利各邊湖中至無高應詔何哉自先朝
權姦用事占中賣窩展轉通賂利歸私室乃今當事之巨姦枉
過正復有額外科罰之苦有踰時清掣之難商以利來乃以害
止無足異矣請速勅廷巨權利害之中究公利之便每歲一邊
發引若干每引定價若干發引合于何人商人上納應否本折
兼收占中應否專差科道餘監應否添設引目皆當悉心區處
畫為定規以聞至於欲興屯田屢矣計不時定蓋有三難焉修
墩堡掘壕增分兵地曠以妨虜窺擾其費不貲一也豪強占據
一行清查必犯眾怒二也遺屯久弛非假歲月處之以漸固難
猝復三也巨聞思水逸者不彈一臂成大事者不惜小費此舉
勞費雖鉅而關於遠方之安危者不小安之興策可乎巨愚竊

以今各處充軍雖押發配所旋即買脫一遇恩赦又獲赦免於此請行贖軍之法除免死并無力者發遣外其餘所贖一軍百金重或三倍通計天下一年贖軍之銀可數十萬以此供屯田修造之費行之一二年屯改既成即上不贖乃簡大自廉靜有才者一人奉勅臨遣督之兼理鹽法減放賊寇可恃也跡入下所司議戶部覆奏定於正月開派引鹽每遣各撥鹽七萬引如欽定價上納本色糧料單束專備容兵第責成各遣巡撫及管糧郎中不必另差科道餘監截罰如舊不必添制引日屯田亦責成各遣巡撫清查期以三年造冊具報不必簡命大臣詔俱從之已而都察院請問贖軍之例上曰律贖贖者徒杖以下小罪耳未聞以充軍贖也且死刑終疑減從謫發若一槩聽贖則富者玩法縱橫是教之紀也何以懲後所議非自體之罷

禮部議帝王廟名目牌位視 太廟功臣式帝王神牌量增高
廣以別隆殺帝王朱地金書名巨赤地墨書從之又言 世廟
儀物當更新 上以歲月未久報罷 以天署勅司禮監太監
張佐會法司審釋繫囚免枷號者十九人徒杖以下減等者七
百二十三人減死調戍邊者四人有詞發勘者七人內趙廉楊
時張縉皆遺將論死至是得釋○乙未南京脩理 太廟上完
遣魏國公徐鵬舉行祭告禮 陞河南左布政使王朝為都察
院右副都御史巡撫大同地方替埋軍裕 改遷湖廣荊州府
魚料驛于豐樂河 上以水災降勅責兵部官縱吏為姦而武
選尤甚問者考察在京武職司官與史地賄受亂是非令堂上
官接覽奏處已兵部查選司考察武官時一切考語兩籍俱前
署部中今陞澤州府知府廖雲龍同令史江琦等掌行 上曰

此嘉會官史積歲爲苦宜道之法以警斯未卽差官核械補庫
雲龍來京訊問江琦等先下鎮撫司拷訊各司吏典查恭未及
者通令自首都察院右副都御史汪鉉因言武選諸吏積弊有
年堂官務大體而莫之知司官雖明之而莫之禁宜將本司官
吏盡法究治侍郎陳洪諛雖失覺察非故從之其情可原 上
然其言曰吏緣爲奸由堂屬官不能奉治所致卽行內其衙門
自今務正身率下嚴加鈐束吏紀賊有狀內聽各官恭奏外聽
巡按御史速問都察院亂紀之地有甚吏沮抑伸訴沉滯冤情
者卽具名以聞一體究治洪諛侍獄上朕自有處分○內申改
設裁革環慶兵備副使於肅州 上以大災詔兵工二部卷案
錢糧存者亟具數以聞燬者通行天下造冊者奏對仍差科道
官各一員卽往查開有來機爲甚者重論不貸已乃差給事中

秦贛御史李宗樞稽覈○丁酉戶部覆貴州巡撫劉貴元奏貴
州軍餉大半仰給川湖正德以來有司因循連火數多宜令川
湖每歲定委府州縣佐二官一人專管徵解仍聽貴州撫按薦
劾報可 江道饒州府進 方澤夕月壇祭器○戊戌行人朱
崧禧以齋詔南直隸各府還上所過利病四事一重水利謂蘇
松嘉湖各有治農官然而溝洫淤如圩堤圯敗情農蕪業所在
如是則官不得循行之故也宜勅令農隙之時循行阡陌勸課
農桑脩濬溝洫堤堰務使早潦有備二慎催謂東南諸郡賦役
繁重糧長之役宜如舊制每都照額倉審不許額外添兌其執
役者上令在倉主管出納冊令科擾百姓一易絹布謂歲解絹
布本以恤民今奸豪率以惡之貨有司代征銀錢轉為買輸
而折耗虧增尚出額外不若即令輸所徵銀類解工部召商上

納一議均徭謂東南有司將議重徭先避豪右貽累貧弱宜及
今擴造黃岡厘正詭寄花分等樂稍放尚書周忱之議每田一
畝輸錢一文官為雇役仍振其羨以待賑庶迎警公需可免里
長供應歲終上籍撫按以稽鹽納戶部覆議絹布徵銀均徭輸
錢二事未便餘宜如其言從之 給事中王畿言邊臣重者文
則巡撫武則總兵巡撫儲於兵備總兵儲於恭遊凡兵備恭遊
必選才諳謀勇諳習邊事者為之俟聲實昭著即任巡撫總兵
之職若一時無缺則兵備或加藩臬使銜恭遊或加團營職銜
則儲之緣矣然又處之必重任之必久勸之必感懲之必威五
者得而後遣方可恃也其本則在吏兵二部尚書此文武所自
出尤宜慎重兵部舊設兩尚書一掌部事一提督團營今以都
御史兼團營分憲臺之重宜更推一尚書尚書專督之有事則

奉命行邊無事則三年一往經畧邊務兵部覆請詔團營官兼督如故餘如議行○己亥營節荊州邊備都御史周期雖上言二事一修復邊關以利戍守謂羅漢洞星星谷桑公谷章子谷花瑞谷水門寺城子谷董家口大毛山小河口鮑魚石貓兒谷青山嶺等關寨始皆據沿邊險阨有萬夫莫敵之勢後因虜警輒移入腹裏平漫之地以致虜騎長驅出入無禁宜亟修復故地庶利於戍守虜眾不得侵軼一量移營堡以便策應謂界嶺口駐紮營之距青山口關東勝寨各二十餘里臺頭營之距界嶺口箭桿嶺羅漢洞三關各四十里駙馬寨營之距星星谷桑公谷二關中廢堡各六十里黃崖口營之距古強谷配暗谷蘇緣谷青山嶺各關寨則三十里而近松柵谷營之距洪山口關天勝廖家谷三道嶺白卷谷西安谷五寨則三十里而遠皆於

策應不便請酌其便之地改立立營堡一時併興勞費不啻宜
令詳酌便宜行之報可○庚子論擒斬廣東海賊黃秀山等功
賞提督兩廣都御史林福鎮守太監張賜總兵官仇鸞巡按御
史李英楊紹芳海道副使江良才等各銀幣有差備倭都指揮
陸桓等聽以功贖罪○辛丑裁革嘉祥東河館陶三縣管河主
簿添設景州滄倉州管河判官○壬寅兵部尚書王時中疏請
起用 上優詔不允 順天府以春夏不雨疏請祈禱 上曰
天時亢旱咎在朕躬該府其竭誠致禱朕亦齋心默致備省三
日○癸卯陞山西布政使司右叅政黃且為四川右布政使○
甲辰戶部覆帥湯池摺潘旦奏請勅湖廣河南陝西布政司管
兩官及今大造黃冊之期按行郡縣督率有司清查流逋之民
或應附籍或應發還 逃亡者問除舊冊添報者補填虛戶務

嚴示曉諭遵照律例施行報可○己建州右等衛女直都督
阿剌哈等一百四十人來朝貢馬宴奏如例 詔大祭 方澤
秦祭祀後三日不祭封事歲以為常 從湖廣撫按官凌相劉
源議添設捕盜通判黃州府一人駐岐亭鎮襄陽府一人駐南
漳縣十三都置黃州府驚龍巡檢事 直隸巡按御史周釋按
行山海等關疏陳七事一兼關營以便應調謂關以扼虜營以
拔關本所以便來應而關保障也今各分責任不相干涉一遇
失事當關者獨任其罪故兵分營孤非設營拔關如意也今宜
二營設一提調噴所直諸關兼領之庶事體歸一裨禦協力
二選邊賊以屆日謂使不收哨探賊情以嚴戰守之計所繫
至重今乃老弱居多鮮有實用宜簡拔其趨健厚其糧賞使必
其死事者然後可責其利探欲密錄賊虛情三路卒田以省運

餉謂各鎮開曠田土宜召土人墾種因籍為兵月可省餉餉什
二且免客兵逃亡致誤邊備四精長板以利虜人謂神機槍大
銅地佛即機銃皆可制敵宜廣製造多儲火藥人士卒操習五
定製首以懷夷為請某顏之種花當已死其次子祀兒孫亦故
恐族屬或有強梁之人操端竊印重項區處宜早定其端除革
蘭台使嗣花亦當懷我安邊主計也六停內日以專任將謂各
邊鎮守中官既革則密雲內分守石門塞內守備不宜獨存七
嚴紀律以明軍政謂各遣士卒驕情將領因循語行陣則不知
語部伍則無次隊無武學教養率縱恣驕情宜申明法制廣設
武學以教將領子弟使知禮義忠孝之迫諭鈐紀律之宜疏下
該部以蘭台襲封各遣設武學二事當行撫按詳事餘悉從其
言詔可○丙午 上親侍兩于殿陛 兵部覆昌平州知州李

宗養本州 陵寢重地民力道乏寄養馬視他州縣已減三分之二更減十分之三從之○丁未南京禮部右侍郎黃錦疏乞休致不允 巡撫鳳陽都御史劉節奏江北各府州一應草場除馬戶自種免徵外其小民畝佃應得租銀並免解部歲徵在官以代無田養馬人戶及巡之之家歲派備用騎操馬數有餘仍以攤助有田馬戶庶幾民力少紓兵部議從之○戊申遼東巡撫成文引疾乞休吏部覆從其請 上曰巡撫責任甚重近或稱疾規避深負委託該部不能奉法輒與覆奏姑寬勿論其令文冠帶閒住巡按御史仍查託疾之故具以實聞毋得回護

裁革山西管屯倉事陽曲縣管糧縣丞沙溝松子嶺巡檢路霍蒲澤谷五州襄陵趙誠太平曲沃翼城猗氏臨晉夏陽城石樓洪洞安邑高平湯城十四縣稅課局大使太原等三府河東

運使澤潞等二十一川陽西等七十五縣儒學訓導各一員
代潘汝郡王府伴讀工部倉副使 戶部議發山西扣還京運
銀八萬兩蓋以河南監銀運赴迎綏甘肅二鎮抵濟軍餉從之
○己酉連州左等衛七直都督章成等一百四十八來朝前馬
宴費如例○庚戌以夏生祭 方澤命少詹事夏言分獻太常
寺泰祭祀失誤出班叩頭稱疾引罪 上切責而有之 甘肅
巡撫趙載奏三事一撫恤屬番以固藩籬謂辛東左衛帖木哥
土巴等率眾歸附宜量與一官又先年赤金蒙古等衛都督賞
卜達兒男鎖南達等寄住肅州已久亦宜下勅獎慰或賜恩資
或令詠襲或與換初以絕土番番招致之望一銓選武職以資
邊衛謂河南等十五衛缺官任使宜于附近衛所酌量遷委一
懸厚賞以激邊軍謂本鎮官軍缺資者多宜速發內帑銀幣以

給賞功之用兵部履歷恤屬蕃事請下所司勘實奏處如言報
可○壬子夏至大祭祀地于方澤兵部查上錦衣衛官校
近錦等二十九人編補有妨宜加陞賞上曰武職官非軍功
不許陞授祖宗舊制各官校陞賞例其遵照孝宗皇帝聖
旨詳覈各官功狀果與相同者明白具奏

大明世宗肅皇帝實錄卷一百二十五

大明世宗欽天履道英毅聖神宣文廣武洪仁大孝肅皇帝實
錄卷一百二十六

嘉靖十年六月甲寅朔先是有旨令天下有司積穀備荒視所
積多寡以為殿最至是巡撫應天都御史毛思義應天府尹江
曉等所積未覈溢於原數蘇松常鎮等府知府聶豹等不及限
宜有旌別得旨曉等體國為民分別等第旌舉豹等各守饒郡
反不及數行政守己可知其恭究以聞仍通行天下撫按官查
考造冊送部以憑朝覲黜陟勿事姑息○乙卯○添設湖廣華
容縣管糧主簿一員漢川縣縣丞一員駐劉家隔裁革慈利縣
主簿一員從守臣凌相等議也○戶部以營建仁壽宮及先
蠶等壇殿採辦大木料價不敷請開各項納銀事例以補運費
報可○丙辰○山西孝文山賊劉善果折廷相等聚黨二百餘

人泚劫石臨興嵐等州縣巡撫都御史王大用督兵討平之事
聞詔賞大用及巡按御史王道各銀十兩紵絲一表裏左叅政
胡纘宗等各銀十兩失事指揮鄭麒等各奪俸一年。丁巳。
起戶部尚書秦全為南京戶部尚書。陞陝西左布政使周叔
為都察院右副都御史巡撫遼東地方。陞江西按察司僉事
王暉為南京光祿寺少卿。是日申劾雷震德勝門破民屋柱
死者四人。戊午。復除原任南京吏部右侍郎李廷相于原
職。命巡撫延綬右副都御史李如圭致仕。以戶科左給事中
孫應奎劾其久病不能任事故也。己未。先祿寺丞陸鰲以
病請告。上以群臣稱病者多曠廢職業令鰲致仕。并下所司
嚴諸引疾在告者以實聞。陞辰州衛指揮伏滿璵署都指揮
僉事。命書湖廣都司事。以都指揮同知苗鑾充協守寧夏副總

兵。以宣右衛衛著都指揮僉事任鳳為京營五軍營坐管總
兵官。辛酉。禮部覆議壽王祐楛請給青衣纁裳宜於各府
織造頒給王府不得私造。楚王榮滅晉王知烱例外陳乞服物
俱宜停罷。詔從之。初宸濠之叛江西按察使楊璋以從逆問
擬斬罪。後奉旨楊璋到任未久變生倉卒免死發邊衛充軍。至
是璋復稱寃下江西巡按御史秦武覆勘武言璋到任止三日
情若可原請從輕減下法司議。璋任廉使雖三日而在江西則
已有年若從末減何以為亂臣之戒。乃詔璋充戍如故。壬戌
。陞南京湖廣道御史王琇為江西按察司僉事。山西巡撫
都御史黃鍾等言山西比年文盜相仍軍民困憊太監周縉鎮
守其地甫及二年所費錢糧以萬計近因偏頭關失事請回請
如貴州建昌營鎮守事例一體裁革永無差補并請治縉罪從

之。巡按陝西監察御史陳世輔題稱足食強兵莫善於屯田而濠塹烽堠堡寨又屯田之先務也本鎮沿邊一帶宜行鎮巡官督同守巡將官徧歷邊地逐一閱視墩堡城塹宜修宜浚者仍置立圍網擬定工糧扣算月日以時興舉堡寨既修徐議耕量其土宜設立大小屯堡百人以上為大屯立屯長屯副五十人以上為小屯止立屯長令其督率耕種有缺種者官為借給秋成抵斗還官照舊納糧不係納糧之地候三年後起科近堡設立小教場暇則督屯丁習射其中仍築塹瞭望遇警舉火收斂人畜及將近日京運廩甲酌量分給仍奏討京運銀數萬兩解赴巡撫衙門委官買馬分給各堡令其輪流餵養專備追賊然興事建功要在賞罰以程督之使考覈不嚴則因循玩愒不知所警宜將前後工程約以年限以三分為率不及一分者將

各將領及守備操守等官量行罰治不及二分者定擬位俸全無修舉者乞請別議若該通誤口糧聽巡撫官叅究其有留心邊務依期報完者以禮犒賞庶幾邊備可修而 患足禦兵部覆上詔准議行。癸亥。陞山東按察使張宏為都察院右僉都御史巡撫延綏地方。是日辰刻雷擊午門角樓垂脊并西華門城樓西北角柱。上特諭禮部茲變寶朕積愆所致。上天垂示與卿等修省三日仍御製祝文行露告禮於殿陛。初。晉江縣巡檢張隆為海賊劫殺捕之未獲會漳州民陳大淵等二十六人以買米至舟中有防盜器械為捕盜者所誣獄已成淹禁死者六人及莆田縣民彭仰亭等誣姦人命福建按察司副使謝汝儀廉得其實俱出之巡按御史虞守愚言汝儀慎重刑獄職業克修宜加超擢。上嘉汝儀能辨理寬獄詔吏部查

年資擢用妄掣人役及原問官下所司逮治。乙丑。陞雲南按察使張祉為廣東右布政使。丙寅。陞山西布政司右叅政屠儵為山東按察使。江西按察司副使王至善為山西布政司右叅政。命太僕寺卿曾直致仕。先是直遺失餘銀庫簿託言必姦人欲埋沒弊端故匿其籍請遣官清查以自解詔給事中魏良弼等覆之良弼等查無姦弊直乃上疏自劾且策良弼等公勤。上以直舉劾輕妄展轉為欺因無人臣禮勒致仕。禮部尚書李時等言午門乃人君懸象布政之所邇者有雷擊之變。皇上遇災祇懼勅回修省竊惟天之示災非可以虛文消弭必求政刑之失而正之或任用非人而爵祿侈濫或賦歛不均而徵求太急或祭祀弗秩而鬼神不歆或戎盜弗詰而地方嗟怨或情罪弗明而刑獄冤抑工作踰節而財力殫竭或

激揚失實而綱維不捩或獻納高塞而下情弗通凡此皆足以
致災召變宜申勅諸司如所當改正者即改正未及施行者即
時施行或心知其失而拘於成命者許其開析明白具由上請
此乃修省以實之道 上嘉納之下諸司議行 先是兵工二
部失火延燒公所殆盡堂官之下悉下詔獄兵科給事中王聘
言罪有輕重宜分別等第堂官雖提督久嚴宜賜包容以全大
體其諸司官吏果有欺公故意延燒之弊則國法自不可赦臣
等先事不能訪奏事債不能論列願乃赦為救解罪亦難逃乞
罷黜以為言官不職之戒 上曰兵部失火事甚可疑故命鞠
問而王聘徇情奏擬令從實置對聘引罪自洩 上責其玩法
市恩令調外任用 丁卯 史村給事中雒昂上言今春宮禁
七所災夏兵工二部人災乃今雷震角樓垂脊尤可駭異變不

虛生必有感名 陛下宵衣旰食勵精庶政而明察之下諸臣
承望風旨者務為深刻恐將來漸成褊狹非蕩蕩平平之道也
陛下之待輔臣既親且信輔臣張孚敬者奉命而不違任事
而不辭可謂以身許國矣但心術未光大耳其九卿大臣亦能
供事第多依違不自裁決必請於輔臣聽其指使將來國政不
無掣肘固非 祖宗設官分職之意也疏入 上以昂乘假
天成陰排忠正罪宜遠治以時方修省姑宥之 大學士張孚
敬翟鑾俱以震雷之變自陳求退 上各優詔慰留不允。戊
辰。冠帶官李武以 獻皇帝賜詩一軸來上且乞宣付史館
部議所上詩文備載於恩紀合春堂集內武一念忠敬宜量加
賞發還其原軸仍令奉藏以彰恩賜 上曰 皇考聖製詩序
其印繕寫今有司於從姑山建亭刻石識我 皇考所遊之地

以伸朕孝思之誠詩軸仍付武庫奉藏賞紵絲一表裏禮部又請
上親灑宸翰識記歲月詔可其請仍戒擇地建亭不可過為
崇麗以副皇考之意禮部右侍郎湛若水三載績滿錄其子
東之為國子生。○南京工部尚書何詔言本部司屬自奉詔裁
革之後官多乏員政務浩繁恐有廢墜宜於營繕都水二司仍
銓補員外郎二員吏部覆議報可。己巳。工部以方澤朝日
夕月三壇祭器規式顏色尺寸圖冊三本進呈。上命送付史
館。庚午。恭睿獻皇帝忌辰。崇先殿行祭禮。陞雲南布
政司左叅政孟廷柯為雲南按察使。辛未。陞河南按察司
僉事李順孫為陝西布政司右叅議。壬申。陞陝西按察司
副使牛天麟為山西布政司右叅政福建按察司副使謝汝儀
為雲南布政司左叅政。奪趙府平鄉王府鎮國將軍祐我祿

未半年并治其長史茹鳴鳳罪祐裁以庶子爭主喪事覲覲封爵故也。丙子。陞陝西延安府知府粟登為陝西按察司副使。戊寅。戶部左侍郎張璉大理寺卿葛浩俱以灾異自陳乞休許之。己卯。陞直隸安慶府知府羅英為福建按察司副使。庚辰。詹事府少詹事兼翰林院學士夏言以灾異自不允。辛巳。陞湖廣左布政使盛儀為太僕寺卿。

大明世宗欽天履道英毅聖神宣文廣武洪仁大孝肅皇帝實錄卷之一百二十七

嘉靖十年閏六月癸未朔。以災傷詔免寧夏等六衛及靈州千戶所屯糧有差。甲申。裁革湖廣按察司屯田水利副使二員。布按二司武昌荊州岳州衡州襄陽長沙辰州常德永州九府各檢校一員。武昌荊州岳州衡州漢陽五府各通判一員。永州府通判二員。澧州同知一員。荆門茶陵澧三州各判官一員。大治蒲圻羅田廣濟松滋石首潛江耒陽藍山溆浦會同房十二縣各縣丞一員。江夏當陽衡陽鄖西房六縣各主簿一員。武昌漢陽荊州岳州衡州襄陽長沙辰州常德永州德安寶慶十二府興國荆門蘄隨茶陵澧均武岡桂陽迺沅安陸沔陽柳靖十六州江夏武昌嘉魚崇陽當陽大冶蒲圻通山通

城黃岡麻城蘄水黃梅廣濟羅田孝感應城松滋江陵公安石
首潛江棗陽監利枝江興山巴東遠安巴陵臨湘平江華容藍
山安鄉石門慈利襄陽長沙善化湘鄉湘潭醴陵攸瀏陽衡陽
湘陰寧鄉益陽安化新寧新化衡山安仁邵常寧臨武令陵東
安祁陽寧遠永明江華沅陵盧溪黔陽武陵沅源龍陽京山景
陵淑浦會同永興興寧桂楊宜章桂東綏寧七十八縣各訓導
一員武昌金口二批驗茶引所澧州稅課局水東遞運所各大
使一員通化馬驛明山水驛各驛丞一員三江口鎮巡檢烏翎
河泊所官各一員楚府等府長史司都王伴讀工副并倉庫副
使各一員。丙戌。兵部請建敬一亭于京衛武學刻 御製
敬一箴如儒學例從之。丁亥。陞南京工部右侍郎葉相為
戶部左侍郎巡撫順天等府右僉都御史周期雍為大理寺卿

○禮部尚書文淵閣大學士翟奎子汝孝為國子生。禮部言 皇上頃從行人薛侃議將論孟古義頒布天下示以程式誠得返朴還淳之概但文章習尚久而後成今科舉在通行之天下勢不能遍即使習學未必如式妄意模擬必多迂誕士子既不得以舊習自顯其才有司又不得以新格辨別賢否一時科目或至失人請暫令今歲科目不必盡拘格俟明年會試行之則風聲所激文体自變臣等又竊見嘉靖八年會試錄文皆簡古純正既不失 祖宗之舊式而于聖賢經義亦多發明與古義無甚相遠或止以前錄文體頒行天下一體更正 上是之命照 祖宗時科舉文式行務在崇雅黜浮以驗實學嚴古義不用 初御史郭希愈言今遺境有警則提督軍務輒患無人宜重兵部左右侍郎之選必素歷邊防才畧服眾者令一人

專講求腹裏軍務仍令自選屬官有智計者為之贊畫有警即
畀以提督之任則職專而志定宜可以備緩急事下吏部覆請
如希愈諫兵部復言職掌所載尚書侍郎統理一部之事不當
分限遣服以致乖隔且屬有四司則凡邊腹軍務分伍習理者
也不當專委一二人贊畫又國家遣武臣總兵文臣總制臨時
命廷臣會推上請簡用事平則將歸于班行兵散于營衛故將
無久握之權兵無不戒之患茲欲以兩侍郎分領亦非 祖宗
臨時遣將之深意且預定左右侍郎將兵之任則諸撫鎮等官
皆將觀望諉避或誤事機設侍郎一有事故又將誰屬亦非通
論也 上曰所奏事係兵部職掌吏部何不會議輒先題覆致
相予盾其如兵部議行。戊子。以災傷減免山東濟南等府
所屬州縣及東昌等衛所存留稅糧有差。令兩京國子監及

天下提學官學校選舉事例仍以兩京國子監官屬吏部簡別
賢否開奏以各府縣學官屬巡按會同提學官考選賢否上之
吏部奏請定奪 命申明僧道私度之禁諸不在正額者皆汰
之○乙丑○裁革浙江布按二司杭州等十一府各檢校一員
杭嘉湖三府各通判一員安吉州州判一員海寧嘉善歸安德
清四縣各縣丞一員武康孝豐壽昌京寧慶源雲和宣平七縣
各主簿一員杭州等十一府安吉州仁和錢塘海寧富陽新城
餘杭臨安昌化於潛嘉興秀水嘉善海鹽桐鄉崇德歸安德清
長興武康孝豐山陰會稽蕭山諸暨餘姚上虞鄞慈谿奉化定
海臨海黃岩寧海太平仙居天台金華蘭谿永康東陽義烏武
義浦江湯溪西安龍游江山常山開化建德淳安桐廬遂安壽
昌分水永嘉平陽樂清泰順瑞安景寧慶源雲和麗水宣平青

田松陽遂昌龍泉六十九縣各訓導一員紹興寧波温州三府
仁和錢塘海寧嘉善崇德歸安德清長興山陰會稽蕭山餘姚
上虞鄞慈谿奉化黃宥寧海十八縣各河泊所官一員紹興寧
波二府織染局各大使一員台州金華衢州嚴州温州五府織
染局大使副使各一員安吉州上虞慶元西溪硤石石門官洋
灘諸三界魚浦三巷寶定十二稅課司各大使一員獨松松杭
口孝義廬山鮑村黃壇淨居七巡檢司各巡檢一員市舶提舉
司提舉一員兩浙運司清浦海砂二鹽課司各副使一員 詔
求開國功臣劉基及常遇春李文忠湯和鄧愈後襲封先是刑
部主事李瑜言劉基翊運之功宜配享襲封與徐達並事下吏
禮二部覆請會廷臣議及是議言 太祖高皇帝延攬豪俊創
造丕圖雖一時佐命之臣並軌宣翼而贊畫帷幄之奇謀恢復

中原之大計往往屬之劉基故在軍有子房之稱剖符亂孔明之喻推其登跡之功基實為多基亡之後孫應承嗣太祖帝召諭再三許以世襲丹書之誓俱存鐵券載在國史考可也應嗣未幾旋即隕世胤嗣悞微圭裳靡託臣等竊以武王興滅天下歸心成季無後為害何勸且國家思創造之難則當隆佐命之恩修社稷之功則當薦延世之賞况翊運開基勲業炳烈如誠意伯者哉今其未孫雖緜世職于帶礪河山之義終有未協者臣等伏念爵祿命自朝廷典禮秩于天子今日興亡繼絕討論大政酬德報功修復今典者是在陛下裁之而已上允其議因并常遇春等四臣皆許傳襲命所司求其子孫當襲者以副皇祖報功之意時四臣後在者常玄振李惟節繼坤湯紹宗皆任南京錦衣衛指揮使而基九世孫瑜亦仕處州

衛指揮使吏部以其名上命即起送至京奏請裁處 詔革鎮
守浙江兩廣湖廣福建及分守獨石萬全守備永寧城內臣先
是都給事中張潤身列奏鎮守浙江等處太監張賜潘直少監
師章貪縱害事宜點分守獨石等處奉御田霖監丞李俊姚保
皆冗員宜裁兵部覆請悉行悉革永勿差補 上然之故有是
命○庚寅○都察院歷事監生詹啓奏吏部侍郎徐縉徇私不
忠以納賄之故驟陞知府喻茂堅以門生之故累遷知縣蕭一
中以親戚之故曲庇武庫司郎中伍餘福 上曰詔許監生糾
察所歷衙門奸弊蓋以習聞真知不容欺罔庶不負 祖宗設
立歷事之意啓所奏都察院其從公勘覆以聞僕有虛妄叅奏
治之縉尋具疏自明併下都察院着詳詹啓就對一訊語塞都
御史汪鋐等具上其欺狂狀已有旨擬罪矣啓復謬陳初上疏

時通政陳經嘗泄于徐縉縉乃使伍餘福託兵部員外吳道南以賄昭已遁南者啓鄉人與餘福同官及微服入廟市私役五城弓兵諸不法事鉉力斥其妄縉亦疏辨無之併下都察院會有人竊投贖于大學士張孚敬之門孚敬發之乃縉行賄已者即封奏之縉訴已實不知意助啓者中傷臣也 上怒以為欺固鉉亦言縉雖愚昧不應至此請密勅廠衛廉訪事跡仍會官廷鞫庶真偽可辨 上曰卿憲臣之長當秉公執法啓固亡賴縉亦非清介士啓所指事雖不盡實亦豈盡無卿不奏法追勘弟聽屬官扶回回護今又持兩端繁詞瀆奏非大臣事君之道況庶事諸生數有詔使言事今未可首罪之啓先奏及縉辭通賄事一一從公審勘以聞給事中趙廷瑞管懷理等尋劾鉉及復不忠既收啓心復陰為縉地宜罷黜以戒不法鉉亦自引避

御史徐汝圭則言啓奸忠素不齒于鄉邦往年營求報計差假官偽印為所在官司所覺訪捕未獲于是法司及錦衣衛會問證成緝明乎敬事而啓扶私誣因其他私罪甚多餘福所犯亦有狀乃具獄以罪以請 上謂緝法當重治念曰講信勞黜為民以餘福干請降三級調外任道南為餘福所使亦調外任啓罪始勿論俟他事勘報以聞。兵部覆勇士二百四十人歲廩二千八百餘石又占地十頃歲租七百金其實典守內臣侵牟影射請董留勇士四十人應役餘悉還營銜差操仍令太監嚴其奸利報可。辛卯。陞福建布政使司左叅政吳昂為本司左布政使。壬辰。戶科都給事中吳經言近者戶部申明弘治三年積貯事例凡州縣十里而下三年積糧一萬五千石二十里而下二萬石遞加至八百里以下一十九萬石夫三年積

糧一十九萬石則歲計為糧六萬三千餘石日計為糧一百七十餘石有司其奚以取辦也二十里而下類皆小邑賦入無幾且如潞和等州悉十八九里其稅徵定額不過四五千金責以三年二萬之積視正課不當增倍民力其奚以能堪也且腹裏邊方地利谷異窮陬壯邑繁簡頓殊今以一切之法而取盈馬吏求免罪勢必務為苛急則不惟無益于將來之荒政而先擾乎今日之疲民矣非計之得也臣請詳加議擬腹裏遠方別為等差州縣大小以遞減新收舊管不得混同到任淺深明白覈實斟酌損益務為經久之規中正之制則州縣不至多事矣至于歲積積貯上之該部亦當責之撫臣各布政司總督額報以省遠方下邑專人奏報之費會大同撫按官王大用等亦言遼商州縣積穀甚難宜分別等第著為定式于是戶部覆前項

積貯事例定自弘治三年至十年該本部題准凡過三年查盤預備倉糧之時除義民情願納粟囚犯納米贖罪外空閑官地佃租及賦罰紙價引錢等一應無礙官錢俱已儘數糶糧不足原數別無設法者免其任俸叅究若例可區畫而因仍怠廢或有那移侵冒等弊悉依舊例叅提住俸施行今宜遵照弘治三年積貯事例叅以十年題准事宜度幾通融可久第各郡邑長官廉貪勤惰不一必須立法稽考然後可致成功宜行昔年御史謝綬所設循環文簿一樣二扇填註州縣逐日事件輪月赴院倒換叅互查考以防奸弊詔如議行。總制陝西三邊兵部尚書王瓊奏計度榆林東中二路大邊六百五十六里當修者三百十里二邊六百五十七里當脩者二百四十八里因言二邊乃成化中余子俊所修因山為險屯田多在其外大邊弘治

中文貴所修訪護屯田中間率多平地築牆高厚不過一丈可壞而八今當先修大邊務得大邊補塞必使岸塹深險牆垣高厚計用丁卒萬八千人乞發帑金十萬以全年計定明年二月興工兵部覆上請行延綏鎮巡等官如瓊所畫舉行報可。甲午。以災傷詔免直隸淮安等府山西平陽等府所屬州縣及大同等衛稅糧有差。乙未。平福建漳州府通判一員泉州府織染局大使一員貴州布政司檢校一員黎平程番石阡三府司獄各一員都勻獨山鎮巡檢一員。丙申。陝西西安等六府大旱螟食苗盡總制高書王瓊等言狀請停徵料給賑貸戶部覆請行陝西巡撫等官以各府預備倉糧及部貯銀錢相兼給賑仍發河東鹽運司銀兩十萬三千有奇運送陝西補起運祿糧以布政司開納例銀補被災存留夏稅其起運邊糧仍

徵如額 上可其議命撫按官亟行賑濟務使民沾實惠 命
兵科給事中潘大賓刑部主事郭宗臯於浙江戶科給事中王
守刑部主事李子和於江西刑部郎中張臬戶部員外郎張元
孝於福建兵科給事中王禎行人司行人朱隆禧於湖廣史科
給事中曾忬禮部主事王慎中於廣東刑部署郎中呂希周戶
部主事阮朝東於廣西戶科給事中祝詠行人司副李遂於
四川禮部主事王汝孝刑部主事潘恩於河南刑部員外郎施
昱兵部主事吳鵬於山東戶部主事莊一俊刑部主事王學益
於陝西戶部主事焦維章兵部主事胡經於雲貴各主考鄉試
○丁酉○以全陝災停查鹽各邊錢糧科道官○戊戌○詔授
湖廣永州府學歲貢生楊成章國子監學錄以旌孝行初成章
父泰任浙江寧海縣長亭巡檢買妾錢塘丁氏生成章四歲泰

死其妻何氏携成章以喪歸還丁母家臨訣剖銀錢各半為識
成章稍長何且死出所藏錢示之且告之故成章拜受且泣既
娶乃行求母錢塘而丁前已嫁為東陽人郭氏妻生子珉亦時
時念成章乃令岷時銀錢往永州成章道出江西成章亦至兩
人會於逆旅語次叅問合所刻銀錢相持泣成章乃隨岷見母
東陽欲迎還不得因留養數歲母死哀毀廬墓以孝聞及是成
章應貢至京師以老例不得授官正給冠帶吏部言成章與珉
孝弟之行皆可嘉尚請量授成章一官給賞岷以勵風俗乃授
成章是官檄有司賞珉。己亥。○裁革廣東按察司海道副使
一員檢校一員都司都事副斷事各一員廣惠高詔南雄五府
各通判一員廣潮二府各知事一員廣惠潮韶肇慶五府各檢
校一員陽江海康遂溪三縣各縣丞一員始興合浦二縣各主

簿一員潮州府惠來大浦二縣各訓導二員惠高詔肇南雄瓊
州六府連德慶崖儋萬五州龍門從化新寧清遠香山連山陽
山歸善博羅海豐河源龍川長樂寧遠白石城潮陽海陽揭陽
程鄉饒平曲江英德翁源乳源仁化樂昌保昌始興高要四會
新興陽春高明陽江恩平廣寧泮水封川開建四十縣各訓導
一員惠州肇慶雷州三府德慶州各稅課局大使一員龍川大
埔二縣各遞運所大使一員肇慶廣備廉州廣儲雷州廣積欽
州永豐四倉副使各一員廉州府欽州增城博羅海豐河源龍
川程鄉封川海康遂溪九縣各河泊所官一員廣東海北二鹽
課司各同提舉一員廣盈庫川白石新村石康四鹽倉石橋小
江二場各大使副使各一員黃田傷大使武郎場副使各一員
市舶司副提舉一員南海清遠廣海惠州碣石湖州肇慶神電

雷州廉州十衛各知事一員。庚子。廷試就教生員大學士張孚敬等言國家設學校以養士而師儒之官實任教育之責祖宗以來學校廩祿不容苟食如非其人即黜退追廩成化中此法尚行後乃因循廢法挨次起貢此至禮部多憫其歲暮途窮一切聽授教職廷試考選祇應故事甚至考試者以私意置之前列俾得善地赴官率以利祿為計使之教士實以壞士世乏良材有由然矣頃奉明詔復舊制選貢以重師儒誠作育人材一大機也乃列上堪授教職者僅五十八人送監肄業者四十九人發回復學者十四人詔從之。辛丑。起原任巡撫大同都察院右副都御史王大用整飭蘇州邕備兼巡撫順天等府。裁革直隸太平寧國二府通判各一員黜宣城二縣縣丞主簿各一員當塗繁昌東流青陽石埭建德宿松七縣各主

簿一員太平寧國池州安慶徽州五府各檢校一員五府及所屬一州三十三縣各訓導一員徽州府稅課司休寧桐城二縣稅課局各大使一員池州府豐濟倉副使一員懷寧縣東河石牌段塘後江江汝當塗縣三湖新溝東流縣張家灘貴池縣清溪五河泊所河泊各一員婺源縣大谷沈嶺二巡檢司東流縣鴈議巡檢司巡檢各一員。壬寅。陞南京大理寺卿張羽為南京工部右侍郎。癸卯。初寧夏總兵署都督僉事趙瑛與巡撫都御史翟鵬有隙會虜至瑛鵬議遣進擊李勳傑之語侵瑛不肯行鵬遂別遣他將而劾瑛威令不能制下瑛憾甚乃訖疾辭任鵬遂為瑛疏請且舉副總兵江桓代瑛詔不許瑛尋出視事于是套虜大入江桓逗遛不戰所亡失無算瑛遂奏鵬專權自用以致失事鵬亦奏瑛驕抗怯懦有詔各解任去遣給事

中王崇會巡按御史失觀勘狀至是勘上言二臣送私忽以
誤軍機厥罪惟均因叅江桓等失事罪狀及翟鵬在任嘗私遣
官軍護其子詔光輝安所過給驛并以為鵬罪刑部議覆得旨
降瑛實職三級桓二級俱革任回銜鵬革職閑住遊擊把鉞以
下各降級速問有差。工部計造慶陽伯夏儒墳塋工料奏給
上命部臣查據舊典議處至當以聞不得因襲近例命榮
顏衛都督花當孫華蘭台襲其祖職如例。乙巳。彗星見于
東井光芒長尺餘指西南。裁革陝西按察司副使一員布政
司按察司檢校都司副斷事各一員鳳翔府同知平涼鞏昌二
府通判各一員西安延安平涼慶陽鞏昌鳳翔六府各檢校一
員乾鄜商三州各同知一員寧州判官一員鄠洛南監田淳化
高陵商南醴泉鎮源靈臺九縣各縣丞一員山陽鎮安白水安

塞漢陰石泉六縣各主簿一員靜寧葭河徽階五州同官淳化
三水永壽鎮安山陽商南洛南郃陽澄城韓城白水安塞保安
延州中部米脂吳堡甘泉延長宜君清澗神木宜川安定洛川
府谷華亭莊浪靈臺崇信隆德合水真寧環金渭源清水兩雷
會寧伏羌戍文禮彰寧遠通渭西河柳四十九縣榆林洮州甘
州山丹鎮番莊浪西寧永昌涼州肅州十衛各訓導一員邠河
秦徽四州涇陽渭南蒲城三縣稅課局西安鳳翔二批驗所寧
河定羌三岔野狐橋酒店子五通運所各大使一員延安府延
豐利益二倉慶陽府永盈定邊營便利三倉靈州鹽課司各副
使一員會州大河井二驛各驛丞一員西安左前後平涼慶陽
洮州岷州靖虜漢中寧羌十衛各知事一員秦韓肅慶四府長
史司所屬伴讀工副倉副各一員。丙午。是時刁風漸熾都

市無賴子三五成群挾時內外陰事嚇騙重賄不得則羅搆事
端奏訐之更相証助諸司皆惕息故太監張永弟容擅永餘財
多行不義軍匠童源者賄于容不應乃訐永墳犯龍脉事已
結又陰曠容搆王諫李糾首發容諸不法事都人張雄昔慣舞
文為糾具詞遍詆廷臣若江鏞許瓚許誥廖道南火道及內臣
黃錦等數十人皆以為受容賄源隨自上疏助之詔下法司及
錦衣衛會問于是鏞等皆上疏乞罷疏俱下法司鞠得其情具
獄以聞上以源累肆瀆奏結黨誣詐雄選造誣詞謙蔓引害
眾俱難依常典命兵部各定發極邊衛分充軍其所誣搆內外
官員悉置不問。丁未。戶科左給事中孫應奎言海內頻年
饑饉盜賊公行府庫空虛民力憔悴請議諸工作緩急從宜暫
罷工部以神祇埋帝王廟西苑仁壽等宮及蚕壇等皆已垂

成不宜中止惟門禁城垣及大小官置不急無益者皆罷之詔從部議。戊申。國子監司業林時以詔簡師儒上疏求退吏部請陞時在京別用。上從之命推選學行堪為人師者以充其任。吏部考覈國子監監丞等奏當留者十五員當黜者五員因言國初設國子監官專取問學優常德器老成者任之使天下生徒有所觀法以為成材之地邇來進士外選者輒求改監職苟歷年資遂得內補以賢閔為捷徑非祖宗立法養士之意且令進士之科皆若此輩則民社之責屬之何人自今宜著為例有補外而求改監職者非材力不及則學術不正不得擅改京職以長奔競。上然之命如議禁革著為例黜學正房監等五人時助教金洲先以永康知縣改任吏部以其人素協士論且業已奉旨改補宜留供職。上不許命仍除外任。裁

單直隸鳳陽廬州二府通判檢校各一員揚州府通判一員四
潁亳海邳無恙六安通泰九州各判官一員定遠太和如臯海
門碭山五縣各縣丞一員懷遠盱眙靈璧宿遷睢寧安東沐陽
贛榆鹽城合肥舒城廬江寶應江都興化泰興十六縣各主簿
一員四府三州并所屬州縣共六十一儒學各訓導一員和泗
二州懷遠沐陽舒城霍山沛五縣及呂梁洪各稅課局大使一
員鳳陽新城分司壽泗潁宿高邳五州倉兩淮運司馬塘莞瀆
臨洪三鹽課司各副使一員邳州江都縣各河泊所河泊一員
壽州遞運所大使新站驛驛丞五河縣上店巡檢司巡檢呂梁
洪下閘閘官各一員留守司都司副斷事各一員壽州泗州武
平宿州四衛各知事一員改淮安府管馬通判山陽縣管馬主
簿各一員為管河。禮部言天下歲貢生員中有起送已久綠

事後至者遽值新例一旦失望人情不堪又夷地邊方如雲貴遼東等處其人才不與中原比一槩考校必多黜落人懷無用之志將來必至廢學恐非羈縻化道之深意也夫未嘗嚴督于平時而遽欲責成于一旦既寬假于已往而特切嚴于今日其于事体殊有未安請令邊方銜學考黜者許秋間與例前起送者嚴考應送廷試者如會試例分南北中卷係邊銜者仍明註邊銜考試之後分送二監作養 上曰 祖宗立法歲貢人材其學行俱出鄉舉里選與科舉糊名易書者不同原無分南北卷第如舊典行之。庚戌。○辛。漕運兵部都指揮使楊銳回銜以巡按御史李循義劾其贓罪故也。○夜彗星行掃軒轅北第一星光芒漸長。○辛亥。○禮部尚書李時等以彗星見上言休咎之微載在洪範雖聖人猶且嚴之則災異之見不可諉之氣

教之適然而人君畏天修政之心有不容謾然而襲故者今京師夏月以來震雷殺人淫雨傷稼沿道諸郡餓殍盈途盜賊橫發乃是月乙巳夜彗星復見東井 陛下一聞占候之言即惕然不寧勅下禮官講求至理敬 天之誠深宮弗替此古帝王克謹天戒之心也臣等不諳象緯之學固不能旁引曲證如京房劉向之徒以瀆 天聽然天人相與之繫則嘗聞之固不容文飾以欺 陛下伏惟仰稽乾象俯順時宜檢察于萬機之中以求因革舉措之仍飭大小臣工同加寅畏勉修職業以來月二日為始俱青衣角帶朝參辦事至星滅而止凡利所當興弊所當革務實舉行其事聞 宗社宮切生民者科道官指實陳奏務協公論以慰人心或言有未當詞傷過激亦望優容以仰答 皇天篤佑之心以共成嘉靖中興之治 上曰 上天示

戒朕敢不警省以仰答仁愛其如議行科道官以言為職當隨
事論列表正竭忠以圖自盡何待災變然後可言雖求言為帝
王之善然無肯為國為民者亦徒事虛文耳已屢有旨不必行
第令大小百工同朕痛加修省以匡朕冲昧上四 天意。少
傅兼太子太傅戶部尚書謹身殿大學士致仕謝遷卒遷浙江
餘姚人成化十一年進士第一授翰林修撰陞右諭德左庶子
兼侍讀少詹事入閣辦事歷陞詹事太子少保兵部尚書兼東
閣大學士少傅兼太子太傅禮部尚書武英殿大學士 孝廟
之末與劉健等俱授遺詔輔政 武廟即位頗事進狎遷反覆
諷諫言慎切逆瑾矯詔逐諸大臣遷與劉健皆去位家居十有
八年望重朝野 上登極之六年召還內閣改戶部尚書謹身
殿大學士時遷已八十餘七年二月請老優詔許之賜驛以歸

是年二月卒訃聞 上為輟朝賜祭九壇遣官營葬贈太傅謚
文正遷學術純正有大臣風節弘治間與劉健李東陽同心輔
政一時稱為賢相正德初年奸權擅政遣以碩命大臣不能艱
貞以濟難捐軀以殉國雖達權不足而守正有餘所謂以道事
君不可則止者遷蓋有焉。遼府蘄水王恩鉅薨 上輟朝一
日賜祭葬如例

大明世宗肅皇帝實錄卷之一百二十七

大明世宗肅皇帝實錄卷之一百二十八

嘉靖十年七月壬子朔時享 太廟 世廟。陞國子監司業
林時為南京通政司右通議原任興府引禮舍人傅貞進 睿
宗獻皇帝所製陽春臺賦 上命禮部并前陽春臺詩並鐫石
楚之從岵山。巡按蘇松等處御史胡體乾上言浙西諸郡蘇
松最居下流即為貢三江入海故跡但今委江吳淞江已失道
言者以為欲治水利宜開二江二江通則三江入海之故跡可
復矣至若蘇州一府以千里之地納諸路之水東通大海北通
長江其洩水也有川今者潮汐迅疾衝蕩沙泥而昔之開者已
淤其容水也有區今者芟蘆叢蔚淤浞灰土而昔之深者已淺
故水無所瀦洩泥濘為患今欲疏治之其策有六一曰開洩水
之川二曰浚容水之湖三曰殺上流之勢四曰決不流之壑五

曰排潮漲之沙六曰立治田之規其督理之官又須專設重其事權假之歲月以責其成如今之右通政何棟山東按察司副使陳文沛昔治水吳中材稱幹濟宜可擢任工部議行巡撫官會直浙巡按御史勘議具奏詔可。癸丑。時陝西大旱各路守臣俱請賑濟總制尚書王瓊疏乞廣開事例多發帑銀及簡命京堂官一員奉璽書宣布恩澤撫定流移因慮補遺儲虧欠於是戶部尚書梁材等議稱太倉銀庫之所入不足以供一歲之所出而全陝預備倉糧庫銀不為不多見今新陞戶部左侍郎葉相赴任在途請勅本官量兼憲職前往陝西兼制山西河南湖廣三省地方糴買糧石仍行河東鹽運司動支官銀十萬兩賑濟布政司開例納銀查補存留災免之數其延綏寧夏邊工可暫止議入 上念地方被災重大命葉相兼右副都御史

特發大倉銀三十萬兩令隨宜賑濟所處銀兩綏不及事姑留
別用遣工如有次第者急繕完其餘依擬罷之。甲寅。雲南
曲靖兵備副使江鑣患病擅離任四籍詔奪職仍下雲雲巡按
御史提問。命翰林院侍講學士席春左春坊左中允孫承恩
主考應天府鄉試。陝西妖賊張文流劫漢中諸郡兵備副使
劉一正督兵討平之。乙卯。彗星行翼度光芒七尺餘尾東
北指掃大尊星。戊午。入太微垣掃郎位星。以順天府水
災詔蠲稅有差。改撫治鄭陽右副都御史潘旦為南京大理
寺卿。陞漕運叅將署都指揮同知張奎為署都督僉事掛印
充總兵官提督漕運鎮守淮安地方。行人司司正薛侃上言
祖宗分封宗室留親王一人在京司香俗呼為首城王有事
或為居守或代行禮其為國家慮至深遠也。列聖相承莫之

或改正德初逆瑾懷異遂并出封乞查覆舊典于親藩中擇其親而賢者迎取一人入京為守城王選端人正士為輔導他日。東宮生長其為輔王亦不可缺如有以次皇子則仍出封大國願以臣言下廷臣會議 上怒曰侃狂妄奏瀆大肆奸惡法司會文武大臣及科道官逮至午門前追究明白要見舊典在何 祖訓所言親王必有交通及主使者一一具實以聞侃廣東揭揚縣人與太常寺卿彭澤少詹事夏言同為丁丑進士是時言數以事忤大學士張孚敬不能堪以 上意方嚮之未有以中也澤以謀禮故結驩張桂孚敬遂倚為腹心謀所以傾言者侃為是疏且一年初以示光祿卿黃宗明宗明靳勿上一日出示澤澤懷其藁以告孚敬謂儲事 上所諱兩侃與言同言若指侃疏曰言所為則罪不可解矣孚敬以為然澤尋語侃張

少傅喜公疏謂國之大事其亟上當從中贊成之乃與之期曰
乎敬因先錄侃稿以進謂出于言且云緇脩歐陽德見其疏亦
以為可進又引中允廖道南謂言交結江西王府有迹請上
且勿發以待疏至已而侃猶豫欲止其事澤數趣之疏入上
深怒命法司會多官廷訊侃備受拷掠言已所自為無主者既
累日詞不具澤乃微詞挑之使引言侃瞑目曰疏吾所自具趣
我上者爾謂張少傅則然于言何與都御史汪鉉乃攘臂謂言
實使之言拍按大罵幾欲毆鉉給事中孫應奎曹汴乃揖乎敬
令迴避乎敬怒應奎等即上疏言狀上併下言應奎汴于獄
復命武定侯郭勳大學士翟奎同司禮監官會府部九御科道
錦衣衛官用刑鞠于廷其得其狀言侃實出己意所引及言歐
陽德皆誣實澤附會輔臣欲此中言也澤宜重治但侃性本猖

狂心尤險詐搖惑人心妄生異議並宜重處言因上疏訖彭澤之造謠汪鋹之黨惡上乃釋言出乎敬密疏二示群臣斥其伎囿于是御史譚縉端廷敷唐愈各疏劾乎敬鋹澤等明日勅諭三法司曰薛侃以猖狂之性發不諱之言據其言似忠謀遠慮但朕非宋仁宗向暮之年原其心實懷欺罔忍於言君終無建嗣之期妄生異議致若事端法當重處以杜禍源法司擬罪來看彭澤實非才用性本無良小人狡詐之資奸邪譎詭之往來搆禍概用是非致使薛侃招稱有干宗室傷朕親親之情俾輔臣攻擊害朕君臣之義罪犯甚重法當處死姑從寬宥發邊遠地面充軍輔臣張孚敬初以建議大禮朕特不次進用既而被人彈劾有旨令其自改却乃不慎於思罔愆於性朕以心腹是託奚止股肱而已望以伊傅之佐豈惟待遇是隆乃昧休休

有容之量犯戚戚媚嫉之科殊非朕所倚賴專於忌惡甚失丞
弼之任難以優從着致仕去夏言既於斯事無干不應拍案控
鳴匪徒失儀亦涉爭報朕念其被害所激故特赦而不問孫應
奎曹汧職在糾舉豈責彼言但其時事未明白遽斥輔臣跡涉
回護故朕并令拏問今念係言官亦從赦放其餘見監人犯悉
宥之此事既經區處爾在朝大小官員宜革除私忿務為盡忠
效古人事君同寅協恭之心守聖人事君不二不欺之訓巨朕
不遠以臻至化庶不負其君忝其親而永有譽焉已所司擬彭
澤充福建漳州鎮海衛軍薛侃納贖為民兵科給事中張潤身
等言澤廣東人與福建相隣不宜以附近為遺遠因劾兵部尚
書王時中於張孚敬有私跡下法司查議謂澤宜如律改編山
西行都司詔從之○巡視京營給事中魏良弼上言國營兵改

之弊有二曰賞罰無章曰操練無法夫賞罰者國之紀也今把總等官效忠訓練者積二十餘年而不調閭最廢弛者經數十年而尚存賢否不分人何所勸往者操練之法每隊五十人取武藝精通者立為教師以一教十騎步刀弩各期適用今雖有比試之法把總管隊等官不得舉行及至提督吊隊比試有不中者併把總等官坐罪夫提督統轄眾多馬得人人比之故各營士卒人懷僥倖之心把總等官空受無辜之罪無惑乎武藝之不精也臣請大加簡閱而責成之第其功罪以為賞罰復教師舊制照洪武六年御前比試操練軍士事例指揮千百戶所管軍士不中多者住俸降級其教練有功者遇各路守備都司員缺推用則責成既專賞罰咸當武備修而士器振矣兵部議以為可行詔從之。先是南宮縣巨賊樊仕勇朱瀚推埋殺人

為所在司捕急乃變易姓名為張欽朱天章假以賊素為業竄入湖廣往來常諸德府會岷府承奉段誠先以罪革欽等遇之厚自結納遂因誠投入鎮守太監潘真府第為僮僕真從人馬驥等結為黨與糾集亡命數十人挾輕刃出沒沿江一帶大肆剽掠嘗殺廣濟縣主簿及寶慶府經歷又劫岳州等衛運糧官銀縱橫水陸踪跡詭昧莫可究詰其餘黨王華等先後為官兵緝獲段誠因遺書張欽語之放且令其速遁竟不就擒巡撫都御史凌相等以聞上命兵部速行南北直隸浙江江西等處各該官司嚴限擒勦潘真待回京之日法司具奏處治段誠令巡按御史速問各失事官湖廣都指揮朱詔等戴罪殺賊限外不獲住俸提門事寧之日巡按御史分別功罪以聞。

辛酉 命致仕大學士張孚敬給驛回籍從大學士翟奎誦也

○吏部尚書養病方獻夫被召復任上疏辭謝因薦尚書梁材
汪鉉王廷相自代 上手詔褒諭令其速來供職仍命吏部從
之。癸亥。先是都給事中趙廷瑞論劾兵部尚書掌都察院
事汪鉉會訊薛侃事黨附權臣意圖誣陷人罪 上責廷瑞宥
之已而給事中雒昂陳守愚陳侃御史李宗樞朱廷立各疏劾
鉉 上怒坐以言官畏忌先期不即舉奏昂奪俸一年守愚半
年侃三月宗樞四月以立不與會問風聞言事特宥之已鉉以
被論乞休不允。丙寅。以中元節遣安仁伯王桓等分祭
七陵玉田伯蔣榮祭 恭仁康定景皇帝陵內官祭 恭讓章
皇后陵。詔南京兵部查收馬草場徵收子粒內外守備衙門
有占種者悉令退出召民回納其餘荒地照舊收放官馬及聽
附近軍民樵牧有投獻侵欺者指實叅奏從御史張心奏也。

戊辰。陞廣西布政使司右叅政胡岳為福建按察使。己巳。國子監建啓聖公祠。成禮部尚書李時等以祀典請春秋祭祀。典文廟同日所用牲帛。邊豆視四配。其東西配位先賢。顏無繇氏曾點氏孔鯉氏孟孫氏視十哲。從祀先儒程朱蔡氏視兩廡。是日文廟代主祭者孫欽。遣輔臣則祭酒於啓聖祠。行禮南京。國子監祭酒於文廟。司業於啓聖祠。各行禮從之。起原任巡撫貴州右僉都御史袁宗儒。撫治郟陽。陞南京尚寶司卿穆孔暉為南京太僕寺少卿。後軍都督府帶俸晉寧伯劉文請給父母妻誥。命不許。吏部議。無臣封贈事例。戡寧所開止於始封之人。襲爵子孫。宜有限制。請移文兵部查據。年勞實績。比於文臣考滿。稱否定奪。從之。命南和伯方壽祥。安遠侯柳文著。都督同知楊宏。隆平侯張偉。署都指揮僉事陳璠。俱乞書南

京五軍都督府事壽祥左文右宏中偉前璠後。辛未。裁革
睢陳兵備僉事併於屯田僉事。禮部具上夕月壇祭夜明儀
注一前期二日太常寺奏祭祀如常儀諭百官致齋二日一前
期一日太常卿同光祿卿奏省牲如常儀是日 上親填祝板
于文華殿白楮版墨書如遇遣官則中書代填遂告于 廟造
官則否是日免朝錦衣衛備隨朝駕中時 上常服乘輿詣西
郊由壇北門入至具服殿具皮弁服出導引官導 上中中門
入典儀唱樂舞生就位執事官各司其事內贊奏就位 上就
拜位典議唱迎神樂作樂止內贊奏兩拜傳贊百官同典議唱
奠玉帛行初獻禮樂作內贊奏陞壇導 上至夜明神位前奏
搢圭司香官捧香跪進于 上左內贊奏跪奏上香 上三上
香訖捧玉帛官以玉帛跪進于 上左 上受玉帛奠訖捧爵

官以爵跪進于 上右 上受爵內贊奏獻爵 上獻訖奏出
圭奏請讀祝位奏跪傳贊衆官皆跪贊讀祝樂暫止讀祝官跪
讀訖樂復作奏俯伏興平身傳贊百官同奏復位 上復位樂
止典儀唱行亞獻禮樂作儀同初獻惟不讀祝樂止典儀唱行
終獻禮樂作儀同亞獻樂止太常卿進于壇前之石唱答福胙
內贊奏詣飲福位導 上至飲福位光祿卿捧福酒跪進于
上左內贊奏跪揖圭奏飲酒 上飲訖光祿官捧福胙跪進于
上左內贊奏受胙 上受訖奏出圭俯伏興平身奏復位
上復位奏兩拜傳贊百官同典儀唱徹饌樂作執事官徹饌訖
樂止典儀唱送神樂作內贊奏兩拜傳贊百官同樂止典儀唱
讀祝官捧祝進帛官捧帛掌祭官捧饌各詣痊位樂作內贊奏
禮畢樂止導引官導 上入具服殿易常服陞輦參拜于 廟

畢還宮。壬申。兵部尚書王時中乞休不允。禮部上言西蜀番僧來貢人數添增太多實賜冒濫請以所進方物退還仍行巡撫官查提起送官吏不遵舊制交通賄賂情弊問擬具奏今後貢人數不許過六百名著為令從之。甲戌。以保定府安州等處水災命官賑濟秦王奏輔國將軍秉祥孝行撫按官劾實禮部以聞。上嘉之命寫勅獎諭。進封吉王厚焞生母夫人張氏為吉悼王次妃從其請也。乙亥。以郊工成加武定侯郭勳太傅仍兼太子太傅宣城伯銜錚太子太傅禮部尚書李時兵部尚書掌察院事汪鉉俱太子太保工部尚書蔣璠太子少保陞少詹事兼學士夏言禮部左侍郎仍兼學士掌翰林院事給事中李鳳來通政司右叅議兼吏科都給事中御史盧問之為大理寺右寺丞。以恭建神祇二壇并神倉工成陞

右道政何棟為太僕寺卿添註管事工部郎中金廷瑞陞俸一
級太僕寺少卿甘為霖賞銀二十兩綵段二表裏郎中郭東聰
等十兩一表裏餘結實有差。丙子。彗星行角度尾東南指
掃亢北第二星芒漸斂越三日而沒。兵科給事中王瓊上言
天下之權當總於上而不當移於下臣下於權當分而不當專
內閣重臣當通融簡用惟其人不惟其官簡用之法一曰辨才
二曰任職三曰防微才之難辨久矣矯刻似幹濟迎合似忠順
端厚老成反若迂純然能為國家造知平之福者在此而不在
彼也故曰辨才為先既得其真才貴以朝夕納諫要在裨益身
心其宗旨之事分授在閣臣察世專一人以叢其勢曰故任職
次之至圖書揭帖宜用於機密不可宣洩之事其臧否進退人
才可形公牘者一禁密啓欺弊易生故雖得人任職尤須保全

終始請慎銀圖書之賜而重揭帖之進則朝廷有親臣不至為
權臣矣故以防微終焉。上是其言。陞騰黃右通政管楫為
太常寺卿提督四夷館。戊寅。去司以兵部失火奉旨速問
有罪官吏具獄以請得旨典史江桂定發邊衛水遠充軍吏袁
廷珏等皂隸程仲和發邊衛直日巡風主事袁茂并巡風吏陳
銑發附近各充軍郎中黃禎罷職為民員外郎馬坤主事楊旦
各降二級調外任陳洪謨不能嚴督所屬姑從寬為民己及降
坤為浙江寧波府推官旦為河間府推官。己卯。貴州撫按
官劉士元郭弘化議以貴州界連別省苗賊不時出沒宜以威
清等處兵備副使分巡安平道兼制泗城霑益以僉事一員改
畢節等處兵備分巡貴寧道兼制烏撒鎮雄永寧等府司都清
等處兵備副使分巡新鎮道兼制廣西南再等舟平清偏鎮銅

鼓五開等衛以僉事一員改思右兵備兼制鎮竿平茶插州等處各領勅行事仍添設貼堂副使一員專理清軍吏部覆請從之。庚辰。巡撫陝西右僉都御史劉天和三年考滿巡按御史朱觀及各鎮巡官保奏加秩久任吏部以開命陞右副都御史巡撫如故。辛巳。錄戶部左侍郎張璉長孫傷通政使張璜次子子和為國子生各以三載秩滿也。陞刑科給事中趙廷瑞為右通政提督騰黃。刑部尚書許瓚議覆南京刑部尚書周倫所陳推明律例七事曰酌估贓以適輕重言國朝初年鈔法通行以此計贓定罪輕重適中自後鈔法不行價值大減今倫奏欲復提鈔估贓必至民多玩法宜如舊擬曰去深文武釋連累言清解軍丁連累隣里縣擬充軍輕重失倫宜從其議寬之若果雇人頂替知情受賍容隱不舉仍照例問贓曰明律

意以便法守言凡全誣平人至死未決者誣告之人全用本律
加役總徒四年不得減去律文其誣輕為重至死未決者照常
問擬曰查隱弊以均力役言內外官員勢豪之家有無籍棍徒
投充義勇隱占差役宜各查照原籍許令自首改正免罪曰處
罰贖以恤官軍一應軍職及軍廚人等犯罪除有力運炭等項
贖罪并中折收鈔錢外其貧難監追不完者一体先令還職着
役扣補俸糧月糧准抵還官曰議追贓以便發遣言論奏知令
在京在外有犯贓數不多聽令召保管辦免其監併事於似体
未使贓必難完請定自後追贓拾兩以上監禁年久者奏請上
裁其數少者監追一年之上免其保辦查照原擬發遣曰寬雜
犯以廣恩例言五刑死罪為重論死雖犯為輕然雜犯在徒大
誥不減近奉明詔五年審錄之期始得減去一年而每年朝熱

審本真犯死罪俱有矜疑流徒以下容得減等獨於雜犯不減
誠為缺典請得比照議處凡遇每年熟審朝審一應雜犯死罪
准徒五年者亦得減去一年永為定例疏入詔悉從部議。鄭
王貢白鵲二雙 上命薦之 宗廟獻之 兩宮傳示百僚庶
職廷臣多獻白鵲項賦者

大明世宗肅皇帝實錄卷之一百二十八

大明世宗肅皇帝實錄卷之一百二十九

嘉靖十年八月壬午朔南京吏部尚書劉龍兵部尚書王廷相
刑部尚書周倫工部尚書何詔都察院右都御史萬鍾戶部左
侍郎顧珀禮部右侍郎黃綰兵部右侍郎林庭棹刑部右侍郎
周廣督糧右副都御史毛思義操江右僉都御史張璠太常寺
卿黃芳少卿胡森太僕寺卿王崇獻光祿寺卿洗光應天府
尹江曉府丞柴奇鴻臚寺卿張楠各以雷震午門自陳求罷俱
不允。癸未 上親祀夜明于夕月壇。是日金吾等衛指揮
同知等官張奎等五人扈從不至下法司逮治。給事中李鳳
來等言 四郊壇并 神祇二壇初成宜令太常寺官如 南
郊故事以時掃除修飾 上從其言令太常寺官每月朔親詣
各壇督同守壇人員掃除補葺局鎖不許擅自開將祭前期仍

特加整飭以稱朕 天禮神之意。陞吏部右侍郎唐龍為
本部左侍郎都察院右副都御史周用為吏部右侍郎。翰林
院侍讀學士張潮以辰墓請告 上謂其日侍講讀不許。丙
戌 命翰林院侍講學士吳惠右春坊右贊善蔡昂主考順天
府鄉試。戊子祭 太社太稷 命九嬪父方銳沈欽鄭淮盧
永昌王雄闈紀沈九鼎韋聚杜林俱錦衣衛正千戶帶俸。御
史周禕以 四郊禮成又近 萬壽聖節請宥言事罪謫諸臣
及罪內閣密帖并慎擇內閣弼輔信任之無令左右近習有所
假借而事權或至于旁啓章下所司。己丑。以旱災詔免陝
西臨鞏二府所屬州縣及衛所田糧有差。庚寅。工部右侍
郎黎奐以雷變自陳乞罷不允。辛卯。以 萬壽聖節遣昌國
公張鶴齡恭和伯陳禹言玉田伯蔣榮分祭 七陵儀賓周鉞

祭 恭仁康定景皇帝陵寢遣內官祭 恭讓章皇后陵寢昌
化伯邵杰祭 悼靈皇后陵 孝慈高皇后忌辰 奉先殿行
祭禮。壬辰。滄州南化園漕河淤阻戶科都給事中蔡經等
劾奏都御史李排身任治河之責既不知先事預防及當此潰
決之時復不即躬臨督理以致事功難成阻滯糧運乞勅諭切
責令其速詣決所督率有司興各總運官軍修治事竣仍令據
實回奏并查叅各管河官員以聞第今阻淺糧船甚多若至灣
之日猶拘泥故事京通四六撥派則恐空船回遊來歲漕運復
誤矣更乞下戶部酌議暫於今次多派通倉就近便諭其空船
令速駕回輕齎銀加貯太倉或因剝淺費多者聽巡倉御史勘
劾補給後不為例事下戶部覆如經言 上從之命奪緋并管
河郎中等官俸有差。甲午。朝鮮國王李懌并恭寧等衛都

督李來罕等各遣使貢馬進方物賀 萬壽聖節宴賚如例
命孔氏五十八代孫監生公珏襲曲阜縣知縣。起用南京國
子監司業陳寰原職。盜入揚威營把總指揮朱雄家殺其妻
并子女四人巡按御史以聞詔下所司緝捕於是巡視京營科
道官論都督桂勇督捕不嚴乞賜戒飭仍禁諸司借役邏卒其
四方遊食以大工赴募至者并下該部及五城御史會議安插
事宜以聞 上是其言獨宥勇罪令其嚴督所部弭盜安民。
乙未。以太常寺卿陳道瀛三年考滿磨其姪孫維榮為國子
生。丁酉。南京守備魏國公徐鵬舉太監晏宏等言浙江
口乃京師咽喉請以鎮江衛原生京操軍士仍舊存留操備演
習水戰以固江防從之。詔羊回陝西鎮守太監張紳四川鎮
守太監蕭通皆以貪肆為撫按官劾奏也。以旱蝗免揚州淮

安二府各屬州縣田糧有差。戊戌祭帝社。帝親。禮科給事中董進第山西巡按御史王道奉詔會勘山西撫按官張翰趙鍾相訐奏不法事言鍾所論翰隱匿邊情事誠有狀鍾不諳憲體動敬專擅取勝亦不能無罪詔翰與鍾各封品調外任是吏部言外任正三品惟按察使風憲之長所非以處調請調翰河南布政使司叅政仍走正三品俸報可鍾尋補充州府推官。初吏部文選司郎中夏良勝當會議大禮時有異議後集其典銓章奏成帙名曰銓司存彙議禮及執奏傳奉尚書學士諸疏俱載焉屬其原籍江西叅議張懷南城主簿寯鑰刻之會明倫大典成詔黜良勝為民其鄉人王榮素怨良勝乃以其彙封進并訐良勝諸不法事且言建昌府知府鄭源渙為良勝違例豎坊新城知縣蕭一中賤佔籍沒逆產以奉良勝。上怒詔

捕良勝等下獄拷訊遣給事中尚大節會江西巡按御史鞠其事會大節以憂去命巡按御史勘結三年不決至是御史秦武始具獄以請時鑰已時懷任廣東叅政一中任南京刑部郎中事下法司錦衣衛會擬當良勝杖贖寧家源渙降用懷行廣東巡按一中行南京都察院連問得旨良勝罪惡 人神恫怨難依常典令發極邊衛充軍分源渙降一級遠方用餘如擬已南京都察院及廣東巡按御史先後奏上說明一中懷罪狀詔一中降一級調外任懷冠帶閒住。己亥。光祿寺廚役王福錦衣千戶陳昇俱上疏請迎 顯陵 梓宮塋 天壽山疏併下禮部集廷臣會議於是尚書李時等言頃者 皇上因隨全之言下邊 陵之議既而 宸衷天啓采群臣之諫即命罷之誠從善如流聖不自聖之心也今福以屬宰賤夫勅狂悖之說以

感激 皇上哀慕之衷而昇因希圖寵榮風聞附和 陛下復
勅廷臣再申前議豈以 顯陵懸隔數千里外必欲移置京師
以歲時享獻然後慰於心與臣聞立廟而祀以安鬼也卜地而
葬以藏魄也魄有定宅而鬼則無所不之自 世廟立而 皇
考在天之靈陟降昭格者已數年于茲矣 顯陵固 皇考藏
魄之所也況今 園寢已經建造殿宇巍巍規制壯麗視 天
壽諸陵無異且其山更名 純德已載之祀典實足以表識
先皇昭示萬世與基運翔聖神烈 列祖之陵同一規制有不
可復易焉者昔我 仁祖殯于濠梁 太祖豈不能改葬于
鍾陵然但培土厚封不改其制誠恐發泄地靈震動玉基耳今
聖子神孫配命無斁者皆 仁祖之遺休也 陛下龍飛郅
中入繼大統 顯陵蔭庇之力已昭然矣正宜培護根基固蓄

靈氣以陰 聖壽于無疆子孫于千億者况安陸至京數千里
如 梓宮遷行舟車扈從跋踣川源萬一風波之險震驚 皇
考之靈 皇上其能無動于中耶臣等固知 陛下孝心純篤
不勝其哀慕之誠然是非利害不可不熟慮况前度書等建議
之詳與 皇上罷謀之命載在明倫大典天下莫不知之若福
等之謀得行無藉小人莫不各鼓挾諛詞搖惑國是莫可誰何
乞勅法司將福等逮治如法以為小人橫謀者之戒但 顯陵
典禮容有未補者今 祖宗諸陵除忌辰正旦孟冬 萬壽聖
節遣官行礼外其清明中元冬至蓋一歲而百官奉命祭告者
三獨于 皇考之陵闕而不講臣子之心實有深歎願 顯陵
去京遠遠難以數數遣官自今第每歲清明節屆先期遣大臣
一員往 顯陵齋戒祭告如 長陵之儀其正旦孟冬中元冬

至萬壽聖節及皇考忌辰仍遣本府等官行禮庶可以慰
陛下追遠之心而求之典禮庶不合矣上以其事重姑從
部議已之。初山西陽曲知縣崔廷槐者淫刑傷人甚多皆死
生員劉鍾父鍾痛父非辜懇之御史趙鍾鍾不為理復褫其衣
中時提學副使陸深為之不平遂拾廷槐諸殘酷狀并劾奏鍾
不法事而鍾亦奏深違詔不行刊布敬一等歲并連及先任提
學劉儲秀及所屬知州范箕等十一人會晉府中尉知燭亦有
嘆於廷槐扶私具奏并下給事中董進第勘覈至是以聞詔廷
槐降雜職邊方用鍾及儲秀如前旨調之深與箕等巡按御史
連問如律知燭令長史司啓王戒飭之。以災免遼東定遠左
等衛田糧有差。庚子。下戶科左給事中孫應奎於錦衣衛
獄時又傳郭勛太子太保汪鉉太僕寺卿何棟少卿甘為霖以

四郊成晉秩應奎論勳等皆奸諂小人清議不齒不宜冒茲爵賞上以為報復私忿故有是命○辛丑○湖廣歸川南邁口巡檢徐震請於安陸州建立京師下禮部議京師之建於典禮無據太祖發跡濠州改州為府較之安陸事體相同宜陞為府治以隆根本於是戶部請欽定府縣名行走禮二部銓官鑄印令其赴任管事割旁州縣以為治屬諸應行并未盡事宜悉聽湖廣撫按等官酌議以聞詔俱從之乃定府名曰承天附郭縣曰鍾祥割荊州之荊門州當陽潛江二縣及沔陽州景陵縣隸之○太常寺卿管國子監祭酒事許誥以給事中謝從儒論其侵尅饌錢具䟽言饌錢乃典簿所職掌因稽其出納之數并經費之節以聞其言膳夫銀兩不明當先責之經手收支之官祭酒不過失於覺察而已上責從儒不明職掌經率狂妄令

據實置對時誥復使監丞王昂等封其寢室請旨差官校搜檢
上諭以非朝廷政體不許尋從儒引罪命調外任遠方用。

壬寅。以兵部右侍郎潘希曾為左侍郎工部右侍郎錢如京
為兵部右侍郎。陞巡撫山西右僉都御史王應鵬為右副都
御史協理院事。兵部以四川白卓番平議上諸臣功罪言巡
撫都御史朱滄巡按御史熊爵鎮守太監蕭通督率調度其功
居最兵備僉事俞爰指揮杜欽知縣蕭雄功次之恭將張倫功
足贖罪都指揮吳吉等功亦當錄百戶許仁戰死宜加優恤王
舍李檣等十四人失事宜令巡按御史逮問如律其地方建堡
立官撥軍防禦事宜請下巡按同三司等官酌議以聞詔滄爵
各賜白金三十兩紵絲三表裏爰欽雄各二十兩二表裏爰等
仍下史兵部計資擢用餘如所擬行。癸卯 憲宗純皇帝忌

辰遣建昌侯張延登 茂陵。甲辰。陝西總制高書王瓊鎮
守鄜督劉文疏稱甘露降於固原採取以獻因言今陝西邊患
雖若少寧而西安等府天旱民饑流徙者眾臣願 陛下以甘
露降祥而感上天以旱乾為災而恤下民並遣廷臣大施賑恤
省刑薄賦而書興仁以上應天眷茂膺景禮疏下禮部看議尚
書李時等請以甘露獻于 內殿 兩宮用昭 皇天眷佑之
仁仍勅該部議賑濟之策用彰 陛下禮天之德 上深納其
言以甘露恭獻 內殿 兩宮用昭靈貺令戶部多方議處賑
濟長策馳示葉相務令著實舉行瓊與文各賜白金十兩紵絲
二襲。少保兼太子太傅吏部尚書武英殿大學士桂萼卒遺
表謝恩有曰臣受命于天壽夭難逃定數遇知于 主存亡敢
易收心願茲隔之期蓋切銜恩之感伏念臣家世田農性資木

野少無適俗之韻長乏趨時之方筮仕縣司養疴泉壑幸值
聖作物觀之會復當議禮考文之期且學為資事君故志願奮
忠亡死遂以芻蕘之見誤辱兼收乃承鼎鉉之求薦膺重寄實
過生平之願柱為布衣之榮臣用是感激殊恩冀紆未敢直行
已志屢致人言伏蒙 皇上保全于風波搖蕩之中矜察于具
錦器誼之際無能名德自誓捐軀乃葵藿之忱未伸而蒲柳之
姿先瘁承恩予告幸遂首丘與疾出門益增恚懣臣強親醫藥
靜處鄉園冀緩死于湏臾庶瞻顏于咫尺不意疾勢彌留大數
將至蓋棺有日覲闕無時敢以將死之言用布尚存之悃伏願
皇上清心懲寡致敬存誠願精保神虛懷納諫凡臣平昔之
所論述肯于燕閒而賜覽觀則臣死有餘榮歿且不朽矣 上
覽而悲之曰芻病既篤猶遺疏劾忠朕心實切傷悼特用省覽

以慰不忘愛君至意遂贈等太傅謚文襄賜祭九壇命工部遣
官營葬等江西安仁縣人正德六年進士授丹徒知縣被論調
青田不赴後以言者薦補武康嘉靖癸未稍遷南刑部主事時
謀大禮張璁方獻夫霍輜席書等咸執為人後之說為非是
上心欲從之格于庭議等因抗疏極論累累千餘言 上遂召
五臣還京竟定大禮由是寵異之。陞翰林學士詹事禮吏部
侍郎俄遷尚書加太子太傅少保己丑遂改兼武英殿大學士
入內閣等精悍狷隘以學術經濟自任既受 上特違之過遂
直躬而行無所顧忌然其志遠才疎諸所規畫多迂滯不適于
用方議禮時五臣同心排異謀相得驩甚而等與璁尤密比末
年五人者亦遂相失等既沒 上念議禮功錄其子與高寶司
丞幅為中書舍人。刑部右侍郎朱廷聲三年考滿錄其子璽

為國子生。乙巳。順天巡撫都御史周期雍巡按御史朱珩立上所屬州縣衛所官各積穀數目言知州李宗等知縣高鳳鳴等宜以差旗異戶部議覆得旨積穀備荒本以為民恐有貪功畏罪務在取盈反為民害仍行該撫按各將所屬嚴加督令其公勤奉職若仍襲前弊重治之稱朕愛養元元之意齊期雍廷立各銀十兩紵絲二表裡。以旱災免山西振武等衛所并太原等所屬州縣稅糧有差。以廣東新會等縣山賊平詔賜都御史林富太監張賜總兵官仇鸞御史李美吳麟副總兵張祐及各司道有功人員銀幣有差。丙午。羊廣東按察司鹽法僉事王朝臣職仍下巡按御史逮問以撫按論其貪婪也。丁未。羽林衛指揮使劉永昌奏凡武職立功之人故絕其姪孫以下請令俱得承襲下其事兵部議覆言爵祿者國家所以

勳有功若姪孫以下彼其父祖皆無功之人豈宜傳襲請行內
外軍職衙門今後立功人故絕同時親弟親侄應合承襲及曾
經襲過者方許如律例保送其任孫以下及堂兄弟侄除親祖
例前相沿又自立有軍功者一體算保送餘皆不許妄保或違
例保送者軍職問罪調衛文職照例發落遇例不宥其旁枝子
孫革去職役者在內從本部在外從巡撫衙門如總小旗同宗
人皆得贖補事例俱收統總旗照例併給有功一體陞授者為
令從之 上諭尚書李時曰西苑工俱告完朕今日往視收穫
以觀農事之終卿可偕大學士鑾尚書鉉侍郎言同觀之 上
御幽風亭召見諸臣復曰茲當秋成之期興卿等同觀收穫時
等對曰 皇上務農重本自足以風勵天下觀獲畢復召諸臣
諭曰農之勞苦見紙上不如見之於真我 聖祖嘗有訓曰衣

錦當思織婦之勞食粟當念農夫之苦以此觀之委為粒粒辛苦也時等復曰自古帝王身親農事未有如我皇上者真所謂知稼穡之艱難也 上命賜諸臣宴宴畢復召鑾時二臣上御無逸殿之東室曰西苑宮室是朕 文祖之御近修葺告成欲於殿中設 皇祖之位祭告之時曰仁壽殿久已廢圮皇上一旦整飭追慕 皇祖行祭告之禮益見 聖孝 上又曰祭畢宜以宴落成之文臣三品以上俱令與宴又曰無逸殿之作雖以勸農而勤學之意亦在其中亦用宴以落成之經筵日講官俱與仍各進講七月詩無逸書各一篇卿等各具儀以聞

大明世宗肅皇帝實錄卷之一百二十九

大明世宗肅皇帝實錄卷之一百三十

嘉靖十年九月辛亥朔。總督倉場侍郎王軌言道諸倉出納浩繁銀庫尤甚前者裁革主事一十三員缺人廢事宜下吏部再議量復數員以備任使其納銀非折糧折草毋入太倉令十三司收貯積千兩以上然寄貯銀庫部覆奏從之乃復設浙江江西湖廣河南陝西山東六司主事各一員。修南京太廟工成以魏國公徐鵬舉永康侯徐源南和伯方壽祥南京太監晏宏李瓚工部尚書何詔督理効勞賜勅獎勵少監鄧惠主事陳謨等陞賞有差。壬子。巡撫順天僉都御史周期雍言近京地方多盜皆以兵備官裁革有司無所統轄之故宜令霸州兵備得兼治之其大者乃與分守守備會議則督責專一而盜可弭又大喜峯口閱歲撫賞三衛夷人費不下八九百金舊取

之山海關商稅并駐罰銀兩及邊操軍舍認辦月錢今聞稅奏
革駐罰備賑而軍舍月錢亦非事体宜令長谷住操等管牧馬
草場聽以三分之二召佃輸租以給前費量留一月仍為牧馬
之地又孫顏衛頭目伯羊前以其父把兒孫為逆故削其職今
把兒孫死而伯羊效勞入貢如故宜俯順夷情量授千百戶職
事使鈐束部落以捍邊疆又古北口驛僻居邊隅供應甚寡懷
柔密邇京師為衝道乃不設驛煩簡失均宜革古北口驛其懷
柔所撥馬驢人夫盡歸之縣以濟供億事下兵部議以宛平等
州縣不必屬霸州兵備遇盜起則兵備得募兵禦之其他皆可
以報可。癸丑。戶部尚書梁材以守制回籍改刑部尚書許
瓚為戶部尚書。陞巡撫河南右副都御史徐瓚為工部右侍
郎。翰林院修撰姚涑請黜元世祖以正祀典疏下禮部覆議

以爲胡元受命九世世祖最賢其一代之治有足稱者所謂夷
狄而進于中國則中國之亦春秋興言之法且自古帝王常優
崇勝國以昭忠厚 太祖神謀睿斷必有見于此載在祀典百
餘年於茲矣宜遵舊制廟祀如故 上從部議○甲寅○以霜
降節遣長寧伯周大經彭城伯張欽玉田伯蔣榮分祭 七陵
安仁伯王桓祭 恭仁康定景皇帝陵寢中官祭 恭謙章皇
后陵寢駙馬謝詔祭 悼靈皇后陵 詔復南京司屬官裁革
者吏部文選驗封司主事各一員禮部儀制祠祭司主事各一
員兵部車駕司員外郎一員刑部陝西江西浙江司員外郎各
一員貴州雲南司主事各一員大常寺贊禮郎寺丞各一員光
祿寺大官琬羞署署丞各一員中軍左軍都督府經歷司都事
各一員從南京史部議也 巡撫甘肅左副都御史唐澤卒于

官總制兵部尚書王瓊等叙澤年勞請量加職級以為遷臣死
事之勸得旨唐澤致身疆圉情委可憫准贈戶部右侍郎賜祭
奠如例。刑部尚書許瓚等請審錄重囚。上諭之曰近日聞
刑官不能仰体朕懷類多寬抑以致上于天和所係非細爾
等其會同多官虛心詳審務在情真罪當覆奏處決有寬抑異
詞及情可矜疑者叅奏定奪不得視為泛常應虛故事。乙卯
上親祀雲雨風雷嶽鎮海瀆基蓮山等神及京畿天下山川
之神。右都督馬永僉書南京前軍都督府事。丙辰。詔罷
南京郊祀時南京太常卿黃芳等以修葺南京郊社諸壇因
言。天地社稷山川既統祀京師其在南京者可弗舉也。至若
祭告之禮因事舉行遇災變及修理等項始行之非常祭之補
今後祭告。孝陵及神照山大江諸祀不必備物宜止用脯醢

果品祀漢閔羽宜稱漢壽亭侯蓋漢壽地名亭侯爵也今去漢
而稱壽亭訛也疏下禮部覆如其議 上曰然 天地合祀之
非已遵復 皇祖正制南京永不必行。己未 巡按直隸御
史張寅論大學士張孚敬自去京至常州二十日若孟子所稱
小丈夫去則窮日之力且其諛邪蠹政上干 上和下失人心
如薛侃之謀孚敬實預為之 陛下用其言則納交于王府不
用其言則嫁禍于夏言其立心奸險類此 陛下雖知其奸而
去之臣猶以為不足懲後宜追奪所賜御札誥命銀圖書毀其
堂棲書院除誅其罪而明正其法又言都御史汪鏞陰賊險狠
卑污尚職陸贄所謂諂諛望望畏悞王與鏞兼有之亟宜罷
黜 上曰孚敬去任輔臣鏞總憲重職已委有旨矣張寅拜意
勅奏明是扶松張復姑從輕降一級調外任尋謫賓山東高唐

州判官。浴州築月河工成。庚申。錄戶部左侍郎兼副都御史葉相為國子生。停英國公張崙俸半年。時四郊禮戍。群臣稱賀崙為班首不至。糾儀御史劾之。上切責崙不敬。念係勲臣始奪祿俸。帝王廟工成。命加督工右侍郎錢如京。吏從二品俸員外張集等各陞賞有差。辛酉。南京給事中林士元御史馮恩等請如累年朝覲考察故事。南京科道先生彈章使部院有所據考其冒陞京陞得漏網者。聽臣等舉奏。掌院都御史汪鏐言。彈劾在考察之先。則部院或于其言恐去。留有所遷就。而科道或有報復之私。拾遺于考察之後。則部院得虛心詢問。而科道未嘗失彈劾之部院。諸臣苟有不公尚懼言官之議。其後也。宜准成化弘治以前故事。上以其言下吏部命查舊例。以聞。吏部覆言。往年朝覲考察論劾先後未有定例。據

嘉靖七年都御史李承勛所奏則論勅在考察之後據成化二十年南京御史朱守恕等所劾則在考察之前然臣等竊謂不當計先後當計公私且論勅在科道斟酌在部院橫權亦自不失自今朝覲之歲宜令南京科道論勅方面官各舉其實于十二月終具奏俟部院考察臨期恭合以為去留報可。以廬鳳淮揚四府及徐滁和三州水旱虫蝗詔以兌運糧三萬石折銀名伍錢改兌米三萬石暫于臨清廣運二倉支運。壬戌。兵部右侍郎錢如京三年考滿錄其子元善為國子生。癸亥。掌鴻臚寺事太常寺卿魏境卒贈禮部右侍郎賜祭奠如例。工部卷籍被燬已詔給事中秦鰲等赴部查覆鰲等言欲其極追究則被火有詞據其卷簿則祥悉莫考宜行巡按御史各督所任有司以工部歲派額解錢糧已未徵解之數及侵欺借借

情弊各造冊奏繳仍令科道官校對從之。乙丑，修葺西苑宮殿工畢。上以西苑為文祖臨御之地，是日設位致祭，祭畢行落成禮。宴群臣尚書李時至，無逸殿東窻，諭曰：「昨見宴圖，尚書王時中、蔣璠俱列於門外，還宜坐之於內。」時對以地狹不能容。上曰：「皇親可移之殿西。」時曰：「俱是國戚。」上曰：「親親不如親賢。」時對曰：「聖明所見，非臣愚昧所及。」已列時中等席於殿內。丙寅，命太子太保李時兼文淵閣大學士，入閣辦事。時疏辭。上曰：「卿性資忠謹，學識深長，輔導重任，特茲委用。卿宜悉心展布，匡朕為治，俾朕修身講學，以事天安民。」陞江西左布政使吳山為都察院右副都御史，巡撫河南。命分守密雲叅將署都指揮僉事郝通充副總兵官，鎮守山西。戊辰，○以禮部左侍郎兼翰林院學士掌院事。夏言為禮部尚書兼

官如故。己巳上幸西苑仁壽宮召大學士翟鑿李時左都御史汪鉉尚書夏言等入見。上曰陝西饑荒已遺戶部侍郎葉相賑濟今相病宜何處鑿等請就用陝西巡撫劉天和或河南巡撫徐瓚因言陝西初災傷重大後聞亦頗有收。上曰百姓艱難選用賑濟氏乃天之民也豈可不救。又問吏部侍郎唐龍如何衆皆稱其才遂用龍。次日上復召諸臣言曰吏部事重龍去一侍郎豈能勝任朕欲用一人為吏部尚書卿等可從推舉時對曰公廷臣才識短長俱在。聖明洞察之下。上曰朕在宮中賢否豈能周知冢宰之任自去年九月至今久虛刑部亦缺朕欲用王時中為刑部取王憲為兵部取王瓊為吏部就令唐龍代瓊總制鑿等對曰。聖見允當已乃陞龍為兵部尚書兼都察院右都御史總制陝西三邊管理賑濟。上復曰

朕念陝西災傷重大民多死亡流徙故發銀三十萬遣官賑之
欲令小民速沾實惠唐龍玉宜赴任相病得無規避否吏部勘
聞有朋比者治其罪龍疏辭上手詔答曰卿才兼文武性資
端亮朕特簡用卿其勿辭玉往在事展布才猷俾民得安生副
朕奉天優民之意○庚午○陞翰林院侍讀學士張潮為學
士掌院事○辛未○巡按直隸御史唐寬言河提率以草束土
累築而成故堤善崩宜及時加土以障其河洪仍修復絕堤興
濟二閘以為減水之區東洩以殺水勢又德州當衝津滹沱下
流稍近高津宜便置閘以為減水之區東充諸郡所積河道銀
足以當石閘之費事下工部請令總理河道等官計處從之○
壬申 上幸西苑御無逸殿命大學士李時翟鑿坐講時進講
書無逸篇鑿進講詩幽風七月之章武定侯郭勛及九卿大臣

皆侍講畢。上諭復豳風亭賜輔臣并郭勳等及翰林儒臣宴亭下退而勳等奏謝。上曰朕以無逸殿豳風亭雖觀耕之所亦勤學所寓昨舉落成之禮因命輔臣進講賜卿等宴卿等當協心匡輔以躋太和。工部給事中趙漢修陳河道便宜六事一瀕河故設鋪舍甲夫使修堤榜淺宜整如舊制一各處辦納椿草多侵寇冒費之弊宜加查覆一濟寧上下河道皆仰徂隸山等處諸泉及諸溝澮皆漕河之委宜以時巡視疏築至于汶泗諸河尤當經理一淮揚之間故偃高郵諸河為堤以便舟楫頃漸多頽壞而清江浦為入淮要路數有淤逼之虞宜更議經久之策一黃河變遷無常即橫流南出亦宜防其北徙請勿廢弘治中故堤時遺習水者相視緩急預加疏塞庶有備無患一南北管河郎中法當久任及州縣管河者居河公辭中專理其

職請一切如故事工部覆奏從之 癸酉○巡按直隸御史詹
寬劾奏總理河道副都御史李緋稱疾杜門坐視河患請亟罷
黜以戒人臣怠事者緋惶恐謝不職 上以緋任職未久命奪
俸三月 詔開天下歲貢生員額二年以充國學如弘治八年
例府學歲二人州學二歲三人縣學歲一人順天應天學歲三
人仍飭提學官嚴加考選不得冒濫時祭酒許詔以生徒益少
請如嘉靖初元增貢直隸提學御史胡時善亦請處歲貢抑奔
競及增貢額禮部覆請故有是命○甲戌○改兵部尚書王時
中為刑部尚書○丙子 中宮令節免命婦朝賀○初總制陝
西三邊尚書王墁議修榆林東西二路邊牆請發庫銀十萬貯
之延綏預買芻糧給以工費及巡撫事下都御史胡時善復以
修邊諸費不給請發銀六萬以足之事下戶部覆言籌邊者固

不當惜費以誤大事亦不宜妄用以耗國儲故厚費必大利一
勞必永逸斯經世之規謀國之忠也今延寧修邊初擬用銀十
萬而屢請增給其數自倍設功不償費亦所當惜若延綏邊牆
在二邊猶因山為城易于戰守乃大邊則沙漠平漫即城暫而
守然外無墩臺之固內無策應之兵勢不久長故先朝余子
俊修築二邊迄今尚在而文貴所修大邊則蕩然無復存者此
其明效章章著者也且陝西歲荒募收一旦下糴買之令儲數
十萬之粟假必翔踊官民兩困而延綏疲憊之後加以大役必
生驚疑正德初楊一清修邊之事可鑒已故臣以為延綏事體
與寧夏不同今寧夏工且就諸宜遂給銀六萬如東旱所請發
銀四萬于延綏以備糴較其大邊修築事宜務令相度可否審
觀利害更議長策具奏請裁上深然之乃命總制尚書唐龍

親行相視議可否以聞。提督兩廣軍務右侍郎林富等議以新寧巢賊靖增立營堡諸雇募哨守之兵所費不貲請以會寧二縣田為賊所據及拋荒無主者凡數百頃籍之官以為民屯募貧民驍健者使各佃種人十五畝三年之後乃輸正糧免其雜徭仍設義長約束俾以時習武度田百五十頃可練民兵千人此因賦得兵可省供億之費又謂新寧遭寇奔徙之餘補遺稅種無可徵者請悉除以予民招還流移復使其業即詭稱被賊以逃遁稅者亦宜寬除其罪及赦後當輸者仍許石折銀三錢及新會恩平諸縣皆如今戶部議以為便從之。丁丑。光祿寺卿黃宗明言今光祿所掌即古天官宰夫之職所謂以式法享祭祀之戒具與其薦羞凡朝覲會同賓客以牢禮法掌其牢禮委積膳飲飲食賓賜之飧牢與其陳數費用浩大供應很

雜至于各署無有統紀中外不相聞白吏胥得以因緣為奸臣
謹典僚屬檢閱考訂刪繁就簡著為成則釐卷為五各以其類
附之名曰光祿須知仍撮其要以備御覽臣又惟供御飲食及
宗廟薦獻所以竭誠致報防奢止欲不可不慎願下禮部詳訂
內外宮厨俱立成規俾祭祀有常式供薦有常品膳羞有常味
賓賜有常格多寡有常數而貪饒無所容其間令諸司承為遵
守事下禮部覆請如宗明言因言宴享四夷欽賜下程宜悉以
欽定則例從事報可○戊寅○禮部左侍郎嚴嵩進豳風七月
詩講章右侍郎湛若水進尚書無逸篇講章及君臣同遊雅詩
太常寺少卿張弼上白鵲辨 上嘉其忠愛命以講章及白鵲
辨留覽詩付史館○廣平府曲周縣產嘉瓜並蒂者二瓜中更
生枝蔓者一縣丞侯廷訓繪圖以聞 上奇之以示禮部禮部

以為本支繁衍之兆 上乃親獻內殿賜廷訓衣一襲。陞浙江按察司副使陳蔡為山西按察使。己卯 上御文華殿東室召大學士李時翟鑾尚書汪鋐夏言而諭曰 天地百禮祀典俱已釐正 宗廟之制尚未盡善夫父子兄弟同處一堂在禮非宜哉 太祖初立四親廟後因合祭 天地始定同堂之制今當復之時等對曰 皇上曾言祀典當正廟祀難更且古人廟制卑小今 太廟規模宏偉一旦改作恐事體重大未可輕易言曰各立一廟雖古禮但一日徧祭 九廟恐 聖躬太勞 上曰今且言廟制未論行禮朕擬日祭一廟不則遣官亦可言曰古禮恐難復且廟皆東向 上曰蓋如古禮固難但大體却須依據異廟乃各全其尊此當依者朕欲不動大殿只用兩廡為之鑿曰兩廡南北短豈能容都宮寢廟 上曰不必如

此只存其義可也時曰不動大殿則寢殿亦不必動 上曰三
殿俱不動朕思 皇考南面專享 世廟之祀而 太宗以下
列聖乃東西面不得專紀書稱祀無豐昵朕心未安時等俱
頓首曰 聖諭及此真 聖人大孝之心也言復奏曰 太廟
兩傍隙地無幾 宗廟重事始謀宜須足量度地勢廣狹方可
擬議 上曰卿為禮官其即具奏行 詔選德衡諸府初封時
莊田先是用戶部議查羊王府所謂山場湖坡斷自宣德以後
德王府初嘗謂得齊溪二庶人所遺及東昌兗州二府閒地為
莊田其後復請白雲等湖為業及是巡撫山東都御史邵錫議
以先後所請俱在革中德王執不可自言所受莊田與山場湖
陂異且詔書不及莊田何盡革也疏再至語頗侵錫 上以其
事下錫覆勘報王府所奏請多指民間墾田謂之荒地既得請

為莊田則縱橫等為虐征歛過于稅糧地方騷然民不堪命然王府所入不過十二三而官校以下侵冒常十七八便視王虐被其名而群小實享其利且德王祿米皆支本色當厚倍于魯王何為規規蠲畝之利耶今日會議查革不及莊田不知王府莊田即山場湖陂之目如涇府草場及湖九七所皆稱莊田占據之後民間地土搜括殆盡而德府承奉以下朋奸黨惡要寵取利以誤親王漸不可長臣請革三府莊田盡革則貧不能生錫故典臣有欲乞別下所司再勘戶部乃酌謀宣德以後王府有封國之初原請莊田非山場湖陂而王府祿糧多闕用度不給者皆聽留用其之國以後及傳數世皆凡有奏請即係莊田不得議留其莊田子粒悉委有司徵收入之王府荒歲豁免如例不得仍用管莊人役自今永奉以下不奉明詔致王奏擾者

重罪之。上從部議命諭各王府長史司啓王務遵處斷勿得輕信蕪置奏擾。庚辰。遣行人原家齋勅召總制三邊太子太保兵部尚書兼都察院右副都御史王瓊還京曰朕念卿歷任邊方效勞年久茲特遣官取卿來京勅至卿其馳驛上陳前來以副朕意

大明世宗肅皇帝實錄卷之一百三十九

大明世宗肅皇帝實錄卷之一百三十一

嘉靖十年十月辛巳朔時享 太廟 世廟 遣恭順侯吳世

興安仁伯上桓昌化伯邵杰等分祀 七陵及 景皇帝陵。

改禮部左侍郎嚴嵩為吏部左侍郎 命工部修造 圓丘壇

祭器罷祈穀壇諸建造以祈穀改于 圓丘壇行禮故也。壬

午 命江西署都指揮僉事王寧掌河南都司事。癸未。初

建 欽天閏以覆 欽天記頌碑 追先閏以覆 祖德詩碑

俱在南內。甲申 詔罷改遷 陵窆之議是時議遷者數輩

如光祿寺厨役王福錦衣衛千戶陳昇及坐事監生詹啓除名

兵馬周密致仕僉事甯河等皆倚託地理之說以希進用詞多

不經尚書汪鉉疏言不可 上併下禮部會議至是尚書復言

奏遷陵之議藁者尚書席書今大令士李時已極言其下可而

工部尚書趙璜言尤切至嘗曰禮魄不可輕犯靈秀不可輕泄
根本不可輕動其說良是豈諸大臣之見顧不若福等哉且
先皇帝衣冠之藏歷歲已久園陵之設制規以備陛下踐阼
十載百祿駢臻微諸地理先蔭之說似乎神靈已安矣今又對
山為純德名府為承天則事體已定而一旦議遷老成長慮者
多為駭愕誠以閭國家禍福有動而不可悔之憂首事偶和之
人將來有不容誅之罪故也議者至謂陛下震位久虛以為
咎在 顯陵又謂陛下龍飛江漢以為福緣 顯陵臣皆以
為不然蓋上天罵生 聖人為中興之主以能生 聖嗣以
開萬世之傳非地靈尼福所能握其機者若先皇帝玄宮久
闕體魄久安譬如木之根本培植已固而一旦動搖似非所以
求枝葉茂盛之道是不可不慎重也願 聖明留神獨斷勿輕

為群議之所搖惑即詔罷會議仍禁絕細人自今不得復議園陵重事傷國大體 上曰卿言良是朕已奉 聖母慈訓謂陵寢根本重地不可輕動自後有奏擾者罪之已而行人趙昊上言今海內兵荒旱蝗所在而有廟堂不聞舉救荒之策而無故倡遷陵之議幸 陛下重其事博謀廷臣然朝野喧傳以為此謀不可寢以 皇太后有此意也臣聞崩崩蒼梧而娥皇女英為湘君湘夫人不聞祔于零陵九疑之塚禹崩會稽塗山氏未嘗祔也天子以四海為家無內外遠近之異故 皇陵在鳳陽不聞遷于建業 孝陵在南都不聞遷于 天壽豈非謂死者各即其所安而生者無憾乎或以為 聖母萬年之後直涉數千里以祔 顯陵必致之則憚遠而不安不致之則獨處而無配所謂之死而致生之不知而不可為也曾可以足望 陛

下哉且。聖母以免女嬃妻之姿而有。聖子神孫之後序。莫
天壽祔于。祖功宗德之旁人之仰之當出湘君湘夫人之
上願抑孝思以從禮制。皇太后必損貞婦之思隆從子之義
矣。上曰趙吳既謂。陵寢不當輕重又將悖理之辭奏論令
錦衣衛連送刑部當吳論贖還職。上曰吳狂悖妄言姑降一
級調外任時湖廣壁山縣聽選官黃惟臣等數奏遷。陵寢
上廉其情有所希覬因命錦衣衛連送法司訊治之。贈故南
京吏部尚書贈太子少保黃珣謚文僊珣卒官正德中未有謚
其孫疏請至再禮部以珣歷朝三朝有清謹名賜謚為宜報可
賜翰林院修撰等倫以訓等恭和。祖德詩及。欽天記頌
以訓等皆侍從經筵特命賜和。乙酉。陞兵科左給事中陳
守愚為刑科都給事中戶科右給事中魏良弼為禮科右給事

中李仁右給事中王璵為左給事中戶科給事中王守為右給事中良弼等吏科仁禮科璵工科。虜六萬餘騎寇大同應朔二州告急。上命鎮巡等官悉力禦之。丙戌。太常寺卿管祭酒事許誥上白鵲論司業陳寔上。聖德感靈鵲頌。上嘉納命增入史館。丁亥。陞禮部右侍郎湛若水為左侍郎詹事顧鼎臣為禮部右侍郎仍兼翰林院學士經筵日講如故。詔建德州左右二衛學添設生員優次名目考補起貢悉如例。其教官即于各衛學生員簡少者移置之。從提學御史胡明善故也。巡按直隸監察御史余鈞條陳遼務四時一居庸紫荆倒馬三關皆邊防要區。天壽山人。陵寢重地而居守防護皆寺人武夫獄頌錢根缺人協管故奸弊橫上請設兵備憲臣令駐居庸督理遼務。陵寢事奸弊一舊規真神保定官軍。

操備於紫荆而茂山官軍輪操於京營今查得茂山於紫荆間
密適宜將該衛官屬紫荆守備節制而令真神保定兵赴京營
操備一紫荆關外盤石驛以後府走邊為名無所統轄因之影
射差役占墾地上請裁羊驛舍及管驛千戶令各軍願入伍者
例給衣糧否者一體編役一龍泉關數有礦賦之弊而歲朝真
神衛兵不過八百餘人備冬不過四月非完計也今二衛既改
操京營餘軍猶可調戍請各撥三百人分番往戍其地增設把
總指揮一員以部之事下兵部請行巡撫等官詳議報可。戊
子。管理紅盔將軍應城伯孫鉞等四郊例當冠盔服甲隨行
扈蹕請得騎從 上以非舊例不許。己丑。朝恭官不至者
二百四十六人詔法司審其失朝三次者連問二次者奪俸兩
月一次者姑宥之。太常寺卿管祭酒事許謔言故事膳夫銀

而不以分給諸生分給自近歲始今祭祀修理及他費皆取足其中而又以出給之際為嫌請量加請生月糧饌米而還諸錢鈔于戶部并貯膳夫銀歲例六七百兩于太倉每月止閱夫五十兩以待公用庶免稽叢之勞戶科給事中葉洪等以為祖宗嘗節無名之費為養士之費不聞以養士之資供無名之費夫修理領于工部祭祀典之太常收歛病故監生出順天府其他皆不得言公用矣且自停止會饌之後膳夫變而為雇役椒油變而為錢鈔麩粉變而為麥石此三者計日而均之師徒猶會饌也若舉而歸之戶部貯之太倉以給他費則祖宗養士育材之良法美意一旦泯滅矣臣以為膳夫銀給諸生如故便事下禮部覆議如洪等言今膳夫銀以十分為率其九均給諸生其一以備考及各堂雜費從之。先是潘恭王孫胤樞覺

靈川王胤移以次當襲宿遷王詮鏐及定陶雲和二王咸奏以
為宜及定議當封宿遷王與靈川王有隙復言前奏獨定陶王
等為之臣不預聞請暫止靈川冊封窮竟冒詐而定陶雲和二
王及藩靖王妃都民皆以為宿遷王挾私造言以阻靈川之封
今成命已行復待勘報是其計中也請先行冊封乃今有司勘
其事以聞詔可已銓鏐又潛詣京奏靈川不孝語侵尚書夏言

上切責詮鏐姑令送還俟勘至處治下御史速問輔導官言
因上疏自白 上優旨慰答之 先是四川真州盜周天星王
打魚張東陽等皆藍鄙餘孽有衆數萬剽掠真播轉攻南川守
臣招降之不聽巡撫都御史宋滄乃首都指揮丘良叅議林豫
等調兵勦之斬天星等賊黨悉平凡斬賊首千七百餘級俘賊
酋三百餘人及男女五百八十餘人馬牛器械稱是滄等以捷

聞 上嘉其功賜勅獎勵晉滄右副都御史如故太監蕭通御
史熊爵及他領兵督餉者皆賞賚有差仍令巡按御史查覈功
罪以聞死事官軍皆優恤之。庚寅。陞翰林院學士張潮為
詹事府少詹事仍兼學士掌府事侍講學士席春為學士掌院
事 詔以明年春秋二仲月上巳日為祭 帝社稷之期初
上意欲以次戊日祭 帝社稷又以戊日在望後特命更之。
先是 上幸南城召輔臣李時翟臺尚書汪鉉夏言至重華殿
諭之曰朕初欲建穹壇于南城以此地乃遊觀之處非祭 天
所宜建壇 圓丘之傍乃合古禮卿等其相度以聞于是時等
相 圓丘東南泰元門外大壇場內地議以四十五丈為穹壇
南門在泰元門稍北可三文壇在 圓丘遙南斜亘可三十餘
丈壇制圓徑九尺用周尺高七尺與神壇等穹壇至圓壇場及

圓墻至壇方墻相距各九丈因繪圖上之 上命壇座圓廣仍用今尺五尺高比神壇增五寸待來春二月上旬擇日興工
辛卯 詔免凱里安撫司貢馬七年時貴州撫按以凱里新土官苗夷初附請止令歲進表文免其貢馬以示柔遠之德 上乃許暫免令七年後如例通貢○兵科給事中王瑄言今衛所軍丁動稱逃亡者其弊有七軍官受財縱之使去一也着伍之後私役在家侵其軍糧軍士迫于饑寒勢必竄去二也凡遇清勾所在奸猾賣求頂補軍丁詐造批收不可縱跡三也到部之日徇倩軍妻以偽為真既乃脫身獨亡無復係累四也關津不加識察聽其間出五也里鄰互為容隱同惡相濟六也有司惟以嚴限批收為急軍士逃回浸不稽覈七也請言設明禁凡賣放私役者皆以律令從事及行清軍御史立法清勾務禁一切

奸樂兵部覆議從之。壬辰。陞通政司通政使張瓚為戶部右侍郎。復置御馬草場于武清縣桃花口等處。初清武清縣牧馬草場惟計分撥壩大等二十外馬房之數量留地四千頃餘地皆賦民耕之。而內監牧馬地土不曾開載。及御馬下場無處駐牧。乃以湖渠馬房地當之。原坐昌平順義玉田三州縣。及御馬監以為武清馬營草場當二十馬房總會之所。所歲牧御馬道里適均故。先朝規趾尚在湖渠馬房。既僻遠水草不適。而初置公廨費復不貲。宜仍還武清修繕故處。為便戶部亦以為然。請以武清地召佃者皆選官為御馬草場歲牧馬二百匹。一馬百十五畝。為定制。其湖渠馬房地仍召佃徵租。從之。初泰神殿石座既成。上諭禮部尚書夏言欲親行奉安禮。言具儀上。上復謂神御版自奉天殿詣泰神殿。皆親奠。獻言

以為 泰神殿陳設神位之外僅足行礼如 皇上躬親奠獻請於正位三爵皆自東面西以獻配位三爵皆自南面北以獻乃便周旋而 泰神殿南向石陛五級高可踰尺請更納木陛九級以便登降仍定擬儀注以聞先期行欽天監擇日行太常寺擬奏捧主執事官十一員分獻配殿大臣二員翰林院撰祝太常寺備脯醢酒果制帛香祝錦衣衛備隨駕儀仗前一日上行告 廟禮畢太常寺設神輿香案于奉天殿設神案二于泰神殿神案二于東西配殿各設祭品如常儀香案一于丹墀正中司設等監設 上拜于香案之南讀祝位于正位神案之南大次于 圓丘左門外是日質明 上具常服詣奉天殿行上看一拜三叩頭禮畢退立于殿東西向執事官捧 昊天上帝神主次捧 太祖高皇帝神主次捧從位神主各奉安與

中訖錦衣衛舉輿由殿中門出大明門正陽門入昭亨門歷
圓丘至 泰神殿門外正位配位神輿昇入停于殿外丹墀從
位神輿停門外兩傍先是百官具常服于 南郊迎候 上乘
輅由大明門正陽門外西天門入至昭亨門外偏西降駱禮部
太常寺堂上官各二員導 上由 圓丘外內壇靈星左門入
統 圓丘東至 泰神殿丹墀內執事官就神輿中捧 昊天
上帝主由中道至殿中陛石座奉安于籠中次捧 太祖高皇
帝神主次捧配殿從位神主各奉安訖典儀唱執事官各司其
事內贊奏就位典儀唱迎神內贊導 上請香案前奏跪奏上
香司香官以香跪進于 上左 上三上香訖奏復位奏鞠躬
四拜典儀唱奠帛行初獻禮內贊導 上陞殿請 上帝神位
前奏奠帛捧帛官以帛跪進于 上右 上受帛奠訖奏獻爵

捧爵官以爵跪進于 上右 上受爵獻訖導 上請讀祝位

奏跪贊讀祝讀祝官跪讀訖奏俯伏興平身導 上詣 太祖

神位前儀如之奏復位分獻官各請配殿行奠帛獻爵禮典儀

唱行亞獻禮儀如初獻分獻官儀亦如之 上復位內贊奏翔

躬四拜典禮唱讀祝官捧祝進帛官捧帛各請燻位 上退立

于拜位之東內贊禮奏畢導引官導 上出至次陞座鴻臚寺

引導駕執事等官贊一拜三叩頭禮次引百官亦如之畢 上

乘輅還宮 上覽之謂本級不必造餘如所擬已而命行禮用

祭服導駕用太常寺官一員命禮部堂上官為四員因命武定

侯郭勳輔臣李時各於配殿行分獻禮初盜伐 裕陵樹木既

復而以重賂守備太監劉岑都指揮秦震遂免鎮撫張椿等互

為奸利又太監竇寬等占役漉押諸旗軍歲侵役銀數百計至

是巡閱御史余鉤發其事請亟點岑震而禁寬等沿襲之弊因
言自今守備宜聽巡閱御史督察其 天壽山內外守備仍復
其頡頏之禮使不得相壓以便行事兵部覈奏 上命都察院
速問椿等如律宥震寬取岑回京別用餘如議 帝社稷壇工
成○甲午 命故豐城侯李昊姪熙襲爵 詔革南京各監局
軍匠之冗濫者仍以存留之數著為例禁所司不得朦朧勾補
命有司量恤庶人覲銚覲銳銳鉉銳鉉銳鉉銳鉉銳鉉銳鉉銳
鍾宸潛宸洪宸泐宸祭復宸隸拱樞祿米三之一初宸濠之叛
脅諸王將軍覲銚等分守宮城諸門以宸隸老年遣還第令其
子拱樞代之覲銚等懼聽命是夜皆散歸比義帥入南昌覲銚
等詣王守仁自首守仁皆原之已而朝廷窮竟濠黨皆削爵為
庶人安置高牆久之得釋居南昌原食與庶人同時覲鍾宸潛

宸澳宸淵既卒而其子及親銜等奏辭不已下御史勘報至是
御史秦武言親銜等陷于罪逆實非本志而竟齒齊民無以為
生具宸澤見斥不用拱栢出身銜親其無罪甚明宜以生者優
恤死者予奠祭無罪者量給祿米以私宥過之仁故有是命○
乙未○禮部言旌表節孝實朝廷激勵風俗盛典所以勘覈再
三者懼失實也今文移展轉動淹歲月文錄為奸恩不下究非
致慎初意自今民間孝子順孫義夫節婦係有司勘實者勿復
勘第下風憲官覈實已覆者勿再候本部以季終類奏著為令
從之○初武清衛軍巡邏河西務鈔關者四十人百戶劉希仁
與指揮賈璋有隙璋乃言于都御史周期雍以為此宿兵無用
而坐之本銜操備請得掣回期雍信之遽以聞鈔關至事翁萬
達執不可因發璋私罪命達問法于是期雍怒奏劾萬達沮

挽風憲請并逮希仁訊之又謂大通倉軍卒及修堤者淺守廠
諸軍夫獨武清多于他衛宜量留應役餘悉遣之還伍萬達復
言鈔閔邈卒及通倉諸役皆詔置不宜掣事下戶工二部會議
並如萬達言不直期雍兵部乃覆奏存留如故第謂逮希仁與
璋並訊仍飭戶工二部及巡撫悉以詔書從事不得互生嫌隙
從之○工部郎中陸時雍言今良鄉有盧溝河涿州有琉璃胡
良二河新城雄縣有白溝河河間縣有沙河青縣有滹沱河其
下流支河皆已淤壅雨水暴至輒傷民田宜以時修濬疏其支
派使達于海則水不為患巡按直隸御史傅漢臣言滹沱經派
大名故所築二堤輒被衝決今欲修復其故工費不貲宜令廣
平順德協濟以均勞費事下工部請命撫按勘議以聞從之○
丙申○南京國子監祭酒林文俊上疏乞休致不允 詔許岷

庶人彥汰冠帶視事初彥汰革爵 上命世子譽崇攝國疏辭
不許及是力言之且請復父爵詞頗切至禮部履奏譽崇所言
出父子至情而彥汰削黜已久必知懲艾宜量從其請令得冠
帶理事 上許之因戒以改過自新如復不悛必寘之法○丁
酉○晉王知烺性至孝事嫡母郝妃及生母彭甚謹母妃薨疏
痛幾絕喪盡禮有素芝座于寢室白鶴盤旋祭所人以為孝感
河中王表榘等及山西撫按上其事 上嘉王孝行命遣官賜
勅獎諭○禮部上 郊廟窳感支給之數因言 南郊藉田
皇上躬執三推而公卿共宣其力較之西苑為重西苑雖屬農
官督理而 皇上時省耕斂較之藉田為勤則二倉之儲誠宜
分屬兼支以供 郊廟祭祀請以藉田所出藏之 南郊圓廩
神倉若 圓丘祈穀先農神祇壇 長陵等陵歷代帝王及百

神之祀皆取給馬西苑所出藏之恒裕倉苦方澤朝日月
太廟 世廟 太社稷 帝社稷禘祫先蚕及先師孔子之祀
皆取給馬廐稱 皇上敬 天禮神之意 上從之。戊戌。
刑科三覆奏重囚當決者 上曰各犯雖已會審情真其中不
免有可矜疑者況大禮在通暫免行刑拘禁如故是日釋死罪
者九人皆發戍。己亥 詔德州衛學生儒聽遼東巡按御史考選就試順天
轉就試山東遼東衛學生儒聽遼東巡按御史考選就試順天
先是遼東生儒有詣闕言赴試山東不便者禮部覆請從之。
辛丑。禮部言會同館設提督主事一人今鈐轄館夫總理諸
務此故事也今兵部司官乃輒干預阻撓統攝不專易至嫌隙
請申明舊例凡兩館事務及夫役悉聽提督官處分兵部不得
勾取其大使以下役占及亡逃通員等典亦聽提督官查究從

之 賜故建平伯高濂祭奠如例。壬寅。陞通政司左通政陳經為通政使右通政鄭紳為左通政左叅謀杜楫為右通政。○癸卯 詔有司自嘉靖八年秋季以後凡京庫折銀皆如本數不得加徵耗銀著為令。乙巳 上詣 泰神殿奉安神主。○陞巡撫江西右副都御史胡璉為南京刑部右侍郎 命成國公朱鳳充班首官稱賀致詞時英國公張崙以疾在告禮部請更命勲臣一人代之故有是命 賜故署都督同知抗雄祭奠如例

大明世宗肅皇帝實錄卷之一百三十二

嘉靖十年十一月辛亥朔以將行 大祀禮 上親詣 太廟
告請 太祖配禮惟一獻無帛太常乃奏行三獻禮獻帛 上
以其踈于典禮奪執事官月俸有差堂上官姑贖之。癸丑。
禮部尚書夏言等以明日有事 圓丘奏上 泰神殿迎請神
位及祭壇安奉神座儀注一禮部堂上充請神導引官太常寺
堂屬官充捧神位官先期具名題請欽定禮部官一員上香行
禮一前一曰太常寺設香案于 泰神殿丹墀正中一時事之
夕子刻導引捧神位等官詣 泰神殿行上香一拜三叩頭禮
畢太常寺官九員分詣東西配殿陞石座各請從位神牌出龕
先雷師次風伯次雨師次雲師次周天星辰次二十八宿次五
星次夜明次大明捧降丹墀東西向立太常寺官一員詣配位

石座請 太祖主出龕本寺少卿一員捧降至殿中西向立本

寺官二員詣正位石座分立左右請 上帝神版出龕本寺卿

一員捧降至殿中南向立禮部堂上官導引出殿先 上帝次

太祖次大明次夜明次五星次二十八宿次周天星辰次雲

師次兩師次風伯次雷師由 圓丘北門陞壇先正位次配位

次從位各依原序先後奉安于神座候 上至大次上官率

各官致詞復命叩頭出祭畢捧主官仍依次捧神版神牌神主

禮部官導引入殿次以納龕中奉安訖各官仍行一拜三叩頭

禮出詔如所擬命以儀注增入祀典。甲寅。冬至 上大祀

天子圓丘。遣昌國公張鶴齡建昌侯張延齡長寧伯周大

經等分祭 七陵儀賓周鉞祭 恭仁康定景皇帝陵寢玉田

伯蔣榮祭 悼靈皇后陵。乙卯以 大祀禮成賜群臣及四

夷朝使宴坐營官萬全都司都指揮使都勳等乞與宴許之。
朝鮮國王李懌遣陪臣吏曹泰判尹仍鏡等進表貢方物賀冬
至節泰寧等衛都督李泰罕等遣頭目塔卜歹等亦貢馬來賀
各賜賚如例。丙辰。右春坊右中允廖道南撰 泰神殿禮
成感雪賦一篇 圓丘戴祀慶成詩九章上進因疏言 郊祀
廟祀典禮之至大者我 皇上遵復四郊以祀 天地日月
大聖人之至作無以復加矣邇者 泰神殿 皇上躬詣安
設神位行禮甫畢而瑞雪即降此至誠昭格休徵相應之嘉祥
也獨 宗廟之制 太祖與 諸祖共列于一堂似于禮有未
安者臣竊謂今 太廟當為我 太祖萬世不遷之廟 太宗
以下宜各建特廟于今兩廡之地有都宮以統廟不必各為門
垣有夾室以藏主不必更為寢廟庶幾乎法古之意酌今之宜

而成得其當也。今之議以爲弗可行者，不曰地勢窄隘，則曰禮節繁多，不曰成憲宜遵，則曰勞費宜惜。臣竊謂制度不必崇高，使列聖得各全其尊可也。皇上躬行禮于太祖之廟，餘遣親臣代獻，如古諸侯助祭之禮，亦可也。如曰成憲則善，繼善述正，所以爲達孝。如曰勞費，則君子不以天子儉其親。況天地一民，若非祖宗之所遺也，又何可惜乎？惟聖明採擇，上曰所進詩賦，付史館採錄。宗廟祀典，係制朕嘗有諭輔部大臣，其即會官詳議以聞。辛酉，巡按山西監察御史楊東疏陳鹽法五事。一，鹽池之湮塞，皆由堤堰禁牆之不修。堤堰衝決，則水直達禁牆，衝決則水直入鹽池。往年隨補隨壞，非爲永久之計，乞以椿木石條固其基，然後砌以磚石，而又增高五尺，不惟可以防衝決，又所以防賊盜也。一，舊制河東引鹽，止是宣府

開中近因朦朧奏討因循改派一遇鹽花不生遂給內帑之銀
今宜一切弗許將鹽池每歲所入盡數變賣以八萬兩為宣府
年例以八萬九千三百五十兩為王府祿糧餘則歸之戶部若
遇鹽花不生年分就將前銀給發抵作河東年例一代支協支
者多出許冒代支指已故者而言請如舊例兵奏戶部行巡鹽
御史保勘果係親屬方許代支子孫或乞養兄弟非同嬖妻或
改嫁皆不許協支指見在者而言兩人合本彼此面同具告方
許協支止是一人告協者皆不許一私販之禁肩挑背負不必
禁補之餘此行之於淮浙長蘆則可行於河東則不可蓋浙淮
地方廣食鹽多肩挑背負者勢弗能禁河東舍此不禁則無可
禁矣請與販至六七十斤以上者罪以私鹽之律庶私販有禁
而官鹽無滯矣一運司之有分司猶布按二司之有守巡近因

河東地僻事簡群處一司以致巡歷不嚴盜賊出沒乞將東西
中三分司衙門俱移建池南合其駐劄嚴督巡緝兼放引盜則
地方知惧而盜徒自息矣戶部議覆從之。壬戌。陞吏部文
選司郎中鄧尚義為南京太僕寺少卿。初都御史李璋以大
獄忤旨謫戍廣東雷州至是其子都察院都事鏞疏言父璋病
于戍所願以身代父戍賜父生還章下所司光祿寺卿黃宗明
言工部及南京工部歲造本寺器皿僅一萬二千故事進貢器
物必給運器皿今則有入無出供應不敷乞賜查給。上曰器
皿造辦皆小民脂膏邇來跋失數多供用不足自今令尚膳監
官嚴督各宮直日管膳人役每進即令查出有故違者巡察官
指名嚴奏。癸亥。鳳陽府盱眙縣民何雄有二女長年十七
次年十三歲饑雄欲以二女為人婢妾不果又欲出歸樂戶為

娼泣不從以死自誓。雄強之二女夜潛出以帛相繫其手似投水死。事聞詔有司立祠。死所歲時祭之。賜祠額曰雙貞。○南京禮部右侍郎黃綰請以御製祭告先師孔子祝正文立石于南京國子監從之。○封代王充燿生母吳氏為代懿王次妃。從其請也。○昔王知祥為其妻沈氏乞贈。言沈氏事母妃孝敬。母遺母為請封號。詔下禮部議。尚書夏言言沈無子嗣不得封。但晉王乞恩於沈氏既沒之後似無變昵之私。必其孝敬真有足稱者。上特許贈為夫人。不為例。○甲子。召原任太子太保都察院左都御史王憲為兵部尚書。憲疏辭。上優詔不允。○丙寅。世雲南左布政使高公詔為都察院右副都御史。巡撫江西。先是江西缺。巡撫吏部左侍郎嚴嵩等推順天府尹王浚太僕寺卿戚儀。上以浚蒞任未幾。儀猶未仕。責嵩等輒便。

推用令封狀。于是蒿等具疏伏罪。復舉公詔。及廣東布政使徐
問。上乃用公詔。先差行人蔡輟行取。養病吏部尚書方猷。
夫猷。夫扶病就道。中途病滋甚。復疏乞回籍。上不允。詔沿途
調理。稍可赴京。復設大名兵備副使一員。遭倒為巡檢司。於
洪河口新鋪地方。從巡撫保定都御史林有孚奏也。○丁卯。
致仕大學士張孚敬疏問安。上優詔答之。○戊辰。孝惠太
皇后忘辰。遣彭城伯張欽祭茂陵。○以旱災。免陝西西安府
秋糧有差。○南京戶部尚書秦金疏陳便民六事。一浦子口馬
匹草料。舊於南京各倉。閩夫人馬。越江阻候。勞費宜于浦口鎮
改設草場。收放既便。于有司上納亦便。于軍士閩支。一南京定
場馬草。并內府各衙門細草。宜令蘇常諸府改徵折色。赴部召
商。上納底解。納無守候之苦。扣除無侵尅之弊。一水先之處。宜

用磚砌築固基以便積省小民鋪墊之費一織染局令用絲宜
委官於產絲之地照值收買應用毋專責舖戶以累貧民一湖
廣額辦折糧綿花絨自今宜令折價毋徒叢積本色至于陳朽
無用一浙江湖州府額解白綿三千兩給神樂觀樂舞生亦宜
改納折色每斤徵銀五錢令其得沾實惠戶部覆議從之命
都察院李差御史一員巡視廬溝橋○辛未○禮部右侍郎兼
翰林院學士顧鼎臣三載秩滿錄其孫謙亨為國子生○刑科
給事中王紉疏言積穀之議本以為民第恐奉行者不能体朝
廷至意就為苛虐務于取盈是欲利民而先病民矣請令戶部
從長計議上然其言下尚部議尚書許瓚覆奏曰今之所謂
積穀者即舉行預備倉之政也祖宗立法以備飢本不可廢
但弘治初年之例計里以定多寡則不能無取盈之弊今宜斟酌

酌舉行將先年積穀數目各照里分多少量減三分之一違為
勸懲之法如地方偏僻詞訟簡少者隨宜酌處其無名科罰一
切禁止 上曰積穀事宜不必拘泥舊例第令有司盡以贖贖
租課銀兩糴穀入倉以備賑濟仍置立文籍各巡按御史按季
稽查毋容侵匿其有多方科害小民以為功蹟者必重罪羽林
前衛指揮使劉永昌疏言臣竊觀史傳皆以數幸太學為帝感
節我國朝幸學之禮僅於登極後一行之其於作興道或有未
盡伏望 皇上每遇春秋開講經筵之始先期幸學拜祭先師
仍御奕倫堂進講宣諭賞賚如制則人心感奮而教化大行矣
詔下禮部議尚書夏言等覆臨幸太學尊禮先師實帝王崇儒
重道之盛舉我 皇上經筵日講未嘗暫輟又於文華東室奉
三皇二帝三王及周公孔子神位春秋開講祭告月朔行瞻謁

近於西苑無逸殿落成。大學士坐講幽風無逸諸篇。右文崇道之實誠遠邁前代矣。願臨雍盛事。惟於登極一行而近日釐正先師祝典以來未常恭謁永昌於春秋開講先期幸學則歲且再行。車駕太數。臣竊以明年朝覲考察會試之後天下大夫士會聚之時宜一舉行。壬申。陞福建布政使司左叅政宋景為四川右布政使。涇王祐楫奏。臣于弘治十五年封國蒙先帝給賜沂州等處棗溝蘆塘板準湖牧馬草場茶園倉山莊田七區及濟寧州稅課局一所。今部臣建議各王府自洪武永樂以後非欽賜係請給稅課河泊山場湖陂之屬。盡為裁革。念臣生於洪武永樂之後受封于孝宗皇帝之朝。似與諸府不同。況部臣所議本無莊田字樣。如倉山及濟寧稅課局固當如議入官。而棗溝等莊田六區仍請給以為贖。上從之。賜

勅獎勵靈丘王聰渴孝行從本府鎮國將軍成銅等奏也。○總制陝西三邊尚書王瓊言總制設自弘治中專為套計非欲其
盡轄四鎮數千里之邊務也今修牆塹東南自定邊營南山口
北至黃河岸橫城延袤三百里高深峻險各營官軍可畫地而
守不必集四鎮之兵專事攻討亦不必轉輸八府之粟大困民
力總制官可罷如 祖宗防邊舊制令陝西延綏寧夏甘肅各
鎮守分守信地得以自尊毋相牽制為便下兵部謀尚書王憲
覆曰瓊據要修邊分兵防守誠為至計但通聞衆入套往牧勢
必南侵恐官軍則權移各鎮兵馬調集不便 上曰卿言良足
三邊地廣虜情叵測防守調遣事權必宜歸一總制官設如故
。癸酉。欽安殿啟建新嗣醮事登壇真人官道各照樂舞生
例給淨衣一襲真人加紵絲衣一襲道官絹二縑禮部尚書夏

言奏故事凡春祈秋報諸齋醮事俱禮官奉迎青詞及監視法
事今 皇上舉行祈嗣之醮事体崇重亦宜照例遣官 上曰
茲醮事非諸齋可比實朕祈 天精神求嗣為國重典其以禮
部尚書夏言充祈嗣醮壇監禮使侍郎湛若水顧鼎臣充迎詞
導引官文武大臣郭勛李時王憲汪鏜翟奎日輪一員進香行
禮首終二日朕親行之 賜故南京工部尚書洪遠謚恭靖
詔定軍功襲替令兵部尚書王憲言令甲武臣非軍功不得世
襲而軍功亦生擒斬首當先奇功等項不同要在分別地方難
易時勢緩急事体輕重有不可一律齊者故陞賞則例各年不
同而選法存年亦當因之有辨邇建議者以正德間傳乞陞職
及邊例奏帶寄名軍伍等項俱得冒濫官職故欲痛為裁革以
慎名器但恐疾惡太甚行法過嚴遂使當先殿後斬將奪旗建

立奇功者亦與近年巧立當先銜鋒等項名也。一体混革人心不平。臣謹按武臣功次立為定法，以便遵守。永樂、正德、萬曆、天啟、崇禎、順治、康熙、乾隆、嘉慶、咸豐、光緒、宣統，各朝皆然。宣德十年四川松潘功，正統元年兀魯乃奇功，九年迤北克列蘇擒斬賊功，六年雲南麓川征苗賊頭功，照例准襲內越陞者減革。正統十四年至景泰元二三年大同東嶽廟雷公山黑峪口石佛寺宣府東南二小門洋河橋居庸關山西偏頭關代州北直隸文安霸州紫荆關西直門德勝門彰義門遼東八里莊薊兒山扣河空背陰寨佛僧洞等處當先被傷及殺賊功，越陞者俱襲。其召募陞職及當先又越陞者，不襲。福建浙江征勦鄧茂世葉宗泐等獲功六次及十二次，照例准襲內當先越陞者減革。景泰三年貴州香炉山功，四年遼東登州營等處功，五年

草蕩等處功雲南飛練等處功俱照例准襲內越陞者及被傷
當先交鋒并前探賊營貴州開通道路督運糧餉實執旗牌紀
功督戰等一功減羊天順元年山西偏頭關大同磨兒山黑石
崖楊家營等處功寧夏沙山兒等處功延綏西黃梁等處功五
年四牌樓殺反賊曹欽功七年貴州東苗功八年兩廣功俱照
例准襲內越陞及敵退賊營當先殺賊陞級昔俱減羊天順六
年至成化四年兩廣斬盡賊功俱不襲成化元年二年廣西荔
甫大藤峽功三年六年湖廣荆襄功四年貴州都掌新苗賊功
遼東建州功五年固原石城兒遼東建州征土達滿功功六年
榆林開荒川功九年榆林征達賊功陝西魚兒河紅鹽池功十
二年湖廣荆襄征進流賊及兩廣征蠻功十五年貴州西堡功
遼東建州功十六年大同威寧海子功十七年白派莊功十九

年朔州功駝梁等處功宣府韓家莊功二十年大同紅牆兒功俱照例准襲內越陞者及斬首二顆陞署一級者斬首為從奮勇當先被傷俘賊屬官領旗牌催戰及把總官殺賊一次無部下首級數目銜鋒督陣及哨探賊情等一切減革弘治八年甘肅涼州功十一年寧夏賀蘭柳溝功十二年肅州鎖南十功十七年遼東錦州沙河功十八年大同焦山兒功俱照例准襲其新獲幼小達賊及奪回婦女及二人共斬賊級一顆為從陞署一級俱不准襲十六年陝西葉蘭功陞級者俱減革正德元年大同功三年大同寧陽鋪功密雲黃崖功宣府独石功俱照例准襲內斬幼小達賊及二人共斬首一顆并銜鋒破敵及被傷陞級俱不准襲 上詔俱如擬會纂八會典永為定例刊刻榜文晚諭天下。甲戌 命藩府遙懿安王孫輔國將軍勳濟管

理平遠王府事。初上以西苑田畝農具耕種收穫之事有未成法令禮部戶部會議以聞至是禮部尚書夏言戶部尚書許讚等條具以進言西苑耕墾地五頃七十畝有奇歲用農夫五十人管農老人四人騾夫八人人日夫口糧三升太倉閏給仍復其身耕畜十六頭御馬監倉給以草料其農具俱出之內官監五穀種順天府送用倉廩農舍牛房工部蓋造每歲戶部侍郎一人郎中一人提督之所獲納之恒裕倉以備郊廟菜蔬撥太倉軍斗三十守之歲終戶部奏報其出入之數上從之仍付史館采輯。泰寧等衛夷人頭目塔十歹等海西渚冬河等衛女直夷人都指揮僉事娘你哈等各入貢宴費如例。乙亥。南京禮部缺尚書吏部左侍郎嚴嵩等言兵部左侍郎潘希曾刑部左侍郎閻淵俱可任上令別推于是嵩等復舉

南京吏部右侍郎李廷相戶部左侍郎王軌 上曰禮部尚書
乃禮部之長雖在番都亦係重任如何輒以年淺充之仍令再
推○遣隆平侯張瑄等為正使太僕寺卿何棟等為副使各持
節冊封藩府靈川王胤移為藩王妃苗氏為藩王妃遼東端和
王詮鉞庶長子勳澄為遼山王衡王祐禔庶第五子原炳為齊
東王趙王厚煜庶長子載培為獲嘉王汝源榮照王見淇庶弟
二孫輔國將軍厚焄為汝源王荆府樊山莊和王祐構庶長子
厚煖為樊山王暮府鉅野莊憲王當漁庶長健標為鉅野王夫
人趙氏為鉅野王妃周王睦禧嫡第十一子勤燧為柘城王庶
第十一子勤煊為修武王兵馬副指揮弼女傅氏為瑞金王妃
王雄女王氏伊府萬安王妃○革協守松潘南路右叅將沙金
回銜間任以四川都司署都指揮僉事丘夏代之從巡撫四川

都御史宋滄奏也。○丁丑。遣行人周文燭齋勅召致士少傅兼太子太傅吏部尚書謹身殿大學士張手敬復任辦事令亟乘傳赴闕。又以勅促之曰。朕聞君臣相與自昔為難。卿以赤誠輔朕。朕亦腹心。是託不意。一時被惑。自陷于過。奉朕不敢私特令卿致仕。以避人言。自卿去後。切轅朕思。聖母嗟問者亦數次矣。夫人誰無過。矧臣子于君父。義法具在。茲以萬机事重。輔贊乏人。朕費類必得。卿終始以佐之。而後可。今遣行人周文燭勅往起文燭。主日卿即兼程星夜而進。急復任事。庶慰我聖母至懷。以副朕思託之如忌而疑之。恐非事君之道。郡宜早來。以匡朕治。以符信俗。驗朕守侯。卿來故茲。催勅卿其承之。慎勿自負。上諭大學士李時等曰。卿等以朕建醮祈天求生。哲嗣為國重典。朕聞聖人有曰。不孝之罪無後。為大。今朕大婚十

戴近冊九氏嗣祥未兆乃遵 祖宗故事修醮以祈願若臣一
體况卿等愛國之心甚切昨有請已分遣廷臣傳之藏鎮但恐
擾民耳茲欲又侍朕行礼顯壇其悉听之禮部尚書夏言又請
令在廷文武百官各致齋以格高穹報可。改撫鄖陽都御史
袁宗儒巡撫山東。吏部右侍郎周用刑部右侍郎朱廷声通
政使司右通政鄖紳大理寺卿周雍刑科都給事中陳守愚
江西道監察御史丘道隆尚寶司司丞鮑說中書舍人周一元
等及五十餘人各疏乞賜款天記頌 祖德詩傳訓無逸殿碑
記明倫大典大孝行義諸書籍禮部尚書夏言等奏曰 祖宗
以來賜書皆出自持恩以示寵渥非親信大僚侍從儒臣鮮得
與焉未有比例陳乞若是紛紛者者今諸臣所請如卿佐如臺
諫固宜給之下是則職有業卑體有輕重與否惟 聖裁詔盡

給之。先是寧夏鎮撫臣歲陞陝西漢中衛寧羌衛官軍一千七百餘集寧夏小鹽池採備邊境苦寒軍士難之每行多道亡及病死十不得二三至於巡撫寧夏都御史胡東臯言軍士苦於遠戍每調遣如付水火既非人情又何功於備禦自今請勿調戍徵應調者各銀三兩輸之鹽池將領為修遣之費庶幾軍無失所而亦不廢邊防兵部議以為可詔從之。○兵科給事中高金廣西道監察御史唐愈賢奉旨查按御用監錢糧至是以狀聞具言內府所藏象牙畫絹諸珍奇之物為典守者所侵匿無筭奉御李興及匠役劉宗福輩罪在不道太監黃錦滕祥史相代署稽考無度亦宜切責以示戒。上曰該監所儲財貨既已查明李興等法司速問無貸黃錦滕祥更代不常姑宥之自今凡監錢糧俱令立籍備查無踵故習。○戊寅。陞翰林院

修撰馬汝驥為南京國子監司業湖廣按察司提學副使崔桐
為福建布政司左叅議

大明世宗肅皇帝實錄卷之一百三十二

大明世宗肅皇帝實錄卷之一百三十三

嘉靖十年十二月庚辰朔。初御史周相疏請革去餘鹽以通鹽法都給事中蔡經疏請量處餘鹽以濟遺儲且各欲修興屯政。上皆下所司議。至是戶部尚書許瓚等集諸大臣議以餘鹽雖非舊額而官民商竄進實賴之不可遽去且鹽法之阻滯非專為餘鹽也以勢豪則占中賣窩以狙獍則巧為侵剋以諸司則例外需求爰致商人不樂報中臣等亦嘗反覆深究其故大約有四曰餘鹽之取盈也引價之太高也搭配之弗便也遺方本色之難于糴買也今欲量處餘鹽宜查照邊例每筵二百斤淮南則納銀八錢淮北六錢以官價之教定平市之法筵葉各商勿得故裝大包餘數雖多無過正引其商人不欲附帶者聽之所入餘銀隨時盈縮不得拘定一例法外抑勒及稱貸預

納以定百萬之數多不為功少不為嫌准浙正價太重亦須酌損而准減一錢而浙減五分至庸極邊則准減一錢五分浙減一錢本鎮止開淮浙二鹽不得兼配他處其長芦原定二錢山東原定一錢五分似難增減仍照舊配支其餘各邊開中准鹽配長蘆者無山東配山東者無長蘆無使一人奔走三路准鹽輸本色折則本折中半長蘆山東通許折銀如是則商不告勞而其利亦均矣然此不過一時救弊之法耳乃若屯鹽相以屯政亟當修舉歛整飭之為力甚難若復遣大臣未免煩擾幸勅各鎮撫臣令其多方區畫開闢荒蕪禁止兼併興修水利增築城堡嚴謹斤墩使得盡力農政以求收復期以二三年間足備邊儲不貴鹽利則餘益之數始可徐謀而革矣謀入上悉從之。以災例免直隸應天蘇州常州鎮江等等府浙江杭州

湖州紹興嚴州温州等府金鄉等衛河南開封懷慶河南汝寧
等府信陽弘農等衛陝西延慶安陽絳德榆林等衛糧稅有差
其杭州北新關稅課于正額外餘銀輸南京者許存留本省以
各資海衛所急缺月糧仍命各處設法賑貸錦衣衛指揮邵輔
以 上臨御十年前星未耀請編禱天下名山大川 上優容
之。壬午。司禮監太監張佐等言臣等給事中禁無胥徒可
役止取給於人匠不事工作者當成化中賜臣等各有名數太
監掌印者六十人餘皆五十五人左監四十人右監三十人典
簿二十五人經廠六料廊等處各以資格遞減乞照舊例補給
臣等 上命如例撥用不得過多。癸未。改巡撫寧夏右僉
都御史胡東臯撫治鄖陽。乙酉。禮部右侍郎顧鼎臣言
皇上設醮先日陰雲解剝化晷熹微主二之日列風不興雲物

一色爰降瑞雪旦夕未已萬口謹傳以為 皇上精誠格天之所致也因進步虛詞七章復言七日奏進青詞尤為至要臣愚恐諸道派文執常者或慢易不潔幸戒諭之仍列五事奏上大抵皆壇中香水供獻道家鄙誕之語 上荅曰覽奏足見忠愛步虛詞留覽祈天求嗣朕已竭誠先嚴諭致一真人及百執事矣諸臣亦宜仰體朕心名兼丹誠以承天其五事悉如擬奉行○戊子。仰史喻希禮言 皇上祈嗣禮成精誠感格瑞雪遂降而臣以為 皇上所當召和致祥者不特此也往者大詔肆赦今歲復先行刑天下臣民咸沾慶澤而獨諫禮諫獄得罪諸旦違戍邊徵者未蒙原宥 皇上其忍遺之乎乞量移近地或特賜赦免則和氣蒸薰前星垂耀而諸福之物可致之祥莫不畢至矣 上曰希禮言祈嗣不在修醮在于求下夫臣得罪于

若乃其自取非君不仁也。願謂朕加罪諸臣，致遲胤嗣。此理有無人則知之。審爾是亦朕自取。所司即為叅看，以聞不得黨護已。而御史右僉亦言：「陛下」一日為幾經理芳彛，伏願幾存順。愿中涓太虛，凡人才乏用，舍政事之敷布，始以部院之詳度，繼以丞弼之可否，其弗協于中者，付之臺諫之公論。陛下恭默疑神，提其綱領，使真精內蘊，根本完固，則百斯男之慶自有不期。然而然者，抑臣尤有說焉。新建伯王守仁首擒逆隙，進封伯爵，嗣撫兩廣，賴之者定。後因疑謗，泯其遺功，大札大獄，諸臣昔以狂昧久嬰，竄置因舊，既久物故已多。望陛下錄守仁之勞，重頒卹典，宥諸臣之罪，寬假生還，則遠迓胥悅，懼忻交通，而太和之氣充滿宇宙間矣。上曰：「金欲朕勿御萬幾，即古奸惡道其君以不親政事之意，餘皆同希禮言，所司併看以聞已。」而尚

書夏言言希禮全謂宥罪可逢天休是徂常情福利之說謂養心不當勤政是啓人君怠逸之漸論事迂疏罪實難逭然原其本意似亦無他乞 皇上俯賜優容或量加飭治 上曰希禮全仇君怨上意在報復詞語奸巧欺悖為甚錦衣衛逮送鎮撫司嚴刑鞠治言等位列大臣朕所簡拔專務徇私不圖報王先已戒其黨奉旨恭劾又肆忽不公具以狀對。禮部左侍郎湛若水言 陛下以皇儲未逮精禋祈禱求之於神者至矣臣愚以為又當修其在己者以協應之所謂在己者收斂精神是已夫二氣儲精而神生焉精神者天地斂之以生成萬物聖人斂之以生威德而成大業是故斂則全用之則數目多視五色則散于五色耳多聽五聲則散于五聲心多役百為是以聖帝明王以耳目股肱之用托之於五臣而使翼為明聽焉誠願 陛

下凝神定慮不役精於耳目不勞神於思為以為生育之本
上曰爾既欲朕收斂精神便不必如此煩擾。己丑。給事中
孫應奎上言邇年以來吏曹專擅而不公本兵徇情而失富有
定權責役使而陞用非人有徇情受囑而心懷貪得陰所私而
援引要職有夤緣相知而移欵倖進披蕩風靡相從成裕夫天
下機要莫究於吏部兵部今乃積弊釀奸如此安望其仰裨聖
治乎幸 皇上聖明洞鑒此弊易置二部大臣但弊端既甚一
朝難覈至於四方盜賊多迫于不得已往年下詔免投首之罪
重逸執之禁其逾時不首者固不宜輒置不問以縱奸惡至於
執獲賊徒尤必研審情偽不得深文巧詆強伏其辜謀入從之
。辛卯。陝西道御史郭登庸為湖廣按察司副使提調學校
。致仕大學士張孚敬以西苑工成遣賜銀幣上疏陳謝 上

報聞因命孚收即遵前旨赴京。禮部覆都御史史道言。祖宗令甲凡歲貢生員必食糧年深者邇者建議之臣往往病其衰朽遂欲痛加汰黜大非。祖宗建學育才之意至欲盡一學精選之不拘其年之深淺夫是途之設本以待累舉不偶之士今之貢者亦前之銳志場屋者也今之銳志者亦有卒於不偶場屋者也且國家用人科目為重今止據少年一日之長遂今充貢是阻其終身科目之望而使年深者永無出身之途矣乞遵舊令有司推上正副貢各一人聽督學考定送部不必如近例增至四五人合試以濫凌奪奔競之弊。上悉從之且令頒示天下不得紛更奏擬。戶部員外郎范韶御史聞人詮各言寶應縣范光湖為歲潛必由之迤而湖澗水洶患嘗不測請開築越河道使舟行河中以免傾覆之患若河堤不堅決之甚易

宜建減水閘五座瀘赴海渠五條築堤節流以防衝決之虞工部工言韶生長湖濱諗昔宰茲縣見聞必審其說當從。上是之令總督漕運都御史等官會同勘視計處至當以聞。壬辰。虜犯應州大同鎮巡諸臣報斬虜二十餘級事下巡按御史查報兵部言虜所殘破者數十處得不償失請遣給事中一人會巡按勘奏報可已而給事中張潤身言巡按張祿奏上首功誇數十年未有之捷歷叙鎮撫勞代臣等以祿為可據而不知有大謬不然者方群虜侵掠縱橫無忌有溺死者有情歸者有因失印願獻賊首自贖者有棄兵馬而泣哀乞降者兼此勦襲當得全勝而乃計不出此如守備曹勳殺降虜於應州彭拱登江等逗遛不進所獲首級多殺來降者以覲塞責豈真有戰伐之功哉若復今祿同勘必不肯白相矛盾當別差御史一人以

往且邇來功罪不明皆由雷同附和雖奉旨查覆卒莫能正乞
勅各御史重懲此弊 上是之命別遣御史會給事中從公勘
報以從御史奏提本兵務要實論功不許扶同附和。先是指
揮楊玉以江彬逆當充永遠軍其子鵬賂本衙指揮武鏗等扶
同結得襲父職至是事露兵部言武職罪謫戍永遠者例但
免其子補軍不得襲以其情罪深重擯其嗣以示。夫何
而年以來許襲其長子而補次子以軍役殊背 祖制請論如
法得旨楊鵬不准督襲武鏗等法司連治之。禮部王事田汝
成言 皇上以青官久虛祈天建醮復普放生之仁凡羈蹄鐵
鬮禁在上林者咸得翔空走野而顧使囹圄之徒久繫薇纆至
於衣冠之倫以狂謬觸諱派胤荒裔父子不得相顧離披隕獲
魂長魄存凡此皆 陛下之赤子也伏望大擴仁恩軫念芻獨

勅下法曹如熟審例盡錄罪人因其輕重或即縱歸或從未減而謫戍者亦罪分別情罪或賜生還或徙近地則明詔一出萬姓騷騰而和氣氤氳群祥委集矣 上以汝成職非言官率意妄奏切責而宥之仍奪俸二月。甲午 貞惠安和景皇后忌辰遣儀賓周鉞祭 陵寢 命右都督馬永掌南京役軍都督府事。兵部議覆總督漕運都御史劉節所奏地方事宜一外銜所春秋兩秋官軍查撥開補俱憑各所管軍百戶至於軍逃之役叅提任俸止及指揮千戶而不及本管百戶一體罪罰一徐州并豐沛蕭碭四縣原無領養種馬止是寄養各處馬駒正德末年以鳳陽等處隣郡災傷那派馬匹然每匹止徵銀一十五兩既無種馬餵養之累亦無本色解俵之費及徵派馬匹比之各州縣止得四分之一極寬處似難再議蠲免一壽州有壽

春驛復有遮運所有道里偏僻一驛以飭厨傳足矣具新站驛東抵壽州西抵甘城各七十里與甘城抵潁州一百二十里者遠近相同若使壽春直抵甘城道里甚均則新站一驛實為多設當與壽州遮運所並行裁革議入俱從之。己未。○總制陝西尚書唐龍議上賑濟事宜一劄平糴富家能減價糶穀與民百石以上量為賞發五百石以上奏請冠帶二千石以上奏請表為義門以示勸若有擅富要利者罪之一鬪官通饑民未輸賊後者俱各停免一寬私債俟年豐漸次理還凡恃強而挾取其所賑之銀者有罰一節用度民得賑貸有司諭之以供饘粥毋他有所費一撫逃移民出亡境外而或未歸者多方招集倍與賑濟而牛種不給則借於有力之家一審 寨軍民一縣西安等衛及鳳翔千戶所屯寨軍餘極貧者宜與百姓同賑一恤

老羸民年七十以上者增給布一疋一收遺棄子女有司立法
養以同收能養二十口以上者請給冠帶以優之一賑粥糜貧
民得給銀而尤宜鬻粥以食乞丐就食者一給醫藥饑餓之徒
疾病來之官為置買藥物屬善醫者分鄉設局以療饑疫之民
一瘞道埋掩骼埋瘞仁政所先有司嚴飭居民不時掩埋一戒
浮費官府費用取之里甲務宜節省宴會餽遺悉為停止一停
勾攝大訟不得不聽而一切小事暫停鞫理一禁閑糶山西湖
廣河南三省臣得兼制凡往來糶買者有閉道者聽臣速治重
一祈禱即今旱燥復熾麥尚有未種者有司各省過竭誠以祈
雨雪卷八 上俱從之仍諭以督率所屬着實舉行。丁酉
上裕亨 太廟。戊戌 命都指揮僉事王効克協守延綏副
總兵。庚子立春 上御奉天殿順天府宮進春群臣稱賀賜

食春餅。改總制陝西太子太保兵部尚書王瓊為吏部尚書兼官如故瓊疏辭 上答曰卿 先朝舊臣望隆中外邇來總制邊方經略防禦懋著勞績銓衡重任特茲召用卿宜悉心展布庶涉明允以贊朕治不必再辭。辛丑。御史楊宜言瓊者沙汰生員之令下而督學使者奉行過刻畧無愛惜之意其年少者以文詞不工見然長者以齒貌近邁不容甚則 浪擲毀譽輒加擯棄沮父兄教子弟之念驅衣冠為田野之傭且吏冊所載有增廣生員之名也迹其意指似與 祖宗育才之心先王教人之法相背乞下明詔命所司加意作養毋徒以黜退為功 上然之下禮部議覆如其言仍請申明 祖宗臥碑及今所降勅諭持之明倫堂使許生永為遵守毋庸更立條約專事繁苛命題不得破析經義取文則當崇雅黜浮而尤宜致重德

行其不率教者始與衆共斥之庶法令修明而人才輩出詔從之。御史謝蘭條上遼東邊防事宜一遼東各守堡官往往賞緣倖進一官到堡百計股索役遇員缺請令鎮巡官會同巡按御史公同選委務在得人一凡查勘功罪俱屬河東河西守巡二道而諸臣因循玩瑣顧輒委之經歷等官各官名位既輕且不請刑律率多通曉受囑增減情節朦朧回報以致功罪不明賞罰失當宜專責守巡必躬詣其地悉心查覈無得轉委遷延一遼東東南多金銀穴口內流民誘亡命盜礦甚者肆出剽掠及其事覺調戍皆編發三萬遼海缺嶺三衛道里不遠易於竄歸人放輕犯當發之口西別省衛分以杜其歸路仍諭山海關主事于高民奸聞出入盡法議察之兵部覆其言俱切時樊弟軍化編三衛者善以填實軍伍係題准事例乞令撫按中會議

以聞詔從部議。壬寅 命收兌平大興二縣貧民二千七百
四人入養濟院每人月給口糧三斗成給布一疋流民二千三
百三十二人發糶羊臘燭二寺給濟。初給事中魏良琦等以
年饑遘食者多謀欲安置都督桂勇言遘食中慮有包藏禍心
者當設法杜遺 上命所司集議至是戶部會諸臣議謂貧病
無歸者例當收養無賴為非者法當禁緝宜勅諸司分別謀處
於每年秋杪冬初嗣續收養務使奸人不得濫冒衣糧無所版
剋復諭巡捕都督使部署所屬晝夜偵伺如有欺毆搶奪諸不
法事即如律違治內審家鄉可歸生理未廢者省令各還鄉土
尤中覺察之令嚴違坐之法度變盜竊不與都會寧謚詔如議
○南京御史喬英上七事一曰辨邪正臣聞臺諫每以天下公
議為主臺諫者衆論之會也以衆論為公議以公議為定見則

邪正自判二曰審用舍 陛下察張乎敬之姦而去之察秦金
之賢而用之是矣然其間猶有用之而不果舍之而不決者伏
願於廷臣之中有類乎敬者必去之於廢棄之中有類秦金者
必用之使傳法沙門護法善神者不得繼而起三曰開言路邇
者言官論列動罹斥辱乞優容之以言被斥者或仍復其官或
量遷其職四曰廣仁恩大禮大獄諸臣議論乖違自取譴誦然
無他故可罪 陛下比之惡逆之儔不蒙赦免亦輔導者不能
將順德意耳乞廣好生之德賜之生還五曰謹災異回祿肆殃
星雷屢災四方災異繼作弭之之術在於安民寬力役薄賦稅
安集流離使無一夫不獲則人定可以勝天矣六曰抑祥瑞祥
多則驗心易生瑞集則怠心易起臣以為有祥不必獻即獻不
必賀以杜詐偽之端息諛諛之習七曰備盜賊山西草寇甫除

山東礦徒漸起四川流氓雖滅湖廣江盜未平竊恐延蔓不絕
遂成大患當修武備繕城郭積倉廩實軍伍時教閱以戒不虞
疏下所司 命武靖伯趙世爵為五軍營園子手坐營官 太
僕寺少卿戴金上言馬政事宜一各州縣管馬赴京俵馬時宜
將所屬馬匹并折色草場子粒等項錢糧完否及馬戶見在逃
移數目登載冊籍赴寺比驗至管馬通判年終掣總仍備列其
臧否分管寺丞復開報其事蹟然後寺卿據以察考定其殿最
一分別里遠近以定遲限之罪如保定真定河間大名廣平永
平順德七府山東兗州東昌二府河南彰德府地里近者首運
以四月半次運以八月半山東濟南府河南開封衛輝二府遠
在千里外首運以四月終次運以八月終或有事故及文移可
據而馬銀完足並非改差代解者亦免其罪一申明代解事例

蓋馬至中途管領非人往往作樂抵換請令各州縣管馬官缺
即以次別以無本州縣官始取諸隣境而縣有裁革者乃遣應
役吏典至於通判掣總尤為緊要有托故改差者叅問如律一
管馬官員間有才識優長公勤幹事三年之內解依馬匹類多
中選者臣等奏請獎勵仍移於曹量加陞擢否則奏請罷斥部
覆從之。南京守備魏國公徐鵬舉奏太平安慶二府江賊數
百餘肆出剽掠上責守巡等官防禦不嚴令停俸戴罪勦捕
詔籍沒故中官谷大用財產初都察院獻大用獄入上御
平臺召大學士李時翟奎問谷大用事都察院覆本當否時對
以所擬招罪與律不合家產入官律止是三條謀反叛逆姦黨
大用所犯未應籍沒坐以此律恐無以取信於天下故臣等上
擬一半入官上曰大用先朝壞政正是姦黨如何不取信

于天下臺曰 皇上猶天春生秋殺無所不可時等請俱收入
官 上用然於是盡沒其產。改雲南騰衝軍民指揮使司為
騰衝衛。癸卯。初御史謝蘭巡按遼東劾奏守備都指揮馬
士廉貪婪不法已奉旨革任而巡撫都御史周叙復稱士廉謀
勇可用于是蘭復執所論士廉頗其叙抵任未久所言不足信
兵部覆言撫按官舉劾牴牾宜行訪勘 上從之仍諭以虛心
評議不許偏執回護。乙巳。詹事府少詹事兼翰林院學士
張潮復上疏乞歸 上以潮日侍講讀諭以前旨不許。以災
詔停徵順天所屬倒失馬價及累欠地租候年豐追補其寄養
馬不堪來者盡鬻償貯庫餘改發各州縣富民領養。遼南京
御史馬敬喬英陳洙李祥余勉學劉志仁李松何宏陳府宋宜
等下詔獄敬等劾奏陝西三邊總制王瓊本以狎邪小人忝竊

高位外示村野中藏狡詐麤鄙近利恣欲徇財好剛使氣陵轢
縉紳報復恩仇中傷善類昔結納張水及附錢寧江彬等派惡
先朝罪在不赦幸 皇上登極寬之於法不意旋即賜環今
復內召今夫兵二部各缺尚書若復使瓊任之則昔年奸惡行
將復肆以貽患朝紳紊亂國政天下之禍有不可勝言者矣
上怒曰王瓊 先朝舊臣風有才望近年總制遠方勞績尤著
朕心簡在故茲召用馭等乃輒敢徇私瀆奏其令錦衣衛繫械
來京下鎮撫司揚訊○丙午以災免南京錦衣衛等二十七衛
所屯糧子粒銀有差○河東運使王濬疏奏三邊總制尚書唐
龍昔在吏部時先陞運使王袍聽張孚敬之煽停袍改官而以
濬陞補詔逮治濬龍聞之上疏言袍昔為撫臣所論例初降級
本部作缺以濬陞補原無所為蓋濬前為平陽知府時與臣有

卻故以此中臣既詬曰大姦人曰張孚敬之鷹犬凡所以汙駸
臣者無道力焉且臣與孚敬跡既甚疎謀復多忤負辱蒙垢誠
有不甘乞退休以全名節 上曰覽奏朕具悉以違忝王濬卿
宜安心供職不必深辨○丁未○巡撫順天都御史王大用言
歲方大祲民估死亡而盜賊四起請發通倉及內帑銀米數萬
分賑之民間一切通員亦當停免給事中魏良弼等亦以為言
皆下戶部部覆查本地方見存粟一十四萬八千九百餘石及
贖罪四萬餘兩原以備荒者令所司悉為括出仍發通倉粟一
萬二千石太倉折草銀一萬二千石盡付撫臣督所屬酌量賑
濟其粗賦無問遠近俱暫停徵及官吏俸廩口糧從宜補給
上悉如議命即遣郎中一人會同撫按官多方賑貸務俾民露
實惠不得從來彌文○以明年元旦節遣恭順侯吳世興等分

祭 七陵恭和伯陳萬言等祭 恭仁康定景皇帝陵窆 悼
靈皇后陵窆

大明世宗肅皇帝實錄卷之一百三十三

大明世宗肅皇帝實錄卷之一百三十四

嘉靖十一年正月庚戌朔 上御奉天殿受朝賀 兩宮皇太后 莊肅皇后及 中宮俱免命婦朝賀 罷百官節宴賜鈔宴王府進賀人員及四夷朝使於闕下 辛亥吏部尚書王瓊以南京御史馬欵等論其不職當罷因上疏曰當臣任尚書時欵等尚未出仕臣之歷履彼何由而知蓋臣之讎姦餘黨尚有在顯位者臣秉銓衡非其所利故陰嗾欵等論阻以遂其私但臣既被誣詆義難在列乞賜骸骨歸田里 上優詔不允 先是巡撫順天都御史王大用奏順天府屬被災特其請議蠲免賑濟部議發通倉米一萬二千石太倉銀一萬二千兩屬大用多方賑給各項逋負暫停徵解得旨悉如議行仍令擇素有才幹郎中一員往會撫按賑濟於是戶部言郎中翁萬達可議詔

趣萬達至往會同撫按多方賑濟以體朕愛養元元之意已大
用等奏饑民衆多請增給銀米詔更發倉糧一萬五千石給銀
一萬五千兩給之○壬子 宣宗章皇帝忌辰 奉先殿行祭
禮遣定國公徐廷德祭 景陵○吏科左給事中魏良弼言南
京御史馬駁等遠在留都事多傳聞未能深知 陛下所以召
用王瓊之意乃泛舉往事肆為論說狂妄之罪固所難辭第駁
等職居言路心實無他且 聖主御世寧使有狂言無使有隱
論疏入 上以其懷怨黨蔽令錦衣衛逮赴鎮撫司拷訊已付
法司論贖還職仍奪俸一年○癸丑吏部尚書王瓊等言考察
事例載在 業朝令甲止據三年任內事蹟初非通考生平業
行邇來不諳此例往往苛求有已陞外官因前任京官而被點
者有已陞尊官因前任卑官而被點者惡惡長而善善短殊失

惜才之意請今歲大計一遵舊例其有在任緣事等官亦當據
其考語去留不可輒議罷斥詔如議○丙辰海西連州女直夷
人及朵顏三衛都督等官各來朝貢宴齋如例○丁巳詔立
顯陵純德山碑及陵宮門外左右碑亭二區左以紀述瑞應右
樹祭告碑文仍於從峪山陽春臺各樹一碑錫獻皇及上
御製皆建亭護之○戊午時享太廟世廟○己未奪定國公
徐延德安昌伯邵杰彭城伯張欽祿俸各一月陵辭疏
失格故也○禮部奏往以正月之吉大祀天地入覲臣僚四
品以上皆得陪祭今大報之禮行于冬至而祈穀之典舉于孟
春諸臣常親者見集闕下請令四品以上皆得陪祀祈穀如昔
年大報例從之○庚申以糧運三年及額陞江北把總指揮徐
珪遮洋把總指揮黃東俱為署都指揮僉事○辛酉補服闋原

任掌南京翰林院事侍講學士郭維藩為翰林院侍講學士。○
壬戌欽安殿建醮三日夜以武定侯郭勛為上香使輔臣皆入
陪祈 聖嗣也。○乙丑陞吏部右侍郎周用為本部左侍郎太常
寺卿掌國子監祭酒事許誥為吏部右侍郎初吏侍缺部舉原
任吏部左侍郎溫仁和禮部左侍郎湛若水可用得旨另推乃
以誥及南京吏部右侍郎李廷相名上竟用誥云。○丙寅 上
以將行祈穀禮親詣 南郊視牲仍命文武大臣徐延德翟鑾
王瓊汪鉉更視。○英宗睿皇帝忌辰 奉先殿行祭禮遣昌
國公張鶴齡祭 裕陵。○改翰林院侍講學士吳惠郭維藩俱
為本院侍讀學士陞右春坊右中允廖道南右贊善蔡昂俱為
翰林院侍講學士兼理文官誥勅。○丁卯吏部奏朝覲考察天
下官員年老左布政使葉濟等一百四十九人有疾右叅議楊

朝鳳等五十五人罷軟左叅政黃焯等三百三十五人不謹左
布政使李寅等七百九十八人貪酷左叅政蔣山卿等二百八
十二人才力不及左叅政張懷等二百九人在逃同知姜輅等
二百四十人詔致仕閒住為民調用如例○虜酋卜兒孩者本
北虜小王子部落也以內亂奔據西海久為甘肅患又時侵掠
亦即骨土魯番諸夷苦之至是因屬夷帖木哥等納款求通貢
市且欲與帖木哥結親永為和好鎮巡官以狀聞兵部議覆虜
酋內附誠不可拒但其謀多詐且未有信使往來恐為所紿
上是之命總制尚書唐龍及鎮巡官各遣人偵探虜情的確議
處具奏○戊辰以將祈穀 南郊告請 太祖高皇帝配神於
太廟遣武定侯郭勛代○提督兩廣兵部右侍郎林富以母
老身病乞休不許○南京提督織造太監李政以事完疏請回

京 上命支南京承運庫銀三萬兩照舊織造○己巳褫巡撫
延綏右僉都御史張宏職閒住時巡按御史張景言宏偏執失
士卒心恐致他變乞改宏別用而命老成持重者代其任 上
以宏有負委託特命黜之○以災傷免四川重慶順慶保寧叙
州馬湖等府屬稅糧有差○巡撫延綏都御史張宏巡按陝西
御史朱觀奉旨勘上原任延綏巡撫蕭淮諸姦利狀言淮在鎮
時信任納緡指揮使房梁嘗以修造冒侵馬價贓罰八年元早
軍人饑甚淮不即奏請賑恤而屯田僉事張策鎮守太監趙亨
總兵官張鳳亦皆坐視遂使軍丁轉死溝壑至三千餘人馬死
至八百餘匹房梁等罪宜提問張策趙亨張鳳宜加薄罰蕭淮
侵盜有跡今雖物故法當追究詔以房梁等下巡按御史逮問
趙亨且有之張鳳罰俸三月蕭淮追奪職銜行廣西巡按官嚴

提親屬追還所侵盜解克邊用。○庚午戶部尚書李瓚卒瓚山
東濮州人弘治丙辰進士歷刑部主事員外擢通政司叅議以
忤逆瑾謫江西饒州通判有平盜功瑾誅復故歷大理寺卿會
都御史巡撫順天保定遷通政使掌鴻臚寺會朝議欲城白羊
口以瓚為副都御史經畧邊關連鎮邊長峪二城以工部侍郎
總理河道會礦盜起命瓚率兵剿平之改戶部侍郎總督倉場
進本部尚書秩滿引年致仕至是卒其子侍即廷相以聞詔賜
祭葬如制贈太子太保。○辛未驚蟄節始行祈穀禮於 園丘
遣武定侯郭勛代行禮初 上更定郊祀謂 二祖並配非古
禮欲分配 園丘 大祀殿因諸臣固請乃許 大祀殿祈穀
奉 二祖配而心不然也十年正月上辛 大祀殿行禮畢諭
大學士張孚敬 二聖配 帝之事決不可為乾後世自來只

是 祖配 天今大報并祈穀供當奉 太祖配 尋親製祈穀
祝文并儀注改用驚蟄日行禮于 園丘奉 高皇帝配儀祝
大報少殺著為定典至是 上以疾不能躬事乃命勅代 上
自即位歲親郊其遣代實自此始於是給事中葉洪奏言祈穀
大報祀名不同共為 郊天一也 祖宗以來無不親郊成化
弘治之間或有他故寧展至三月行禮不過謂郊禮重不宜
攝以人臣請俟 聖躬萬福即於仲月上辛改卜其吉 鑿與
仍親行禮 上曰祈穀之祭與大報不同禮文自有隆殺况遣
官代祭乃 祖宗朝故事洪妄言姑不究已而刑部主事趙文
筆亦言勅武臣不宜代祭 上以勅乃勲威重臣不可與武職
比奪文筆俸五月○陞廣西布政使司右叅政朱鳴陽陝西行
太僕寺卿孫鳳俱為右布政使福建布政使司右叅政郭持平

為按察使鳴陽浙江鳳湖廣持平雲南○壬申大學士李時等
具疏問安因言祈穀禮成 聖心已紓惟有朝日社稷其期尚
遠伏望 聖心少安倍加調攝此時風氣尚寒尤宜慎避請多
免朝參數日其朝覲諸臣尚候糾劾領勅請命法司科道具疏
糾奏綸音批答 上曰卿等所言具見忠愛至意朕體素弱茲
冒寒卧榻已七日矣 聖母壽辰須強起稱壽仍加調理方可
視事朝日社稷可供遣官代祭惟耕藉改卜次戊侯親行以盡
力事深感之意朝覲官可令諸司具奏遣還供職卿等及大小
臣僚皆宜同心體國○禮部尚書夏言以歲當會試條奏科場
三事一變文體以正士習言近年以來文章日趨卑陋往往剽
剽摹擬園左等書以相矜眩不過以艱深之詞飾淺近之見用
奇僻之字蓋庸拙之詞而純正博雅之體優柔昌大之氣蕩然

無存自 皇上登極以來屢渙德音黜浮崇雅乃昨歲天下進
呈錄文類皆猥鄙不經氣格卑弱背戾經旨決裂程式其立意
以為高者則浮誕誇詭而不協于中騁詞以為辯者則支離磔
裂而不根于理文體大壞比昔尤甚今年望勅考官務取醇正
典雅溫柔敦厚之文一切鴛鴦翼偽鈞棘軋茁之習痛加黜落
庶幾士知所向文體可變二貴主司以定程式言應試之士校
於風簷寸晷之中欲實錄其文可為程氏者蓋已絕無間有所
以試錄文字多出主司之手而兩京會試皆館閣儒臣所為足
為海內矜式近令錄士于本文不必考官自作所以各省試錄
文理紕繆體裁龐雜乞令考官今次會試所命三場題目俱要
冠冕正大有關理道不許截裂牽綴徒事帖括及因以隱僻有
如覆射若士子可錄之文仍令考官重加裁正以示模範三簡

考官以重文衡言同考試官例用翰林講讀官十一人給事中
三人司屬三人今本院自侍講以下通得十一人則當盡數入
場方足供事乞勅內閣於科部六人之外再訪三四人以補翰
林不足之數疏奏 上報日文運有關國運所係不細近來士
子經義詭異艱深大壞文體誠為害治其出榜晚諭今年會試
文卷必純正典雅明白通曉者方得中式若有仍前鈎棘奇僻
痛加黜落甚則令主考官奏聞處治餘依擬○改南京國子監
祭酒林文俊為國子監祭酒○陞陝西布政使司右叅政李淮
為都察院右僉都御史巡撫延綏等處地方○癸酉吏部尚書
王瓊等以 上有疾不視朝具疏問安且謂臨軒視事不便調
攝請免朝參數日順養 聖躬 上報曰覽奏悉忠愛至意
朕體猶未平更須旬月調理卿等宜體國奉公恪共厥事以副

朕懷○詔定西侯將壘子傅嗣爵○謫戶科左給事中孫應奎
為山西高平縣縣丞初給事中王準以論劾大學士張宇敬桂
等請雲南富民縣典史至是考察以不謹間住應奎為不平遂
劾奏都御史汪鉉陞為學政等報怨準且準已陞知縣原非
在逃即中途事故止應查究苟無他罪豈宜遽爾擯落夫一準
何足惜第使後來者以準為鑒相率結舌以持祿位則所關匪
細乞復準原官仍切責鉉為大臣黨比擅立威福者戒詔吏部
查準歷年考語以聞尚書王瓊言準托疾不至據法當黜非敢
有他銘亦上章自理 上遂謫應奎而斥準為民○錄九年三
月劄書賊若龍族獲功陣亡官軍李臣等七百餘人各陞賞如
例巡按御史胡明善以督剿有功命候在京相應員缺陞用○
甲戌大學士李時以上所賜銀圖書藏在內閣為盜所竊具

疏言狀得旨令徽衛五城刻期捕盜務在速得○發太倉銀六萬兩淮浙長蘆引鹽五萬兩于寧夏以四萬兩為明年年例七萬兩為例外接濟之數從撫臣胡東臯請也○戶部奏派鹽引言各邊額引并預備客兵及補歲用不敷三項共該鹽一百六十七萬五百七引而各運司歲辦額鹽止該一百三十四萬一千九百二十四引有奇計額外增益殆三十餘萬引引日有限而關中無窮存積愈勦而分派難繼恐非經久之法據今嘉靖八年以來存積鹽數見有一百八十二萬餘引尚堪補糶議將本年額鹽開甘肅二十二萬引寧夏大同宣府遼東各一十四萬引各照近議分撥召中共該年存積引鹽四十二萬一千九百二十四引有奇俟地方緩急另行奏請其該補歲用不敷之數撥嘉靖八年存積鹽七十五萬五百七引分給宣府遼東

延綏寧夏甘肅五鎮或召商報中或收銀折支聽以便宜酌處
以後除額鹽四分照舊分派及歲用不敷通融湊補外其各邊
另撥客兵鹽七萬引行各巡撫及管糧郎中歲終預行查報有
無支用如無客兵往來未經動支者扣留存積不必另撥庶出
入有經而邊餉鹽法兩利俱通矣詔如議○直隸巡按御史孫
錦以保定河間等府災傷奏請賑卹部議發太倉銀二萬兩賑
之 上曰保定河間地方災傷重大該部仍照順天府事例選
委屬官一員齎銀往會撫按該法賑濟務俾民需膏惠以副朕
安養黎元之意戶部以卹中徐元祉名上報可○戶部尚書許
讚言頃值歲出道殍相屬仰賴 皇上遣官賑恤待哺之衆咸
若更生然而疾困未紓轉徙如故則有司不能上體 聖心下
恤民隱寬省之實未盡煩苛之弊未除耳或恣意科罰則多方

腹削而錙銖不遺或擅興工作則終歲營修而生理盡廢或濫受詞訟則根株之獄繁興或非時點閘則追呼之擾不息以此四者施於樂歲猶懼不堪况此饑民有不逮其溝壑之轉者哉請勅各被災地方撫按官員嚴督所屬務摺費停工簡訟弛後與民休息其有貪肆顯著多事擾民者亟以不職論罷庶聖澤下霑民困可甦疏入上曰覽奏具見卿等體恤民至意即行令各該撫按官員從實舉行嚴加禁約違者坐贓治罪○都察院覆清軍御史鄭漁言便勾解以實軍伍限清軍以蘇民困二事請充軍人犯若事情極重例該極邊者如舊定發餘無論終身永遠就量本省遠近編補若有膏放逼逃者一年之內指揮十名以上鎮撫六名以上百戶四名以上依律叅奏問罪降級舊劄卷御史多考不過年餘清軍御史必以三年為限久

可以無近近不可以無久自後劄卷御史不必專差但過清軍之年選委御史清理竣事日就將應劄文卷照劄一周先行奏繳其清軍數日俟還京日奏繳未完卷簿如無清軍御史交代即交與在所巡按帶管詔如議○乙亥賜故瑞安侯王橋祭葬橋 貞太后姪也侯八年而卒禮臣以橋呈親祿封奏給卹典如例○南京中府都督同知楊宏以擅乘肩輿為御史喬英所劾詔奪俸三月○詔戶部侍郎張雲督率郎中張玩及順天府上林苑監官於西苑先築壇隙地及 仁壽宮西梨園各栽植桑樹以供蠶事○丙子禮部以 聖體違和具疏問安 上報曰朕體漸平朔日當視朝候 慈壽節與卿等食壽麵其諸暇日仍免視朝○賜太子太傅豐城侯李昊祭葬謚武襄昊正德三年嗣侯鎮守貴州嘗擒思南石阡流賊及平定苗蠻有功

賜勅褒獎歷掌南京中左二府協同守備提督五軍營掛印鎮
守湖廣兩廣召提督十二圍營並五軍營操練十年六月十六
日卒○大學士李時等以 上體新愈請暫停 聖母壽辰過
宮稱賀之禮以順養天和 上曰朕體已漸平復第尚虛耳目
者 聖母臨問面諭旦日免賀且曰汝能從吾言愈於祝慶覽
卿等所奏不但極其忠愛且以慰 聖母慈懷○吏科都給事
中李鳳來等以朝覲考察拾遺糾奏浙江左叅政萬潮右叅政
萬廷彩廣東副使江良材四川副使林遂陝西副使許路浙江
叅議吳廷翰山西僉事辛東山知府李翔等皆貪肆不檢乞至
罷斥部覆擬廷彩遂翔留用潮良材路廷翰東山改調簡僻從
之○陞江西道御史譚縉湖廣道御史李美真定府知府曹嘉
俱為按察司副使縉河南美貴州嘉山西○廣西按察司提學

僉事黃佐以母病引疾乞休未報輒解任去詔下巡撫官逮問
巡撫林富奏佐擅離職守罪當罷斥第為親受法情亦可原詔
令致仕○丁丑賜故南京戶部尚書鄧璋祭葬贈太子太保璋
順天府涿州人成化二十三年進士授南昌府推官召為御史
歷大理寺丞少卿以僉都御史巡撫遼東宣府遼南京戶部侍
郎為逆瑾所構下吏致仕瑾敗起副都御史巡撫河南歷兵刑
侍郎右都御史總制陝西三邊以病請告已召提督甘肅經畧
哈密夷情遷南京戶部尚書自陳致仕璋撫河南勦流賊總制
陝西擊套虜經畧哈密土魯番遂納款前後以功屢受勅獎十
年十月二十一日卒○設福建龍巖縣適中驛○詔建造穹壇
悉依郊壇之制○戊寅陞國子監司業陳寰為南京國子監祭
酒○韓府襄陵等府鎮國將軍偕洙等奏稱各宗祿糧自嘉靖

五年以來積欠計三十餘萬石有司不能給日今饑饉荐臻米價翔貴束手待命無以自存乞發內帑銀兩布政司貯庫等銀量行補給庶可少延部議贍發太倉銀三萬兩給之 上曰宗室祿糧積欠數多情委不堪依擬動支太倉銀三萬兩并該省在庫堪動銀兩相無支補後不為例○戶部覆直隸巡按御史錢學孔條奏三事一嚴追併以社積弊蘓松等府錢糧豪猾侵欠者動以萬計事發追賠百方詭脫名為監禁替代居多名為變產占怯如故及當比較則又騙詐平民為害滋甚宜勅撫按官嚴行所屬查有侵欺等弊除年遠產盡者勘實除豁其餘務拘正身立限追併不許隱匿產業攀無辜每季終取具州縣追完錢糧數目量其多寡以示懲勸一時微解以杜侵欺錢糧侵欠多由姦徒包攬或賄結官吏憑藉勢要不即微解延至日久

官吏遭代輒圖埋沒宜行府縣禁羊包攬凡糧長庫役每歲一更錢糧既完務嚴限起解歲終以完解數日籍報撫按一羊賠補以便徵納包賠糧石經年累歲虛數徒懸宜革除舊額惟清踏田糧伴賦因由定後與糧均它如蘓常餘米之征池太廬洲之課或利歸勢豪或地多坍塌併行撫按勘實蠲除以甦民困詔如議○詔大同等道立義塚凡陣亡軍民及凶歲死亡無主者俱令有司收瘞仍降文諭祭之從御史徐汝圭奏也○己卯武定侯郭勛等以上體已平請於顯靈宮建醮祝釐上嘉其忠愛許之

明世宗肅皇帝實錄卷之一百三十四

明世宗肅皇帝實錄卷之一百三十五

嘉靖十一年二月庚辰朔 上疾有瘳御正朝祀先聖先師於
文華殿○戶部左侍郎葉相以疾乞歸許之○起原任巡撫浙
江都察院右副都御史王冕封巡撫陝西○壬午 章聖皇太
后聖旦免命婦朝賀宴文武羣臣及朝覲官四品以上於午門
各王府遣使奏賀宴賚如例○陞南京禮科給事中丘九仞為
湖廣布政使司右叅議○夜五更有星見東南方蒼白色微芒
至十九日始滅○癸未改南京國子監司業為汝驤為國子監
司業○禮部尚書夏言以 上體未立請今歲 帝社 帝稷
及歷代帝王先農等祀俱暫遣官代行仍免行耕藉禮詔可○
後軍都督府掌府事右都督桂勇卒勇應元衛千戶以武舉起家
歷保定叅將平流職有功擢鎮守江西副總兵改隸京營出

兵前鎮宣大禦虜有功克左叅將提督京城捕盜累主若右都
督 武廟南幸扈從已革為都指揮同知甲中大同兵變以勇
克總兵官鎮守其地勇至誅其渠首六十餘人詔進都督同知
召入克總兵官平聲盜楊忝等進右都督掌後府事勇歷官京
師前後皆提督徵卒至是卒禮部奏勇累有戰功詔賜祭葬如
例○甲中陞南京戶科給事中林士元為湖廣按察司副使南
京吏部指勳司署即中領陽和為四川按察司僉事提調學校
○命提督團營軍務武定侯郭勛兼掌後軍都督府事○勅東
官廳總兵管署都督僉事卻承提督京城內外巡捕○乙酉山
西蒲州地震○命少詹事兼翰林院學士張潮翰林院侍講學
士郭維藩主考會試○丙戌祭大明於朝日壇遣武定侯郭勛
代○湖廣黃岡縣民徐大誥一產三男斬水縣產嘉禾三十餘

董多者至一德九岐都御史凌相以聞詔嘉禾爲之 太廟賜
相欵幣○世禮科都給事中王汝梅爲浙江布政使司左叅政
南京兵部車駕司初中王銘爲雲南按察司副使南京禮部儀
制司初中陳良謨爲湖廣布政使司右叅議○丁亥釋奠先師
孔子命大學士李時行禮○戊子祭 太社 太稷命成國公
朱鳳化○遣戶部尚書許謙代祭先農○己丑土魯番速壇滿
達兒等天方國速壇札利丁等撒馬兒罕速壇阿卜馮亦等哈
密衛襲職都督米兒馬黑木等及額即札哈中等各遣使入
貢謝恩共四百人以上禮部言哈密貢期故與朵顏三衛相同
祖宗定制皆許其一半一貢每貢不過三百人三衛皆許入
京哈密則十人起送二人存留八人在邊今西域諸夷遠在萬
里素非屬國難比三衛貢期而諸國遣來使人數過倍番文

二百餘通皆以取討牙木蘭為詞中間求索賞賜數且不贊似
是假托覓伺以覘朝廷處分邊臣不遵明例一際起送有非法
體至于誦即亂哈辛乃體輒回走舊未入貢今亦遣五十餘人
辰皆土魯番部落所做請下督撫諸臣以後哈悉術公當如近
例驗放土魯番者免入貢之責分別存留起送仍出奉印勒合
給付使臣入京比對仍勿諸臣毋得延宕目前貽禍異日俞紉
欵之虛名夫禦夷之上策庶使遠人敬憚國勢尚尊 上可其
奏○祭 帝社 帝授命武定侯郭勛代文武大臣朱鳳張偉
衛躋李時翟鑾王瓊王憲汪鏞夏言張雲顧昂臣吳憲廖道南
陪祀○孝貞純皇后忌辰 奉先殿行祭禮遣定國公徐延德
祭 茂陵○庚寅廢刑部尚書王時中子宇綱為國子生以三
年考滿也○以大同饑從巡撫都御史王潮奏詔發太倉銀二

萬五千兩賑之○毛憐等衛女直都督木哈尚等入貢宴齊如
例○命撫寧侯朱麒掌中軍都督府事○辛卯大學士李時等
以 聖嗣未降請 上自製祝文遣廷臣奉香帛詣嶽鎮名山
祝禱 上曰朕思卿等所言出于忠懇至誠不當已者但遣使
遠出未免擾吾百姓可公遣道士齋奉香帛幡祝行令所在守
臣竭誠行禮卿等可詣地祇壇前告仍卜筮於 太廟禮部議
奏以聞於是禮部尚書夏言等言古者望祭山川蓋以山川在
遠不能就祭故延迓其神遙望而祭之乃者 皇上北建祇壇
以崇陰祀自嶽鎮海瀆以及遠近名山大川莫不虔業即此而
禱正合古人望秩望衍之義但古者望祀之禮山川並行而茲
者輔主之請止于嶽鎮竊以海瀆山川發祥功靈與嶽鎮同功
元基運翔聖神烈 天壽 純德諸山又 祖考安靈之地尚

之水木本源枝流所賴祈禱之禮似不可缺請每壇降命大臣
一人主祭令勳戚文武重臣一體陪祀以同致感格之誠 皇
上乃欲卜 太廟之中舉行卜筮固尊 祖敬 神之歡心但
太卜筮人之書既已失傳而 天子所用龜必千歲者必九尺
又未可卒致令第祇修望秩之祀以祈 百神之佑則繼明之
業自當未占有孚臣等謹遵 聖諭據古典撰擬儀注呈覽詔
從其請遂命武定侯郭勛大學士李時翟鑾尚書王瓊汪鉉夏
言詣壇以祀○壬辰禠原任南京禮科給事中鄭慶雲職閒住
坐請告不候命輒歸及守制復不赴京闕頌勛合故也○中軍
都督府僉書署都督同知楊宏以病乞致仕許之○甲午道政
使陳經以 聖體未平請暫免御門宣奏詔免朝十日○乙未
祭歷代帝王遣大學士李時代大學士翟鑾尚書王瓊汪鉉夏

言分獻○遼東管糧署詔中事主事寇天與奏劾鎮頭年災傷
米豆踏賈請將本年春夏二季官軍月糧量增折色寧前錦義
廣寧海州開原豐陽等城堡糧加銀二錢料加銀一錢豐陽鐵
嶺中國汎河撫順等處糧加銀一錢料加銀五分待秋收停止
詔許之○丙申刑科給事中徐俊民疏言國家根本莫重留都
南北咽喉莫急運道茲惟鉅任貴在得人竊見河道都御史李
緋漕政不修一籌莫展操江都御史張璠任性中方妄作威福
即指揮等官斃于杖下者幾十人以故小民不安相聚為盜沿
江剽掠殆將百艘乞更置二人以靖地方得旨緋曠職令開任
璠法刑肆虐特黜為民○陞山東右布政使遼憲為南京應天
府府尹○戶部覆給事中王璣等條奏清理庫藏因事一編商
人以杜包攬言內庫錢糧拖欠數多弊在包攬宜編餘商人凡

遇折色錢糧責令挨次辦納或本色揀退者亦令平估貼換庶
已攤之契可革一更庫夫以絕交通言各庫庫夫有大帶帶名
色交通內外弊端非一宜嚴一定皆有占後生事者引例發遣
一庫折色以防欺偏言各省解到物料類多折色而批文中仍
稱本色名實相左甚弊易生宜行各省凡起解折色宜明開折
數數目毋得隱稱本色公相欺誑如原係本色而解戶那移者
聽巡視糾道官從重究治一精揀擇以懲虛冒近年京庫物料
類多濫惡不堪供用宜令經收官員嚴加揀擇其有清雜不中
程度者二分以上將原物罰貯廣盈庫解戶法司選問仍令賠
補庶抵冒者不敢為毒詔如議○山西平陽地震○給事中秦
鰲上言四季一壽委任監督節慎庫官按季輪差職守不一乞
命吏部註選一官專理以三年為期委官協理者半年一換一

俱稽考工部四司物料節慎庫銀兩各立文簿紀實在新收開
除亦以三季之期差官查盤各廠委官陞遷者查明錢糧方許
離任一詳支放凡四司怕取節慎庫銀兩明着為某爭取某人
銀若干放與某人一覽可知其應用物料先儘各司見貯者支
放已盡方聽召商買辦其四司銀兩又宜各貯四室以防那移
侵盜之弊一便製造上用器皿等物皆于南京各監局製辦
嚴用執料在于臨清燒造運載頸煩騷擾為甚乞將各省物料
悉歸京師上用之物悉歸工歸臨清軋廠移文之天津近地
尤為一勞永逸既入下工部議覆委任稽考支放三事俱當依
擬惟南京成造器皿臨清燒軋係舊規行文似難頓改乞行查
議從之○丁酉錦衣衛運南京御史馮敷喬奏陳涿李祿劉宗
仁李松何宏余勉學陳府宋宜至詔差瑛撫司鞠問○戊戌

恭仁康定景皇帝忌辰遣儀賓周致祭 陵寢○給事中劉瓛
等以內府管庫中官多為姦利請三年一行考察禮部議上其
奏 上曰內官不必考察自後敢有需索侵尅出納留難者令
監收科道等官指名劾奏○以旱災免湖廣武昌漢陽黃州德
安荊州岳州襄陽承天永州長沙甯慶辰州等府稅糧有差○
刑科給事中徐俊民疏請更定田賦言今 聖明在上銳意太
平而禮樂未興風俗未厚則由田賦不均而生養未遂故也以
今田賦言之有受地于官歲供租稅者謂之官田有江水泛漫
溝塍湮沒者謂之坍江有流移亡絕田棄糧存者謂之事故官
田貧民佃種私入租三斗或五六斗或石以上者有之坍江事
故二項虛糧里甲已賠或一二石或數十石或百餘石者有之
夫民田之價十倍官田窮民既不能置而官田糧重每病取盈

蓋以冊江事故虛糧又苦攤納追呼敲扑歲無寧時而甚富備
胥方且詭寄那移併糧必重此小民疾苦閭閻凋瘵所以日益
而月增也臣請立為均糧限田之制將郡縣田糧隨各處原額
通融均派無論官民合為一冊冊江事故悉與蠲豁具舊熟新
墾一例起科就中分為三則膏腴為上沿山邊海及居湖腹者
為下肥磽瘠者為中上則全徵本色中則半折下則全折仍做
一夫百畝之意上富一夫無過千畝中富五百畝下富二百畝
各聽以百畝自給而其羨田每畝量加輸邊之稅亦以三則為
差一天適止百畝者免其輸邊此外除大限以五十畝官官加
給土田五十畝凡有羨田一體加稅如此則多寡有節輕重適
宜貧富相安公私俱足積貯充而遺墮有備矣章下戶部覆言
疆土異制民俗異宜卒難更始宜行各省撫按會同守巡點計

其便報可○已交陞陝西按察使楊守禮為山東右布政使江
西按察司僉事吳瀚為湖廣布政使司右叅議○庚子賜補故
南京禮部尚書江瀚謚文昭從其子應天府尹晚陳請也○詔
以通志河腳價銀五千兩修築天津迤北一帶要兇渡黑龍口
桃花口等處決口○辛丑清明節遣建昌侯張延齡恭順侯吳
世興安仁伯王桓祭 七陵長寧伯周大經祭 景皇帝陵駙
馬都尉謝詔祭 悼靈皇后陵○壬寅賜鄭王厚烷四書五經
性理大全各一部從王請也○命都察院出榜禁約金山玉泉
七崗山紅石山龐山香峪山寨口諸係 陵京龍脈處所毋得
造墳建寺代石燒灰○癸卯起服闋都察院右副都御史潘珍
以原官提督操江陞大理寺左少卿戴時宗為都察院右僉都
御史總理河道○發太倉銀十三萬五千餘兩于陝西補修邊

借支之數從總制唐龍請也○甲辰陞四川布政使司右叅政
于柱為陝西按察使○命寧陽侯陳纘祖掌南京左軍都督府
事○乙巳詔補鑄銀圖書一賜大學士李時○以稽誤 團丘
磁碑遠江西饒州府知府祁欵下法司問降為邊方雜職○丙
午陞南京大理寺卿潘旦為南京吏部右侍郎初李廷相以憂
去吏部凡三推 上皆不用至是以都御史劉節及旦請及始
用旦○廣東陽春西山賊趙林花黎廣深等攻陷高州府大掠
而去巡按御史吳麟以聞因劾總兵官戚寧侯仇鸞巡撫都御
史林富及叅將司府諸臣失事之罪詔停鸞富等俸戴罪督兵
剿捕務速殄除以靖地方○丁未兵部言南京江戰縱橫吏不
能治請易置操江黃寧伯劉忝并乞戒諭南京內外守備忝督
巡視諸臣責以備賊自劾 上是其言華忝任聞住餘令戴罪

捕賊○命工部增造佛朗機銃十二圍營演習○戊申詔取
會試中式舉人林春等三百二十名○山西太原府地震○從
制南繕汀漳右副都御史陶諧疏言守令陞遷太驟民不蒙福
乞自今行取知縣必以六年為期科道諸臣抗論失旨者乞稍
優容之知府以上乞休養病等項有才力尚堪驅使者疏請簡
用吏部議覆進士知縣六年行取多齟齬不可行餘如諧言得
旨兩京科道既多缺人法司見今遠聞者其即擬罪具奏知府
而上堪用者亦疏名以聞○陞太僕寺火卿許宗魯為大理寺
左少卿○直隸巡按御史徐汝圭奏言頃者畿輔荒歉特蒙
聖恩發金賑卹但自司今行每無良法給散或托換銀色或減
火數目或開報疎漏或給發後特及其閏領又或茲徒頂冒吏
胥科求里甲扣除債主攘奪名為賑饑實為豪強而已宜勅各

撫按官嚴督有司悉心區畫將應賑丁口以累貧次資極貧定
爲三等僅帶從人親詣各鄉分別賑給如有里胥侵冒等弊從
重治罪此外勸借富民不必責令出粟惟將老弱疲癯不能領
賑者勸令就近收養計所收養多寡折免徭役收百口以上者
授以冠帶仍表其閭事終曩有司勤怠分別勸懲庶荒政克舉
聖澤下究疏上 上以所言多可行者下戶部議覆如法主言
上茲賑濟事宜議處既當即行各該撫按并遣去節中舉行
毋得視為虛文徒應故事○己酉 昭聖皇太后聖旦詔免命
婦入賀宴文武學士于午門各王府奏賀人員宴賞如例○召
選大學士張孚敬奉命就道先具疏謝曰臣伏在山中驟聞
使命伏讀 御書惟勅誨諭謀切又諭上勤 聖母至懷顧臣
齋愚何以得此嗚咽感泣伏地不能自興臣竊循首鼠承委託

萬無寸効且深昧事幾至罹罪咎仰荷 聖慈不加誅竄賜歸
未幾復承召命揣量匪才懲創往過分當辭免念惟 聖恩同
天生未能報死有餘辜又仰荷 聖母出慈 聖諭戒切臣非
惟不敢辭亦不忍辭也拜命倉皇星夜奔赴計程隔月獲覲
天顏謹先奏謝比至丹陽及德州間 上以疾免朝又具疏馳
奏起居 上皆優詔報謝